

Siunnersuummut nassuiaatit

Nassuiaatit nalinginnaasut

1. Aallaqqaasiut

Pisortanit ikiorsiittutit aaqqissuusseqqiffiginissaat pillugu siunnersuut imminut pilersorsinnaalerulernissaq pillugu Naalakkersuisut naalakkersuisoqarfiit assigiinngitsut aqputigalugit suliniutaasa atortussanngortinnissaanut ilaasutut isigineqassaaq.

Piujartitsinermik tunngaveqarluni inuiaqatigiinnik pilersitsiniarluni anguniagaqarnermi pisinnaatitaaffiit pisussaaffiilu ersarissuunissaat, innuttaasullu tamarmik ataatsimoornermikkut ilanngussisarnissaat pingaaruteqarpoq. Uani pisortanit ikiorsiissutit aaqqissuusseqqiffiginerat ilaavoq, tassami aaqqissuusseqqinnermi amerlanerit suliffeqalersinnaanissaat aaqqissuusseqqinnerup tapersersussavaa, taamaalillutillu ataatsimoornermut ilanngusseqataassallutik. Innuttaasuni piitsuussuseq annikillisarniarlugu innuttaasup inuunermi atugarisaanik pitsanngorsaanissamut aamma kajumissuseqalernissaanut aaqqissuusseqqinnermi innuttaasoq periarfissinneqassaaq.

Sulisinnaasut amerlanerulernissaat aamma isumaginninnermi, suliffeqarfeqarfimmi, ilinniartitaanermi peqqinnissaqarfimmilu suliassaqarfinni suliniutinut allanut naammangitsumik naammassisaqartarnerup alineqarnissaa aaqqissuusseqqinnermi siunertaavoq. . Inuiaqatigiit katitigaanerisa ineriartorneranni unammilligassat pilersartut qaangerniarnissaanut sulisinnaassuttip annertusineqarnissaa pisariaqartinneqarpoq. Pingaartumik inuusuttut sukkanerusumik ilinniarnermik aallartitsisarnissaat suliffeqalernissaalluunniit pisariaqartinneqarpoq.

Pisortanit ikiorsiissutitut aaqqissuusinerup nutaap inunnut ilaqtariinnullu imminnut pilersorsinnaanngitsunut aningaasaqarnikkut sunnuteqarluartumik ajutuunnginnissamut atorneqarnissaa siunertaavoq. Pisortanit ikiorsiissutit meeqqat piitsuullutik peroriartornissaasa akiorniarnissaanut iluaqutaanissaa pingaaruteqarpoq. Sanngiinnerpaat meeqqallu peroriartornermikkut inuuniarnermikkullu pitsaasunik atugassaqaarnissaat inuiaqatigiit isumagissusaavaat qulakkeerlugulu.

Peqatigitillugu pisortanit ikiorsiissutinik tiguisartut inuunermi atugarisaminnik namminneq pitsanngorsarninnut akisussaassuseqalernissaat, pisariarfissaqarpallu imminnut pilersorsinnaalernissaat aaqqissuusinerup peqataaffigissavaa. Tamanna ilaatigut akigititamit aalajangersimasumit ikorfartorneqassaaq - aamma tapiisoqassappat tapiineq ilanngullugu - tassani pisortat pilersuinermik ikiorsiissutaannut allanut naleqqiullugu appasinneruvoq.

Aaqqissuussineq sapinngisamik annertunerpaamik paasiuminartuussaaq pisartagalinnut toqqissisimanartuulluni, taamatullu pisortat – kommunit – aaqqissuussinerup siunertaanut atatillugu kinguneqarluartussamik aamma allaffissornermut tunngasut eqqarsaatigalugit iliuuseqarniartartussaallutik.

Pisortanit ikiorsiissutit pillugit peqqussut atuuttoq arlalinnik unammilligassartaqarpoq, aalajangersakkanillu ullutsinnut naleqqutinngitsunik arlalinnik imaqarluni.

Pisortanit ikiorsiissutitut aaqqissuussinermut massakut atuuttumut sivisuumik arlalinniillu isorinninneq ingerlasimavoq. Ilaatigut Akileraartarneq Atugarissaarnerlu pillugit Isumalioqatigiissitaq kiisalu Kalaallit Nunaanni Aningaasaqarnermut Siunnersuisoqatigiit tassunga tunngatillugu sunniivigeqatigiittarneq pillugu ajornartorsiutinut, pisortanit ikiorsiissutitut attuumassutilinnut, isornartorsiuisarsimapput. Sunniivigeqatigiittarnermik ajornartorsiutit, inuit ilaannut pisortanit ikiorsiissutinik tiguisarnermut taarsiullugu suliffeqarfeqarfimmi nalinginnaasumi suliffissarsiorinissamut ilinniagaqalernissamilluunniit aallartitsinissamut aningaasaqarnikkut iluaqutaanngitsunik kinguneqartarput.

Pisortanit ikiorsiissutinik aaqqissuseqqinnermi ikiorsiissutit ilusaasa, sulianik sullissinerup, sullinniakkat suliniutissallu pillugit sunniivigeqatigiittarnernut ajornartorsiutit arlallit sammineqassapput, tamakkulu ilaatigut Det nationale forsknings- og analysecenter for velfærds (VIVE)-p pisortanit ikiorsiissutit pillugit 2018-imi misissueqqissaarneranni uparuarneqarput. (<https://www.vive.dk/da/udgivelser/analyse-af-offentlig-hjaelp-13023/>)::

- Suliffeqarfeqarfimmut sammitinneqartumik ikiorsiissutini pilersornissamut pisortanit ikiorsiissutit ikiorsiissutigineqartartoq kisiartaalluni akileraaruteqaataasussaangilaq. Tamatuma innuttaasunut ikiorsiissutit paasiuminartuunissaat ajornarnerulersippaa.
- Ullup ilaannaatigut sulilernissamut kajumissuseqarnissaq amigaataavoq, tassami pisortanit ikiorsiissutinik tiguisartut isertamikkut 100 %-imik akileraartussanngortarnerat ullumikkut sulisaatsip kingunerisarpaa.
- Aapparisaq inooqatigisarluunniit suliffissamik tigusinissaminnut kajumissuseerussinnaavoq, tassami taassuma aningaasarsiai pisortanit ikiorsiissutinit ilanngaatigineqartarmata. Aapparisaq inooqataasorluunniit sulinersoq imaluunniit pisortanit ikiorsiissutinik tiguisarnersoq apeqqutaatinnagu ilaannikkooriarluni ilaqutariit ataatsimut aningaasarsiaat allaanerussuteqarneq ajorput.
- Pisortanit ikiorsiissutinik tiguisartunut kommunini neqeroorutigineqartunut naleqqiullugu, ilinniagaqarnissaq imaluunniit akissaatikitsunik suliffeqarnissaq ilaqutariinitt meerartaqartunit kajumigineqarneq ajorpoq, tamannami aningaasaqarnikkut iluanaaruteqarfiunngimmat.
- Pisortanit ikiorsiissutit utertinneqarnissaat pillugit piumasaqarnissamik pisortanit ikiorsiissutit pillugit peqqussummi kommunit killeqartumik inatsisitigut tunngavissaqarput. Innuttaasut ilaannut pisortanit ikiorsiissutit pillugit aaqqissuussinermiiginnarnerminngaanniit suliffeqarfeqarfimmut ilannguteqqinneq taakkununnga aningaasat atorsinnaasaat ikilinerannik

kinguneqassaaq. Utertitsinissamullu pisussaaffeqarnej ajornerpaaffiani angerlarsimaffeerunnermik kinguneqarsinnaavoq.

- Sulianik suliarinnittartoq ullumikkut qaammatit tamaasa aningaasartuutitut aalajangersimasunut tapiissutinik aalajangersaasarpoq, tassami tapiissuteqarnissap ilaani tassani qinnuteqartup ineqarnermut akiliutitut, kiassarnermut il.il. aningaasartuutitut uppersaasinnaanera apequtaasarmat. Pisortanit ikiorsiissutit ikiorsiissutit amerlanersaasa ilaat missingiiffiqartarnerat kommuninut sulianillu suliarinnittartunut ataasiakkaanut allaffissornikkut ilungersunartumik suliaqarnartuuvoq.
- Angerlarsimaffeqanngitsunut pisortanit ikiorsiissutinik tunniussisoqarneranut atatillugu "aalajangersimasumik najugaq" kommunit ilaanni qanoq nassuiarneqassanersoq nalornissutaasarmat, pisortanit ikiorsiissutit pillugit peqqussut angerlarsimaffeqanngitsunut kommuninullu ajornartorsiutinik pilersitsisimavoq allaffissornikkut erloqisitsisarluni.
- Sulisartut sapaatip akunneri 13-it sinnerlugit suliffeqarsimanngitsut napparsimanerup nalaani suliffeerunnermi ikiorsiissutinik pinsinnaatitaanngillat, kisianni pisortanit ikiorsiissutinik qinnuteqarsinnaallutik. Tassani unamminartuusoq tassaavoq innuttaasunut taakkununga napparsimalinnginneq sioqqullugu suliffeqarfeqarfimmiissimasunut, pisortanit ikiorsiissutit tamatigut namminneq angerlarsimaffimmiiginnarnissaannut naammanneq ajornerat. Napparsimanermik eqqugaasunut tunngatillugu ajornartorsiut alla tassaavoq inuit napparsimmavimmi uninngasut pilersornissamut aningaasartuutinullu aalajangersimasunut pisortanit ikiorsiissutinik pinsinnaatitaannginnerat.
- Innuttaasup pisortanit ikiorsiissutinik pisartaqartup suliffissanut utertinnissaa pillugu ingerlatsinissanik neqerooruteqartarnej ukkatarineqanngippallaarpoq. Pisortanit ikiorsiissutinik tiguisartut amerlasuut ataqatigiimmik aaqqissuussinermi sivisuallaamik uninngaannalertarput. Aamma suliniutigineqartut ataatsimut naammattumik isiginniartuunngillat oqartussaasoqarfiillu assigiinngitsunik suliallit akornaninngaanneernej ajorlutik.
- Oqartussaasoqarfiit assigiinngitsunik suliallit akornannit ataatsimullu isiginnittumik suliniutit amigaataasarnerisa siusissukkut pitsaaliuiffiusumillu suliniutit suliarineqarnej ajornerat killeqartumilluunniit ukkatarineqartarnerat aamma kingunerisarpaat. Taamaattoqarnerata meeqqat inuusuttullu atugarliortut ilaqutariillu atugarliortut ajortumik ineriartornermik kipisitsinissartik atugarissaarnerulernissartillu ajornarnerulersittarpaat.

Ilisimasatigut tunngaveqarnej annertunerusoq pisortanit ikiorsiissutitut aaqqissuussinerup aaqqissuuseqqiffiginerani aallaavigineqarpoq.

Naalackersuisoqarfik isumaginninnermut suliassaqarfimmik akisussaasoq sinnerlugu pisortanit ikiorsiissutitut 2018-imi misissueqqissaarnermik VIVE suliaqarsimavoq, tassanilu ilaatigut sunniivigeqatigiittarnermi ajornartorsiutit suussusersineqarput. Ukioq taanna nassuiaat "Piitsuussuseq naligiinnginnerlu" pillugit nassuiaat naalackersuisoqarfiup saqqummersippaa, tassanilu inuiaqatigiinni pissutsit amerlangaatsiartut piitsuussutsimut pisuusut erseqqissarneqarpoq. Piitsuussutsip akiorneqarnissaanut sunniuteqarluartumik suliniuteqarnissaq taamaammat ataatsimut isiginnittumik politikeqarnissamik

piumasaqartitsivoq, taamaammallu sammiviliiffik taanna pisortanit ikiorsiissutit aaqqissuusseqqiffigineranniippoq.

Tamatuma saniatigut kommuninit, suliffeqarfeqarfimmi illuatungeriinnit aamma Kalaallit Nunaanni Naatsorsueqqissaartarfimmit misilittakkat ilisimasallu pisortanit ikiorsiissutit aaqqissuusseqqiffiginerisa ilusilersornerani ilanngunneqarput.

Ilinniartitaanermut- suliffeqarnermut- aamma akileraartarnermut suliassa qarfinni annertunerusumik ataqatigiissumik aaqqissuusseqqinnissamik suliniuteqarnermut killiliussat iluanni pisortanit ikiorsiissutit pillugit aaqqissuusseqqinneq isiginiarneqassaaq.

2019-imi innuttaasut 4.760-it pisortanit ikiorsiissutinik tigusaqartarput, taakkunanngalu angutit 2.515-iupput arnallu 2.245-ullutik.

Innuttaasut 2019-imi pisortanit ikiorsiissutinik tigusaqarsimasut ukiumikkut kommuninullu agguataarnerat kisitsisitigut paasissutissanut takussutissami tullinnguuttumi takuneqarsinnaapput.

Ukiut	Katillugit	Kommune Kujalleq	Kommuneqarfi k Sermersooq	Qeqqata Kommunia	Kommune Qeqertalik	Avannaata Kommunia,
0-17 ukiullit	118	6	42	59	6	5
18-29-nik ukiullit	1.376	289	452	248	204	183
30-39-inik ukiullit	1.013	171	358	167	158	159
40-49-nik ukiullit	730	111	242	131	108	138
50-64-inik ukiullit	1.379	257	485	216	179	242
65+ ukiullit	144	21	55	22	28	18
Katillugit	4.760	855	1.634	843	683	745

Najoqqutaq: Naatsorsueqqissaartarfik.

Pisortanit ikiorsiissutit pingaarnerunngillat

Pisortanit ikiorsiissutit pillugit inatsit pingaarnernani periarfissaavoq, imatut paasillugu; pilersornissamut il.il. allatut aningaasarsiornissamut periarfissaqarpat, taava pisortanit ikiorsiissutit pillugit qinnuteqarnissaq periarfissaalersinnagu, periarfissaq tamanna atorpeqassaaq. Meeqqat tapersersorneqarnissaannut Inatsisartut inatsisaannit aamma Inuit innarluutillit tapersersorneqarnissaannut Inatsisartut inatsisaannit ikiorserneqarneq ilaqutariinnik tamarmiusunik ukkataqarsinnaavoq, taamaammallu imaassinnaavoq pisortanit ikiorsiissutinik tiguisartuq tiguisartup suliffeqarfeqarfimmut qaninnerulernissaanut suliniummut ilaareersinnaavoq. Matumani angajoqqaq atornerluisuunermut katsorsartinneqartoq pineqarsinnaavoq.

Meeqqat tapersersorneqarnissaannut Inatsisartut inatsisaat imaluunnit Inuit innarluutillit tapersersorneqarnissaannut Inatsisartut inatsisaat malillugit tapiiffigineqartartunik pisortanit ikiorsiissutinik tiguisartuq ilaqutaqarsimappat, suliniutigineqartoq ataqatigiissaarneqassaaq.

2. Siunnersuummi immikkoortut pingaarnertit

Sulineq imminut akilersinnaasariaqartoq pisortanit ikiorsiissutit aqqissuusseqqiffigineranni tunngaviulluinnarpoq. Sapaatip akunneranut nalunaaquttap akunnerini ikittuinnarni sulisarneruppat, aapparisaq inooqatigisalluunniit sulinissamut kajumissuseqarnera pineqarpat imaluunniit meeqqanut pilersuisuni sulinissamut kajumissuseqartoqarneq pineqarpat tamanna atuuppoq. Taamaammat pisortanit ikiorsiissutit ima qaffasitsigissangillat sulinani angerlarsimaanneq akilersinnaanerussalluni. Tamakku peqatigalugit inuiaqatigiinni innuttaasunut sanngiinneraasunut ikiorsiissutit ajutuuinnginnissamut ikiuutaassapput.

Taamaammat ikiorsiissutit siunissamillu ikiorsiissutigineqartussat ilusissaanut eqqortumik oqimaaqatigiittoqarnissaa nassaarisariaqarpoq, tassanilu sulinerup imminut akilersinnaanissaanut tunngavimmik isiginermik, aamma Kalaallit Nunaanni najugaqartut inuuniarnissaminnut tunngavissaqarnissaat pillugit soqutigisassat arlallit tunngavigineqassapput.

2.1 Pisortanit ikiorsiissutit

Pisortanit ikiorsiissutit utaqqiisaannaagallartumik tunniuttagaapput, taakkulu innuttaasoq sulilernissaminut piareerpat, suliffeqarfeqarfimmi ilaalerpat imaluunniit siusinaartumik pensionisiant nuuppat atorunnaassapput. Tamatuma - suliniutit innuttaasup suliffeqarfeqarfimmiilernissaanut imaluunniit ilinniarnissamut piareernissaanut ikiuussinnaasut - ikiorsiissutit suliniutinut annertunerusumik malinnaatinneqarnissaannik pisariaqartitsinermut erseqqissaataavoq.

Pisortanit ikiorsiissutit pillugit ilusissami nutaami ukkataralugit immikkoortut sisamat aqqissuusseqqiffigineqartut inatsisissatut siunnersuummi immikkut suliarineqarput. Immikkoortuni ukkatarineqartuni taakkunani innuttaasup nammineq pilersorsinnaannginneraniit nammineq pilersorsinnaanermut nuunnissaa siunertarineqarpoq.

Immikkoortut pingaarnerit aaqqissusseqqiffigineqartut sisamat tassaapput:

- Innuttaasunik isiginninneq
- Iliuusissanut pilersaarusiunneqarnissamik pisinnaatitaaneq suliniuteqartussaaitaanerlu
- Inuussuttunik immikkut ukkatarinninneq
- Ikiorssiisutit aaqqissugaanerit

Innuttaasunik isiginninneq

Innuttaasut tamarmik nukissaqarput inuiaqatigiinnilu naleqarlutik. Pisortanit ikiorssiisutit aaqqissusseqqiffigeqqinneqarneranni tiguisartut innuttaasutut nukissalittut isigineqarput. Taamaalilluni pisortanit ikiorssiisutit tiguisartut ataasiakkaat periarfissaqarnertik malillugu pisinnaasatillu malillugit ilanngussisinnaapput ilanngussissallutillu.

Taamaammat massakut kajumissuseqarnerup amigaataanera akuerineqarunnaartariaqarpoq, tassanimi innuttaasut sapaatip akunneranut nalunaaquttap akunnerini ikittuinnarni sulisinnaasut sulinerminnut tassunga iluaqutissinneqarneq ajorput. Suliffeqannginnermiit nalunaaquttap akunnerini ikittuinnarni sulisarneq innuttaasumut suliffeqarfeqarfimmut qaninnerulernermik kinguneqassaaq. Pisortanit ikiorssiisutit tiguisartut suliffeqarfeqarfimmut ungasittut suliffeqarfeqarfimmut qaninnerulernissaannut ikiorneqassapput.

Innuttaasup suliaqarsinnaannginnera pinnagu innuttaasup suliaqarsinnaanera ukkatarineqassaaq.

Iliuusissatut pilersaarummut pisinnaatitaaffeqarneq suliniuteqarnissamullu pisussaaffik

Pisortanit ikiorssiisutit pillugit massakut aaqqissuussinnermi atuuttumi pisortanit ikiorssiisutit tiguisartut suliniuteqarfiginerat amigartumik ukkatarineqarpoq. Aaqqissusseqqinnerup innuttaasut nukissaannik ukkatarinniffiuneranut uiggiullugu, nukissat tamakku suliniutinut neqeroorutit aqutigalugit siuarsarneqassapput. Pisortanit ikiorssiisutit taamaalillutik kisimiitinneqassanngillat. Tamanna suliniutinut pisortanit ikiorssiisutit tiguisartut ataasiakkaat tapersorsorneqarnissaannut ineriartortitsiffiunissaannullu "tasioqateqassaaq".

Suliffissaaleqineq immi pisortanit ikiorssiisutit tiguisinissamut tunngaviusinnaanngimmat suliniutinut pisariaqartitsinnermut tamanna qanimut attuumassuteqarpoq. Pisortanit ikiorssiisutit pisinnaatitaaneq suliffeqannginnermi inooqatigiinnermi pissutsinut ataqateqarneranik pissuteqassaaq - soorlu napparsimalersimaneq atornerluisuunerluunniit.

Taamaammat pisortanit ikiorssiisutit tiguisartut inummut immikkut aaqqissuussamik iliuusissatut pilersaarummik pisinnaatitaaffeqalissapput, tassanilu innuttaasup pisunut pisortanit ikiorssiisutit qinnuteqarnissamut pisariaqalersitsisunut tunngatillugu ingerlariaqqinnissaanut ikiorneqarnissaa siunertaavoq. Tamatuma peqatigisaanik pisortanit ikiorssiisutit tiguisartut inummut namminermut iliuusissatut pilersaarut malillugu suliniutit

isumaqatigiissutigineqarsimasut suliarinissaannik pisussaaffilerneqassapput, taamaalillutik namminneerlutik eqeersimaartumik inuunerminnut pitsanngorsaaniissaminnut periarfissaqalerniassammata.

Sulianik suliarinninnermi ilaatigut suliniutit innuttaasup inooqatigiinni nammineq unammilligassaanut ikiuutaasinnaasut ukkatarineqassapput. Pisortanit ikiorsiissutit pillugit peqqussummi atuuttumi kinaluunniit pisortanit ikiorsiissutinik qinnuteqartoq siunnersorneqarnissamik pisinnaatitaaffeqartoq takuneqarsinnaavoq. Soorunami tamanna naleqquppoq kisianni aamma peqqussutit maanna atuuttup innuttaasoo pillugu siumut qanoq iliornissaq pillugu suliniuteqarnissamik qulakkeerinninnginneranut assersuutaalluni. Pisortanit ikiorsiissutinik aqqiissusseqqinnerq ilaatigut siunnersorneqarnissamik pisinnaatitaaffimmut taarsiullugu siunnersorneqarnissamut pisussaaffiliinermik kinguneqarpoq.

Pissuseqataanik aqqiissusseqqinnerup iliuusissatut pilersaarutit suliarinissaannut tunngatillugu pisinnaatitaaffeqarneq qimallugu pisussaaffeqarneq kiisalu taakku ataavartumik nalilersoqqittarnissaat aqqiiffigisarnissaallu tamatuma aamma kinguneraa. Iliuusissatut pilersaarut innuttaasooq suleqatigalugu suliarineqartassaaq, suliniutinullu inunnut ataasiakkaanut naleqqussakkanut atatinneqartassalluni. Suliniutit oqartussaasoqarfiit assigiinngitsunik suliallit akornanni suleqatigiinnit katiterneqarsimassapput, tassanilu tamakkiisumik isiginnineq immikkut ukkatarineqassaaq. Assersuutigalugu tassaasinnaapput atonerluisuunermut katsorsarneqarnissamik neqerooruteqarneq, katsorsaasartumik oqaloqatiginnineq, ikorfartorti, ilitersorti, piukkunnarsaqqinneq imaluunniit akiitsut pillugit siunnersorneqarneq.

Tamatigut oqartussaasoqarfiit assigiinngitsunik suliallit akornanni suleqatigiinnermit innuttaasumut pullaveqarneq tapersorneqassaaq. Tassa imaappoq innuttaasup pisariaqartitai apeqqutaatillugit pineqartoq isumaginninnermut, suliffeqarfefimmumut aamma peqqinnissamut sammisunik suliniuteqarfigineqassaaq. Innuttaasut amerlasuut assigiinngitsunik katitikkanik unammilligassaqarput, taamaammallu oqartussaasoqarfiit assigiinngitsunik suliallit akornanni suleqatigiinnermit suliniuteqarnissaq pisariaqarpoq.

Inuusuttut qitiutinneqarnissaat

Ullumikkut inuusuttut amerlavallaartut pisortanit ikiorsiissuteqartitsinermik aqqiissuussinermi sivisuallaartumik nikinnaveeqqapput. 2019-imi innuttaasut 18-it inorlugit ukiullit 118-it aamma innuttaasut 18-imiit 29-nut ukiullit 1.376-it pisortanit ikiorsiissutinik tigusaqarsimapput. Tamanna pisortanit ikiorsiissutinik tiguisartut 31 %-iisa inuusuttuunerannut naapertuuppoq. Innuttaasut ilaannut 18-iliiniariarlutik pisortanit ikiorsiissutinik tiguisalersarnerat atuuppoq. Taamaattumik aqqiissusseqqinnermi inuusuttut immikkut ukkatarineqarnissaat aamma siusissukkut suliniuteqarnissaq pingaaruteqarpoq. Siusissukkut suliniuteqarneq assersuutigalugu tassaasinnaavoq meeqqat atuarfianni aallarereersumik ilitersuisarnermik ingerlatsinerit patajaallisavigineqarneri, tassani ilinniaqqinnissat siunissamilu suliffissatut kissaatit ukkatarineqassallutik.

Tamakkiisumik isiginnittumik pullaveqarnissaq pisariaqartinneqarpoq, taamaalilluni inuusuttut 9. klassemiit atuarunnaartut 18-iliigut pisortanit ikiorsiissutinik pisartagaqalernissartik utaqqiinnarnagu sammisassaqartinneqassammata. Taamaammat meeqqat atuarfianni siunnersuineramik suliaqarneq tulleriiaarinermi sallinngortinneqassaaq aamma inuusuttut meeqqat atuarfiat qimakkaangamikku malitseqartitsineramik suliniuteqarfigineqarnissaat taamatuttaaq aamma tulleriiaarinermi sallinngortinneqassalluni.

Inuusuttut pisortanit ikiorsiissutinik tiguisalersut iliuusissanut pilersaarutinik suliaqarfigineqassapput, tassani piaarnerpaamik sulilernissamat piareernissaat imaluunniit ilinniagaqalernissaat suliffittaarnissaalluunniit ukkatarineqassallutik. Inuusuttunut siunissami ilinnialersinnaasutut naliliiffigineqartunut suliffittaarnissaq pinnagu ilinniagaqalernissaat ukkatarineqartariaqarpoq.

Ikiorsiissutit aaqqissugaanerat

Pisortanit ikiorsiissutinik aaqqissuusseqqinnermi ikiorsiissuteqartitsinerup aaqqissugaanera allanngortinneqassaaq. Siullertut ikiorsiissutit aalajangersimassapput akileraarusigassaasallutillu (missiliuineramik tunngaveqanngitsut). Aappaattut eqeersimaartumik peqataasimanermut tapisiaq ilanngunneqassaaq, taamaalilluni innuttaasut ingerlatsinerlut peqataallutillu naammassinnittut iluanaaruteqartinneqassapput. Naggataatigut suliffissarsiornermut ikiorsiissutinut nuunnissamat, SIK'p isumaqatigiissutai malillugit akissarsiasat minnerpaaffissaannik akissarsiaqarluni sulilernissamat imaluunniit ilinniagaqarnerisutisiaqalernissamat kajumissuseqalernissaaq, pisortanit ikiorsiissutit tamatigut qulakkiissavaat. Tassa imaappoq pisortanit ikiorsiissutit suliffissarsiornermut ikiorsiissummit, SIK'p isumaqatigiissutai malillugit akissarsiasat minnerpaaffissaannik akissarsiaqarluni piffissaq tamakkerlugu suliffeqarnermit imaluunniit ilinniagaqarnerisutinit annertunerunngisaannassaaq.

Ilaatigut inatsisit atuuttut malillugit pisortanit ikiorsiissutit missiliuineramik tunngavilerlugit naatsorsortarneqartarnerisa allaffissornikkut pisariunerat ikiorsiissutit aalajangersimasuunissaannut pissutaavoq. Tamatuma saniatigut kommunini assigiinngitsuni pilersornissamat pisortanit ikiorsiissutit amerlassusaat assigiinngillat, tamannalu kommunini assigiinngitsuni innuttaasunik assigiinngitsunik sullissisoqartarneranik kinguneqartarpoq.

Ikiorsiissut akileraaruteqaataassapput. Tamanna pisortanit pilersorneqarnissamat ikiorsiissutigineqartartunut akissarsiatigullu isertinneqartartunut allanut sunniivigeqatigiittarnermi ajornartorsiutinngortartunut annikillisaataassaaq, aamma pisortanit ikiorsiissutit, pisortanit pilersorneqarnissamat ikiorsiissutigineqartartut allat assigalugit paasiuminartunngortitsissaaq.

Ikiorsiissut taamaalilluni aalajangersimasuussaaq naammattusaagaallunilu, tassungalu suliniutinik neqeroorutit attuumassuteqartinneqassapput.

2.2 Pisariaqartitsineq malillugu ikiorsiissutit

Immikkorluinnaq pisunik pisoqarsinnaavoq, tassani innuttaasup nammineq aningaasartuutini akilersinnaajunnaarsinnaavai, imaluunniit innuttaasup nammineq akilersinnaanngisaanik aningaasartuutai annertuseriarsinnaapput amerleriarlutilluunniit. Taamaammat immikkut ittumik pisoqarsimatillugu pisortanit ikiorsiissutit pillugit aaqqissuusseqqinnermi aningaasaqarnikkut immikkut tapiissuteqarsinnaaneq periarfissinneqassaaq.

Pisariaqartitsineq malillugu ikiorsiissutit ikiorsiissutaagallartuupput, imatullu pisoqarsimatillugu tunniunneqassallutik:

1. Tassangaannartumik pisariaqartitsisoqartillugu: Immikkorluinnaq ittumik pisoqarsimatillugu ulluinnarni tunngaviusumik pisariaqartinneqartunut, soorlu najugaqarnissamut, nerisaqarnissamut, kiassarnermut, innaallagissamut atisassallu akilernissaannut matussusiinissamut aningaasartuutit.
2. Ataasiaannartumik aningaasartuutigineqartussat:
 - a) Aningaasartuutit ataasiaannartumik aningaasartuutigineqartussat naleqquttumik tunngavilersukkat, siunissami qinnuteqartup ilaquttalluunniit imminnut isumagisinnaanissaannut ajornarnerulersitsisinnaasut, soorlu kissarsuummik nerisassaliorfissamik pisineq.
 - b) Ilaqutariinni meeralinni akiligassat kinguaattoorutigineqartut.
 - c) Qanigisaasut napparsimarulunneannut atatillugu angalanissamut aningaasartuutit.
- 3) Iisinerup akilerneqarnissaannut aningaasartuutit aamma toqukkuq qimaguttoqarsimatillugu ilisisoqartillugulu ilaqutaasut qaninnerit angalanerisa matussuserneqarnissaannut aningaasartuutit.
- 4) Inissatigut atugarisat pitsanngortinnissaannut nuunnermi ikiorsiissutit.
- 5) Inunnut Kalaallit Nunaata avataani aalajangersimasumik najugalinnut angerlarnissamut angalanermut aningaasartuutit.

Sukaterinikkut erseqqissaateqarnikkullu tassangaannartumik pisariaqavissumik aamma immikkut ittumik pisoqartillugu pisortanit ikiorsiissutit pillugit inatsisini atuuttuni aalajangersakkanut taarsiullugu pisariaqartitsineq malillugu ikiorsiissutit atuutilissapput. Taamaaliornikkut pisariaqartitsineq malillugu ikiorsiissutigineqartussat taamaallaat pisuni piffissap ilaannaani pisartuni tunniunneqarsinnaassapput.

Pisariaqartitsineq malillugu ikiorsiissutigineqartartoq akileraarutigineqassanngilaq, tassami tamanna atsaat immikkorluinnaq pisoqarsimatillugu ikiorsiissutigineqartussaammat.

Pisariaqartitsineq malillugu ikiorsiissutigineqartunik pisinnaanermut kinaassusersiunngitsumik arlalinnik piunasaqaatitalerneqassapput pisariaqavissunut ikiorsiissutinut tunngatillugu. Tamanna pisariaqartitsineq malillugu ikiorsiissutit pisariinnginnerusumik aqunneqarsinnaanerannik kinguneqassaaq.

Pisariaqartitsineq malillugu ikiorsiissutit immikkorluinnaq pisoqarsimatillugu ikiorsiissutigineqartarmata aningaasat amerlassusissaannut, ikiorsiissutit sivisussusissaannut aamma aningaasartuutit aalajangersimasut ikiorsiissutitigut akilertarnissaannut tunngatillugu arlaatigut missingiisarnissaq pisariaqartussaassaaq.

Pisortanit ikiorsiissutit pillugit inatsimmi massakut atuuttumi § 4-mi imarineqartut ingerlateqqinneqassapput. Kikkulluunniit Kalaallit Nunaanniittut ikiorsiissutinik pisariaqartitsineq malillugu tunniunneqartartunik pisinnaatitaanerata tamatuma kinguneraa (1), aamma (5) Kalaallit Nunaata avataani aalajangersimasumik najugalinnut angerlarluni angalanermut aningaasartuutinut tunniunneqassallutik. Taamaallaat Kalaallit Nunaanni inunnut nalunaarsuiffimmi allattorsimasunut aamma qallunaat naalagaaffianni innuttaassuseqartunut, katissimasunut/kingusinnerpaamik qallunaat naalagaaffianni innuttaassusilimmik katinnikuusimasunut, imaluunniit inunnut, nunat assigiinngitsut akornanni isumaqatigiissutinik ilaatinneqartunut, siunertarineqartunut sinneruttunut pisinnaatitsisunut inunnut ikiorsiissutit pisariaqartitsineq malillugu tunniunneqartartut tunniunneqarsinnaapput.

3. Pisortanut aningaasaqarnikkut allaffissornikkullu kingunissai

2019-imi pisortanit ikiorsiissutinut aqqissuussinermut 76 mio. kr.-nit atorpeqarput.

Siunnersuut pisortanit ikiorsiissutinik tiguisartup suliffimmik ujarlernissaanik kajumissuseqartitsilissaaq. Pisortanit ikiorsiissutinik tiguisartoq sulisinnaassusilik suliffissarsiornermut ikiorsiissutinut nuunneqassaaq. Kommuninut aningaasaqarnikkut kingunerisassat kigaatsumik pitsanngoriartulissapput, tassami tiguisartut sivisuumik imminnut pilersorsimangitsut amerlassusaat piffissap sivikitsup sivisuullu ingerlaneranni ikilinissaat naatsorsuutigisariaqarmat.

Innuttaasut inuttut inooqatigiinniluunniit unammilligassat pissutigalugit sulinermik isumagisaqarsinnaanngitsut pisortanit ikiorsiissutiniinnassapput. Innuttaasut sulilernissamut piareersimangitsut imaluunniit suliniutigineqartunut piareersimangitsut, suliniuteqaqqinnissamut piareersaataasumik ingerlatsinerit peqataaffigissavaat. Innuttaasunut taakkununga iliuusissatut pilersaarutinik suliaqartoqassaaq, taamaaliornikkut innuttaasup tamakkiisumik ilaannakuusumilluunniit imminut pilersorsinnaalernissaa sulissutigineqassammat. Innuttaasunut sulilernissamut suliniutinulluunniit piareersimangitsunut pisortanit ikiorsiissutit aqqutigalugit sammisaqartitsisoqassaaq, sammisassalli ilaat suliffeqarfeqarfimmiissapput, ilinniartitaaneramiissapput peqqinnissaqarfimmiillutillu. Taamaammatt innuttaasunut neqeroorutit pioreersut nanertorneqassapput. Piffissaq ungasinnerusoq isigalugu kommuninut aningaasaqarnikkut kingunissai pitsaanerulissapput, tassami sivisuumik naparliinnarluni pilersorneqarnermik tiguisartut amerlassusaasa ikilinissaat naatsorsuutigineqarsinnaammat.

Missingersuutit	SIK Inersimasoq ataaseq, meerartaqanngitsoq	Pisortanit ikiorsiissutit Inersimasoq ataaseq, meerartaqanngitsoq	Pisortanit ikiorsiissutit tamakkiisunngortitat Inersimasoq ataaseq, meerartaqanngitsoq
Ukiuumut aningaasarsiarineqartut			
Akissarsiarineqartut	187.659 kr.	0 kr.	
Suliffeerunnermi ikiorsiissutit	0 kr.	0 kr.	
Ilinniarnermi ikiorsiissutit	0 kr.	0 kr.	
Pisortanit ikiorsiissutit aningaasat nammineq atorsinnaasat	0 kr.	20.135 kr.	50.135 kr.
Sapaatip akunneranut nalunaaquttap akunnerini 40-ni sulineranut akunnermusiat			24 kr..
Qulaani pineqartut SIK-p minnerpaamik akissarsiaritaanut procentinngortinnerat			26%
<i>Maannakkorpiaq aningaasarsiat</i>	<i>177.659 kr.</i>	<i>0 kr.</i>	<i>40.135 kr.</i>
Akilaareernermi qaammammut aningaasarsiat			
Akilaarutit	-54.457 kr..	0 kr.	0 kr.
Akilaareernermi aningaasarsiat (qaammammut)	<u>11.100 kr.</u>	<u>1.678 kr.</u>	<u>4.178 kr.</u>
Isertitat allat			
Meeqqanut akilersuutit	0 kr.	0 kr.	
Ineqarnermut tapiissutit	676 kr.	4.750 kr.	4.750 kr.
Meeqqanut tapiissutit	0 kr.	0 kr.	
Pisortanit ikiorsiissutit (ineqarnermut akiliutit)	0 kr.	250 kr.	
Pisortanit ikiorsiissutit (anigaasartuutit aalajangersimasut)	0 kr.	2.000 kr.	
Pisortanit ikiorsiissutit (ulluunerani paaqqinnittarfik)	0	0	
Pisortanit ikiorsiissutit (atisassarsiuutissat assigisaallu)	0 kr.	250 kr.	
Tamalaat Pisortanit ikiorsiissutit allat	0 kr.		
Isertitat katillugit (qaammammut)	<u>11.776 kr.</u>	<u>8.928 kr.</u>	<u>8.928 kr.</u>
Aningaasartuutit			
Kiassarneq/sarfaq/anigaasartuutit aalajangersimasut	-2.000 kr..	-2.000 kr..	-2.000 kr..
Ineqarnermut akiliutit	-5.000 kr.	-5.000 kr.	-5.000 kr.
Meeraaqqerivimmuat nammineq akiliutit	0 kr.	0 kr.	
Meeqerivimmuat nammineq akiliutit	0 kr.	0 kr.	
Aningaasartuutit katillugit	<u>-7.000 kr.</u>	<u>-7.000 kr.</u>	<u>-7.000 kr.</u>
Aningaasarsiat atorsinnaasat	4.776 kr.	1.928 kr.	1.928 kr.
Ilanngaait ilanngaatigereerlugit taarsiussat annertussusaat (anigaasat nammineq atorsinnaasat)		40%	40%

Pisortanit ikiorsiissutit nammineq aqqissuussinermi ikiorsiissutit neqartut allanngortin neqassapput, taamaalillutik pisortanit ikiorsiissutit siunissami

akigititanik tunngaveqartassammata. Taamatut ikiorsiissutit aqqissugaanerannik pisariillisaaneq kommunit ataatsimoorussamik ESDH-mik ataqtigiimmik aqqissuussinermik

atuilernissaannut qarasaasiakkut atortussamut atasumik ineriartortitsineq peqatigalugu kommunini allaffissornikkut sulinerat oqinnerulissaaq. Taamaammat pisortanit ikiorsiissutit tunniunneqartarneranni allaffissornikkut naatsorsuisarnermi kommuninut aningaasaqarnikkut sipaartoqarneranik kinguneqassaaq. Ataatsimut qanoq sipaartoqarsinnaanera naliliiffigissallugu ajornakusoorpoq, missingerneqarporli allaffissornikkut nanertuut ukiunut suliffiusunut aqqaneq-marlunnut naapertuutissasoq, tamannalu 6 mio. kr.-nit missaannik sipaaruteqarnissamut naapertuuppoq.

Pisortanit annertussusileriikkamik ikiorsiissutit pisortanit ikiorsiissutit massakkut tunniunneqartartut tamakkiisunngortinnissaannik misiliineq aallaavigalugu naatsorsorneqarput. Ilutsit aallaavigalugit naatsorsuinerit VIVE-mit naatsorsorneqarput. Naatsorsuinerit kisermaamut akigitinneqartoq aallaavigalugu ingerlanneqarput:

Pisortanit ikiorsiissutit ukiumut 50.135 kr.-iusut naatsorsuinermi takuneqarsinnaavoq, taakkulu qaammammut 4.200 kr.-nit missaanniittunut naapertuupput. 2021-mi aningaasat nalinginut naatsorsorneqarunik aningaasat 4.500 kr.-ninut naapertuutissapput, taakkualu aningaasanut inatsimmi akinut akissarsianullu iluarsuinerit aallaavigalugit aalajangersaaffigineqarput akunnaallisinneqarlutik. Pisortanit ikiorsiissutinik tiguisartut amerlasuunik meerartallit pisortanit ikiorsiissutinik ikinnerusunik pialissapput, takuuk meeqqanut tapiissutit pillugit immikkoortoq 7.3. Pisortanit ikiorsiissutit ikiorsiissutit annertussusileriikkatut atulerneratigut pisortanut allanik aningaasartuuteqarfiunnginnissaa pingaarnertigut nalilernerarpoq, tassami tamanna ikiorsiissutit tamakkiisunngortinnissaannik anguniagarfiummat. Aningaasartuutit qanoq allanngortiginissaat eqqarsaatigalugit kommunit akornanni allanngorarfussaaq. Kommunit massakkut sulisaatsip atuuttup allanngortinnissaa aningaasartuutit allanngorartuunerannut pissutaavoq, tassanimi kommunit ataasiakkaat aningaasartuutit aalajangersimasut aalajangersaaffiginissaat assigiinngitsumik nassuiartarpaat. Massakkut paasissutissatigut tunngavigineqartoq ajoraluartumik pisortanit ikiorsiissutinut aningaasartuutit erseqqinnerusumik naatsorsuiffiginissaannik periarfissaqartitsinngilaq.

Kommunit innersuussisarnernik/iliuusissatut pilersaarutinik suliaqartareerput, tamatumunngalu 2006-imi ataatsimoortumik tapiissutit aqutigalugit taarsiiffigineqareersimallutik. Innuttaasunut pisortanit ikiorsiissutiniittunut malitseqartitsisarneq innuttaasunut neqeroorutaareersunik amerlanertigut tunngaveqarput. Neqeroorutinut pioreersunut taakkununga nanertuisitsissaaq, taamaattoqarneralu aningaasaqarnikkut sunniuteqarumaartutut ilimagisariaqarpoq. Aaqqissuussinermi nutaajusoq tassaavoq innuttaasut suliffeqalernissamut suliniutinullu piareersimangitsut siunnersorteqartitsinermik aaqqissuussinermut ilaalernissaasa naatsorsuutigisariaqarnera, taamatullu aaqqissuussinerup innuttaasut ataasiakkaat sulilernissamut piareernissaannut sivikitsumillu sulilernissaannut ikorfartussavaa. Kommunit siunnersortit taakku ataqatigiissaartussaavaat, atuuffimmillu suliaqarsinnaanermut atorfeqartussat eqqortumik piginnaasallit atorfinitsinneqartussaammata kommuninut aningaasartuuteqarnerunermik

sunniuteqarnissaa ilimagisariaqarpoq. Taamaattoq allaffissornerup annertusinera erseqqissumik nalileruminaappoq. Kommunit allaffissornikkut nammataqarnerulernissaat ilimanarpoq, taakkulu inuup ataatsip ukiumut suliarisinnaasaasa naatsorsorneranni inunnt qulinut imaluunniit 5 mio. kr.-nit missaannik aningaasartuuteqarnerunermut naapertuupput.

Pisortanit ikiorsiissutit aaqqissugaanerata nutaap kingunerisaanik ikiorsiissutit akileraaruteqaataasussangussapput, taamaammallu pisortanit ikiorsiissutit ilaannut tunngaviusumik akigititamik tapimillu qaangiisunut pisortat akileraarutitigut isertitaqartalissallutik. Kommunit aamma Namminersorlutik Oqartussat aningaasaqarnikkut malunnartumik sunniuteqarsinnaasunik akileraarutitigut isertitaqarnissaat naatsorsuutigineqanngilaq.

Suliffissarsiornermut ikiorsiissutinut pisortaniillu ikiorsiissutinut 2022-mi 2023-milu aningaasartuutaanerusunut naatsorsuineq.

Ukiunut ukununnga aningaasartuutaanerusussat	2022	2023
Pisortanit ikiorsiissutinut annertussusileriikkanut nuunneq		0 mio. kr.
Innuttaasut pisortanit ikiorsiissutiniit suliffissarsiornermut ikiorsiissutinut nuuttut amerleriarnerat		17 mio. kr.
Suliartoqquneqarsinnaanermut pisussaaffik (suliffissarsiortutut ikiorsiissutinik tiguisartut ikinnerulernerat)		-5 mio. kr.
Suleriaatsinik allangortitsineq pissutigalugu kommunini sulisunik sipaarneq		-6 mio. kr.
Siunnersorteqartitsinermik aaqqissuussinermut ataqatigiissaarisussanik sulisoqarnissaa pissutaalluni kommunini sulisunut aningaasartuuteqarneruneq		5 mio. kr.
Akileraarutitigut isertitaqarneruneq - pisortanit ikiorsiissutit akileraaruteqaataasussangussapput		0 mio. kr.
ESDH-systemimut atortup nutaap ineriartortinneqarnera		
Kommunini politikerinut allaffissornikkullu sulisunut paasissutissiineq	0,25	0,4 mio. kr.
Katillugit	0,25 mio. kr.	11,4 mio. kr.

Pisortanut allaffissornikkut kingunissai

Pisortanit ikiorsiissutit aaqqissuusseqqiffiginerata ataatsimut allaffissornikkut artorsaatissiinera massakkut atuuttumut sanilliullugu assingussasoq pingaarnertigut

nalilerneqarpoq. Aaqqissuusseqqinnerup ilaa allaffissornermik pisariinnerulersitsissaaq, ilaalu allaffissornerunermik artorsartitsinermik kinguneqassalluni.

Aaqqissuussinerup annertussusileriikkanut allannortinneratigut aqutsinerup oqinnerulernissaa naatsorsuutigineqarpoq. Taamaammat siunissami allaffissornermi innuttaasup aningaasartuutai naatsorsorneqartassanngillat, kiisalu naatsorsuinerit tunngavigalugit tunniussisoqartassanani. Pisortanit ikiorsiissutit annertussusileriikkat suleriaatsit assigiissarneqarnerannik kinguneqassaaq, qarasaasiakkullu atortup nutaap ineriartortinneratigut aqutsineq oqinnerulersissallugu.

Pisortanit ikiorsiissutit pillugit inatsisartut peqqussutaanni atuuttumi innuttaasooq inummut tunngasumik iliuusissatut pilersaarusiortfiginissaa pisinnaatitaaffiuvoq. Automatiskimik malitseqartitsisarnissaa ikkunneqarsimavoq, tassani kommunit pisortanit ikiorsiissutit malitseqartitsiffiusarnissaannut pisussaaffeqarlutik. Taamaammat aaqqissuusseqqinnermi nutaami iliuusissatut pilersaarutit suliarineqartarneranni massakkut periuserineqartoq malinneqassaaq, taamaammallu kommuninut allaffissornikkut kinguneqartussaananani.

Aaqqissuusseqqinnermi nutaami innuttaasunut pisortanit ikiorsiissutinik tiguisartunut kommunit suliniutinik malitseqartitsissallutik aallartitsissallutillu pisussaaffeqarput. Innuttaasunut neqeroorutit amerlanersaat ullumikkut pigineqareerput, aaqqissuusseqqinnermilu suliniut nutaaq tassaavoq innuttaasunut siunnersorteqartitsinermik aaqqissuussinnermut attaveqalernissaat, tassani kommunit innuttaasunut pisortanit ikiorsiissutinik tiguisartunut siunnersortinut suliniutissat ataqatigiissaartussaavaat. Allaffissorneq eqqarsaatigalugu kommunit siunnersortinut suliniutinut ataqatigiissaarisussanik sulisunik peqarnissaat tamatuma kingunerissavaa. Allaffissornermi sulisut siunnersortinut attaveqassapput, taakkualu nammineq piumassuseq malillugu sulisinnaapput suliffeqarfinniluunniit atorfeqarsinnaallutik, taakkualu suliniutitik ataqatigiissaassavaat. Innuttaasup pisortanit ikiorsiissutiniittup suliniummi pineqartumut innersuunneqartumi suliniummiiginnarnissaa siunnersortit tapersersussavaat.

Kommuninut allaffissornikkut nanertuineq arlaatigut annikinnerulerumaartoq ataatsimut nalilerneqarpoq. Ikiorsiissutit naatsorsortarnerannut suliaqartarnermi ingerlatsineq aaqqissuusseqqinnerup oqinnerulersissavaa, tamannalu aqputigalugu suliasat allat suliarineqartarnerannut sulisussanik pilersitsissaaq, matumani siunnersorteqartitsinermut aaqqissuusseqqinnerup ilanngullugu.

4. Inuussutissarsiortunut aningaasarsiornikkut allaffissornikkullu kingunissai

Pisortanit ikiorsiissutit pillugit aaqqissuusseqqinnerup "Suliffeqarfeqarfik initunerusoq" pillugu isummamik tunngaveqarpoq, tassani innuttaasut suliffeqarsimannigitsut suliffeqarfeqarfimmi ilaalernissaat ilanngunneqassalluni.

Siunnersorteqartitsinermik aaqqissuussineq qassiinik sammiveqarpoq, aamma innuttaasunnit nukissaqarluartunit eqeersimaartumik peqataatitsinermik tunngaveqarnermiit innuttaasut allat inuttut inooqatigiinnilu unammilligassaqartunik ikiuinermik tunngaveqarluni.

Siunnersorteqartitsinermik aaqqissuussinermi innuttaasut pisortanit ikiorsiissutiniittut sulilernissaminnut ikiorneqarnissaat siunertarineqarpoq.

Suliffeqarfiit ilaat CSR pillugu periusissiaminnut ilaasumik ilaatigut inooqatigiinni suliniutini peqataanissaq ilanngussimavaat. CSR pillugu periusissiaq suliffeqarfinni anginerusuni atorpeqartarpoq, tassani sulisut suliffiup nalaani ilaatigut inooqatigiinni suliniutitut peqataasinnaasarlutik. Aaqqissuussineq tamanna suliffeqarfinnut mikinernut siammassasoq kissaatiginarsinnaavoq. Taamaammat siunnersorteqartitsinermik aaqqissuussineq annikkaluartumik suliffeqarfinnut aningaasaqarnikkut allaffissornikkullu sunniuteqartussaassaaq. Siunnersorteqartitsinermut aaqqissuussineq innuttaasut amerlanerit suliffeqarfeqarfimmi sulilissammata suliffeqarfeqarfimmut pitsaasumik sunniuteqassaaq.

Pisortanit ikiorsiissutit pillugit aaqqissuusseqqinnerup innuttaasut pisortanit ikiorsiissutinik tiguisartut pisortanit ikiorsiissutinik tigusaqartarnermik saniatigut killeqartumik sulilersinnaanerisa ammaanqarnissaa periarfissippaa. Innuttaasut pisortanit ikiorsiissutinik tiguisartut sivikitsumik sulisarnermikkut nalunaaquttap akunnerini ikittuni ilaannakuusumik sulilernissaannut kajuminnerulernissaasa, nalunaaquttallu akunnerini amerlanerini sulisalernissamut kajumissuseqalernissaannut immaqalu nalinginnaasumik suliffeqalernissaannut tamanna ammaassissaaq.

Taamaammat aaqqissuusseqqinneq inuussutissarsiortunut sunniuteqassasoq ilimagineqarpoq, tassami innuttaasut uninngaannarlutik pilersorneqartut suliffeqarfeqarfimmi sulilernissaannut aaqqissuusseqqinnerup piareersassavaa. Innuttaasut suliffeqartut suliffissarsiortulluunniit amerlanerulernerat suliffeqarfinnut pitsaasumik kinguneqassaaq. Siunnersorteqartitsinermik aaqqissuussineq suliffeqarfinnut kinguneqassaaq, suliffeqarfiit sulisumik piffissaq suliffissaraluat allamut atugassiissutigissappassuk.

5. Avatangiisinut, pinngortitamut inuillu peqqissusaannut kingunissai

Pisortanit ikiorsiissutit pillugit aaqqissuusseqqinneq inuit peqqissusaannut toqqaannartumik toqqaannangitsumillu pitsaap tungaanut sunniuteqassasoq ilimagineqarpoq.

Siullertut pisortanit ikiorsiissutinik tiguisartut pillugit pullaveqarnek paasinninnerlu malunnartumik allanngussaaq, tamannalu innuttaasuni toqqaannangitsumik inuulluataarnerup atugarissaarnerullu pitsanngoriarnissaannik kinguneqartussatut ilimagineqarpoq. Pisortanit ikiorsiissutinik tiguisartut innuttaasutut nukissalittut, inuiaqatigiinnullu naleqartutut isigineqassapput. Pisortanit ikiorsiissutinik tiguisartut uninngaannarlutik tiguisartuunerannik isumaqarnermik tamanna akerliulersitsissaaq. Pisortanit ikiorsiissutinik tiguisartut suliffeqarfeqarfimmut ungasittut suliffeqarfeqarfimmut qaninnerulernissaannut ikiorneqassapput. Pisortanit ikiorsiissutinik tiguisartut periaaseq

nutaaq malillugu isumagineqartalissapput, tassani innuttaasut piginnaaneqarfiginngisaat pinnagit piginnaasaat immikkut ukkatarineqassallutik.

Kommunit iliuusissatut pilersaarutitik, tamakkuninngalu ingerlaavartumik nalilersuisarnissamik aaqqiisarnissamillu suliaqartarnissaannut pisussaaffilerneqarnissaat aaqqissuusseqqinnermi eqqunneqassaaq, taamaalilluni taakku innuttaasut pisariaqartitaannut ineriartornermillu ingerlatsinerannut tulluurtuussallutik. Iliuusissatut pilersaarutit suliniutitik innuttaasut sulilernissamut piareeqqanissaannut aporfiusinnaasut suliarineqarnissaannik imaqaassapput. Iliuusissatut pilersaarutit innuttaasut ataasiakkaat suleqatigalugit suliarineqassapput, kommuninilu oqartussaasoqarfiit assigiinngitsunik suliallit akornanni suleqatigiissitat iliuusissatut pilersaarutit tamakkiisumik isiginnittut ukkatarineqarnissaat isumagissavaat.

Pisortanit ikiorsiissutitik tiguisartut iliuusissatut pilersaarutit suliniutissallu suliarineranni peqataanissamik pisussaaffeqarput, tamakkulu aqutigalugit ineriartortitsiffiqineqassapput, piffimmullu namminneq inuunermikkut isumaginnissinnaanissaminnut imminnullu pilersorsinnaalernissaminnut qaninnerulersillugit.

Taamaammat pisortanit ikiorsiissutitik aaqqissuusseqqinneq siunissami pisortanit ikiorsiissutitik tiguisartut ataasiakkaat pitsaanerusumik inooriaaseqalernissaannut aamma peqqinnerulernissaannut iluaqutaajumaartoq ilimagisariaqarpoq - innuttaasut nalinginnaasumik peqqissuunissaannut iluaqutaasumik. Immikkut pisortanit ikiorsiissutitik tiguisartunut suliffissanut qaninnerulernissamut sulinissamullu piareersimalernissamut peqqinnissakkut suliatigut suliniuteqarfigineqarnissamik pisariaqartitsisunut tamanna atuuppoq.

Sulilluni aningaasaqarnikkut tamatigut akilersinnaasarnissaa pisortanit ikiorsiissut pillugit aaqqissuusseqqinnermi qulakkeerneqassaaq. Ikiorsiissutit aaqqissugaanerit ima naleqqussarneqarpoq, taamaalilluni pisortanit ikiorsiissutitik tiguisartut sulilernissaminnut aamma imminnut pilersorsinnaalernissaminnut tamatigut kajumissuseqalersinneqassallutik, taamaammallu inuit peqqissusaannut toqqaannangitsumik iluaqataalernissaa ilimagineqarsinnaavoq. Pisortanit ikiorsiissutitut taarsiullugu akissarsiavinnik isertitaqarnerup innuttaasooq aningaasaqarnikkut periarfissaqarnerulersissavaa, naleqquttumillu inuulernissamut aaqqissuussinissaanik periarfississallugu. Pisortanit ikiorsiissutitik tiguisartup aappaanut inooqatigisaanulluunniit meerartaqarsimappallu taakkununga tamatuma atuunnissaa ikiorsiissutit aaqqissugaanerannit isumagineqassaaq.

Naggasiullugu pisortanit ikiorsiissutit pillugit aaqqissuusseqqinnermi innuttaasut namminneerlutik inuunermikkut paarinninnerulernerisa siunissamillu pitsaanerusumik pilersitsinerisa malitsigisaanik innuttaasut uummarinnerulernerisigut innuttaasut peqqissusaata toqqaannangikkaluamik sunnerneqarnissaa naatsorsuutigineqarpoq.

Inuusuttut aaqqissuusseqqinnermi immikkut sullinniarneqarput, taamaammallu siusissukkut suliniuteqartarnissaq tulleriarnermi salliutinneqarpoq. Inuusuttut sullinniakkat akornanni peqqissutsip pitsaanerulersinnissaanut pisortanit ikiorsiissutit pillugit aaqqissuusseqqinneq iluaqutaajumaartoq naatsorsuutigineqarpoq. Suliniutit inuusuttunut sammitinneqartut patajaallisaaviginerisigut inuusuttut ikinnerusut pisortanit ikiorsiissutinik tiguisalernissaat anguniagaavoq. Inuusuttulli pisortanit ikiorsiissutiniilersimasut suliatigut tamakkiisumik isiginnilluni suliniuteqarnikkut sukkanerpaamik ilinniagaqalernissaannut imaluunniit sulilernissaannut ikiorneqassapput.

Pisortanit ikiorsiissutinik aaqqissuusseqqinneq pinngortitamut avatangiisinullu kinguneqartussatut naatsorsuutigineqanngilaq.

6. Innuttaasunut kingunerisassat

Pisortanit ikiorsiissutinik tiguisartunut nutaamik isiginninneq innuttaasunut allannguinerik arlalinnik malitseqassaaq.

Innuttaasunut Pisortanit ikiorsiissutit pillugit Inatsisartut Peqqussutaat malillugu ikiorsiissutinik tiguisartuni sulilernissamat piareersimasoqarnerata nalilersuiffigisarnissaanik kinguneqassaaq. Sulilernissamat piareeqqasutut nalilerneqarpata Suliffissarsiornermut ikiorsiissutit pillugit Inatsisartut Inatsisaat malillugu ikiorsiissutinik tunineqassapput. Sulilernissamat piareeqqanngitsutut nalilerneqarpata pisortanit ikiorsiissutinik tiguisarnerat ingerlaannassaaq, taamaattoq malittarisassat piumasaqaatillu nutaat malillugit.

Innuttaasup kommunimi sulianik suliarinninnermik innuttaasup ineriartornissaata pillugu siumut isiginnittumik suliniuteqarfiusoq aamma innuttaasup inuuniarnikkut atugarisaasa pitsanngorsaaffiginissaanut suliniuteqarfiusoq misigissavaa.

6.1 Kommunit iliuusissatut pilersaarummik suliaqarnissaminnut aamma tamakkiisumik isiginnittumik suliniuteqarnissaminnut pisussaaffilerneqassapput.

Aaqqissuusseqqinnerup innuttaasut nukissaanik ukkassinermik kinguneqartussaanerata kingunerisaanik nukissat tamakku suliniutissat pillugit neqerooruteqarnikkut siuarsarneqassapput. Pisortanit ikiorsiissutit taamaalillutik kisimiitinneqassanngillat. Suliniutinik pisortanit ikiorsiissutinik tiguisartunut ataasiakkaanut tapersersuisunik ineriartortitsisunillu malitseqassaaq.

Suliffissaaleqineq immini pisortanit ikiorsiissutinik tigusinissamat tunngaviusinnaanngimmat suliniutinik pisariaqartitsinermit tamanna qanimut attuumassuteqarpoq. Pisortanit ikiorsiissutinik pisinnaatitaaneq suliffeqannginnermi inooqatigiinnermi pissutsinut ataqateqarneranik pissuteqassaaq - soorlu napparsimalersimaneq atonerluisuunerluunniit.

Taamaammat sulianik suliarinninnermi suliniutit pineqartup inooqatigiinnermi unammilligassaanut tunngatillugu ikiuisinnaasut aamma ukkatarineqassapput. Taamaammat

pisortanit ikiorsiissutit pillugit aqqissuusseqqinneq siunnersorneqarnissamik
pisinnaatitaaffeqarnermut taarsiullugu siunnersorneqarnissamut pisussaaffiliinermik
kinguneqassaaq.

Pissuseqataanik aqqissuusseqqinnerup iliuusissatut pilersaarutit suliarinissaannut
tunngatillugu pisinnaatitaaffeqarneq qimallugu pisussaaffeqarneq kiisalu taakku ataavartumik
nalilersoqqittarnissaat aaqqiiffigisarnissaallu tamatuma aamma kinguneraa. Iliuusissatut
pilersaarut innuttaasooq suleqatigalugu suliarineqartassaaq, suliniutinullu inunnut
ataasiakkaanut naleqqussakkanut atatinneqartassalluni.

Iliuusissatut pilersaarummi tamakkiisumik isiginnilluni sammiliinissaaq pilersinneqassaaq.
Iliuusissatut pilersaarummi innuttaasup ataatsimut atugarisai kommunalbestyrelsip ataatsimut
isiginiassagai inatsisitigut pisussaaffittut piumasaqaataavoq: ilaqutariinnikkut atuqarisat,
inooqatigiinnermi piginnaasat, ineqarnikkut atugarisat, aningaasaqarnikkut piginnaasat il.il.
Oqartussaasoqarfiit assigiinngitsunik suliallit akornanni suleqatigiit tiguisartup ataatsimut
unammilligassai nalilersussavaat, tamatumalu kingorna suliniutissat piareersassallugit.
Atornerluisuunermut katsorsartinnissaaq, suliamik sullissisunik oqaloqateqarnerit,
tapersersorteqarneq, aningaasanik aqutsineq pillugu ilitsersorneqarneq
piginnaangorsaaqqinneqarnerlu pillugit neqerooruteqartoqarsinnaanermi tamakkiisumik
isiginnittumik sammiviliineq takuneqarsinnaavoq.

Nutaatut ataatsimoortumik nalilersuinerlut ilaasumik siusissukkut pitsaaliuinerlut suliniutit
pingaartinneqassapput. Tassani meeqqanut inuusuttunullu atugarliortunut naleqqiullugu
angajoqqaq imaluunniit angajoqqaat marluullutik pisortanit ikiorsiissutinik tiguisartut
assersuutaasinnaapput. Aamma tamakkiisumik isiginnilluni nalilersuinerlut ilumut pisortanit
ikiorsiissutinik tiguisartup suliniutinut pitsaaliuiffiusunut ilaalersinnaanera
pisariaqartinneqarnersoq qulaajarneqassaaq.

6.2 Innuttaasooq iliuusissatut pilersaarummi suliniutini peqataanissaminut pisussaaffeqarpoq

Pisortanit ikiorsiissutinik tiguisartut innuttaasutut nukissaqartutut isigineqarmata, pisortanit
ikiorsiissutinik tiguisartut ataasiakkaat pisinnaasartik aamma iliuseqarsinnaanertik
malillugit peqataasinnaapput peqataassallutillu.

Tamanna pisortanit ikiorsiissutinik tiguisartut suliniutinut kommunalbestyrelsimut
neqeroorutigineqartunut ilaasarnissamik pisussaaffeqarnerannik isumaqarpoq. Innuttaasup
neqeroorummik naleqquttumik tigusinissaa pisortanit ikiorsiissutinik tigusaqarsinnaanermut
piumasaqaataalissaaq. Suliniutigineqartut pisortanit ikiorsiissutinik tiguisartut nukiinik
atuilersitsissapput suliffeqarfeqarfimmullu qaninnerulersitsissallutik, taamaalillutik piffissap
ingerlanerani tamakkiisumik ilaannakuusumilluunniit imminnut
pilersorsinnaalerniassammata.

Pisortanit ikiorsiissutinik tiguisartooq suliniutinut kommuninit neqeroortigineqartunut peqataarusunnigippat kinguneqartitsisoqassaaq. Pisortanit ikiorsiissutinik tiguisartooq assersuutigalugu kommunimi sulianik sullissisartumik oqaloqateqarnissamut takkutinnitsoorpat, neqeroortutinut takkutinnitsoorpat imaluunniit neqeroortutinut naaggaarpat, innuttaasooq pisortanit ikiorsiissutinik tiguisinnaanermut piumasaqaatinik suli naammassinninnersooq kommunip nalilissavaa. Innuttaasooq naleqquttumik pissutissaqarnani neqeroortigineqartumut takkutinnitsoorpat kommune innuttaasumut pillammik aallartitsissaaq pisortaniillu ikiorsiissutit ilanngaaffigalugit.

Innuttaasumut naammaginartumik neqeroorteqarnissami iliuusissatut pilersaarutit inunnut ataasiakkaanut naleqqussarsimanissaat piumasarineqarpoq. Innuttaasooq assersuutigalugu ullaakkut makissinnaarpiannigippat piffissarlu eqqorlugu suliarorsinnaanngippat, iliuusissatut pilersaarummi suliniutigineqartumi ilaatigut innuttaasup ullormik ilusilersuinissaminut pisinnaasai isumaqatigiissutigineqartunullu takkuttarnissaa patajaallisaavigineqassapput. Innuttaasooq pikkorissartitsinissanut takkussimannigippat takkunnissaminullu ikiorneqarsimannigippat, imaanngilaq innuttaasooq taanna pisortanit ikiorsiissutinik ilanngaaffigineqassasooq.

Inuup iluamik pissutissaqarnani neqeroorummut iliuusissatut pilersaarummi aalajangersarneqartumut qanoq ilineratigut takkutinnitsoortarnera naliliilluarnermik tunngaveqarpoq. Pisortanit ikiorsiissutit ilanngaaffigineqassappata, takkutinnitsoorneq inuup nammineq pisuussutigisimassavaa. Iliuusissatut pilersaarummi innuttaasup piginnaasaanut tunngatillugu piumasaqarpallaartoqarsimappat innuttaasup killilersuiffiginissaa pinnagu iliuusissatut pilersaarut tulluarsarneqassaaq. Nammineq pisuulluni takkutinnitsoornermut, innuttaasup pikkorissartitsinernut peqataarusunniginnera, nalunaaruteqaqqaarani takkunnianniginnerminik toqqaanera, tassungalu pissutissaqanniginnera pissutaasinnaapput.

Innuttaasooq sivisuumik napparsimalersimappat, innuttaasup napparsimajunnaarnissaa tikillugu iliuusissatut pilersaarutit suliarinerannut suliniutinullu peqataanissamut innuttaasooq pisussaaffeerutissaaq.

6.3 Inigisami suliassat suliarinissaannut innuttaasooq akisussaalissaaq

Akiligassat akilerneqarnissaaq qulakkeerniarlugu, kommunit arlallit pisortanit ikiorsiissutinik tiguisartuutimik amerlanerpaartaannut aningaasartuutinut aalajangersimasunut ullumikkut akiliussisarput. Pisortanit ikiorsiissutit aaqqissuusseqqiffiginerisigut, tassani akigititanut aalajangersimasunut nuuttoqarnerani, sulisaaseq taanna periarfissaajunnaassaaq. Inigisamini suliassat suliarinissaannut innuttaasooq nammineq akisussaalissaaq, imatut paasillugu; akiligassanut nammineq akiliisassaaq, pisortaniillu ikiorsiissutigineqartunit qaammammut aningaasartuutit matussuserinissaannut naammannissaaq isumagisassallugit.

Tamatuma kingunerisaanik pisortanit ikiorsiissutiniq tiguisartut ilaat aningaasanik aqutsineq pillugu ilitserneqarnissamik, akiitsut pillugit siunnersorneqarnissamik inigisami suliassat suliarinissaannut piginnaasamik pitsanngortinnissaanut, nammineerlunilu aningaasaqarnermik isumaginnissinnaalernissamut suliniutinik allanik pisariaqartitsilertussaassapput. Tamanna tamakkiisumik isiginnittumik suliniuteqarnermut ilaalissaaq, tassami aqqissuuseqqinneq aqqutigalugu pisortanit ikiorsiissutiniq tiguisartut tamatuminnga neqeroorfigineqarnissaannik kommunit peqquneqartussaapput.

Innuttaasup siunissami nammineq aningaasaqarnerminik aqutsilersinnaanissaanut piginnaasamik ineriartortitsinerup saniatigut, innuttaasup nammineerluni aalajangersimasunik aningaasartuutiminik ikilisaanissaminut peqataanissamut kajumissuseqarnerulernissaa ilimagineqarpoq, aningaasartuutillu taakku pisortanit ikiorsiissutininut annertussusileriikkanut naapertuuttussaassapput.

6.4 Innuttaasunut pisortanit ikiorsiissutiniittunut aningaasaqarnikkut sunniutaasussat

Pisortanit ikiorsiissutit annertussusileriikkat

Pisortanit ikiorsiissutit annertussusileriikkanut allangortinneqarput, tamatumalu kingunerisaanik siunissami innuttaasut pisortanit ikiorsiissutiniittut pilersornissamut aningaasartuutinnullu aalajangersimasunut aningaasartuutininut matussusiisussamik pialissapput. Siusinnerusukkut assersuutigalugu imermut, kiassarnermut, innaallagissamut assigisaannullu aningaasartuutit tamakkiisumik kommuninit matussuseqartarsimapput, taakkualu akigititanut ilaalissapput. Tamanna innuttaasup aningaasaqarnerminik nammineerluni aqutsinnaalernissaanut piumasaqarfiuvoq. Pisortanit ikiorsiissutit annertussusileriikkat katitigaapput, taamaalillutik tamanna aqqutigalugu nerisassat nammineerlunilu atuinerit, ineqarnermut akiliutit ineqarnermut tapiissutit ilanggullugit, innaallagissamut, imermut, kiassarnermut atisanullu aningaasartuutit matussuserneqassallutik.

Pisortanit ikiorsiissutininut tunniunneqartuni akigititaq innuttaasup ineqarnermut akiliutinik nammineerluni matussusiisinnaaneraniq tunngaveqarpoq. Ineqarnermut akiliutit annertunersaat pisanerq malillugu ineqarnermut tapiissutininut matussuserneqartarpoq, taamaammat innuttaasup pisortanit ikiorsiissutininut aningaasat ikittuinnaat matussuserneqassava. Innuttaasut angerlarsimaffeqanngitsut inunnik nalunaarsuiffimmi nalunaarsorneqanngitsut tamanna pillugu ineqarnermut akiliutinik matussusiinissaminut aningaasartuuteqanngillat. Taamaammat innuttaasut taakkua akigititami ilanngaassiffiqineqassapput, taamaalilluni aningaasat nammineq atorsinnaasat innuttaasunut ineqarnermut akiliuteqartartunut naapertuutilissapput.

Suliniutinut peqataasoqarnerani tapinut akigititamik eqqussisoqassaaq. Immikkoortoq tullinnguuttoq takuuk.

Suliniutinik ingerlatsinernut peqataanermit tapeq.

Innuttaasup iliuusissatut pilersaarummi isumaginninnikkut neqeroorutini peqataasarnissamut kajuminnerulernissaa anguniarlugu qaammammut tapeq eqqunneqassaaq. Tapeq innuttaasunut eqeersimaarlutik ingerlatsinernut akissarsiaqarfiunngitsunut peqataasunut tunniunneqartassaaq. Tapeq ataaseq ingerlatsinerup qanoq sivisutiginera imaluunniit qanoq nukersornartiginera apeqqutaatinnagit tunniunneqartassaaq. Pikkorissartitsinernut suliniutiniluunniit allani iliuusissatut pilersaarut naapertorlugu innuttaasup peqataaffigisassaani takkuttarneq ingerlaannaq tapimik aallartitsiffiussaaq. Innuttaasooq ilumut tapimik pisinnaassanersoq sulianik sullissisup nalilersortussaavaa. Sulianik sullissisumik ataatsimeeqateqarnissamut takkunneq tapimik aallartitsiffiussanngilaq.

Pisortanit ikiorsiissutinik tiguisartooq inatsisitigut tunngavissaqarnani ingerlatsinissanut innersuunneqartunut nammineerluni peqataaangippat, tapeq qaammatinut innuttaasup nammineerluni peqataaffiginnigisaanut peerneqassaaq. Taamaammat nammineerluni peqataaangitsoqarsimatillugu innuttaasup iliuuserisami kinguneqartinneqarnerat misigissavaa.

Innuttaasut piginnaanngorsaqqittut piginnaanngorsaqqinneq aqqutigalugu akissarsiaqartinneqareermata tapimik taassuminnga pisinnaatitaassanngillat.

Innuttaasunut ineqarnermut tapiissutinik pisinnaanngitsunut tapeqartitsineq.
Innuttaasut inissiani attartortikkani najugaqanngitsut ineqarnermut tapiissutinik tunineqarsinnaanngillat. Tassani innuttaasut BSU-ni, nammineerluni illuliani, piginneqatigiilluni inissiani imaluunniit nammineq illugisami najugallit pineqarput. Innuttaasunut ineqarnermut tapiissutinik tunineqarsinnaanngitsunut tapimik tunniussisoqarsinnaavoq.

Nammineerluni sulisimanermut ilanngaateqartitsineq.

Siusinnerusukkut innuttaasunut pisortanit ikiorsiissutinik tiguisartunut ullup ilaannaani sulilernissamut kajumissuseqartoqartarsimanngilaq. Taamaammat innuttaasut pisortanit ikiorsiissutinik tiguisartut nalunaaquttap akunnerini ikittuinnarni sulisinnaalernissaat angujumallugu sulinertigut aningaasarsiaqarnissamut ilanngaateqartissaaq. Innuttaasup pisortanit ikiorsiissutisiaanit ilanngaasoqartinnagu, innuttaasooq ullut 14-ikkaarlugit 500 kr.-nini aningaasarsiaqarsinnaavoq. Innuttaasup suliffeqarfeqarfimmut attaveqarnini attatiinnassavaa, misilittakkatigullu takuneqarsinnaavoq innuttaasup sulilernissaanut periarfissaqarnera tassuuna annertusisartooq. Innuttaasut ataasiakkaat ulloq naallugu sulisarnermiit, suliffinni sivikitsumik sulisarfiusuni nalunaaquttap akunnerini ikittuinnarni sulilernissamut periarfissanik ujarlernissamut kajumissuseqalernissaat, pisortanit ikiorsiissutit aqqissuusseqqiffigineranni siunertaavoq.

Nammineq aningaasarsiaqarnermi annikilliertortitsisarneq


Innuttaasooq pisortanit ikiorsiissutinik tiguisartooq aningaasarsiaqalerpat nammineerluni peqataaermmut tunngaviummik akigititaaq taperlu annikilliertortinneqassapput. Pisortanit ikiorsiissutinik tiguisartut imminnut ilaannakuusumik pilersorsinnaasut, pilersornissamut

pisortanit tapisiaqartinneqassapput. Tigusisussaq sulinikkut aningaasarsiaqanngippat, innuttaasup pisortanit ikiorsiissutit aningaasartai tamakkerlugit tigussavai.

Innuttaasup suliffinni sivikitsumik suliffiusuni sulilernissaa periarfissaqartinniarlugu, aningaasat akissarsiarineqartut pisortanit ikiorsiissutinit tunniuneqartunit ilanngaatiginngikkaluarlugit innuttaasoq qaammammut 1.000 kr.-nirik aningaasarsiaqarsinnaassaaq.

Sulisimanermut aningaasarsiat qaammammut 1.000 kr.-nirik qaangerneqaraangata annikilliaartuaartitsinermit akigititaq 62,2%-usoq malillugu pisortanit ikiorsiissutinit ilanngaatigineqartassapput. Tamanna isumaqarpoq innuttaasoq koruunimik ataatsimik aningaasarsippat pisortanit ikiorsiissutit 60 oorit missaannik appartinneqartassasut. Taamatut ilanngaateqartitsineq annertugaluarpoq, qaffasissumilli akigititanut pissutaavoq pisortanit ikiorsiissutinik tiguisartumut ilanngaateqartitsereerluni aningaasarsiarineqartut suliffissarsiornermit ikiorsiissutinik tiguisartunut ilanngaateqartitsereerluni aningaasarsianik qaangiinissaat ulorianartorsiortinneqarsinnaassammat. Annikilliaartuaartitsinermit ilusiliussaq takussutissiami tullinnguuttumi takusassiarineqarpoq, tassani nalunaaquttap akunneri 10-t siulliit SIK-mi akissarsiaritineqartut minnerpaaffiannut nalunaaquttap akunneranut 98 kr.-niusunut naatsorsorneqarsimasut takuneqarsinnaallutik.


Titartagartaliussaq 1: Aningaasarsiaqalernermit pisortanit ikiorsiissutit annikilliaartuaartinneqarnerat.



Soorlu titartagartaliussami siulianiittumi takuneqarsinnaasoq aningaasarsiat qaammammut 7.900 kr.-nit qaangeraangatigik, ulluni 14-ini 3.950 kr.-nit nalingi, pisortanit ikiorsiissutit atorunnaassapput. Pisortanit ikiorsiissutit sulitilluni aningaasarsianik ilagaanni innuttaasoq

pisortanit ikiorsiissutininik tigusaqartartoq ataatsimut isertitaqarnerulersussaavoq. Taamaammat innuttaasoq pisortanit ikiorsiissutininik tiguisartoq pisortanit ikiorsiissutininik tiguisarnerup saniatigut sulilernissamut kajumissuseqarnerulissaaq. Pisortanit ikiorsiissutit sulitilluni aningaasarsianit ilanikut tamarmiusut ineriartornerat takussutissiami ataaniittumi takusassiarineqarput.


Titartagartaliussaq 2: Pisortanit ikiorsiissutininik tigusaqartarnermi sulinermilu aningaasarsiat tamarmiusut ineriartornerat.



Aapparisaq/Inooqatigisaq sulissaaq.

Pisortanit ikiorsiissutini inooqatigisap aningaasarsiaasa ilanngaatigineqartarnerannut malittarisassat allangortinnissaat pisariaqartinneqarpoq. Aapparisaq/inooqatigisap aningaasarsiai ullumikkut koruunimiit koruunimut ilanngaatigineqartarput, taamaattoqarneratalu aapparisaq/inooqatigisap sulinermut taarsiullugu pisortanit ikiorsiissutininik tigusinissaata akilersinnaanerunera pilersittarpa. Annikilliaartuaartitsinermut ilutsip allangortinneratigut, tassani aningaasat ilanngaatigineqartartut annikillisinnerisigut, inooqataasoq sulilernissaminut kajuminnerulissaaq. Annikilliaartuaartitsinissamut procenti 30 %-mut aalajangersagaavoq, tamatumalu aapparisaq/inooqatigisaq aningaasarsiaqarsimatillugu aapparisaq/inooqatigisap aningaasarsiaasa pisortanit ikiorsiissutit koruunimiit koruunimut 30 oorinik appartinneqarnissaanik kingunerissavaa. Pisortanit ikiorsiissutini akiliuteqartitsisarnerup appariartortinneratigut aapparisaq/inooqatigisaq suliffeqalernissamut kajumissuseqarnerulissaaq. Taamaammat pisortanit ikiorsiissutit inooqatigisap aningaasarsiaanut annikinnerusumik pituttorsimalissaaq. Pisortanit ikiorsiissutit aapparisaq/inooqatigisap aningaasarsiaanut naleqqiullugit annikilliaartuaartinneqarnerat titartagartaliussami ataaniittumi takusassiarineqarpoq.

Titartagartaliussaq 3: Aapparisaq/inooqatigisap aningaasarsiaqarneratigut innuttaasumut pisortanit ikiorsiissutininik ikiorsiissutit annikilliaartuaartinneqarnerat.



Kingumoortumik akiliuteqarneq

Pisortanit ikiorsiissutit ullumikkut siumoortumik tunniunneqartarput, tamannalu kingornagut iluarsiinernik kinguneqartarpoq, tassani maannakkorpiaq aningaasarsiat naatsorsornissaanni "maannakkorpiaq aningaasarsiasatut naatsorsuutigineqartut" kommunit atortarmatigit. Pisortanit ikiorsiissutit kingummoortumik tunniunneqartalissappata, pisortanit ikiorsiissutit iluarsiiqqineqartussaatiillugit kiisalu pisortanit ikiorsiissutit suliffissarsiornermut ikiorsiissutinut ataqatigiissarneqartussaatiillugit, aningaasarsiat pillugit paasissutissat naleqquttuunerulissapput.

Iluarsiiarneq

Procenti aaqqiissutissaq atorlugu aaqqiissuteqartarneq ukiumut pisarpoq. Aaqqiissuteqartarneq tunngaviumik akigitinneqartumut, eqeersimaartumik peqataanermut tapimut, innuttaasunut ineqarnermut tapiissutinik pisinnaangitsunut tapiissummut aamma nammineerluni suliaqarnermut ilanngaammumt tunngassuteqarpoq.

Pisariaqartitsineq malillugu ikiorsiissutit

Immikkut ittunik pisoqarsinnaavoq, tassani innuttaasoq nammineq aningaasartuutiminik akiliisinnaajunnaarsinnaavoq, imaluunniit innuttaasup nammineerluni akilersinnaangisaanik innuttaasoq aningaasartuutininik annertunerulersunik imaluunniit nutaanik pisinnaavoq. Taamaammat immikkut ittunik pisoqarsimatillugu pisortanit ikiorsiissutit pillugit aaqqissuusseqqinnermi aningaasaqarnikkut immikkut tapiissuteqarsinnaaneq periarfissinneqassaaq. Immikkoortoq 2.2 Pisariaqartitsineq malillugu ikiorsiissutinut tunngasoq takuuk. Pisariaqartitsineq malillugu ikiorsiissutigineqartartoq, arlaatigut sukateriffigalugu erseqqissaateqarfifigalugulu, tassanngaannartumik pisariaqavissumik ikiorsiissutigineqartartunut aamma immikkut ittunik pisoqartillugu pisortanit ikiorsiissutinut taarsiullugu atorneqalissaaq.

Nappaammik eqqugaasut.

Innuttaasut nappaammik eqqugaasut, allatut pisortanit pilersorneqarnissamut pisinnaatitaaffeqanngitsut, pisortanit ikiorsiissutinik pisinnaanissaat pisortanit ikiorsiissutit pillugit aaqqissuusseqqinnermi ukkatarineqarpoq. Napparsimanermi timikkut tarnikkullu nappaatit pineqarput.

Innuttaasut suliffissarsiornermut ikiorsiissutisisartut aaqqissuusseqqinneq nutaaq aqputigalugu suliffissarsiornermut ikiorsiissutinut nuussapput. Innuttaasut suliffillit sulilernissamulluunniit piareeqqasut amerlanertigut ineqarnermut aningaasartuuteqarnerusarmata, sivisuumillu napparsimalersimaneq innuttaasup inigisamik tunisariaqalerneranik inigisaminnilluunniit nuuttariaqalerneranik kinguneqarsinnaammat tamatumunnga tunngavilersuutaavoq. Siusinnerusukkut sapaatip akunnerini 13-ini suliffissarsiornermut ikiorsiissutigineqartunik tigusinissamut killeqartitsisoqarsimagaluarpoq. Sapaatip akunnerinut 13-inut killeqartitsineq suliffissarsiornermut ikiorsiissutit eqqunnerisigut atorunnaassaaq. Taamaammat innuttaasooq suliffissarsiornermut ikiorsiissutini ingerlaannassaaq pisortaniillu ikiorsiissutinut nuunneqassanani. Aaqqissuusseqqinnermi siullertut taaneqartumi tamanna pillugu aalajangersagaqalissaaq.

Innuttaasut pisortanit ikiorsiissutinik tigusaqartartut sivikitsumik sivisuumillu napparsimanermi pisortanit ikiorsiissutinik pisinnaatitaapput. Nappaammik eqqugaasut aamma pisariaqartitsineq malillugu ikiorsiissutinik qinnuteqarsinnaapput.

Innuttaasut napparsimaneq, ajutoorneq imaluunniit suliitilluni ajutoorsimaneq pissutigalugit sivisuumik sulisinnaajunnaartut angerlarsimaffimmini najugaqaannarsinnaanissaat aaqqissuusseqqinnermi siunertarineqarpoq. Taamaammat sivisuumik sulisinnaajunnaarnermut atatillugu pisortanit ikiorsiissutinut tapeq ikiorsiissutigineqartartoq aaqqissuusseqqinnikkut eqqunneqassaaq. Tapiliussatut ikiorsiissutigineqartartoq taanna innuttaasunuinnaq sulisinnaajunnaarnerup kingorna assersuutigalugu sapaatip akunnerini napparsimaffiusuni 26-ni suliffissarsiornermut ikiorsiissutinik tigusisarsimasunut, tamatumalu kingorna pisortanit ikiorsiissutinik nuuttunut atuuppoq. Tapeq piffissamut killiligaanngitsumut tunniunneqarneq ajorpoq, piffissamulli killeqartumut tunniunneqartassalluni.

Pisortanit ikiorsiissutit tunniunneqarallartartuunerat pissutaalluni nappaammik eqqugaasut peqqissinissartik suliffeqarfeqarfimmullu uteqqinnissartik tikillugu imaluunniit ataavartumik pilersorneqarnissamut nuunnissartik tikillugu taamaallaat pisortanit ikiorsiissutinik tigusaqarsinnaassapput.

7. Siunnersuutip kingunerisinnaasai pingaarnerit allat

7.1 Piginnaanngorsaqqittut allallu pisortanit ikiorsiissutinut tapiissutinik siusinnerusukkut tigusaqartarsimasut

Piginnaangorsaaqqinnissamut ikiorsiisarneq pillugu Inatsisartut peqqussutaat malillugu ikiorsiissutinik tiguisartut, inatsit taanna malillugu ineqarnermut akiliutitut ulluinnarnilu pisariaqartitanut nalinginnaasunut akiliinissaminut aningaasaqarnikkut allatigut taperneqarnissamik pisariaqartitsilersinnaapput.

Piginnaangorsaaqqittut suliffimmik misiliisut imaluunniit suliffimmi piginnaangorsaaqqittut taamaalaat nalunaaquttap akunnerinut sammisassaniitillutik akissarsitinneqartarput aamma piginnaangorsaaqqinnermut ikiorsiissutisarlutik. Piginnaangorsaaqqittut amerlanersaat piffissami sivikinnerusumi sulillutik aallartittarput, taamaammallu ilaqutariit sapaatip akunneranut nalunaaquttap akunnerini ikittuinnarni akissarsiat imaluunniit piginnaangorsaaqqinnermut ikiorsiissutit aqutugalugit pilersorneqassappata, ineqarnermut akiliutitut aamma ulluinnarni pisariaqartitanut akiliinissaminut aningaasaqarnikkut unammilligassaqsinnaassapput.

Pisariaqartitsineq malillugu ikiorsiissuteqartitsisoqassanersoq pillugu naliliinermi aningaasaqarnikkut tapiissuteqarnissaq pisariaqartutut takuneqarsinnaappat, piginnaangorsaaqqittut pisortanit ikiorsiissutinut tapiissutinik tunineqarsinnaasariaqarput.

Inuiaqatigiinnut, suliffeqarfeqarfimmut innuttaasunullu ataasiakkaanut piginnaangorsaaqqinneq aningaasaliineruvoq pitsaasoq, aamma inuit aningaasartuutitut pingaaruteqarluinnartunut akiliisinnaanginneq pissutigalugu piginnaangorsaaqqinnermik unitsitsiinnannginnissaat qulakkeerniarlugu, piginnaangorsaaqqittunut ikiorsiissutinut pisortanit ikiorsiissutit taperneqartarnissaasa periarfissaqartuarnissaa pingaaruteqarluinnarpoq.

7.2 Innuttaasumut suliamut tunngasumik suliniutit nutaat pillugit piumasaqarneq

Pisortanit ikiorsiissutinik tiguisartoq sulilernissaanut ikiorniarlugu siunnersorteqartitsinermik aaqqissuussineq pilersinneqassaaq. Siunnersortit pisortanit ikiorsiissutinik tiguisartunut siunnersuillutillu ilitersuissapput. Siunnersorteqartitsinermik aaqqissuussinermi pisortanit ikiorsiissutinik tiguisartut ilinniakkamik toqqaanissaannut imaluunniit sulileqqinnissaminut ikiorneqassapput. Kommunit siunnersortinik sulilersussamik pilersitsisussamik aqutsisussamillu ataqatigiissaarisussamik atorfinitsitsissapput. Siunnersortit najukkani suliffeqarfinniit sulisussarsiarineqassapput, aaqqissuussinermullu nammineq piumassuseq malillugu peqataassallutik.

Aaqqissuussinermi pisortanit ikiorsiissutinut tunniunneqartartuni ilanngaasoqartinnagu pisortanit ikiorsiissutinik tiguisartup suliffinni sivikitsumik sulilersinnaanera kiisalu tiguisartup ullup ilaannaani sulisinnaanera periarfissinneqarpoq.

Pisortanit ikiorsiissutinik tiguisartup sulilernissaminut kajumissuseqalernissaa anguniarlugu pisortanit ikiorsiissutinik tiguisartup suliffinni sivikitsumik sulisalernissaa periarfissinniarlugu aaqqissuussinermik eqqussisoqarpoq. Pisortanit ikiorsiissutinik

tiguisartoq pisortanit ikiorsiissutinut ikiorsiissutit ilanngaaffiginissaat sioqqullugu qaammammut 1.000 kr.-nit angullugit aningaasarsiaqarsinnaavoq. Pisortanit ikiorsiissutinik tiguisartut suliffeqarfeqarfimmut attuumassuteqarnerminnik attassiinnarnissaat anguniarlugu, taamaalillutillu ataavartumik suliffeqarnissaannut periarfissat pitsanngortinnissaat, aaqqissuussinermi qulakkeerneqassaaq.

Pisortanit ikiorsiissutit ilanngaaffiginissaat sioqqullugu suliffinni sivikitsumik sulilernissamut periarfissaqartitsineq aamma ullup ilaannaa sulilernissamut periarfissaqartitsineq aaqqissuussinermi eqqunneqarpoq.

7.3 Meeqqanut tapiissutit

Pisortanit ikiorsiissutinik tiguisartunut meeqqanut tappissutisisitsisarneq kommunini ileqqusoq, misissuinermi VIVE-mit ingerlanneqartumit takutinneqarpoq. Taamaallaat pisortanit ikiorsiissutinik tigusaqartartunut meeqqanut tapiissutit kommunit tunniuttarsimammatigit, tamatuma inatsisitigut naligiinngisitsisoqalenera kingunerisimavaa. Innuttaasut allat isertitakitsut meeqqaminnut meeqqanut tapiissutinik tiguisarsimangillat.

Taamaammat meeqqanut tapiissuteqartitsinermik aaqqissuussinissaq pillugu suliamik aallartitsisoqarpoq, tassani innuttaasut isertitakitsut meeqqaminnut tapiissummik qaffatamik pisinnaanissaat isumagineqassalluni. Innuttaasunut isertitakitsunut qaffatamik tapiissutip assigiiamik tunniunneqartarnissaa qulakkeerniarlugu, maannakkut meeqqanut tapiissutinut tapiissutitut tapiliussisoqarsinnaanera siunnersuutigineqarpoq.

Tapiissutigineqartoq ilaqutariinnut meerartalinnut tunniunneqassaaq, aningaasarsiarineqartuniillu ukiumut 50.000 kr.-niusunit ikilisarneqartassalluni.

8. Tusarniaaneq

Siunnersuut piffissami 27. august 2021-miit [24. september 2021-mut](http://www.naalackersuisut.gl) www.naalackersuisut.gl -imi tusarniaanermut nittartakkami tamanut saqqummiunneqarsimavoq.

Tusarniaanermiit akissutit tusarniaanermut akissutinut allakkiami nassuiarneqarput. Ilanngussaq 1 innersuussutigineqarpoq.

Siunnersuummi aalajangersakkanut ataasiakkaanut nassuiaatit

§ 1-imut

Imm. 1-imut

Inunnut arlaatigut aningaasaqarnermikkut imminnut ikiorsinnaangitsunut aamma pisortanit ikiorsiissutinut piumasaqaatinik naammassinnittunut aningaasaqarnermikkut ajutuuinnginnissaat siunnersuutip qulakkiissavaa.

Peqatigitillugu innuttaasuni ataasiakkaani ikiorsiissutinik tigusinissamut pisariaqartitsisoqarnera sapinngisamik pinaveersaartitsiffiussaaq imaluunniit ikiorsiissutit piffissami killilimmi pisariaqartinneqarnissaa qulakkeerlugu.

Kapitali 6 naapertorlugu pisortanit ikiorsiissutini ikiorsiissutit annertussusileriikkat aammalu kapitali 7 naapertorlugu pisariaqartitsineq malillugu ikiorsiissutit naasuiarneqarput. Ikiorsiissutini annertussusileriikkani tunngaviusumik akigititaaq tapillu ilaasut ilaapput. Pisariaqartitsineq malillugu ikiorsiissutini pisut immikkut ittut malitsigisaannik tassangaannartumik pisariaqartitsisoqalernerani ikiorsiissutit kiisalu immikkut pisoqarsimatillugu ikiorsiissutit pineqarput.

Imm. 2-mut

Pisortanit ikiorsiissutit tiguisartup imminut ikiorsinnaalernissaanut iluaqataassapput. Pisortanit ikiorsiissutit tiguisartup imminut ikiorsinnaalernissaanut iluaqataassapput. Taamaattumik apeqquataatinnagu sulisinnaassuseq sorleq pigiinnarneqarnersoq, pisortanit ikiorsiissutinik tiguisartup sulisinnaassusiata atorluarnissaanut ineriartortitsiffiunissaanullu nammineerluni suliniuteqartarnissaata pisussaaffinngornissaa piumasaqaatinngorpoq.

Ikiorsiissutit annertussusileriikkat ikiorsiissutinik annertussusileriikkanik tiguisussamut kommunalbestyrelsimit suliartoqquneqarnissamik aamma suliffimmik innersuunneqartumik tiguisinnaanissamik kiisalu iliuusissatut pilersaarutit suliarinerannut ingerlannerannullu peqataasarnissamik piumasaqaatinut attuumassuteqarput.

Pisariaqartitsineq malillugu ikiorsiissutit pisunut immikkorluinnaq ittunut aamma pisortanit ikiorsiissutinik tiguisartunut aningaasartuutit akilernissaannut nammineerluni aningaasaqarnikkut periarfissaqangitsunut imaluunniit aningaasartuutitut akiliuteqarnissanut siunissami imminut pilersorsinnaanermut periarfissanik ajornakusoortitsilersussanut attuumassuteqarput.

Imm. 3-mut

Innutaasut pisortanit ikiorsiissutinik pisariaqartitsiujunnaarnissaannut ikiorniarnissaanni sapinngisamik akisussaassuseqalernissaat nammineerlutillu aalajangiisinnaasarnissaat Inatsisartut Inatsisaanni matumani tunngaviit pingaarnersaasa ilagivaat.

Taamaammallu ikiorsiilernissat iliuusissatullu pilersaarutip imaassinnaasoq malitseqartitsiffiusussap piareersarnerannut atatillugu akisussaaqataasarnissaq tunniunneqassaaq.

§ 2-mut

Aalajangersakkap peqqussummi atuuttumi § 2-mi aalajangersagaq assigaa. Nammineerluni imminut, aapparisamut meeqqanullu ukiukinnerusunut pilersuinissap pisussaaffiunera aalajangersakkakut aalajangersarneqarpoq.

Imm. 1-imut

Aappariit pilersoqatigiittussaataitanerat kiisalu meeqqanut 18-it inorlugit ukiulinnut pilersuisussaataitanerat aalajangersakkakut aalajangersarneqarpoq.

Aappariit pilersoqatigiittussaananeranni aappariinnerup inatsisitigut sunniutai pillugit inatsimmi § 2 aalajangersagaq malinneqarpoq. Inunnut nalunaarsorneqarlutik inooqatigiilersimasunut tunngatillugu pilersuisussaataitanerami Nalunaarsukkamik inooqatigiilerneq il.il. pillugit inatsisip Kalaallit Nunaannut atortuulersinneqarnera pillugu peqqussummi § 3 aalajangersagaq malinneqarpoq.

Meeqqanut 18-it inorlugit ukiulinnut pilersuisussaataitanerami meeqqat inatsiseqartitaanerannik inatsimmi §§ 13-imi aamma 14-imi aalajangersakkat malinneqarput.

Imm. 2-mut

Aapparisamut pilersuisussaataitaneq averusernissamut akuersissuteqarnikkut eqqartuussutikkulluunnit aatsaat unitsinneqarsinnaavoq. Tamanna tikitsinnagu aappariinneq ingerlaannassaaq. Naak averusernissamut akuersissuteqarnermi eqqartuussummiluunniit inooqatigisap aappaa inooqatigisap aappaanut akilersuutininik akileeqquneqaraluartoq, pilersoqaatigiittussaataitaneq averusernerup akuersissutigineraniit eqqartuussutigineraniluunniit atuutilersumik unittutut isigineqassaaq. Aapparisamut akilersuutit aningaasarsiaapput akileraaruteqaataasussat, tiguisullu maannakkorpiaq aningaasarsiaasa naatsorsuiffiginerinut ilanngunneqassalluni, pisariaqarpallu inatsisissatut siunnersuut manna malillugu ikiorsiissutit ikilinissaannut tunngaviliisinnaalluni.

Imm. 3-mut

Meeqqat inatsiseqartitaanerannik inatsimmi §§ 13 aamma 14 malillugit meeqqamut pilersuisussaataitaneq uninnaviannigilaq.

Siunnersuummut matumunnga naleqqiullugu meeqqamut pilersuisussaataitaneq atorunnaarpat, tamanna meeqqamut ikiorsiissutit tunniunneranni naatsorsornerannilu angajoqqaat aningaasaqarnikkut atugarisaat pillugit kommunalbestyrelsi misissuissanngitsoq

taamaallaat isumaqarpoq. Siunnersuummut matumunnga naleqqiullugu meeraq aapparisamut meeqqamulluunniit pilersuinissaminik akisussaajunnaarpat angajoqqaat meeqqamik pilersuisussaataanerat aallarteqqissaq.

Imm. 4-mut

Angajoqqaat pilersuisussaannermut akisussaaffiat ingerlaannassasoq, kisianni kommunip angajoqqaat aningaasaqarnikkut atugarisaat apeqqutaatinnagit naartunerup kingunerisaanik ikiorsiisioqartassasoq aalajangersakkatigut aalajangersarneqarpoq.

Naartunerup ikiorsiissutinillu pisariaqartitsinerup akornanni pissutaasut ataqatigiittariaqarput, soorlu paniusoq naartuneq pissutigalugu suliunnaartariaqarsimappat.

Naartuneq naartuersinnikkut unissimappat angoqqaat tamakkiisumik pilersuinissamut akisussaaleqqissapput.

Inummut 18-it inorlugit ukiulimmut ikiorsiissutit uuttuiffiginissaannut pisinnaatitaaffeqartarneq nalinginnaasuunngilaq.

§ 3-mut

Annertussusilerikkani ikiorsiissutit qaammatikkaartumik akigitatut aalajangersimasutut nassuiarneqarput, taakkulu ineqarnermut, aningaasartuutit aalajangersimasut allanngorartullu kiisalu nerisassanut atisanullu aningaasartuutit akilernissaannut ilaapput.

Annertussusilerikkani ikiorsiissutit tunngaviumik akigititamik pisariaqarpallu tapimik ilaqaarput.

Pisariaqartitsineq malillugu ikiorsiissutinik tiguisartup taassumalu inooqataata aningaasartuutini namminneerlutik akiliinissamut periarfissaqarsimatinnagit tassanngaannartumik pisunut ikiorsiissutit pisariaqartitsineq malillugu ikiorsiissutit nassuiarneqarput.

Pisariaqartitsineq malillugu ikiorsiissutini tassanngaannartumik ataasiartumik ikiorsiinernut, ataasiartumik aningaasartuuteqanermut, nuunnermut ikiortinnermut, ilisisoqarnerani ikiortinnermut, qanimut qanigisaasut napparsimaruloornerannut, toqunerannut ilisaanerunnulluunniit aammalu tassanngaannartumik ikiorsiisarnermut, angerlamut angalanissamut Kalaallit Nunaanniitillunilu Kalaallit Nunaanniit aallarnissamut periarfissaqanginnermut atatillugu tapiisarnerit ilaapput.

Pisariaqartitsineq malillugu ikiorsiissutit ikiorsiissutit annertussusaannut sivilissusissaanullu tunngatillugu tamatigut nalilersoqqissaarneqartarput.

§ 4-mut

Aalajangersakkami inuit inooqateqartut inunnut aappalinnut imaluunniit nalunaarsorneqartumik inooqatilinnut naligiissinneqarput. Inuit katissimanissaat, nalunaarsorneqartumik inooqateqalersimanissaat imaluunniit katissimanermut assingusumik inooqateqalersimanissaat aalajangersakkami aalajangersarneqarpoq. Inooqatigiinnerup sivilissusissaanut piunasaqartoqanngilaq, taamaallaat pisortanit ikiorsiissutinik tiguisarnerup nalaani inooqatigiinneq atuutissaaq.

Inunnik nalunaarsuiffimmi inuk katissimanngitsoq inummik inersimasumik allamik najugaqateqarnersoq paasineqarsinnaavoq. Taamaakkaluartoq inooqatigisaq inunnik nalunaarsuiffimmi inummik pisortanit ikiorsiissutinut qinnuteqartumik najugaqateqartutut nalunaarsimanersaq pingaaruteqanngilaq. Inuit katissimanermut assingusumik inooqatigiinnersut tassani pingaarnerpaavoq.

Inuk allamik najugaqateqarpat, soorlu ilaqaataasumik, katissimanermut assingusumik aappariinneq pineqarsimanngippat, inuk kisermaatut pisortanit ikiorsiissutinik pisinnaatitaavoq.

Pisortanit ikiorsiissutinik tiguisartooq assersuutigalugu inummumut utoqqalinersianik tiguisartumut katissimappat, inooqatigisaq isumaginninnermi ulloq unnuarlu paaqqinniffimmut nuussimappat, inooqatigiinneq unissimasutut isigineqassaaq. Taamaattoqarsimappat pisortanit ikiorsiissutinik tiguisartooq kisermaatut isigineqassaaq.

§ 5-imut

Imm. 1-imut

Imm. 1-ip atuuttumi § 4, imm. 1 assigaa.

Pisortanit ikiorsiissutinik tunniussisoqassappat inuk Kalaallit Nunaanni aalajangersimasumik najugaqassaaq inunnillu nalunaarsuiffimmi najugalittut allassimassalluni. Aalajangersimasumik najugaq tassavoq sumiiffik sulinngiffeqarnek, suliamut atatillugu angalaneq, napparsimaneq assigisaaluunniit pissutigalugit allamiikkallanngikkaanni nalinginnaasumik siniffigisagaq pigisallu inissisimaffiat.

Inuk danskit naalagaaffianni innuttaassaaq, imaluunniit kingusinnerpaamik katikkami danskit naalagaaffianni innuttaasumut katissimassaaq, imaluunniit inuit danskit naalagaaffianni innuttaanngitsut Kalaallit Nunaanniinnerminni nunanut allanut imaluunniit nunat tamalaat akornanni kattuffinnut isumaqatigiissutinut ingerlaannartumik pilersorneqarnissamut akiligassallu aalajangersimasut akilerneqarnissaannut ikiorsiissutisisinnaatitaanerannik pisinnaatitaaffiliisunut ilaassaaq.

Inuit danskit naalagaaffianni innuttaassuseqanngitsut, kingusinnerpaamik katikkami danskit naalagaaffianni innuttaasumut katissimangitsoq imaluunniit nunat tamalaat akornanni kattuffinnut isumaqatigiissutinut ilaangitsut pisortanit ikiorsiissutinik pisinnaatitaanngillat. Taamaakkaluartoq siunnersuummi §§ 35 aamma 36 malillugit inunnut pisortanit ikiorsiissutinik pisinnaatitaanngitsunut qaqutiguinnaq immikkorluinnaq naatsorsuutigineqanngitsumillu tassanngaannartumik pisoqarsimatillugu ikiorsiissuteqartoqarsinnaavoq angerlamullu angalanissamut tassanngaannartumik ikiorsiissutinik tunniussisoqarsinnaalluni.

Imm. 2-mut

Aalajangersakkami inuit angerlarsimaffeqanngitsut amerlanertigut taaneqartartut ilaatinneqarput. Aalajangersakkami aamma inuit assersuutigalugu Danmarkimi piffissami aalajangersimasumi najugaqarsimasut, angerlarnerminnilu najugassaqaanngitsut aamma ikinngutiminni ilisarimasaminnilu unnuigallartartut ilaatinneqarput.

Angerlarsimaffeqanngitsut inuillu inissaqaanngikkallartut pisortanit ikiorsiissutinik pisinnaanissaannut kalaallinut inuiaqatigiinnut aalajangersimasumik attaveqarnissaat piumasarineqarpoq. Inuit kalaallinut inuiaqatigiinnut inuttut attuumassuteqarluartut kalaallinut inuiaqatigiinnut aalajangersimasumik attaveqartutut isigineqarput. Inuk Kalaallit Nunaanni inunngorlunilu peroriartorsimasoq, inuk Kalaallit Nunaanni angajoqqaartoq imaluunniit qanigisaqartoq imaluunniit inuk piffissani sivisunerusuni Kalaallit Nunaanni inunnut nalunaarsuiffimmi allatsisimasoq aalajangersimasumillu najugaqarsimasoq assersuutaasinnaapput.

Inuit imm. 2-mut ilaasut pisortanit ikiorsiissutinik pisinnaassagunik danskisut innuttaassuseqassapput, danskisut innuttaassusilimmut katissimassapput imaluunniit kingullermik katisissimasuussapput imaluunniit nunanut allanut imaluunniit nunani tamalaani suliniaqatigiiffinnut isumaqatigiissutinut ilaassapput, tamakkulu aqputigalugit inuit danskisut innuttaassuseqanngitsut Kalaallit Nunaanniinneranni pilersornissamut aningaasartuutinullu aalajangersimasunut pisortanit ikiorsiissutinik pisinnaatitaaffeqassallutik.

§ 6-imut

Imm. 1-imut

Inuit § 5-imi piunasaqaatinik naammassinninngitsut pisortanit ikiorsiissutinik annertussulieriikkanik imaluunniit pisariaqartitsineq malillugu pisortanit ikiorsiissutinik pisarneq malillugu pisinnaatitaassanngillat.

Aalajangersagaq aqputigalugu pisuni nunani allani inuiattut innuttaassusilik unioqputitsinani najugaqarnissamut sulinissamullu akuersissummik peqartillugu imaluunniit peqarsimatillugu, kisiannili assersuutigalugu suliffeerussimatillugu inigisaminillu annaasaqarsimatillugu nalilersuilluareernikkut tapiinissaq periarfissaalissaaq.

Inunnut taakkununga § 31-mi malittarisassat malillugit pisut immikkut ittut malitsigisaanik ataasiaannartumik ikiorsiissutininik kommunalbestyrelsi tunniussaqaarsinnaavoq. Pisut immikkut ittut malitsigisaanik ataasiaannartumik ikiorsiissutit taamaallaat qaammammut ataatsimut tunniunneqaarsinnaapput.

Qinnuteqartoq taassumaluunniit inooqataa aningaasartuutigineqartumik namminneerluni akiliisinnaappat, aningaasartuutit akilernissaannut kommunalbestyrelsi ikiorsiissutininik tunniussisinnaangilaq.

§ 40 pisariaqartitsineq malillugu ikiorsiissutinut atorneqarneq ajorpoq.

Imm. 2-mut

Inuk Kalaallit Nunaanni nunaniluunniit allani angalanissamut killilersuinerit kingunerisaannik inatsisitigut aallarsinnaatitaangippat, angalanissamut killilersuinerit uninnissaat tikillugu pisut immikkut ittut malitsigisaanik ataasiaannartumik ikiorsiissutininik tunniussisoqaarsinnaavoq.

§ 7-imut

Imm. 1-imut

Inuit § 5-imi piumasaqaatinik naammassinninngitsut pisortanit ikiorsiissutininik annertussusileriikkanik imaluunniit pisariaqartitsineq malillugu pisortanit ikiorsiissutininik pisarnek malillugu pisinnaatitaassanngillat.

Aalajangersagaq aqutigalugu § 36-imi malittarisassat malillugit ikiorsiissutininik tunniussisoqarnissaa periarfissaqalerpoq. Tassani assersuutigalugu pisuni nunani allani inuiattut innuttaassusillit nunaminnut inuiattut innuttaassuseqarfimminnut angerlamut angalanissaasa pinngitsaaliissutaasinnaanera pineqarpoq.

Inuup nunagisaminut angerlarluni angalanissaanut pisariaqartitsineq malillugu ikiorsiissutininik kommunalbestyrelse tunniussisinnaavoq. Pisortanit ikiorsiissutit angerlarnissamut ilaassutissamut akikinnerpaamut tunniunneqassapput.

Qinnuteqartoq taassumaluunniit inooqataa aningaasartuutigineqartumik namminneerluni akiliisinnaappat, aningaasartuutit akilernissaannut kommunalbestyrelsi ikiorsiissutininik tunniussisinnaangilaq.

§ 40 pisariaqartitsineq malillugu ikiorsiissutinut atorneqarneq ajorpoq.

Imm. 2-mut

Inunnut Isumaginninnikkut Isumannaarinerit pillugit Nunat Avannarliit Isumaqatigiissutaannut ilaasunut nunami allami najukkamut aalajangersimasumut nuunnernut kommunalbestyrelsip imm. 1 malillugu pisortanit ikiorsiissutinik tunniussaqaarsinnaanera erseqqissarneqarpoq.

§ 8-mut

Imm. 1-imut

Ikiorsiissutinik annertussusilerikkaniq tiguisinnaasoqassappat, inuk suliffissarsiortuusariaqarpoq, imaappoq tamakkiisumik ilaannakuusumilluunniit suliffeqartuussanngilaq. Suliffeqarneq akissarsiaqarfiunersoq akissarsiaqarfiunnginnersorluunniit apeqqutaanngilaq.

Suliffissarsiortup sulisinnaassusaata apparsimanissaa aamma piumasaaqatit nalinginnaasut malillugit sapaatip akunneranut nalunaaquttap akunneri 20-t minnerpaamik atorfirmik isumagisaqaarsinnaannginnissaa aamma piumasaaqataavoq. Pisarneq malillugu piumasaaqatit malillugit pisarneq malillugu atorfik atorfittut inuup qinnuteqartutut ukiui aamma ilinniarnikkut tunuliaqutai malillugit nalinginnaasumik isumagineqaarsinnaasoq isigineqarpoq.

Qinnuteqartoq suliffissarsiortoq nalunaaquttap akunneri 20-t sinnerlugit sulisinnaassuseqassappat, pisortanit ikiorsiissutit tunniunneqaarsinnaanngillat. Akerlianik pineqartoq pingaarnertigut Suliffimmik ujarlernermit tunniunneqartartut pillugit Inatsisartut inatsisaannut ilaasussaassaaq, taamaattoq takuuk siunnersuummi § 8, imm. 2-mi pisussaaffiliinnginneq.

Inuup sulisinnaassuseqarnerani sapaatip akunneranut nalunaaquttap akunneri 20-t qaangerneqaarsimanersut ataanneqaarsimanersulluunniit piviusumik nalilersuiffigineqarneranik tunngaveqassaaq. Suliffissarsiornermut ikiorsiissutinut, piginnaanngorsaqqinnernut imaluunniit pisortanit ikiorsiissutinut pisarneq malillugu innersuussinernut atatillugu nalilersuineq kommunalbestyrelsimit suliarineqassaaq.

Nalilersuineq inuup ataatsimut atugarisaanik tunngaveqarpoq, matumani inuup suliffeqarfeqarfimmuut ulloq manna tikillugu attaveqarnera, ilinniagaqarnikkut tunuliaqutai, ilaqutariinnikkut atugarisai, ineqarnikkut atugarisai, nappaateqarneq, atonerluisuuneq, inooqatigiinni piginnaasat il.il.

Siunnersuummi § 17 malillugu sulisinnaassutsimik nalilersuineq iliuusissatut pilersaarutip suliarinerani aamma ilanngunneqartussaavoq.

Imm. 2-mut

Inuusuttut 18-it inorlugit ukiullit pilersuisussaataasut pineqartoq suliffissarsiortuuppat ikiorsiissutinik annertussusilerikkaniq pisinnaatitaapput. Tassani sulisinnaassutsip

apparsimanissaanut piumasaqartoqanngilaq. Pisortanit ikiorsiissutinik tiguisinnaanermut piumasaqaatit allat suli naammassineqartussaassapput.

Inuusuttut 18-it inorlugit ukiullit suliffissarsiornermut ikiorsiissutinik tiguisinnaassanngimmata aalajangersagaq ilanngunneqarpoq.

§ 9-mut

Imm. 1-imut

Pineqartup pilersornissaa ikiorsiissutinik allanit, pisortanit tapersersuinissaq ikiorneqarnissarlu pillugit inatsisit allat aqutugalugit matussuserneqarsinnaappat imaluunniit allatigut pilersuinissamut tunngavissaqassappat ikiorsiissutit annertussusileriikkat tunniunneqarsinnaanngillat.

Namminersortuni aamma pisortani qinnuteqartup isertitarisinnaasai suulluunniit tamarmik tamatumani atuupput. Namminersortunit aamma pisortanit isertitarisinnaasai suulluunniit tamarmik tassani pineqarput. Namminersortuni aamma pisortani isertitat assersuutugalugu tassaasinnaapput kingornussarsiat, akissarsiatut tunissutit, pisortanit namminersortuniillu pensionisiat, piginnaangorsaqqinnermi ikiorsiissutit, ilinniagaqarnersiutit, suliffissarsiornermut ikiorsiissutit assigisaaluunniit.

Assinganik inuit Siusinaartumik pensionisiat pillugit Inatsisartut inatsisaat aamma Utoqqalinersiaqarneq pillugu Inatsisaat malillugit pensionisianik pisinnaatitaasut peqatigisaanik Pisortanit ikiorsiissutit pillugit Inatsisartut inatsisaat malillugu ikiorsiissutinik annertussusileriikkanik pisinnaassanngillat.

Inatsisartut inatsisaat manna malillugu ikiorsiissutit annertussusileriikkat inatsisinut allanut sanilliullugit pingaarnerunngillat.

Imm. 2-mut

Inuit nammineq angerlarsimaffigisap avataani sivilisunerusumik najugaqartut, soorlu assersuutugalugu ulloq unnuarlu neqeroorumi imaluunniit ulloq unnuarlu paaqqinnittarfimmi, Inatsisartut Inatsisaat manna malillugu ikiorsiissunik annertussusileriikkanik pinissaminnut pisinnaatitaaffeqarput.

Sivilisunerusumik najugaqarnerit aallaaviatigut qaammatinik 3-nik sivilisunerusussaapput, tamannali nalilersuilluareernikkut pisassaaq. Najugaqarneq aqqissuussinertut ataavartutut isikkoqarsimappat malittarisassaq atorneqarsinnaassaaq, aamma qaammatit pingasut qaangiutsinnagit.

Taamatut pisoqarsimatillugu pisortat inigisaq nerisassallu aqputigalugit pilersornissamut aningaasartuutit akilertarmatigik § 27 naapertorlugu akigitaq annikillisaq tunniunneqartussaavoq.

Imm. 3-mut

Inuit inissiisarfimmi inissinneqarnissamik, napparsimavimmi imaluunniit paaqqinnittararfimmi allami inissinneqartussatut eqqartuussat imaluunniit tigummigallagassatut eqqartuussat pisortanit ikiorsiissutinik annertussusileriikkanik pisinnaatitaassanngillat. Inuit pisortani oqartussaasunit aalajangiineq tunngavigalugu paaqqinnittararfimmi inissinneqarsimasut pisortanit ikiorsiissutinik annertussusileriikkanik pisinnaatitaassanngillat.

Inuit pineqartut pineqaatissinneqarsimasunut inissiisarfimmiinnerminni imaluunniit paaqqinnittararfimmiinnerminni pilersorneqarnissaminnut isumannaarneqareersimassapput. Peqatigitillugu inuit pineqartut kapitali 4 naapertorlugu kommunalbestyrelsimit suliartoqquneqarsinnaanngillat.

Taamaakkaluartoq iperagaanermut assigisaanilluunniit pisoqarneranut atatillugu ikiorsiissutinut annertussusileriikkanut qinnuteqarnissaq periarfissaassaaq, taamaattoqarsimappallu taakku iperagaanerup atortussanngortinnera peqatigitillugu tunniunneqarsinnaassapput.

Taamaattumik tassunga atatillugu iliuusissatut pilersaarummik suliaqarnissaq aallartissinnaaniarlugu iperagaanissaq qaammammik ataatsimik sioqqullugu qinnuteqaammik suliaqartoqassasoq innersuussutaavoq.

Kapitali 7 naapertorlugu ikiorsiissutit annertussusileriikkat pillugit qinnuteqarnissaq sulii periarfissaassaaq.

§ 10-mut

Imm. 1-imut

Pisariaqartitsineq malillugu ikiorsiissutit Inatsisartut inatsisaanni kapitali 7-mi erseqqinnerusumik nassuiarneqarput.

Aalajangersagaq manna malillugu ikiorsiissutit inatsisinut allanut sanilliullugu pingaarnerunngillat, taamaammallu periarfissat allat periarfissaajunnaarpata Inatsisartut inatsisaat manna malillugu aatsaat akuersissutigineqarsinnaallutik.

Inuit innarluutilit tapersersorneqarnissaat pillugu Inatsisartut inatsisaat imaluunniit Meeqqat tapersersorneqarnissaat pillugu Inatsisartut inatsisaat malillugit inuit tapersersorneqarnissamik pisinnaatitaasut, Pisortanit ikiorsiissutit pillugit Inatsisartut inatsisaat malillugu pisariaqartitat taakkua matussusernissaannut ikiorsiissutinik tunineqarsinnaassanngillat.

Taamaalisoqarnerani assersuutigalugu pisariaqartitsineq piviusoq Utoqqalinersiaqarnek pillugu Inatsisartut inatsisaatigut matussuserneqarsinnaassanngippat, taamaalilluni utoqqalinersianik tiguisinnaaneq aamma Inatsisartut inatsisaat manna malillugu ikiorsiissutit ilaannik pisinnaaneq periarfissaassaaq.

Imm. 2-mut

Aatsaat immikkorluinnaq pisoqarsimatillugu aningaasartuutit qinnuteqarnerup nalaani siumut oqaatigineqarsinnaanngitsut akilernissaannut ikiorsiisoqarsinnaavoq, tamatumani aningaasartuuteqarnissaq pineqartup ilaqutaasalu inuunerannut pingaaruteqarluinnartuusimappat.

Pisariaqartitsineq malillugu ikiorsiissutinik tiguisartut namminneerlutik inuunerminnut akisussaasuunissaannik tunngaviusumik tunngavigineqartoq taamaalilluni atuuttussaavoq, tamannalu isumaqarpoq periarfissaqarsimatillugu nammineq aningaasartuutigisassanut ileqqaartoqassasoq.

Allatut pisoqarsimappat pisariaqartitsineq malillugu ikiorsiissutinut naammaginartumik tunngavilersuisoqarsimappat ikiorsiisoqarsinnaavoq, matumani pisariaqartitsineq malillug ikiorsiissutinik tiguisartoq aningaasartuummut ileqqaarnissamut aningaasaqarnermigut periarfissaqarsimanngippat.

Taamaattorli pineqartoq akiligassamini ataavartuni aningaasartuutinngortunut iliuuseqarsimasinnaasimanngippat, taamaasillunilu nammineerlu ileqqaarsinnaasimanngippat nalinginnaasumik pisariaqartitsineq malillugu ikiorsiissutinik tunniussinissaq periarfissaassaaq.

§ 11-mut

Imm. 1-imut

Suliartoqqusaasarnermi ikiorsiissutinik annertussusileriikkanik tiguisartup kommunalbestyrelsimit suliartoqquneqarsinnaaneranik, kommunalbestyrelsimik suleqateqarnermut peqataanissaanik aamma eqeersimaartumik sulisinnaassutsiminik atuinissaanik, imaluunniit sulisinnaassutsiminik eqeersimaartumik ineriartortitseqataanissaanik pitsanngorsaaqataanissaanillu suliartoqquneqarsinnaanermut pisussaaffik tunngaviusumik paasineqassaaq.

Suliartoqquneqarsinnaaneq pillugu pisussaaffimmi ikiorsiissutinik annertussusileriikkanik tiguisartup ullumik ataatsimik periarfissineqarluni ataatsimiinnernut aamma sammisassanut kommunalbestyrelsimit aallartinneqartunut peqataasarnissaa imaluunniit suliffissaq pillugu neqeroorummut akuersisarnissaa imaluunniit atorfirmut inuttaqanngitsumut

tunniunneqartumut inuup sulisinnaassusiata iluani isumagineqarsinnaasumut akuersisarnissaa ilaapput.

Qaqugumulluunniit sulilernissamut piareersimasussaaneq isumaqarpoq pisortanit annertussusileriikkanik ikiorsiissutinik pisartagaqartoq ingerlatsinerni peqataasinnaasoq, piffissami nalinginnaasuni ingerlanneqartartuni. Tamanna isumaqarpoq pikkorisarnissat ataatsimiinnissallu naatsorsuutigisariaqartut suliffiup nalinginnaasup iluani, taamaattorli ingerlatsinerit ataasiakkaat pilersaarusiorneqarsinnaapput unnukkut ingerlanneqartussatut, ingerlatassanik pilersaarutaasunik naammassinninnissamut naapertuuppata. Ilanngullugulu neqeroortoqarsinnaavoq suliassanik, unnukkut unnuakkallu aamma pigaartuunissanik imaqartunik, suliassani pineqartuni tamanna nalinginnaasuuppat.

Ikiorsiissutinik annertussusileriikkanik tiguisartoq annikitsumik suliaqarpat, suliartoqquneqarsinnaaneq pillugu pisussaaffiup atugassanngortinneqarnerani tamanna aamma eqqarsaatigisariaqarpoq.

Ikiorsiissutinik annertussusileriikkanik tiguisartup sulisinnaassutsimi iluani suliffeqalernissamut neqeroorummik tiguisinnaanera kommunalbestyrelsip nalilersortussaavaa. Taamatut naliliineq ikiorsiissutinik annertussusileriikkanik tiguisartup qanoq pisinnaasaqartiginerata naliliiffigineranik aallaaveqassaaq. Inuk ikiorsiissutinik annertussusileriikkanik tiguisartoq assersuutigalugu akissarsiat siusinnerusukkut akissarsiarisarsimasanut sanilliullugit ikippallaarnerat, sulisitsisup isumaqatigiissusiorsimanginnera imaluunniit neqeroorutigineqartoq siusinnerusukkut atorfigisarsimasanut, ilinniagarisarsimasanut assigisaannulluunniit naapertuutinnginnera tunngavilersuutigalugit taamaalilluni ikiorsiissutinut kinguneqartitsiviunngitsumik sulilernissamut neqeroorummut tunniunneqartumut itigartitsisinnaassanngilaq. Ikiorsiissutinik annertussusileriikkanik tiguisartoq atorfimmik isumaginnissinnaappat ikiorsiissutinik annertussusileriikkanik tiguisartoq tamatumunnga akuersissaaq. Akerlianik pisoqarpat ikiorsiissutinik annertussusileriikkanik tiguisartoq suliartoqquneqarsinnaasimassanngilaq, taamaalillunilu ikiorsiissutinik annertussusileriikkanik pisinnaatitaaffimminik annaasaqassalluni.

Ikiorsiissutinik annertussusileriikkanik tiguisartoq illoqarfigisamini nunaqarfigisaminiluunniit najugaqanngippat, piffissami najuutinnginnerup nalaani suliartoqquneqarsinnaasutut isigineqassanngilaq, taamaattorli napparsimaneq pissutigalugu sulinnginneq minillugu. Najuutinnginnerit tassaasinnaapput pinialunnermut aallaaniarnermullu imaluunniit inuup illoqarfigisaata nunaqarfigisaataluunniit avataanut tikeraarnernut atatillugu najuutinnginnerit.

Inuk suliffimmik namminersortumik ingerlataqartoq ikiorsiissutinik annertussusileriikkanik tiguisinissaminut pisinnaatitaaffeqalissappat suliffeqarfiutiminik

unitsitsigallartariaqalersinnaavoq. Suliffeqarfik namminersortoq suli ingerlanneqarsimappat inuk suliartoqquneqarsinnaanngitsutut isigineqassanngilaq.

Imm. 2-mut

Naalakkersuisut inuup sulisinnaassusiata naliliiffiginissaa aalajangersaaffiginissaalu pillugit malittarisassanik aalajangersaanissamut piginnaatinneqarput. Matumani qinnuteqartup sammisassani, qulaajaanerugallartuni il.il. qinnuteqartup sulisinnaassusianut qulaajaanissanut iluaqutaasussanut peqataasarnissamik pisussaaffeqarnera pillugu malittarisassanik aalajangersaasoqassaaq.

Naalakkersuisut suliartoqquneqarsinnaanermut pisussaaffeqarnek pillugu malittarisassat oqilisaassiffiginissaat sukannerulerunnissaallu pillugit malittarisassanik aalajangersaanissamut piginnaatinneqarput.

Suliartoqquneqarsinnaanermut pisussaaffeqarnerup oqilisaaffiginissaani ikiorsiissutinik aalajangersimasunik tiguisartut ulluunerani paaqqinniffimmi inissaqannginnerup imaluunniit meeqqap napparsimalersimanerata kingunerisaannik meeqqanik mikinerusunik angerlarsimaffimmi najugaqartunik paarsisoqarnissamut periarfissaqannginneq assersuutaasinnaapput. Naalakkersuisut aamma sulinnigiffeqarallarnissaq pillugu malittarisassanik aalajangersaasinnaapput, tassani ikiorsiissutinik annertussusileriikkanik tiguisartut suliartoqquneqarsinnaanngikkaluarlutik pisortanit ikiorsiissutinik tiguisinnaanerat periarfissinneqassalluni.

Namminersorlutik inuussutissarsiutillit suliartoqquneqarsinnaaneq pillugu pisussaaffiliinissamut piumasaqaatit annertunerusut pillugit malittarisassanik aalajangersaasoqarsinnaavoq aamma matumani ikiorsiissutinik annertussusileriikkanik tiguisinnaanermut namminersorlutik inuussutissarsiumminnik unitsinnissaat pillugu piumasaqaammik pisussaaffiliinissaq ilanngullugu.

§ 12-imut

Namminersorlutik inuussutissarsiutillit, matumani inuussutissarsiutigalugu aalisarnermik piniarnermillu ingerlataqartut ilanngullugit, Inatsisartut inatsisaannik naammassinnikkunik Inatsisartut inatsisaat manna malillugu ikiorserneqarnissamik pisinnaatitaapput.

Ikiorsiissutinik annertussusileriikkanik tiguisinnaasoqassappat namminersorluni inuussutissarsiutillip sulisinnaassusaata sapaatip akunneranut nalunaaquttap akunneri 20-t qaangissanngikkai piumasaqaataavoq, soorluttaaq namminersorluni inuutissarsiutillip suliartoqquneqarsinnaanera piumasaqaataasoq. § 8 aamma 11-mut nassuiaatit innersuussutigineqarput.

Ikorsiissutininik annertussusileriikkanik pissagaanni namminersorlutik inuussutissarsiutillip suliartoqquneqarsinnaanera piumasaqaataavoq. Namminersorluni inuussutissarsiutilimmut tunngatillugu suliffeqarfiup namminersortup ikorsiissutininik annertussusileriikkanik tiguisarnerup nalaani unitsikkallarsimanissaanik kinguneqartussaavoq.

§§ 25 aamma 26 naapertorlugit ikorsiissutit annertussusileriikkat aningaasarsianik ilanngarneqassapput. Tamanna aamma inuussutissarsiutilimmut namminersortumut taassumalu inooqataanut piffissamut ikorsiissutinut annertussusileriikkanut qinnuteqarfiusumut aningaasarsiaqarfigisimasaannut atuuppoq.

§ 13-imut

Aalajangersakkatigut tunngaviusumik akigititami iluarsiisoqanngikkaluartoq aningaasarsiaqarnissamut periarfissaqarnermut killissarititaq aalajangersaaffigineqarpoq. Ikorsiissutininik annertussusileriikkanik tiguisartoq qaammammumut aningaasarsianik 1.000 kr.-ninet naapertuuttunik isertitaqarsinnaavoq, taakkulu SIK-mi akissarsiat minnerpaaffiini akigititami sulinermi 10 tiimit missaannut naapertuupput, tamannalu aqutugalugu kommunalbestyrerlismut suliffissaaleqisutut suliartoqquneqarsinnaanermullu ilaassallutik.

Ikorsiissutininik annertussusileriikkanik tiguisartoq saniatigut suliffeqarnissamut periarfissaqarsimappat tamanna iliuusissatut pilersaarutininik suliaqarnermi kommunalbestyrelsip isiginiartariaqarpaa. Ikorsiissutininik annertussusileriikkanik tiguisartup suliffinnut attaveqaannarnissaata periarfissaqarnera pingaartinneqartariaqarpoq.

Nammineq piumassuseq (akissarsiaqarani) malillugu sulineq 10 tiiminut taaneqartunut ilaanngilaq. Immikkut aningaasarsiaqarnissamut periarfissiinissaq siunertaavoq. Nammineq piumassuseq malillugu sulineq immikkut isertitaqarnissamut periarfissamut nalinginnaasumik ilaanngilaq.

Paarlattuanik nammineq piumassuseq malillugu sulineq inummut immikkut iliuusissatut pilersaarummut piareersagaasumut ilaatillugu ilanngunneqarsinnaavoq.

§ 14-imut

Imm. 1-imut

Ilitsersuinermi inuit ataasiakkaat imminnut ilaquuttaminnillu pilersortuarnissaannut periarfissaasa pitsaanerulernissaat aamma inunnut piffissami aalajangersimasumi ikorsiissutininik annertussusileriikkanik tigusaqartussanut suliniutit naannerulersinnaanerat sunniuteqarnerulersinnaanerilu ilaassapput.

Inuup ikorsiissutit pillugit qinnuteqartup immiut isumageqqilernissaata tapersersornissaa siunertaavoq.

Siusissukkut ilitsersuineq inuit ataasiakkaat imminnut ilaquuttaminnullu pilersortuarnissaannut periarfissat, piffissallu ikiorsiissutinik pisariaqartitsiffiusup naalisinnaasaata pitsaanerulernissaannut aaqqqeqataassaaq.

Ikiorneqarnissamut pisariaqartitsineq allatut iluarsineqarsinnaanersoq imaluunniit ajornartorsiutinut tunngatillugu ilitsersuineranut allanut attuumassutilinnut innersuinikkut iluarsineqarsinnaanersoq kommunalbestyrelsip ilitsersuinermini nalilersussavaa.

Imm. 2-mut

Inunnut ikiorneqarnissamik qinnuteqartunut ilinniarnissamut suliniuteqarnerup patajaallisaavigineqarnissaa immikkut siunertaralugu kommunalbestyrelsip ilinniarnissamut ilinniarnermilu ingerlaqperiarnissamut ilitsersuisarneq sianigissavaa. Ilitsersuisartunik najukkani ilinniartoqarfinnut attuumassutilinnik iluatsillugu isumaqatigiissusiortoqarsinnaavoq.

§ 15-imut

Imm. 1-imut

Oqartussaasoqarfiit assigiinngitsunik suliallit akornanni suleqatigiinni kommunimi sulianik sullissisartoq ataqatigiissaarisutut inissisimavoq. Peqqinnissaqarfimmit, isumaginninnermut suliassaqarfimmit aamma sulisoqarnermut suliassaqarfimmit sulisut immikkut ilisimasallit sinnisoqartillugit sulisussat katitigaassapput.

Suleqatigiinnik aalajangersimasunik inuusuttunik immikkut suliaqartussanik, piffissallu ingerlanerani inunnut inuusuttunut ikiuisarnermik aamma suliniutit sammisassallu sorliit suliani ataasiakkaani suliarisariaqartarnerannut misilittagaqalersussanik kommunini immikkut pilersitsisoqassaaq.

Oqartussaasoqarfiit assigiinngitsunik suliallit akornanni suleqatigiit oqaloqatigiittarfittut ataqatigiissaarisartutullu atuutissapput. Suleqatigiit pisortanit ikiorsiissutinik tiguisartumut unammilligassat nalilersortassavaat. Tamanna tunngavigalugu suleqatigiit suliniummik sorlermik suliniutinilluunniit sorlernik pisortanit ikiorsiissutinik tiguisartup tigusinissaa oqallisigissavaat inassuteqarlutillu.

Oqartussaasoqarfiit assigiinngitsunik suliallit akornanni suleqatigiit isumaginninnermut suliani suleqatigiiffiusoq imaluunniit oqartussaasoqarfiit assigiinngitsunik suliallit akornanni suleqatigiinnermi ataatsimiititaliaq aallaavigisassavaat.

Oqartussaasoqarfiit assigiinngitsunik suliallit akornanni suleqatigiit inunnut pisortanik ikiorneqarnissamik pisariaqartitsisunut tamakkiisumik isiginnittumik ikiuinissap qulakkeernissaanut tapeeqataassapput. Tamakkiisumik isiginnittumik suliniuteqarneq

iliusissanut pilersaarutip aamma inuup sulisinnaassutsiminik ineriartortitsinissaanut atuinissaanullu tapersersuinissap ilusilersornissaannut tapeeqataassaaq.

Imm. 2-mut

Oqartussaasoqarfiit assigiinngitsunik suliallit akornanni suleqatigiit sulianik suliarinnittartut iliuusissaatut pilersaarutininik suliaqarnerannut atugassanik inassutissanik saqqummiussaqaassapput.

§ 16-imut

Pisortanit ikiorsiissutinik pisartagaqartartup suliffissaqaanngitsup sulisinnaassusiata apparsimanissaa aamma sapaatip akunneranut nalunaaquttap akunnerini 20-ni piunasaqaatit nalinginnaasut malillugit nalinginnaasumik suliffimmik isumagisaqarsinnaannginnissaa piunasaqaataavoq. Piunasaqaatit malillugit nalinginnaasumik atugassaqaartitsisumut suliffik suliffittut inuup qinnuteqartup ukiui aamma ilinniakkatigut tunuliaqutai malillugit nalinginnaasumik isumagisinnaasaatut ilimagineqartoq suliffittut nalinginnaasutut isigineqarpoq.

Inuup sulisinnaassuseqarnerani sapaatip akunneranut nalunaaquttap akunneri 20-t qaangerneqarsimanersut ataanneqarsimanersulluunniit piviusumik nalilersuiffigineqarneranik tunngaveqassaaq. Suliffissarsiornermut ikiorsiissutinut, piginnaanngorsaqqinnernut imaluunniit pisortanit ikiorsiissutinut pisarneq malillugu innersuussinernut atatillugu nalilersuineq kommunalbestyrelsimit suliarineqassaaq.

Nalilersuineq inuup ataatsimut atugarisaanik tunngaveqarpoq, matumani inuup suliffeqarfeqarfimmut ulloq manna tikillugu attaveqarnera, ilinniagaqarnikkut tunuliaqutai, ilaqutariinnikkut atugarisai, ineqarnikkut atugarisai, nappaateqarneq, atornerluisuuneq, inooqatigiinni piginnaasat il.il.

Sulisinnaassutsip ineriartortitsiffiunissaa imaluunniit ilinniagaqalernissamut naleqquttuunerup siusissukkut suliniuteqarfiginissaat pisariaqassanersoq nalilersuinermi ilanngunneqassaaq. Tamanna iliuusissatut pilersaarummut ilanngunneqassaaq.

§ 17-imut

Imm. 1-imut

Inunnut ikiorsiissutinik annertussusilerikkanik tiguisartunut immikkullu pisoqarsimatillugu tassanngaannartumik pisariaqaartitsineq malillugu pisortanit ikiorsiissutinik tiguisartunut iliuusissatut pilersaarutininik suliaqarnissamut kommunalbestyrelsi inatsisitigut pisussaaffeqarpoq. § 15 naapertorlugu iliuusissatut pilersaarummik suliaqarnermi oqartussaasoqarfiit assigiinngitsunik suliallit akornannit suleqatigiinnit inassutigineqartut aallaaviussapput.

Iliuusissatut pilersaarut innuttaasup tunuliaqutaa nukissaallu tunngavigalugit ilusilersorneqassaaq. Iliuusissatut pilersaarutip suliarinerani qinnuteqartup sunniuteqarnissaanut akisussaaqataanissaanullu pisariaqartitai tunngavigisaalu qinnuteqartumik suleqateqarnermi eqqarsaatigineqassapput.

Inuup taassumalu nukissaasa ilanngunneqarnissaannik qulakkeerinnittumik iliuusissatut pilersaarummik suliaqarnermi ingerlatseriaatsimik aalajangersimasumik kommunalbestyrelse ilusilersuisinnaavoq. Tamanna suliniutissap eqqortup toqqarnissaanut iluaqutaassaaq. Tamatuma saniatigut piffissap suliffissaaleqiffiusup naammattumik paasissutissiinertalimmik erseqqissumik ingerlatsinertut tamakkiisumillu isiginnittutut innuttaasumit isigineqarnissaa iliuusissanut pilersaarutip peqataaffigissavaa.

Iliuusissatut pilersaarut innuttaasunut ataasiakkaanut anguniagassanik imaqassaaq aamma anguniagassat naammassineqarnissaannut suliniutit aallartinneqartussat pillugit nassuiaatinik imaqassalluni. Iliuusissatut pilersaarut innuttaasooq suleqatigalugu aamma tamakkiisumik isiginninneq aallaavigalugu suliarineqassaaq.

Suliniutit piviusut sorliit ikiorsiissutinik annertussusileriikkanik tiguisartumut pineqartumut neqeroortigineqassanersut pillugit inatsisitigut tunngavilikkanik piumasaqaasiortoqanngilaq. Tamakkiisumik isiginnittumik suliniummik oqartussaasoqarfiit assigiinngitsunik suliallit akornanni suleqatigiinnit nalilersuiffigineqarsimasumik kommunalbestyrelsip neqerooruteqartarnissaa inatsisitigut pisussaaffiussaaq.

Innuttaasup pineqartup qitiutinneqarnissaa tassani siunertaavoq. Tassani suliniutit ataasiakkaat innuttaasumut pineqartumut naleqqussarneqarsinnaanissaat pisariaqarpoq, taamaammat suliniutinik sorlernik pineqartumut neqeroortoqarnissamut naleqqiullugu kommunalbestyrelse allanngorartitsisinnaasariaqarpoq. Tamatuma saniatigut siumut sammisumik suliniutit nutaat nutaaliorfiusut ineriartortinneqarnissaat atornissaallu periarfissaqassaaq.

Ikiorsiissutinik annertussusileriikkanik tiguisartup sumi najugaqarnera apeqqutaalluni suliniutit sorliit iliuusissatut pilersaarummut ilanngunneqarsinnaanerat pillugu assigiinngitsoqartassaaq. Najugaqarfiup qanoq inoqartiginera aamma najukkami sulilernissamut ilinniarnissamullu periarfissat immikkut tassani apeqqutaassapput. Ikiorsiissutinik annertussusileriikkanik tiguisartoq inooqateqarsimappat angerlarsimaffinniittunillu meeraqarpat soorunami tamanna najugaqarfiup avataani suliffeqalersinnaanernut imaluunniit suliatiqut piginnaasaqalerfiusumik ingerlatsisinnaanerit pillugit neqeroorutaasunut periarfissat naliliiffigineranni ilanngunneqassaaq.

Pisortanit ikiorsiissutit pillugit Inatsisartut inatsisaata aqunnissaanut IT-kkut aqqiissutissat ataatsimoorussat ineriartortinneqarneranni iliuusissatut pilersaarutit suliarineqartarneri

elektroniskiusumik assigiissarnissaannut malinneqartussanik suliaqartoqassasoq naatsorsuutigineqarpoq, tamannalu assersuutigalugu Piginnaangorsaqinnissamut ikiorsiisarneq pillugu Inatsisartut inatsisaanni, Suliffissarsiornermut ikiorsiissutit pillugit Inatsisartut inatsisaanni aamma Pisortanit ikiorsiissutit pillugit Inatsisartut inatsisaat malillugit iliuusissatut pilersaarutit suliarineranni atorineqartassaaq. Malinneqartussaq paasissutissat nalinginnaasut pillugit immersuiffissanik aamma imaqaassaaq, taannalu oqartussaasoqarfiit assigiinngitsunik sulialinnit akornanni atorineqarsinnaassaaq kiisalu inatsit pineqartoq pillugu allaffissornermut atugassanik immikkut immersuisarfilerlugu ilusilersorneqassalluni.

Taamaaliornikkut inuup pisortanit ikiorsiissutinik tigusinerani ataatsimut ilisimaneqartut pigiinnarnissaat qulakkeerneqassaaq.

Imm. 2-mut

Iliuusissatut pilersaarut piviusorsioruussaaq, aamma ikiorsiissutinik annertussusileriikkanik tigusisartup isaanit isigalugu. Ikiorsiissutinik annertussusileriikkanik tigusisartunut kommunalbestyrelsip pisarneq malillugu piumasqaateqartarneranik iliuusissatut pilersaarutit oqariartuutaassanngillat. Taamaattoqassappat iliuusissatut pilersaarutit tatiginissusianik tamanna qajannarnerulersitsissinnaavoq.

Suliniutit annikinnerusut naammassiuminarnerusullu ikiorsiissutinik annertussusileriikkanik tigusisartup naammassisinnaasai, taamaalillunilu iluatsitsiffigalugit misigisaqarfigisinnaasai, siullermik toqqassallugit tunngaviatigut pitsaaneruvoq. Suliniutit iliuusissatut pilersaarummi allaaserineqartut suliarineqareerpata ikiorsiissutinik tigusisartuq suliffissarsiornermut ikiorsiissutinut nuussanersoq isummerfigineqassaaq. Taamaattoqassanngippat iliuusissatut pilersaarut nutaaq sammisassanik anguniagassanillu nutaanik imalik suliarineqassaaq. Taamaammatt suliniutinik nukinnik atuinartunik pisortanit ikiorsiissutinik tigusisartup suliarisinnaasaatut nalornissuteqarfiusunik pilersitsissalluni pisariaqanngilaq.

Imm. 3-mut

Suliniutinut tamanut tamakkiisumik isiginnittumik sammivimmik pilersitsisoqassaaq. Iliuusissatut pilersaarutit suliarineranni innuttaasup atugarisaasa ataatsimut isiginninniarnaqartarnissaat kommunalbestyrelsimut inatsisitigut pisissaaffiulluni piumasqaataavoq, ttaakkununngalu ilaapput ilaqutariinnikkut atugarisat, nappaatit, inooqatigiinni piginnaasaqarfiit, ineqarnikkut atugarisat il.il. Oqartussaasoqarfiit assigiinngitsunik suliallit akornannit suleqatigiinnit inassutigineqartut ilaatigut tunngavigalugit ikiorsiissutinik annertussusileriikkanik tigusisartup unammilligassai tamarmiusut kommunalbestyrelsip naliliiffigisassavai, tamannalu tunngavigalugu suliniutissat anguniagassallu iliuusissatut pilersaarummiittut piareersaaffigalugit.

Siusissukkut suliniutit pinaveersaartitsiffiusut pingaartinneqassapput. Tamanna iliuusissatut pilersaarummut ilanngunneqassaaq. Tassani meeqqanut inuusuttunullu atugarliortunut naleqqiullugu angajoqqaq imaluunniit angajoqqaat marluullutik ikiorsiissutinik

annertussusileriikkanik tiguisartut assersuutaasinnaapput. Aamma tamakkiisumik isiginnilluni nalilersuinermi ilumut ikiorsiissutinik annertussusileriikkanik tiguisartup suliniutinut pinaveersaartitsiffiusunut ilaalersinnaanera pisariaqartinneqarnersoq qulaajarneqassaaq.

Imm. 4-mut

Inuusuttunut 30-t inorlugit ukiulinnut iliuusissatut pilersaarutini anguniagassani suliniutinilu ilinniarnep ukkatarineqarnissaanik kommunalbestyrelsi sulissuteqassalluni inatsisitigut pisussaaffeqarpoq. Ikiorsiissutini annertussusileriikkani tiguisartup sapinngisamik imminnut ikiorsinnaalernissaa immi anguniagaavoq. Ilinniarneq sugaluarterluunniit ikiorsiissutinik annertussusileriikkanik tiguisartup sulisinnaassutsiminik atuinissaanut ineriartortitsinissaanullu, taamaalillunilu immi ikiorsinnaalernissaanut piginnaangorsagaaneq arlaatigut iluaqutaasussaavoq.

Imm. 5-imut

Naalackersuisut iliuusissatut pilersaarutit suliarisarneri ingerlattarnerilu pillugit malittarisassanik sukumiinerusunik aalajangersaanissaminnut piginnaatinneqarput. Naalackersuisut sammisassanut iliuusissatut pilersaarummi ilaasunut malittarisassanik aalajangersaasinnaapput, tamannalu aqutigalugu matumani malittarisassat ikiorsiissutinik annertussusileriikkanik tiguisartup nappaammut katsorsartinnissamik ujartuinissaanut peqquneqarnissaanut malittarisassat ilanngullugit. Nappaatip katsorsarnissaa pillugu peqqusinermi qinnuteqartup sulilernissamut periarfissaasa pitsanngorsarnissaat kiisalu qinnuteqartup suliffeqarfeqarfimmut attaveqarsinnaanerata patajaallisaavigineqarnera taamaallaat siunertarineqarsinnaapput.

§ 18-imut

§ 17 malillugu iliuusissatut pilersaarut ikiorsiissutinik annertussusileriikkanik tiguisartuq suleqatigalugu suliarineqassaaq. Taamaakkaluartoq pisussaaffiit sorliit ikiorsiisoqarnissaanut piunasaqaatit ikiorsiissutinik annertussusileriikkanik tiguisartunut pisussaaffiussanersut pillugit kommunalbestyrelsi kingullertut aalajangiissussaavoq.

Ikiorsiissutinik tiguisartup, qinnuteqartup suliffimmik isumagisaqalersinnaaneranut pitsanngoriaataasussanik siunertalinnut kiisalu qinnuteqartup suliffeqarfeqarfimmut attuumassuteqarnerata patajaallisarneqarnissaanut, taamaalillunilu immi pilersorsinnaalernissaanut, suliniutinut peqataaqquneqarnissaanik aalajangersagaq kommunalbestyrelsimut piginnaatitsivoq.

Suliniutinik sorlernik ikiorsiissutinik annertussusileriikkanik tiguisartumut peqqusinissaq aalajangersakkami tamakkiisumik naatsorsuiffigineqanngilaq. Suliniutinik toqqaaneq tunngavissaqarluartumik siunertaqassaaq. Iliuusissatut pilersaarummi anguniagassat sammisassallu piviusorsiorlut ilanngunneqassasut § 17-imi piunasarineqarpoq.

Tassunga ilaatillugu ikiorsiissutinik tiguisartuq assersuutigalugu pinngitsuuisinnaajunnaarnermik katsorsaasarneq pillugu Inatsisartut Inatsisaat malillugu katsorsaaniissanut peqataaqullugu kommunalbestyrelsip peqqusinnaavaa. Periarfissarli taanna mianersuullugu atortariaqarpoq. Ikiorsiissutinik annertussusileriikkanik tiguisartuq imigassamik atornerluisuunermut katsorsartinnissamut nammineerluni akerliuppat, iliuusissatut pilersaarummi anguniagassanik suliniutissanillu tamanna pillugu piumasaqaateqarnissamut naleqqiullugu kommunalbestyrelsip naliliiffigissavaa.

§ 19-imut

Imm. 1-imut

Siunnersortimik tapersersorteqartitsineq nammineq piumassutsimik tunngaveqarpoq. Pisortanit ikiorsiissutinik tiguisartumut siunnersortimik tapersersorneqarnissaq suliniutinut kommunalbestyrelsimiit peqataaffigeqquneqartunut ilaanngilaq. Siunnersorti pineqartuq siunnersortitut atorfilittut imaluunniit siunnersortitut atorfeqartinneqartut kommunalbestyrelsimut attuumassuteqanngilaq. Ikiorsiissutinik annertussusileriikkanik tiguisartumut siunnersortitut suliassat suliarisarnerinut akiliuteqartoqarneq ajorpoq.

Siunnersortit amerlanerpaatigut namminersortuni imaluunniit pisortat suliffeqarfiutaanni sulisuusarput, nalinginnaasumillu atorfeqarnerminnut atatillugu siunnersortitut sulinissaminnut kiffaanngissuseqartitaasartut. Assersuutigalugu suliffiup namminersortup CSR-mik suliaqarnerani ilaasinnaavoq. Corporate Social Responsibility (CSR) suliffeqarfiit niuernikkut suliaqarnerminni aamma soqutigisallit sunniivigeqatigisarnerini inooqatigiinni avatangiisinilu pissutsit ilanngunneqarnissaat pillugit suliaqarnerannut taaguutaavoq. Aamma 'Suliffeqarfiup inuiaqatigiinnut akisussaassuseqarnera'-nik taaneqartartoq.

Ikiorsiissutinik annertussusileriikkanik tiguisartup aamma piumassuseq malillugu siunnersortit akornanni kommunalbestyrelsi akunnermiliuttut suliaqarpoq. Taamatut atuuffimmi kommunalbestyrelsip najukkanilu suliffeqarfiit akornanni suleqatigiittoqarnissaa pisariaqartinneqarpoq, tamannalu aqqutigalugu kina nammineq piumassuseq malillugu siunnersortitut atuukkusunnersoq, suliassallu sorliit siunnersortip pineqartup suliarissanerai paasineqarsinnaasarlutik.

Nammineq piumassuseq malillugu siunnersorti iliuusissatut pilersaarummi anguniagassat sammisassallu suliarinissaannut tapeeqataassaaq. Nammineq piumassuseq malillugu siunnersortip ikiorsiissutinik annertussusileriikkanik tiguisartup anguniagassanut sammisassanullu iliuusissatut pilersaarummiittunut pingaartitsinissaa tapersersuiffigissavaa. Nammineq piumassuseq malillugu siunnersorti tapersersuisutut atuutissaaq, iliuusissatullu pilersaarummi anguniagassanut sammisassanullu ilaasunut tapersersuissalluni.

Siunnersortip assersuutigalugu pisortanit ikiorsiissutinik tiguisartut namminneq inuunerminnik ingerlatsilluarsinnaangitsut, eqimattakkaanut ingerlatsinernut ilaasinnaangitsutut, piumassusermik amigaatillit imaluunniit inuttut mattuteqqasut tapersersorsinnaavai. Pisortanit ikiorsiissutinik tiguisartuq assersuutigalugu neqeroorutigineqartunut kajumissuseqanngippat, innuttaasup kajuminnerulernissaanut siunnersorti tapersersuisinnaavoq.

Piumassuseq malillugu siunnersorti assersuutigalugu suliffimmut attaveqartarnermik akunnermiliuttuusinnaavoq, ikiorsiissutinik annertussusileriikkanik tiguisartup ullaakkut makissinnaaneranut ikiuussinnaavoq, pappiaqqallu suliarinissaannut il.il. ikiuussinnaalluni. Suliffigisami nammineq piumassuseq malillugu siunnersorti suliffiup, sulinerup sulinernullu tunngasut ilisarititsinissaannut ikiuussinnaavoq. Piumassuseq malillugu siunnersorti suliffissaaleqinermiit suliffissamut nuunnermi pingaaruteqarluni inississinnaavoq. Suliffimmi nutaami aallartinneq siusinnerusukkut suliffissaaleqisumut ajornakusoorsinnaavoq, pingaartumillu tassaniippoq ataasiakkaat peqataajunnaarsinnaasarnerat.

Taamaammat pisortanit ikiorsiissutit pillugit aaqqissuusseqqinnermi sullitassanut assigiinngitsunut tunngatillugu siunnersorteqartitsinermik aaqqissuussineq pingaaruteqarpoq. Iliuusissatut pilersaarutini suliniutit naammassiniarlugit suliaqarnermi nammineq piumassuseq malillugu siunnersortit assigiinngitsunik tunngavillit atorissaat pisariaqartinneqarsinnaavoq. Nammineq piumassuseq malillugu siunnersortinut, taakkualu iliuusissatut pilersaarummi anguniagassat sammisassallu assigiinngitsut suliarinissaasa ikiuuffiginissaannut isumaqatigiissusiortoqarsinnaavoq.

Imm. 2-mut

Siunnersortimik tapersersorneqarneq ikiorsiissutinik annertussusileriikkanik tiguisartumiit aamma nammineq piumassuseq malillugu siunnersortimiit piumassuseqarnissamik tunngaveqarpoq. Iliuusissatut pilersaarutit naammassineqarnissaannut atatillugu nammineq piumassuseq malillugu tapersersuisoqarnissaq pillugu kommunalbestyrelsip akunnermiliunnerani iliuusissatut pilersaarummi anguniagassat sammisassallu tapersersuiffiginissaat isumaqatigiissummi pingaaruteqarpoq. Nammineq piumassuseq malillugu siunnersortip suliassai, suliassap qanoq piffissaqarfigineqartiginera, qanorlu ilinerani isumaqatigiissutit atorunnaarnissaa pillugit erseqqissuutinneqassapput.

Nammineq piumassuseq malillugu siunnersortip aamma ikiorsiissutinik annertussusileriikkanik tiguisartup imminnut neriuutigisaminnik naleqqussaasimanissaat immikkoorlutillu illuatungeriittut qanoq imminnut naatsorsuutigisaqassanerlutik ilisimassagaat pingaaruteqarpoq. Nammineq piumassuseq malillugu siunnersortimut isumaqatigiissusiornikkut pisortanit ikiorsiissutinik tiguisartup suliartoqquneqarsinnaaneranik aamma iliuusissatut pilersaarummi anguniakkanut sammisassanullu peqataasarnissaanik pisussaaffeerutsitsisoqanngilaq.

Imm. 3-mut

Nammineq piumassuseq malillugu siunnersortimik tapersorneqarnissaq pillugu isumaqatigiissut nammineq piumassuseq malillugu siunnersortip aamma ikiorsiissutinik annertussuileriiikkanik tiguisartup akornanni isumaqatigiissutaavoq.

Isumaqatigiissutigineqartorli pisortani inatsisitigut malittarisassiortarneq naapertorlugu iliuusissatut pilersaarutit ingerlannissaannut ilaanngilaq.

Iliuusissatut pilersaarummi anguniagassat sammisassallu naammassineqarnissaannut nammineq piumassuseq malillugu siunnersortip pisortanit ikiorsiissutinik tiguisartumut ikiuunnissamini suliaassat suliarisinnaassappagit, kommunalbestyrelsip nammineq piumassuseq malillugu siunnersortimut paasissutissanik isertugaasunik tunniussisarnissaa pisariaqassaaq.

Nammineq piumassuseq malillugu siunnersortimik tapersorneqarnissaq pillugu isumaqatigiissut kommunalbestyrelsimik akunnermiliuffigineqartoq, nammineq piumassuseq malillugu siunnersortimut paasissutissanik isertuussanik kommunalbestyrelsip ingerlatitseqqissaananut erseqqissumik akuersissuteqarnermik imaqassaaq. Assersuutigalugu iliuusissatut pilersaarutit assilinerat tasanilu ikiorsiissutinik annertussuileriiikkanik tiguisartup ataatsimut atugarisai pillugut paasissutissat, soorlu napparsimanerit atornerluisuunermullu ajornartorsiutit, kommunalbestyrelsip ingerlateqqissinnaavai.

Imm. 4-mut

Nammineq piumassuseq malillugu siunnersortip aamma ikiorsiissutinik annertussuileriiikkanik tiguisartup akornanni tatigeqatigiinnissamut tunngavissanik pilersitsisoqarnissaa pingaaruteqarpoq. Paasissutissat tamarmik kommunalbestyrelsimik aamma pisortanit ikiorsiissutinik tiguisartumit piumassuseq malillugu siunnersortimut tunniunneqartut isertugaatitut isigineqarput. Matumuuna nammineq piumassuseq malillugu siunnersortimut tunngatillugu paasissutissat sorliit isertuussatut isigineqarnersut pillugit nassuiaanermi nalornisoqarnissaa pinngitsoortinniarlugu tamanna pingaartinneqarpoq.

Piumassuseq malillugu siunnersorti tamanna pillugu pinerluttulerinermi inatsimmi aalajangersagaasut malillugit nipangiussisussaataavoq. Nipangiussisussaataanerup unioqqutinneqarsimanera apeqquserneqartillugu pinerluttulerinermi inatsimmi aalajangersakkat tunngavigineqassapput. Nipangiussisussaataanerup unioqqutinneqarnera Kalaallit Nunaannut Pinerluttulerinermi Inatsit malillugu pineqaatissiissutigineqarsinnaavoq.

Imm. 5-imut

Naalackersuisut nammineq piumassuseq malillug siunnersortinut malittarisassanik aalajangersaanissaminnut piginnaatinneqarput.

Nammineq piumassuseq malillugu siunnersorteqartitsineq aqqissuussineruvoq nutaaq, sulinermilu malittarisassanik allanik pisariaqartitsisoqalersinnaavoq, soorlu piumassuseq malillugu isumaqatigiissunik kommunalbestyrelsip akunnermuliussinnaaneranut tunngasut aamma kommunalbestyrelsip, nammineq piumassuseq malillugu siunnersortip aamma ikiorsiissutinik annertussusileriikkanik tiguisartup akornanni pissutsinut tunngasut pillugit.

§ 20-mut

Imm. 1-imut

Inunnut ikiorsiissutinik annertussusileriikkanik tiguisartunut tunngatillugu maannakkorpiaq sulisinnaassuseq kommunalbestyrelsip nalilersortuassavaa. Tamanna kingusinnerpaamik qaammatit arfinilikkaarlugit imaluunniit iliuusissatut pilersaarutip naammassereernerata kingorna pisassaaq.

Imm. 2-mut

Ikiorsiissutit annertussusileriikkanik tiguisartuq sulilernissamut piareersimasutut isigineqarsinnaanersoq, aamma Suliffissarsiornermut ikiorsiissutit pillugit Inatsisartut inatsisaat malillugu suliffissarsiornermut ikiorsiissutinut nuussinnaanersoq imaluunniit Pisortanit ikiorsiissutit pillugit Inatsisartut inatsisaat malillugu pisortanit ikiorsiissutinik tiguisarnerminik ingerlaannassanersoq pillugit kommunalbestyrelsi nassuiaammik inassuteqaammillu suliaqassaaq.

Inassutigineqartoq sulisarnermi Majoriamit suliarineqarlunilu aalajangiiffigineqartussaavoq.

Majoriap suliffissarsiornermut ikiorsiissutit pillugit qinnuteqaatit nalinginnaasutut inassutigineqartoq suliarissavaa.

Imm. 3-mut

Suliffissarsiornermut ikiorsiissutinut itigartitsissut nalunaarutigineqarpat, Pisortanit ikiorsiissutit pillugit Inatsisartut inatsisaat malillugu ikiorsiissutit ingerlaannassapput, iliuusissatullu pilersaarut nutaaq anguniakkanik suliniutinillu nutartikkanik imalik suliarineqassaaq.

§ 21-mut

Pisortanit ikiorsiissutit tapiissutaagallartussatut eqqarsaataapput, ikiorsiissutinillu annertussusileriikkanik tiguisartup suliffimmik isumagisaqarsinnaaneranut periarfissinnissaata pitsanngorsaaffiginissaa kiisalu suliffeqarfeqarfimmut attaveqarnerata patajaallisaavigineqarnissaa, taamaalillunilu imminut isumagilernissaa, tassani siunertarineqarpoq.

Inuk pisortanit ikiorsiissutininik annertussusileriikkaniq qaammatit aqqaneq-marluk tikillugit tigusaqareerpat, inuup sulilernissamut piareeqqasutut isigilernissaanut aamma suliffissarsiornermut ikiorsiissutininut nuussinnaaneranut ingerlatitsisussanik anguniagassanik suliniutissanillu piviusorsiortunik, piumasaqaateqartoqarsinnaanersoq kommunalbestyrelsip nalilersussavaa.

Taamaattoqarsinnaanngippat ataavartumik pilersorsineqarnissamut ikiorsiissutininut nuunnissaq pillugu qinnuteqaammik suliaqartoqassanersoq kommunalbestyrelsip nalilissavaa, taakkulu tamakku pillugit malittarisassat atuuttut malillugit nalinginnaasumik siusinaartumik pensionisiaqartitsinertut ilusilerneqartarput.

Kommunalbestyrelsip nalinginnaasumik ilitsersuinissamik pisussaaffeqarneranik aalajangersagaq takussutissaavoq. Aalajangersakkap inatsimmi ikkuneratigut ikiorsiissutininik annertussusileriikkaniq tunniussisoqassanersoq imaluunniit ataavartumik pilersornissamut tunngavissaq alla ujartorneqassanersoq pillugit ingerlaavartumik isummersortarnissaq qulakkeerneqassaaq.

§ 22-mut

Imm. 1-imut

Pilersornissamut aningaasartuutinullu aalajangersimasunut tunngaviummik akigititamik aalajangersimasumik qaammammut 4.500 kr.-niniq tunniussisoqartarpoq. Ikiorsiissutininik annertussusileriikkaniq tiguisartumut aningaasaqarnikkut inissisimaneq pillugu inunntut ataasiakkaannut nalilersuisoqarneq ajorpoq.

Imm. 2-mut

Ikiorsiissutininik annertussusileriikkaniq tiguisartut Kalaallit Nunaanni inissaqarnatik inunnik nalunaarsuiffimmi ilaasut tunngaviummik akigititamik annikillisamik qaammammut 4.300 kr.-niniq tiguisassapput. Tassani nammineq inigisamut inuup aningaasartuuteqannginnissaa taamaalilluni isiginiarneqarpoq.

Inunntut ikiorsiissutininik annertussusileriikkaniq tiguisartunut ineqarnermut tapiissutit kingornagut ilanngaaseereerluni ineqarnermut akiliutinut naatsorsuineq tunngavigalugu annikillisaasoqarpoq.

Imm. 3-mut

Ikiorsiissutininik annertussusileriikkaniq tiguisartoq taassumalu inooqataa marluullutik ikiorsiissutininik annertussusileriikkaniq tiguisarsimappata pilersornissamut aningaasartuutinullu aalajangersimasunut tunngaviummik akigitinneqartoq qaammammut 4.000 kr.-niniq annikillisinneqassaaq.

Tunngaviusumik akigititaq inooqataasoq ikiorsiissutininik annertussusileriikkanik tiguisarsimannngippat annikillisinneqassanngilaq.

§ 23-mut

Imm. 1-imut

Ikiorsiissutininik annertussusileriikkanik tiguisartup nammineerluni iliuusissatut pilersaarummi anguniakkanut sammisassanullu peqataasarnissaa suleqataaniartarnissaalu ikiorsiissutini annertussusileriikkani iliuusissatullu pilersaarutit suliarinissaanni pingaaruteqarlutik siunertarineqarput. Taamaaliortoqanngippat Pisortanit ikiorsiissutit pillugit Inatsisartut inatsisaanni siunertarineqartumut akerliusumik ilatsiinnarluni pilersorneqarneq matumani pineqassaaq.

Ikiorsiissutininik annertussusileriikkanik tiguisartuq ulluni ataasiakkaani assersuutigalugu kommunalbestyrelsimik ataatsimeeqateqarnissamut takkutinnngitsoorpat imaluunniit iliuusissatut pilersaarummi aalajangersarneqartutut suliniutinut takkutinnngitsoorpat, pineqartup suliaritoqquneqarsinnaannginnerani pisortanit ikiorsiissutit annertussusileriikkat ullut ataasiakkaarlugit aningaasanik aalajangersimasunik ilanngarneqartassapput. Aningaasat ikiorsiissutit annertussusileriikkat tunniunneranni ilanngaaticineqartassapput.

Takkutinngitsoornermut suliatigut tunngavilersuutaasinnaasut assersuutigalugu tassaasinnaapput § 37 naapertorlugu nammineq napparsimaneq katsorsarneqarnerlu imaluunniit nakorsami misissortinneq imaluunniit meeqqat angerlarsimaffimmiittut katsorneqartariaqartumik nappaatillit. Saglig grund for Takkutinngitsoornermut suliatigut tunngavilersuutaasinnaasuni aamma § 11, imm. 2 naapertorlugu malittarisassat Naalakkersuisunit aalajangersarneqartut malinneqartussaapput.

Imm. 2-mut

Iliuusissatut pilersaarutininut tunngatillugu tunngaviusumik akigititaq taperlu arlaleriarluni takkutinnngitsoornerit imaluunniit peqataasimannnginneq pissutigalugit 2.100 kr.-nit qaammammut qaangerlugit annikilleqqusaanngillat.

§ 24-mut

Imm. 1-imut

Iliuusissatut pilersaarutininut qaammammut 500 kr.-ninik aalajangersimasumik tapiissuteqartoqartarpoq. Aningaasat ikiorsiissutininik annertussusileriikkanik tiguisartuq nammineerluni sammisassanut iliuusissatut pilersaarummi aalajangersarneqartut suliarinissaannut peqataasimappat tunniunneqassapput. Tiguisartup sammisassami ataatsimi sammisassaniluunniit arlalinni peqataasarsimanera tapiup annertussusilernissaani apeqqutaanngilaq.

Tapeq ikiorsiissutininik annertussusileriikkanik tigusisartup iliuusissatut pilersaarummik piginnittuulernissaanut kajuminnerulersitsissaq.

Imm. 2-mut

Ikiorsiissutininik annertussusileriikkanik tigusisartup nammineerluni iliuusissatut pilersaarummi anguniakkanut sammisassanullu peqataasarnissaa suleqataaniartarnissaalu ikiorsiissutini annertussusileriikkani iliuusissatullu pilersaarutit suliarinissaanni pingaaruteqarlutik siunertarineqarput. Taamaaliortoqangippat Pisortanit ikiorsiissutit pillugit Inatsisartut inatsisaanni siunertarineqartumut akerliusumik ilatsiinnarluni pilersorneqarneq matumani pineqassaaq.

Ikiorsiissutininik annertussusileriikkanik tigusisartoq assersuutigalugu kommunalbestyrelsimik ataatsimeeqateqarnissanut takkutinngitsoorpat imaluunnit sammisassanut iliuusissatut pilersaarummi aalajangersarneqartunut takkutinngitsoorpat iliuusissatut pilersaarummut tapeq atorunnaassaaq, qaammammut pineqartumut tamarmiusumut.

Tapit tamarmik atorunnaassapput qaammammi pineqartumi, iliuusissanut pilersaarut malinneqangippat. Tamanna ilutigisaanik isumaqarpoq periarfissaanngitsoq tapisiat naapertuuttunik annertussusillit tunniunneqarsinnaanerit, annertussusileriikkanik ikiorsiissutininik pisartagaqartoq piffissat isumaqatigiissutaasut affaannut takkuttarsimappat.

Takkutinngitsoornermut suliatiqut tunngavilersuutaasinnaasut assersuutigalugu tassaasinnaapput § 37 naapertorlugu nammineq napparsimaneq katsorsarneqarnerlu imaluunniit nakorsami misissortinneq imaluunniit meeqqat angerlarsimaffimmiittut katsorneqartariaqartumik nappaatillit. § 11, imm. 2 naapertorlugu takkutinngitsoornermut suliatiqut tunngavilersuutaasut malittarisassanik Naalakkersuisunit aalajangersarneqartunik aamma malinnittussaapput.

§ 25-mut

Ikiorsiissutininik annertussusileriikkanik tigusisartoq sivikitsumik suliffiusunik suliffeqarsinnaavoq aamma suliffeqarfeqarfirmut arlaatigut attuumassuteqarnerminik tigumminniinnarnissaminut iluaqutaasinnaasunik suliffeqarsinnaavoq. Piffissami iliuusissatut pilersaarutininut tunngaviusumik akigititap tapillu tunniunneqarfianni aningaasarsiat akissarsiarineqartut iliuusissatut pilersaarutininut tunngaviusumik akigititap tapillu tunniunneranni ilaannakuusimik ilanngaatigineqassapput.

Akilerarutit sioqqullugit qaammammut 1.000 kr.-nit angullugit aningaasarsiarineqartut iliuusissatut pilersaarutininut tunngaviusumik akigitiat tapillu tunniunneranni ilanngaatigineqassanngillat. Akilerarutit sioqqullugit aningaasarsiat qaammammut 1.000 kr.-ninik qaangiisut aningaasarsiat 62,2 %-iannik ilanngaatigineqassapput.

Inuk ikiorsiissutininik annertussusileriikkanik tiguisartuq qaammammut 2.000 kr.-nit missaannik akileraarutit sioqqullugit aningaasarsianut SIK-mi isumaqatigiissummi sulisunut ilinniagaqanngitsunut naapertuuttunik 20 tiimini suliffeqarsinnaassaaq. Tunngaviusumik akigititami aamma iliuusissatut pilersaarummut tapiliussami ilanngaassisoqareernikkut pineqartup akileraarutit sioqqullugit qaammammut aningaasarsiai 1.378 kr.-nirik pitsanngoriartinneqassapput.

§ 26-mut

Inooqatigisap maannakkorpiaq aningaasarsiai Procenti aaqiissutissaq aamma maannakkorpiaq aningaasarsiat pillugit Inatsisartut inatsisaannut naapertuuttumik naatsorsorneqassapput. Maannakkorpiaq aningaasarsiat piffissamut qaammatinut 12-inut naatsorsorneqassapput.

Maannakkorpiaq aningaasarsiarineqartut naatsorsornissaannut piffissaq attuumassutilik tassaavoq ikiorsiissutit annertussusileriikkat tunniunekarfianni piffissaq pineqartuq.

Ikiorsiissutininik annertussusileriikkanik tiguisartup taassumalu inooqataa ataatsimut najugaqatigiikkunnaarsimappata, inooqatigiinnerat taamaatissimasutut isigineqassaaq. Uppernarsaatissaqarnissaq aamma inatsisip aqunneqarnissaa eqqarsaatigalugu, ikiorsiissutininik annertussusileriikkanik tiguisartup taassumalu siusinnerusukkut inooqatigisimasaa inooqatigiikkunnaarsimanissaat, aammattaaq nuunnerup inunnut nalunaarsuisarfimmut nalunaarutigineqarsimanissaa, piumasaqaataavoq.

§ 27-mut

Aalajangersagaq ikiorsiissutininik annertussusileriikkanik tiguisartuq ulloq unnuarlu neqeroorummi, ulloq unnuarlu paaqqinnittarfimmi assigisaanniluunniit najugaqarsimatillugu atorneqassaaq. Pisortat ineqarnermut nerisassanullu aningaasartuutitut akiliuteqareertarmata ikiorsiissutit annertussusileriikkat tunngaviusumik akigititamut tapimullu tunngatillugu annerpaamik 2.500 kr.-niussaat iluarsiiiffigineqarput.

Assersuutigalugu ikiorsiissutininik annertussusileriikkanik tiguisartuq sammisassani peqataasarnermigut tunngaviusumik akigititamik 4.500 kr.-niusunik tapermillu 500 kr.-niusumik pisinnaatitaaffeqassaaq. Ikiorsiissutini annertussusileriikkani ataatsimut 5.000 kr.-nit nalinginnaasumik tunniunneqarsinnaassapput. Ikiorsiissutininik annertussusileriikkanik tiguisartuq ulloq unnuarlu neqeroorummi najugaqarpat aningaasat 2.500 kr.-nirut iluarsineqassapput, tunngaviusumik pisartakkanik 2.500 kr.-inik aamma tapisianik 500 kr.-inik imaqartunik pisartagaqartuq ingerlatassanut peqataasarsimappat.

§ 28-mut

Imm. 1-imut

Kommunalbestyrelsi qaammammut 2.500 kr.-nit angullugit tapinik akilersuutinillu aammalu erniarnut aningaasartuutitut tunniussaqaarsinnaavoq. Tapeq ikiorsiissutinik annertussusileriikkanik tigusisartut piginneqatigiilluni inissiami, inissiami nammineq pigisami assigisaanniluunniit najugaqartut Ineqarnermut tapiissutit pillugit Inatsisartut inatsisaannut ilaangitsut naligiimmik piniarlugit tunniunneqartarpoq.

Kommunalbestyrelsip tapinik akilersuutinillu aammalu erniarnut aningaasartuutinik tunniussisarnissaanut inatsisitigut piunasaqartoqanngilaq.

Kommunalbestyrelsip politikikkut pingaarnersiunerminut ataatsimullu allaffissornikkut peruseqarnerminut ilaatillugu tapinik akilersuutinillu imaluunniit ernianut aningaasartuutinik tunniussissanani aalajangersinnaavaa.

Nammineq inigisamut tapiisarnermut kommunini ileqqorineqartoq pisortat ingerlatsineranni inatsisitigut malittarisassanut tunngaviusunullu ilaalluinnarpoq, tassanilu assigiimmik pinnittoqarnissaanut tunngavigineqartoq ilaavoq. Nammineq inigisamut tapiiniarluni kommunalbestyrelsi aalajangerpat tamanna suliaasaqarfimmut politikip oqaasertalerneqartup tunngavilersuutigineratigut pisariaqarpoq.

Kina inissiamut isersinnaanersoq uani pineqanngilaq. Ikiorsiissutinik annertussusileriikkanik tigusisartoq illuummi inuup tamakkiisumik ilaannakuusumilluunniit pigisaani imaluunniit inooqatigisap pigisaani aamma inuit taakku aappaannaata piginnittuusutut nalunaarsorneqarfigisaani najugaqaarsinnaavoq.

Ineqarnermut ikiorsiissutini taarsigassarsianut erniat akilersuutillu/akiliutillu kiisalu piginneqatigiiffimmut ingerlatsineranut ingerlaavartumik akililersuutit ilaapput. Ineqarnermut ikiorsiissutini atuinermut aningaasartuutit ilaanngillat.

Imm. 2-mut

Inissiaq ikiorsiissutinik annertussusileriikkanik tigusisartumit taassumalu inooqataanit najorneqarpat, ineqarnermut akilersuutinut ernianullu aningaasartuutit taakku marluullutik assigiimmik avissagaat aalajangerneqarpoq. Inooqatigiittut akornanni inatsisitigut piginnittuuneeq avinneqarsimanersoq tassani apeqqutaanngilaq.

Imm. 3-mut

Piginneqatigiilluni inissiamut, nammineq inigisamut assigisaannulluunniit tapit akileraarutiigut ineqarnermut tapiissutitut suliarisarnissaat aalajangersakkatigut qulakkeerneqarpoq.

Nammineq inigisamut tapeq ineqarnermut tapiissutinut inunnut inissiami attartortittakkami najugalimmut tunniunneqaarsinnaasunut ilanngaatigineqarpoq.

Aningaasarsianit akileraarutit pillugit Inatsisartut inatsisaanni § 34, nr. 10, litra c malillugu ineqarnermut tapiissutit Ineqarnermut tapiissutit pillugit Inatsisartut inatsisaat malillugu tunniunneqartut aningaasarsiat akileraaruteqaataasussat naatsorsorneranni ilanngullugit naatsorsorneqarneq ajorput.

§ 29-mut

Inuit sivisuumik napparsimaneq pissutigalugu suliffissarsiornermut ikiorsiissutinik pisinnaataaffimmik annaasaqartut, taamaammallu pisortanit ikiorsiissutinik akigititanit aalajangersugaasunut nuuttut ikaarsaariarnermi tapinik qaammammut 3.000 kr.-nirik tunineqassapput.

Inuit suliffeqarfeqarfimmut manna tikillugu attuumassuteqarsimasut, sivisuumillu napparsineq pissutigalugu pisortanit ikiorsiissutinut nuuttut, ajornanngitsumik nuussinnaanissaat aamma aningaasaqarnerminnik naleqqussaansamut periarfissaqarnissaat pingaartinneqarsimavoq.

Tapeq piffissamut qaammatit arfinillit tikillugit tunniunneqassaaq, taamaasillunilu ataavartumik imminut pilersorsinnaanermut ikiorsiissutinut nuunnissaq pillugu qinnuteqaataasinnaasunik suliaqarnissat tassuuna periarfissillugit.

§ 30-mut

Inatsisartut inatsisaanni akigititat aningaasanullu killiliussat assignngitsut ukiumut ataasiarluni iluarsiiffigineqartarput, taamaalilluni pisortani sulisunut akissarsiat ineriartornerannut naapertuuttunngortinneqassallutik. Tassani akissarsiat ineriartorneranni allannguinerit kingunerannik inatsisini allannguisoqannginnissaa qulakkeerneqarpoq.

Akigititanut allannguinerit aamma aningaasanut killiliussat Naalackersuisut naatsorsussavaat. Aningaasat www.naalackersuisut.gl imi tamanut saqqummiunneqassapput, soorluttaaq aningaasat Inatsisartut inatsisaata aqunnissaanut ataatsimoortumik IT-nut aaqqiissutissamut nalunaarutigineqarumaartut.

§ 31-mut

Imm. 1-imut

Tassangaannartumik pisariaqartitsineq malillugu ikiorsiissutit §§ 1 aamma 2 naapertorlugit pingaarnerunngillat, tassangaannartumillu ikiorneqarnissamik pisariaqartitsineq ikiorsiissut allat aqqutigalugit imaluunniit inatsisinut allanut ilaangippat tunniunneqarsinnaassanatik.

Tassangaannartumik pisariaqartitsineq malillugu ikiorsiisoqassappat, qinnuteqartup taassumalu inooqataata pisut immikkut ittut malitsigisaannik ataasiaannartumik ikiorsiissutinut aningaasartuutitut akiliinissamut periarfissaqarsimanginnissaat piumasarineqarpoq. Qinnuteqartoq taassumaluunniit inooqataa aningaasartuutitut akiliinissamut periarfissaqarpata tassangaannartumik ataasiartumik ikiorsiissutinik kommunalbestyrelsi tunniussaqsinnaangilaq. § 40 pisariaqartitsineq malillugu ikiorsiissutinut atorneqarneq ajorpoq.

Inuuniarnermi pisariaqartinneqarnerpaanut inuk imminut ilaquuttaminullu pissarsisinnaassangippat, pisut immikkut ittut malitsigisaannik ikiorsiissutit tunniunneqassapput. Pisut immikkut ittut malitsigisaannik ikiorsiissutinik arlaanni najugaqarnissamut, nerisassanut, kiassarnermut, innaallagissamut, atisanut allanullu ulluinnarni pisariaqartitanut aningaasartuutit matussuserneqarnissaat tamatuma kinguneraa.

Pisunut immikkut ittunut tassangaannartumik ikiorsiinissamut tunngaviliisinnaasunut assersuutaasinnaapput napparsimaneq, meerartaarnermut atatillugu sulingiffeqarneq, suliffissaqannginneq aamma inooqatigiikkunnaarneq. Tassangaannartumik pisariaqartitsilernermi pisortanit ikiorsiissutit ajutuunissamut sillimataammata allerpaajusut assersuutigineqartut taakku tamakkiisuungillat.

Pisut immikkut ittut pillugit paasinninneq tassangaannartumik pisariaqartitsilermi ikiorsiissutit pillugit inummut pineqartumut qinnuteqartumut tunngatillugu immikkut nassuiarneqassaaq. Taamaammat ataasiakkaat qanoq siumut eqqarsateqarsimassanersut pingaaruteqartuuvoq.

Namminersorlutik inuussutissarsiummik ingerlatallit, taakkununga aalisarnermik piniarnermillu inuussutissarsiutigalugu ingerlatallit ilanngullugit, aamma ikiorsiissutinik annertussusileriikkanik pisinnaatitaangitsut nalilersuilluareernikkut pisariaqartitsineq malillugu ikiorsiissutinik pisinnaatitaasinnaapput. Namminersorlutik inuussutissarsiummik ingerlatallit suliartoqquneqarsinnaanginnamik imaluunniit sapaatip akunneranut nalunaaquttap akunneri 20-t sinnerlugit sulisinnaassuseqanngikkunik ikiorsiissutinik annertussusileriikkanik pisinnaassangillat.

Nunani allani innuttaasut immikkut ittunik ikiorsiissutinik qinnuteqarsinnaapput § 6-ip kingunerisaanik, tassanilu nunani allamiut kikkulluunniit tamarmik pineqarput, tamatumani aamma Danmark-imiit aamma Savalimmiuniit.

Imm. 2-mut

Tassangaannartumik pisariaqartitsilernermi pisortanit ikiorsiissutit taamaallaat tassangaannaq pisut qaangerniarnissaannut atorneqartassapput. Tassangaannartumilli pisoq sivikissinnaavoq sivilunerusinnaallunilu. Innuttaasup nammineq ilaquuttamilu pisariaqartinnerpaasaannik piffissami sivilunerusumi pilersuisinnaajunnaarneranik

kinguneqartumik pisoqarsimappat, innuttaasoq piffissaq tamakkerlugu tassanngaannartumik pisuni pisortanit ikiorsiissutinik pisinnaatitaassaaq.

Pisut immikkut ittut malitsigisaannik pisoqarnerani pisortanit ikiorsiissutit taamaallaat qaammatit ataasiakkaarlugit tunniunneqarsinnaapput. Tassanngaannartumik pisariaqartitsisoqarnerani ikiorsiissutinik qaammatit pingasut qaangerlugit tunniussisoqassappat tassanngaannartumik ataasiartumik ikiorsiisarnerup unitsinnissaanut pisariaqartitsinerup ikiorsiiffiginissaa siunertarlugu iliuusissatut pilersaarummik suliaqartoqassaaq.

Imm. 3-mut

Naalackersuisut tassanngaannartumik pisariaqartsisoqarnerani ikiorsiissutit pillugit malittarisassat aalajangersaaffiginissaanut piginnaatinneqarput. Qanoq ilineratigut tassanngaannartumik ataasiaannartumik ikiorsiissuteqartoqarsinnaaneranut aamma pisut sorliit pisunut immikkorluinnaq ittunut ilaatinneqarsinnaanersut pillugit malittarisassanik Naalackersuisut aalajangersaasinnaapput.

Illusimmaveqarnissamut, nerisassanut, atisanut, kiassarnermut innaallagissamullu aamma matumani ikiorsiissutit qanoq ilineratigut nioqqutissatut tunniunneqarsinnaanerat ilanngullugu, tassanngaannartumik ataasiartuni ikiorsiissuteqarnissamut aningaasat ikinnerpaaffissaannut amerlanerpaaffissaannullu malittarisassanik Naalackersuisut aalajangersaasinnaapput.

§ 32-mut

Imm. 1-imut

Pisut immikkorluinnaq ittut kingunerisaannik ataasiartumik aningaasartuutit matussusernissaannut ikiorsiissutinik kommunalbestyrelse tunniussaqaarsinnaavoq. Pisunut immikkorluinnaq ittunut tunngatillugu § 31, imm. 1-imut nassuiaatit innersuussutigineqarput.

Ataasiartumik aningaasartuutini oqaasertai malillugit aningaasartuutaapput utertuartuunngitsut imaluunniit utertuartussatut naatsorsuutigineqarsinnaanngitsut. Taamaattumik tassani ineqarnermut akiliutinut, sillimmatinut akilersuutinut, taarsigassarsianut akilersuutinut assigisaasaluunniit akiliinissamut ikiorsiissutinik tunniussisoqarsinnaanngilaq. Uani illup iluani pigisanut anginernut, soorlu errorsivimmut kissarsuummullu, pissarsinermit aningaasartuutit pineqarsinnaapput.

Ataasiartumik aningaasartuutit akilernissaannut ikiorsiissuteqarnissami qinnuteqartup nammineerluni akiliineratigut qinnuteqartup taassumalu ilaqutaasa siunissami imminnut pilersornissaasa pingaaruteqartumik ajornarnerulernissaa piumasaqaataavoq. Assersuutigalugu kissarsuummik pissarsineq qinnuteqartup ineqarnermut akiliutinut

imaluunniit innaallagissamut, imermut kiassarermullu akiligassanut kinguaattoorneranik kinguneqassappat, ataasiartumik aningaasartuutitut ikiorsiissutinik tunniussisoqarsinnaavoq.

Qinneqartup taassumalu ilaquataasa siunissami imminnut pilersornissaannut periarfissat ajornerulersinngikkaluarlugit qinnuteqartoq taassumaluunniit inooqataa namminneerlutik aningaasartuutit akilernissaannut periarfissaqarpata, aningaasartuutit akilernissaannut kommunalbestyrelse ikiorsiissutinik tunniussisinnaassangilaq. § 40 pisariaqartitsineq malillugu ikiorsiissutinut atorneraqarnej ajorpoq.

Imm. 2-mut

Imm. 1 apeqquataatinnagu ineqarnermut kinguaattoorutit akilernissaannut ataasiaannartumik aningaasartuutitut pisortanik ikiorsiissutit tunniunneqarsinnaapput. Tamanna taamaallaat qinnuteqartumut taassumalu inooqataanut atuuppoq, matumani taakkua meeqqanik mikinerusunik angerlasimaffimmini najugaqarsimappata imaluunniit siunissami qanittumi meeraaqqat aqutigalugit ilaqquttat ilaneqarnissaat naatsorsuutigineqarsimappat.

Assersuutigalugu ilaqutariit meerartallit allami najugaqarnissamut periarfissaqarnatik inissiamik attartortittakkamik annaasaqarnissaminnut ulorianartorsiorpata, ineqarnermut akiliutit akilernissaannut ikiorsiissutinik kommunalbestyrelsi tunniussisinnaavoq.

Akiitsorineqartut ilaqutariit inigisaannut tunngassapput, soorlu ineqarnermut akiliutit, innaallagissamik atuinerit kiassarermullu aningaasartuutit. Assersuutigalugu TV-mut Internetimullu aningaasartuutit akilerneqarsinnaangillat.

Aalajangersagaq assersuutissaavoq, Inatsisartullu meeqqat tapersorsorneqarnissaat pillugu Inatsisaat malillugu ilaqutariinnut meerartalinnut tapiisarnissaq periarfissinneqarpoq. Meeqqat tapersorsorneqarnissaat pillugu Inatsisartut Inatsisaat malillugu ikiorsiissutinik tunniussisoqarsinnaassappat peqatigitillugu Inatsisartut Inatsisaat taanna malillugu ikiorsiissutinik tunniussisoqarsinnaangilaq.

§ 33-mut

Ilaqutariit inigisamikkut atugarisaannut pitsaanerulersitsissappat kommunalbestyrelsi nuunnissamut ikiorsiissutinik tunniussisinnaavoq. Nuunnissami inissatigut atugarisat aamma ineqarnermi aningaasaqarnikkut atugarisat pitsangortinnissaannik siunertaqarnej aalajangersakkami taamaallaat pineqarpoq.

Suliffeqarnermi innersuussisarnej il.il. pillugit Inatsisartut inatsisaanni aamma Nuttarnersitsiniarluni tapiissutit pillugit Namminersornerullutik Oqartussat nalunaarutaanni nutsernermut ikiorsiissuteqarnissaq pillugu aalajangersakkanut ilaasunut nutsernermut nutsernermut ikiorsiissutinik tunniussisoqarsinnaangilaq. Taamaammat nuunneq atorfiup innersuunneqarneranut atorfigilerneranulluunniit ilaasumik atorfininnermut

atatillugu angalanissaq imaluunniit pequtunik nuussinissaq periarfissaatinnagit pisinnaappat, nuunnissamut ikiorsiissutunik tunniussisoqarsinnaassanngilaq.

Nuunnissamut pisortanit ikiorsiissutit angalanermut aningaasartuutit aamma pequtunik nuussinerit matussusernissaannut tunniunneqarsinnaapput. Inissiami attartortittakkami qularnaveeqqutit matussusernissaannut ikiorsiissutunik tunniussisoqarsinnaanngilaq.

Qinnuteqartoq taassumaluunniit inooqataa aningaasartuutigineqartumik namminneerluni akiliisinnaappat, aningaasartuutit akilernissaannut kommunalbestyrelsi ikiorsiissutunik tunniussisinnaanngilaq. § 40 pisariaqartitsineq malillugu ikiorsiissutitut atornerqarneq ajorpoq.

Ilaqtariit inuttut ajornartorsiuteqartut kommunimit kommunimut allamut nuunnissaasa pisortanit ikiorsiiffigineqarnissaat pinngitsoortinniarlugu, nuunnissamut pisortanit ikiorsiissutunik tunniussisoqarnissaa sioqqullugu kommune qimanneqartussa q kommunimut nuuffigineqartussamut akuersissummik piniartassaaq.

Aallaaviusoq tassaavoq itigartitsisoqarsinnaanngitsoq nuunnissamut, taamaattumillu malittarisassat annerusutigut qularnaarissutaasut paasisutissanik sulisussamut nutaamut tunniussisoqarnissaanik, pisariaqartunik isumaginninnikkut iliuusissanik pilersitsisoqarsinnaaqullugu.

Suliffimmi nutaami atorfininnermut atatillugu atorfininnermut atatillugu angalanermut aamma pequtit nuunnerannut ilaasumik illoqarfimmut allamut nuunnermut ikiorsiissutit Suliffeqarnermi innersuussisarneq il.il. pillugit Inatsisartut inatsisaat aamma Nuttarnersitsiniarluni tapiissutit pillugit Namminersorlutik Oqartussat nalunaarutaat malillugit nuttarnersitsiniarluni ikiorsiissutitut tunniunneqassapput.

Taamatut pisoqarsimatillugu aalajangersagaq atornerqarneq ajorpoq.

§ 34-mut

Imm. 1-imut

Ilisinernut aningaasartuutit naleqquttut matussusernissaannut pisortanit ikiorsiissutunik tunniussisoqarsinnaavoq. Illerfimmumut, ilerrup inissaanut, naasunut assigisaannullu aningaasartuutitut ilisinermut imminermut toqqaannartumik atassuteqartunut ikiorsiissutunik tunniussisoqarsinnaavoq. Ilisereernerup kingorna aqqissuussinernut pisortanit ikiorsiissutunik tunniussisoqarsinnaanngilaq.

Kalallit Nunaanni kingullermik inunnut nalunaarsuiffimmi aalajangersimasumik toqusup najugaata avataani toqusoq toqukku qimagussimappat illerfiup pissarsiarineqartup angallanneqarsinnaasup toqusup Kalaallit Nunaanni inunnut nalunaarsuiffimmi kingullermik

aalajangersimasumik najugaatut allassimasumut angallannissaanut pisortanit ikiorsiissutinik tunniussisoqarsinnaavoq.

Imm. 2-mut

Illerfiup toqusup kingullermik Kalaallit Nunaanni inunnt nalunaarsuiffimmi aalajangersimasumik najugaatut allassimasumut assartornissaanut pisortanit ikiorsiissutinik tunniussisoqarsinnaavoq. Pisortanit ikiorsiissuteqarnermi illerfimmut assartuinissamullu aaqqiissut ataatsimut akikinnerpaaq qaangerneqarsinnaangilaq.

Kalaallit Nunaanni illerfinnik assartuinnermut taamaallaat ikiorsiissutinik tunniussisoqarsinnaavoq. Taamaasilluni assersuutigalugu illerfiup Danmarkimiit assartornissaanut ikiorsiissutinik tunniussisoqarsinnaangilaq.

Imm. 3-mut

Ilisisoqarnissaani pigisat aningaasaqarnikkut inissisimanerat nalornissutigineqarpat, ilisinissamut illerfiullu angallannissaanut pisortanit ikiorsiissutit ikiorsiissutaagallartutut aamma paasinarsippat pigisat nalingisa aningaasartuutit akilersinnaagai, ikorsiiisutit utertinneqartussanngorlugit tunniunneqarsinnaapput.

§ 35-mut

Qanigisaasut napparsimarulunnerannut aamma/imaluunniit toqunerannut ilisaanerannullu atatillugu angalanermut aningaasartuutit akilernissaannut pisortanit ikiorsiissutinik tunniussisoqartarpoq. Qanigisat tassaapput nammineq angajoqqaat, aapparisaq aamma taamaalilluni naligiimmik meeqqat qatanngutillu, kisianni aapparisaq tassungalu naligitap ilaqtai pinneqanngillat.

Akikinnerpaamik angalanissamut pisortanit ikiorsiissutinik taamaallaat tunniussisoqarsinnaavoq. Angalanermut aningaasartuutit akilernerneqarnissaannik qinnuteqarnermi nakorsamit allagarsiussaq ajornanngippat ilanngunneqassaaq, tassani takuneqarsinnaassalluni nappat ima perulutsitsitigisoq ilaqtasut pisarnertut aggersarneqartariaqalerlutik. Aallartinnani nakorsamit allagarsiussaq pissarsiarineqarsimangippat taassuma kommunimut najugarisamut utermermi piaartumik takutinneqarnissaa kommunalbestyrelsimit piumasarineqarsinnaavoq.

Angalanermut aningaasartuutit qanigisallu pillugit nassuiaaneq aamma qanigisat toqunerannut, napparsimanerannut ilisaanerannullu atatillugu angalaneq, sulinngiffeqarnerlu pillugit Kalaallit Nunaanni Namminersornerullutik Oqartussat aamma Kalaallit Nunaanni Tjenestemandit Isumaqtigiissutit malillugit akissarsiallit Qitiusumik Kattuffiata isumaqtigiissutaat 27. maj 1993-imeersoq malillugu nassuiarneqassapput.

Suliat ataasiakkaat aalajangersimasut nalilersoreernerisigut nakorsap allagarsiussaaniq pissarsiniarnissaq pisariaqassanersoq kommunalbestyrelsip aalajangissavaa. Qinnuteqartumiit nakorsap allagarsiussaaniq kommunalbestyrelsi kissaateqarpat, taassuma piniarneranut kommunalbestyrelse akiliissaaq.

Piumasaqaataavoq angalanermut aningaasartuutigineqartut qinnuteqartup ilaquataasalu siunissami imminnut pilersornissaannut ajornerulersitsinissaat.

Qinnuteqartoq taassumaluunniit inooqataa aningaasartuutigineqartumik namminneerluni akiliisinnaappat, aningaasartuutit akilernissaannut kommunalbestyrelsi ikiorsiissutiniq tunniussisinnaanngilaq.

§ 40 pisariaqartitsineq malillugu ikiorsiissutiniq atorineqarpat ajorpoq.

§ 36-mut

Imm. 1-imut

Nunani allani inuiaattut innuttaassuseqartunut angerlamut angalanissamut angalanermut aningaasartuutiniq ikiorsiisarneq pillugu Inatsisartut Inatsisaanni § 7-mi aalajangersagaq malillugu nunani allani inuiaattut innuttaassusillit angerlamut angalanissaannut ikiorsiissutiniq tunniussisoqarsinnaanera aalajangersakkatigut aalajangersarneqarpoq.

Imm. 2-mut

Pisariaqartitsineq malillugu ikiorsiissutit akuersissutiginnissaat pillugu kommunalbestyrelsip aalajangiisinnaanissaanut piumasaqaatit naammassineqartussat aalajangersakkami tulleriaarneqarput.

Qinnuteqartoq unioqutitsinani najugarsimasuussaaq, assersuutigalugu najugaqarnissamut sulinissamullu akuersissummut akuerineqartumut atatillugu imaluunniit allatut Kalaallit Nunaanniinnermut unioqutitsilluni najugaqarneq pineqarsimatinnagu.

Qinnuteqartup taassumaluunniit inooqataa angalanermut aningaasartuutit akilernissaannut namminneerlutik aningaasaqarnikkut periarfissaqarsimannginnissaat piumasaqaataavoq. Pisortanit ikiorsiissutit pingaarnernatik periarfissaapput, taamaammallu pisariaqartitsineq malillugu ikiorsiissutit akuerineqarnissaat sioqqullugu aningaasaqarnikkut oqimaatsorsiornerup nammineq isumaginnissaanut periarfissat tamarmik atorineqareersimasariaqarput.

§ 37-mut

Imm. 1-imut

Inuit pisortanit ikiorsiissutinik pisinnaatitaasut, pineqartoq napparsimappat imaluunniit napparsimmavimmi uninngasimappat, pisinnaatitaaffik taanna piginnassavaat. Tamanna aamma assersuutigalugu Danmarkimi napparsimmavimmi uninnganermut atuuppoq.

Aalajangersakkami pisortanit ikiorseeriaatsit ataasiakkaat pisinnaatitaaffinnik ingerlatsiinnarfiusut tulleriaarneqarput.

Allattuiffik tamakkiisuvoq.

Imm. 2-mut

Pisortanit ikiorsiissutinik tiguisartoq napparsinermi atugarisat pillugit piaartumik nalunaaruteqassaaq, taamaaliornikkut sulianik suliarinninnerup ingerlaqqinnissaanut kommunalbestyrelsi ilanngussisinnaassammat. Tamanna ilaatigut mail imaluunniit oqarasuaatikku attaveqarnerit aqutugalugit pisinnaavoq.

Kommunalbestyrelsip sulisuinut saaffiginninnermi soorunami tamanna nalinginnaasumik ammasarfiit avataanni pisinnaangilaq.

Napparsimanermi atugarisanut uppersaatissatut nakorsap allagarsiussaa kommunalbestyrelsip piumasinnaavaa. Uppersaasoqarnissanut atasumik aningaasartuuteqartoqarsimappat tamanna kommunalbestyrelsimit akilerneqassaaq.

Suliartoqquneqarsinnaanermut pisussaatitaaffik aamma iliuusissatut pilersaarut pillugit aalajangersagaq napparsimanerup nalaani atorunnaassaaq.

§ 38-mut

Imm. 1-imut

Inuit meerartaarnermut atatillugu sulinngiffeqarsinnaatitaasut sulinngiffeqarnerullu nalaani akissarsianik ullormusianilluunniit tigusaqarsimasut, meerartaarnermut atatillugu sulinngiffeqarnerup nalaani ikiorsiissutinik annertussusilerikkanik pisinnaatitaassanngillat. Inuit meerartaarnermut atatillugu sulinngiffeqarsinnaatitaasut pisariaqartitsineq malillugu pisortanit ikiorsiissutinik pisinnaanerminnik tiggumminniinnarsinnaanerat iluaqutaasumik malittarisassiuunneqarpoq.

Aalajangersakkami pisortanit ikiorseeriaatsit ataasiakkaat pisinnaatitaaffinnik ingerlatsiinnarfiusut tulleriaarneqarput.

Allattuiffik tamakkiisuvoq.

Imm. 2-mut

Suliartoqquneqarsinnaanermut pisussaatitaaffik aamma iliuusissatut pilersaarut pillugit aalajangersakkat ernereerluni sulinngiffeqarnerup nalaani atorunnaassapput.

§ 39-mut

Imm. 1-imut

Aalajangersagaq pisuni meeqqat napparsimaruloorlutik napparsimmavimut unitsinneqarfianni, angajoqqaallu taamaalillutik meeraq malinnaaffiginiarlugu suliffimminnik unitsitsisariaqarneranni atorneqarpoq.

Qanigisaasut meeqqamut nappaammik eqqugaasumut angajoqqaajusutut aammalu meeqqap nappaammik eqqugaasup angajoqqaavanut inooqataasutut nassuiarneqarput.

Pilersorsinnaanermut tunngavissat kisimik tunniunneqarsinnaassapput, qanigisaasorlu assersuutigalugu parlattuanik suliffissarsiortuunermut ikiorsiissutinut qinnuteqarniarpat tassunga peqatigitillugu pisortanit ikiorsiissutinik tiguisoqarsinnaanngilaq. Pisortanit ikiorsiissutit inatsisinut allanut tunngatillugu suli pingaernerunngillat.

Pisuni meeraq ilaqtutanilu Avannaata Kommuniani najugaqartoq Nuummi napparsimmavimmut unitsinneqarsimatillugu, tassanilu angajoqqaat nooqataasimallutillugit, aalajangersagaq atorneqarsinnaavoq. Taamaalisoqarsimappat pilersuisinnaanermut tunngavik atorneqassanngilaq, nalinginnaavorlu ikiorsiissutinut annertussusileriikkanut piumasaqaatit naammassineqarsimanninnissaat.

Aalajangersakkami pisortanit ikiorseeriaatsit ataasiakkaat pisinnaatitaaffinnik ingerlatsiinnarfiusut tulleriaarneqarput.

Allattuiiffik tamakkiisuuvoq.

Imm. 2-mut

Sapaatip akunneranut 20 tiimit qaangerlugit suliffeqarsinnaannginnermut piumasaqaat saneqqunneqarpoq. Tamannalu isumaqarpoq sulisinnaassuseq apeqqutaatinnagu pisortanit ikiorsiissutinik pisinnaatitaasoqassasoq.

§ 40-mut

Imm. 1-imut

Ikiorsiissutit annertussusileriikkat aalajangersakkami taamaallaat pineqarput.

Pisariaqartitsineq malillugu ikiorsiissutit pineqartillugit aningaasat tigorianaanaat aamma pigisat tuneriaanaat isiginngitsoorneqarsinnaanngillat.

Pisariaqartitsineq malillugu ikiorsiissutit pillugit malittarisassani allanik malitassaqaarsimatinnagu, pisariaqartitsineq malillugu ikiorsiissuteqartoqassatillugu inuk taassumaluunniit inooqataa aallaaviatigut aningaasanik tigorianaannarnik aamma pigisanik tuneriaannarnik atuinissaminnik pisussaaffeqarput.

Inuup imminut, aapparisaaminut meeqqanullu 18-it inorlugit ukiulinnut pilersuisussaataitanera pillugu tunngaviulluinnartumik piunasaqaat aalajangersakkap kinguneraa kiisalu pisortanit ikiorsiissutit taamaallaat ikiorneqarnissamik pisariaqartitsineq allatut iliorluni matussuserneqarsinnaanngippat atorneqartassasut.

Inuk taassumaluunniit inooqataa aningaasanik tigorianaannarnik imaluunniit pigisanik tuneriaannarnik 15.000 kr.-nit qaangerlugit nalilinnik peqaarsimappata inuk taassumaluunniit inooqataa ikiorsiissutinik annertussusileriiikkanik tunniussisoqarnissaa sioqqullugu taakkuninnga atuinissaminnut pisussaaffeqarput.

Pigisatut tuneriaannaasutut isigineqarput pigisat nalillit sukkasuumik aningaasanngortinneqarsinnaasut, soorlu aktiaatit, pappiliaatit nalillit pappialiullu allat nalilillit kiisalu ujaqqat erlinnartut.

Imm. 2-mut

Inuk taassumaluunniit inooqataa inuussutissarsiutinut ilinniarnermulluunniit atugassanik immikkoortitsisimappata ileqqaarsimappataluunniit pigisanut nalilinnut killissarititaaq imm. 1 malillugu 25.000 kr.-ninut qaffanneqarsinnaavoq.

Inuup ikiorsiissutinut annertussusileriiikkanut qinnuteqartup siunertanut taaneqartunut immikkoortitsisoqarsimanera ileqqaartoqarsimaneralu uppersarsarsinnaassavaa. Kommunalbestyrelsi tamanna pillugu piviusumik nalilersuissaaq.

Tassani assersuutigalugu ileqqaarneq immikkut konto aqutigalugu pisimanersoq imaluunniit qinnuteqartup atuinermut kontuanut nalinginnaasumut ilaasumik ilaaginnarnersoq pingaartinneqassaaq. Ileqqaarneq piffissap aalajangersimasup iluani pisimanersoq aamma pisarneq malillugu ileqqaarnerunersoq imaluunniit aningaasat pisortanit ikiorsiissutit pillugit qinnuteqarneq sioqqutillaarlugu immikkoortitat pineqarnersut pingaartinneqassaaq.

Immikkoortitsinerit piffissami aalajangersimasumi pisimanersut pisarnerlu malillugu inuussutissarsiutinut immikkoortitanut tunnganersut imaluunniit aningaasat pisortanit ikiorsiissutinut qinnuteqarneq sioqqutillaarlugu immikkoortitat pineqarnersut aamma pingaartinneqassaaq.

Aningaasat tigorianaannaat pisortanit ikiorsiissutinut qinnuteqarneq sioqqutillaarlugu immikkoortinneqartut inuussutissarsiutinut immikkoortitsinneqartut imaluunniit

ilinniarnissamat ileqqaakkatut isigineqassappata immikkut uppenarsaaserneqarnissaat nassuiaaffiginissaallu pisariaqassaaq.

Inuk inuussutissarsiutinut imaluunniit ilinniarnernut immikkoortitsinernik ileqqaarnernillu 25.000 kr.-nit sinnerlugit nalilinnik uppenarsarneqarsinnaasunik peqarsimappat aningaasat sinneruttut aatsaat pisortanit ikiorsiissutinik tunniussisoqarnissaa sioqqullugu atorneqarsinnaassapput.

Imm. 3-mut

Inuussutissarsiorsinnaassuseqarnermik annaasaqarnermut atatillugu taartisiat aammalu iluarsineqarsinnaanngitsumik ajoqusersimanermit il.il. taartisiat pisuussutinut ilaatinneqassanngillat, taakkumi aningaasat assersuutigalugu ataavartumik tutsarluttunngornermut, avatinik amigaateqalernermit assigisaannullu taartisiaammata taamaattumillu nalinginnaasumik pilersuinermit akiligassanullu aalajangersimasunut atugassatut naatsorsuutigineqartariaqaratik.

Sulisilluni ajoqusersimaneq pissutigalugu taartisianik tiguisut sulisilluni ajoqusersimanermit isumannaarinninneq pillugu inatsit malillugu taartisiamik aningaasanngortinnissaat toqqarsinnaavaat (Kalaallit Nunaanni sulisilluni ajoqusersinnaanermut isumannaarinninneq pillugu inatsit nr. 273, 24. april 2001-imeersumi peqqussutitigut atortussanngortinneqartoq). Taamaattoqarnerani pisortanit ikiorsiissutisisinnaanerup annaaneqarnera taartisinerup kingunerisussaangilaa. Taartisiat iluanaarutissartaasa/erniaasa pisuussutitai pisortanit ikiorsiissutit annertussusiinut aamma sunniuteqassanngillat.

Imm. 4-mut

Taartisiat utertitsivigineqarnerilluunniit ikiorsiissutit annertussusileriikkat tiguisartup pigisaanit nalilinnit isertitaaniillu avissaarteqqarnissaat piumasaqaataassasoq aalajangersakkami aalajangersarneqarpoq. Piumasaqaatikku pigisat nalillit ilaasa sorliit pisortanit ikiorsiissutinik annertussusileriikkanik tunniussisoqarnissaanut nalilersuinissami ilaassanersut naliliiffiginissaat periarfissinneqassaaq.

Taartisiaq utertitsivigineqarnerluunniit akissarsianut kontumi nalinginnaasumi uninngatinneqarpata, taamaalillutillu inuup ulluinnarni aningaasaqarneranut akulerussunneqarpata, pisortanit ikiorsiissutinik annertussusileriikkanik tunniussinissap nalilersuiffiginerani pigisat nalillit isiginiarneqanngitsoorneqarsinnaanngillat.

§ 41-mut

Pisortanit ikiorsiissutit pillugit Inatsisartut inatsisaata aqunnissaanut pisortat IT-mik aaqsiissutissamik ataatsimoorussamik atuinissaannik kommunit aamma Namminersorlutik Oqartussat pisussaaffilerneqassasut siunnersuutigineqarpoq.

Pisortat ataatsimoorussamik IT-mut aaqqissuussineri ilaatigut qularnaarisussaapput ingerlatsiviup sullissisuusullu ataasiakkaat kisimik paasissutissanut inatsit naapertorlugu allaffissornermi pisariaqartunut isersinnaanissaannik,

Pisortanut ataatsimoorussamik IT-mut aaqqiissutissaq pillugu aalajangiineq Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaanni § 46a-mi malittarisassiorneqarpoq. Pisortanut ataatsimoorussamik IT-mut aaqqiissutissaq Namminersorlutik Oqartussanut kommuninullu pisortat ataatsimoorussamik IT-mut atortuinut pioreersunut programmitut ikkunneqassasoq naatsorsuutigineqarpoq.

§ 42-mut

Imm. 1-imut

Pisortanit ikiorsiissutit pillugit qinnuteqaat pingaarnertigut kommunimut najugaqarfigisamut tunniunneqassaaq.

Imm. 2-mut

Pisut immikkut ittut malitsigisaanik ataatsiartumik ikiorsiissutit pillugit qinnuteqaat kommunimut najugarineqartumut tunniunneqassaaq. Taamaaliornikkut qanittuunissami tunngavik pingaartinneqarpoq. Inuk pisut immikkut ittut malitsigisaanik ataatsiartumik ikiorneqarnissamik pisariaqartitsippat, illusimmavissamik pissarsiniartoqassanersoq pillugu kommune najugarisaaq qaninnerpaatut nalilersuissaaq.

Imm. 3-mut

Pituffimmi sakkutooqarfik aamma Kalaallit Nunaata avannaani kangianilu nuna allanngutsaaliugaq pisortanit ikiorsiissutit atorineqarfissaanni mininneqanngillat. Qinnuteqartoq kommunit aggornerisa avataanni najugaqarpat akunnissimappalluunniit qinnuteqaat Naalakkersuisunut tunniunneqassaaq. Qinnuteqaat naalakkersuisoqarfimmut isumaginninnermut akisussaasumut nassiunneqassaaq.

Qinnuteqaat oqaatsit atorlugit allakkatigulluunniit tunniunneqarsinnaavoq.

Imm. 4-mut

Tigusaqarnerup kingorna kingusinnerpaamik ullut 14-t qaangiutsinnagit kommunalbestyrelsip qinnuteqartumik aallarniutaasumik ataatsimeeqateqarnissamik isumaqatigiissuteqarnissaa aalajangersakkatigut aalajangersarneqarpoq.

Ataatsimiinnerup ullut 14-t ingerlaneranni pinissaa pisariaqanngilaq. Taamaakkaluartoq kommunalbestyrelsip qinnuteqartumik ataatsimeeqateqarnissaa piaartumik pissasoq innersuussutigineqarpoq. Taamaaliornikkut pisortanit ikiorsiissutinut annertussusileriikkanut piunnaasaqatit naammassineqarsimangippata iliuusissatut pilersaarutit aallartereersut

imaluunniit allatut ikiorsiinissamut qinnuteqarnissamut ikiuinissat aqputigalugit qinnuteqartoq piaartumik ikiorneqarsinnaavoq.

§ 43-mut

Imm. 1-imut

Kapitali 5 malillugu pisortanit ikiorsiissutinik tiguisartup ataatsimut atugarisai ilanngullugit tamakkiisumik isiginnittumik kommunalbestyrelsi nalilersuissaaq. Ikiorsiissutit annertussusileriikkat aamma pisariaqartitsineq malillugu ikiorsiissutit aqputigalugit pisortanit ikiorsiissuteqartoqassappat, pisortanit ikiorsiissutinik tiguisartup taassumalu inooqataata aningaasaqarnerat aamma apeqqutaassapput.

Pisortanit ikiorsiissutinik tiguisartup akuersineratigut, pisortat oqartussaaffiinit namminersorlutillu soqutiginnittunit allanit kommunalbestyrelsi paasissutissanik isertuussanik inummullu tunngasunik pissarsiniarsinnaavoq.

Assersuutigalugu akileraartarnermut oqartussaasuniit aningaaserivinniillu aamma soraarnerussutisiaqartitsisunit aningaasaqarnikkut paasissutissanik kommunalbestyrelsei piniarsinnaavoq. Namminersorlutik soqutigisallit paasissutissanik kommunalbestyrelsimut tunniussinissat malittarisassat tunngavigisat malillugit pisinnaangippat, pisortanit ikiorsiissutinik tiguisartuq taassumalu inooqataa paasissutissat tunniunneqarnissaannut peqataasariaqarput, assersuutigalugu kommunalbestyrelsip pisinnaatitsissummik tuninera aqputigalugu.

Piviusumik suliamik suliarinninnermi paasissutissat pisariaqartinneqartutut isigineqartut kisimik pissarsiarineqarsinnaapput. Taamaammat ikiorsiissutit annertussusileriikkat imaluunniit pisariaqartitsineq malillugu ikiorsiissutit pineqarnerisut apeqqutaalluni, qinnuteqartumut pineqartumut suliassap piviusup paasinarsarneqarnissaani assigiinngitsoqarsinnaavoq.

Imm. 2-mut

Qinnuteqartoq akuersissuteqarusutsinnagu imaluunniit akuersinissaq pissarsiarineqarsinnaasimatinnagu akuersineq piginnikkaluarlugu feeriarnermut aningaasaqarnermullu paasissutissanik pisortat oqartussaaffiinit allaneersunik tunniussisoqarnissaanik kommunalbestyrelsi piumasaqarsinnaavoq.

Paasissutissat suliat ataasiakkaat suliarinissaannut atatillugu aamma kommunit ikiorsiissutigineqartussat tunniussinnaanerannut nakkutiginninnissaannut tunngatillugu tunniunneqarnissaat piumasarineqarsinnaavoq.

Qinnuteqartup inooqatigisaanut kiisalu inoqutiginniittunut allanut piginnaatitsissut atuuppoq.

Inunnik paasissutissanik suliarineqartarneq pillugu Inatsit (inunnik paasissutissanik suliaqartarneq pillugu inatsit) malillugu inummut paasissutissat suliarineqartarnissaannut piumasarineqartut naammassineqarnissaat aalajangersakkami siunertaavoq.

Imm. 3-mut

Pisortanit ikiorsiissutit tunniunneqartarnerannik kommunalbestyrelsi nakkutilliissaaq, inunnullu taakkununnga pisinnaatitaanngitsunut ikiorsiissutinik tunniussisoqannginnissaa nakkutigalugu.

Qinnuteqartumit akuersineq pigineqarsimangippat aningaasaqarnermut atugarisat pillugit aningaaseriviit sulisitsisullu tunniussaqaarnissaannik kommunalbestyrelsi piunasaqarsinnaavoq.

Imm. 4-mut

Qinnuteqartoq akuersinngippat aamma imm. 2 malillugu akuersisoqanngikkaluartoq paasissutissat pissarsiarineqarsinnaappata, paasissutissat pigineqartut tunngavigalugit aalajangiisoqassaaq.

Paasissutissanik pissarsiniarnissaaq pillugu suleqataajumannginneq immiini pisortanit ikiorsiissutit pillugit qinnuteqaatip itigartinneqarnissaanik kinguneqarsinnaanngilaq.

§ 44-mut

Aalajangersakkap § 26, imm. 1-imi atuuttup assigaa.

Paasissutissat attuumassutillit assersuutigalugu tassaasinnaapput suliffittaarsimaneq, kingorngussisimaneq paasissutissallu allat pisortanit ikiorsiissutit annertussusilernissaasa aalajangersaaffiginissaannut pingaaruteqarsinnaasut.

Inuk pisortanit ikiorsiissutinik tiguisartooq, aningaasaqarnikkut, inuttut aamma inooqatigiinni atugarisat, pisortanit ikiorsiissutinik inuup suli tiguisinnaaneranut pingaarutillit pillugit, kommunalbestyrelsimut paasissutissiinissamik pisussaaffeqarpoq. Kommunalborgstyrelsi inummut tunngatillugu paasissutissani pigeriigaani allanngortoqarsimatillugu, paasissutissanik tunniussinissamut pisussaaffik taamaallaat atuuppoq.

§ 45-mut

Imm. 1-imut

Inunmut ikiorsiissutinik pisinnaatitaaffeqanngitsunut pisortanit ikiorsiissutit tunniunneqannginnissaat nakkutigiuassallugu kommunalbestyrelsi pisussaaffigaa.

Kommunalbestyrelsip pisortanit ikiorsiissutit tunniunneqartarnerannut isiginninniarnissamik pisussaaffeqarnera aalajangersakkakut erseqqissaaffigineqarpoq, aamma matumani paasissutissat nutaat pisortanit ikiorsiissutit annertussusissaannut pisinnaanerannullu nalornilersitsisinnaasut pillugit isummertarnissaq ilanngullugu. Nakkutiginnittuarnerit paasissutissallu allat nutaat tunngavigalugit pisortanit ikiorsiissutit inatsisitugit tunngavigineqartut saneqqullugit amerlanerit tunniunneqarsimasut kommunalbestyrelse pasitsaassippat, pisortanit ikiorsiissutit unitsinneqarnissaat allangortinnissaaluunniit pillugit misissuiffiginissaat siunertaralugu kommunalbestyrelsi iliuusissanik aallartitsissaaq.

Imm. 2-mut

Pisuni pisortanit ikiorsiissutit tunniunnissaannut piaaraluni paasissutissanik eqqunngitsunik tunniussisoqarsimanissaanik imaluunniit allanguutit pillugit ilisimatitsisoqarsimanissaanik kommunalbestyrelsi tunngavissaqarluni isumaqarsimappat pisoq kommunalbestyrelsip poliinut nalunaarutigissavaa.

Ilumut matumani inuttut kukkuneq imaluunniit puorsimaneq kiisalu pisortanit ikiorsiissutinik tiguisartoq taassumaluunniit inooqataa ilisimallugu iliuuseqarsimanersut pillugit naammattumik tunngavissaqarnerisooq nalilersuinermit ilanngunneqassaaq.

§ 46-mut

Imm. 1-imut

Pisortat akiliisarneri il. il. pillugit Inatsisartut inatsisaat malillugu pisortanit ikiorsiissutit pisortanit ikiorsiissutinik tiguisartut NemKontuanut tunniunneqassapput.

Tamatuma kingorna pisortanit ikiorsiissutinik tiguisartoq ineqarnermut akiliutit, aningaasartuutit aalajangersimasut il.il. akilernissaannut nammineerluni akisussaasunnussaaq.

Tunniussisarneq qaammatip naalernerani qaammatit tamaasa kingumut pisassaaq. Tamanna pisortanit ikiorsiissutit tunniuttarnissaannut ersarissumik aallaaviussaaq.

Imm. 2-mut

Pisortanit ikiorsiissutit qaammammut tunniussisarnerup avataatigut tunniussisoqartassanersooq pillugu kommunalbestyrelsi aalajangiisinnaavoq. Assersuutigalugu qaammatit tamaasa qaammatip aallartiffiani 15-ianilu tunniussisoqarsinnaavoq.

Matumani pisortanit ikiorsiissutinik tiguisartut ataasiakkaanut iliuusissatut pilersaarummut ilaasut, kisiannili aamma atortoq tiguisartup illersorneqarsinnaanngitsumik tunniunneqartunik ataatsikkut aqutsisinnaannginnerata erseqqissumik takuneqarsinnaatillugu kommunit atorsinnaasaat ilaasinnaapput.

Imm. 3-mut

Ikiorssiissutit annertussusileriiikkat tunniunnerannut atatillugu ilaqutariinni meerartaqarsimappat tamakku ajornartuulernissamut ulorianartorsiortinnngissaat imaluunniit sumiginnarneqarsimannginnissaat kommunalbestyrelsip tamatigut qulakkeertassavaa. Tamatigut meeqqamut iluaqutaasussaq pingaarneruvoq. Ikiorssiissutinik annertussusileriiikkanik tigusisartup ullut arlaqanngitsut qaangiunnerisigut ikiorssiissutit annertussusileriikkat assersuutigalugu imigassanut aalakoornartortalinnut atorsimappagit, tamannalu aqputigalugu nerisassanut, atisanut allatullu pisariaqartitanut aningaasat amigalersimappata, ikiorssiissutit annertussusileriikkat nerisassarsiutissanngorlugit tunniunneqarsinnaapput.

Imm. 4-mut

Kommunalbestyrelsi kapitali 7 naapertorlugu qanoq ilineratigut pisortanit pisariaqartitsineq malillugu ikiorssiissutit tunniunnissaannut tigussaasumik aalajangiissaaq. Tassunga atatillugu nerisassarsiutissanngorlugit tunniussisoqarnissaa pillugu akiligassiisumut toqqaannartumik imaluunniit aningaasannngorlugu tunniussisoqassanersoq aalajangiisoqassaaq.

Tunniussinerup qanoq ittup tulluarterpaajunissaani pisariaqartitsineq malillugu ikiorssiissuterpiaat tigusisussallu atugarisai apeqqutaassapput.

Imm. 5-imut

§ 36 naapertorlugu inunnut angerlamut angalanissamut pisortanit ikiorssiissutinik akuerineqartunut ikiorssiissutigineqartoq angalatitsivimmu nuussinikkut tunniunneqassaaq, angalatitsiviullu angalassutissamik inniminniineq isumagissavaa. Taamaalilluni tassani pisortanit ikiorssiissutit angerlamut angalanissamut atorneqarnissaata qulakkeerneqarnissaa pingaartinneqarpoq.

47-mut

Ikiorssiissutit annertussusileriikkat ullup qinnuteqarfiusup kingorna qaammammi tulliuuttumi qaammatip aallartinnerani kingumut tunniunneqartarput. Taamaammatt tunniussineq siulleq qaammammut tunniussinissamut tunngatillugu naleqqiussinikkut tunniunneqassaaq.

Ikiorssiissutit annertussusileriikkat piunasaqaatit naammassineqarnerisa kingorna ulloq saaffiginniffiusoq siulleq aallartiffigalugu tunniunneqassapput.

§ 48-mut

Ikiorssiissutit annertussusileriiikkanik aamma pisariaqartitsineq malillugu ikiorssiissutinik tunniussisarneq pisortanit ikiorssiissutit tunniunneqarnissaannut piunasaqaatit naammassineqarunnaarpata unissapput. Tamanna pillugu kommunalbestyrelse aalajangiissusaasoq aalajangersakkatigut erseqqissarneqarpoq.

Ikiorsiissutit annertussusilerikkat tunniunneqartarnerisa allangortinnissaat unitsinnissaalluunniit pillugit kommunalbestyrelsi aalajangiisussaavoq. Assigisaanik pisortanit ikiorsiissutini pisariaqartitsineq naapertorlugu ikiorsiissutininut akuerineqareersunut allangortoqarnera unitsitsinissarlunniit pillugit kommunalbestyrelsi aalajangiisaaq,

Pisortanit ikiorsiissutinik tiguisarteq aalajangiinermut naammagittaalliuuteqarsinnaavoq.

Pisortanit ikiorsiissutinik tiguisarteq Kalaallit Nunaat qimallugu nuussimappat ulloq nuuffiusoq aallartiffigalugu pisortanit ikiorsiissutininut pisinnaatitaaffik unissaaq. Tassani amerlanertigut nuunneq pillugu inunnut nalunaarsuisarfimmut nalunaaruteqarnermi ulloq pineqartarpoq.

Pisortanit ikiorsiissutinik tiguisartup inunnut nalunaarsuisarfimmut nalunaarutigeqqaarnagu ilumoorullugu Kalaallit Nunaanniit nuuppat, pisortanit ikiorsiissutininut pisinnaatitaaffiup uninnera pillugu kommunalbestyrelsi aalajangiisinnaavoq.

§ 49-mut

Pisortanit ikiorsiissutit pillugit eqqartuussivinni inatsisitigut eqqartuussisutigoortitsitsinnaaneq siusinnerusukkut malittarisassiuunneqanngilaq. Siusinaartumik pensionisiat pillugit Inatsisartut inatsisaanni § 38 aamma Utoqqalineri pensionisiat pillugit Inatsisartut inatsisaanni § 25 assigiipput.

Pisortanit ikiorsiissutit taamaallaat pisortanut akiitsoqarnermut ilanngaatigineqarsinnaaner at imaluunniit pinngitsaaliilluni akiliisitsiniarnernut allanut atorneqarsinnaaner at aalajangersakkakut aalajangersarneqarpoq. Pisortanit ikiorsiissutinik tiguisartup nammineerluni akiligassaqarfigisaanut akiligassat pisortanit ikiorsiissutinit akileeqquneqarsinnaannginnerat tassani oqaatiginiarneqarpoq.

Pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaat malillugu pisortanut akiitsut akilersinniarneqartarput.

§ 50-imut

Imm. 1-imut

Siunnersuut manna malillugu pisortat pilersornissanut allanullu ikiorsiigaangata, tamatuma peqatigisaanik akilersuinissamik pisussaaffilimmit akilersuutigineqartunik, pisariaqartinneqartut assigisaannik matussusiisussanik aningaasat assingi tiguisup tiguisinnaanngilai. Taamatut pisoqarsimatillugu akilersuutinik tiguisinnaanermut pisinnaatitaaffik pisortat tigussavaat, taamaattoq annerpaamik pisortanit ikiorsiissut aningaasartaannut naapertuuttunik.

Inuk meeqqamut akilersuutitut il.il. akiliinissamik peqquneqartoq akilersuutitut akiliippat, akilersuutit aalajangersaaffiginissaannut pisinnaatitaaffik pisortat tigussanngilaat. Akerlianik akilersuutit isertitatut ilanngunneqassaaq, tamannalu pisortanik ikiorsiissutinik tiguisartumut ikiorsiissutit naatsorsorneranni ilanngunneqassaaq.

Imm. 2-mut

Pisortanik ikiorsiissutinik qinnuteqartoq akilersuutit aalajangersaaffiginissaannik qaffanneqarnissaannilluunniit piumasaqarsinnaappat, tassunga pisinnaatitaaffik kommunalbestyrelsim tigussavaa. Pisuni - naak akilersuutitut suli pisussaaffeqartoqaraluartoq - akilersuutit aalajangersarneqarnissaannut imaluunniit akilersuutit qaffaaffiginissaannut taamaatitsisoqarnissaannik piumasaqartoqarsimatillugu - aalajangersagaq taamaallaat atorneqarsinnaavoq. Averusernermut avinnermulluunniit ilaasumik peqataasut arlaannaalluunniit akilersuinissamut pisussaaffeqassanngitsoq piumasaqaatitut isumaqatigiissutigineqarsimappat, pisortat tiguisinnaasaannik akilersuinissamut pisussaaffeqartoqassanngilaq.

§ 51-imut

Qaqugukkut kommunalbestyrelsi ikiorsiissutit akilerlugit utertinneqarnissaannik aalajangiisinaanersoq pillugu, aalajangersakkami aalajangiiffigineqarsinnaasut tamakkiisumik allanneqarput. Kommunalbestyrelsim pisuni taaneqartuni pisortanik ikiorsiissutit uterteqqullugit piumasaqarsinnaanermik pisussaaffeqartoq tamanna isumaqarpoq.

Nr. 1-imut

§ 44 malillugu pisortanik ikiorsiissutinik pisartup paasissutissiisussaataaernerminik piumasaqaatit naammassisimangippagit, imaluunniit ikiorsiissutinik pisinnaatitaannginnini ilisimareeraluarlugu pisortanik ikiorsiissutinik tiguisarsimappat, ikiorsiissutit utertillugit akilerneqarnissaannik kommunalbestyrelse piumasaqarsinnaavoq. Pinngitsoornani utertitsilluni akiliisussaataaernerminni pisortanik ikiorsiissutit annertussusilerikkat aamma pisariaqartitsineq malillugu pisortanik ikiorsiissutit ilaapput.

Inuk pisortanik ikiorsiissutinik tiguisartoq, aningaasaqarnikkut, inuttut aamma inooqatigiinni atugarisat, pisortanik ikiorsiissutinik inuup suli tiguisinnaaneranut pingaarutillit pillugit, kommunalbestyrelsimut paasissutissiinissamik pisussaaffeqarpoq. Kommunalbestyrelsim inummut tunngatillugu paasissutissani pigeriigaani allanngortoqarsimatillugu, paasissutissanik tunniussinissamut pisussaaffik taamaallaat atuuppoq.

Paasissutissiinissamut pisussaaffimmi aamma taarsiissutisiat assigisaalluunniit pisortanik ikiorsiissutinik tiguisartup § 44 malillugu kommunalbestyrelsimut paasissutissiisussaataaerneranut ilaapput.

Nr. 2-mut

Oqariaatsimi 'taamaaliortussaanani ilisimareeraluarlugu' oqaatiginiarneqartoq tassaavoq pineqartup pisortanit ikiorsiissutinik tigusinissamik pisinnaatitaannginnini ilisimareersimassagaa imaluunniit ilisimareersimasinnaagaluaraa.

Nr. 3-mut

Aamma pisortanit ikiorsiissutit uterteqquneqarsinnaapput pineqartoq ikiorsiissutinik piffissamut siunertamullu tassunga tunngassuteqartunik kingusinnerusukkut tunineqarsimappat.

§ 52-imut

Imm. 1-imut

Aalajangersagaq pigisat nalillit pillugit § 40-mut atassuteqartutut isigineqassaaq. Pisortanit ikiorsiissutinik annertussusileriikkanik tigusisartoq aningaasanik tigorianaannarnik imaluunniit pigisanik tuneriaannarnik peqarsimappat, pisortanit ikiorsiissutinik annertussusileriikkanik tunniussisoqarsinnaanngitsoq § 40-imi takuneqarsinnaavoq. Tigusisartoq illuummik aalaakkaasumik pigisaqaraluarpalluunniit pisortanit ikiorsiissutinik annertussusileriikkanik tunniussisoqarsinnaanera tamatuma kinguneraa.

Pisortanit ikiorsiissutinik annertussusileriikkanik tigusisartoq illuummik aalaakkaasumik pisortanit ikiorsiissutinik annertussusileriikkanik tigusisartup taassumalu inooqataata inissiatut atugaannik pigisaqarsimappata, pisortanit ikiorsiissutit annertussusileriikkat utertitassanngorlugit tunniunneqassapput.

Taamaaliordermi pisortanit ikiorsiissutinik annertussusileriikkanik tigusisartup nalilinnik piffissap ingerlanerani piviusunngortinneqarsinnaasunik peqarnissaa aamma qinnuteqartup taassumalu inooqataata tamanna pissutigalugu inissarutinnginnissaa pingaartinneqarpoq.

Imm. 2-mut

Nalinginnaasumik niuernerme illuutip nalingata uppersarsaataa illunik tuniniaasartup immikkut ilisimasallip naliliineratigut imaluunniit qaammatini kingullerni arfinilinni inissianut niuerutigineqarsimasunut assersuunneqarsinnaasunut tunisinerit nalingisut uppersarneqarsinnaavoq.

§ 53-imut

Imm. 3-p allanngortinnerani § 28 atuuttoq aalajangersakkap assigaa.

Aalajangersakkap atorneratigut kommunalbestyrelsip aallaaviatigut pisortanit ikiorsiissutit taarsigassarsiaannginnerat pingaartittussaavaa. Tamatumunnga naleqquttumik

pissutissaqarsimangippat, pisortanit ikiorsiissutit utertitassanngortillugit
pisussaaffiliinissamik kommunalbestyrelsi aalajangiisariaqanngilaq.

Imm. 1-imut

Pisortanit ikiorsiissutisisoq assersuutigalugu akissarsiarpassuarminik piffissap sivikitsuinnaap
ingerlanerani atuippat aamma akissarsiai isumatusaartumik atuinikkut sivisunerusumik
pigineqarsinnaasimagaluarpata, assersuutigalugu aalisartoq sapaatit akunnerini tallimani
matussutaasussanik akissarsilluni sapaatillu akunnerini tallimani sulinngiffeqarpat,
pineqartullu piffissaq sulinngiffeqarfini tamaat akissarsiaminik paarsisinnaanngippat,
imaluunniit inuk uternissaminut angalassutissaminik aningaasanik naammattunik peqarani
kommunimut allamut sulinngiffeqarluni aallarpat, pisortanit ikiorsiissutisisoq
anigaasaqarnikkut mianersuaalliorsimassaaq.

Pineqartoq sulinngitsoorneq imaluunniit aalakoolluni suliar tunngitsoorneq pissutigalugit
soraarsitaasimappat, pisortanit ikiorsiissutinik tiguisartoq assersuutigalugu sulinikkut
illersorneqarsinnaanngitsumik iliuuseqarsimassaaq.

Aningaasat utertinneqassanersut nalilersorneranni pisortanit ikiorsiissutinik tiguisartup
taassumalu ilaqutaasa siunissami anigaasaqarnerminnik iluarsinissamut periarfissaat
kommunalbestyrelsip eqqarsaatigissavai. Aammattaaq pineqartoq siusinnerusukkut
mianersuaalliorsimanersoq kiisalu mianersuaalliorneq taanna utoqqatsissutissaqarner
kommunalbestyrelsip misissussavaa. Assersuutigalugu pisortanit ikiorsiissutinik tiguisartoq
ilaqutariinni napparsimasoqarnera pissutigalugu suliar tunngitsoorsimappat.

Ikiorsiissutit annertussusilerikkat aalajangersimasut utertinneqarnissaat pillugu
piumasaqaateqarfigissallugu periarfissaqanngilaq. Immikkut ittumik ikiorsiissutit kisimik
uterteqqullugit piumasaqarfigineqarsinnaapput.

Imm. 2-mut

Pisortanit ikiorsiissutit utertitassanngorlugit pisussaaffiliigaasut pillugit aalajangiineq
kingusinnerpaamik pisortanit ikiorsiissutit tunniunneqarneranni allakkatigut
nalunaarutigineqassapput. Pisortanit ikiorsiissutit tunniunneqareersut utertitsinissamut
pisussaaffik pillugu nalunaaruteqartoqarsimappat, utertitsinissamut piumasaqaat
atortinneqarsinnaanngilaq.

Imm. 3-mut

Pisortanit ikiorsiissutit utertinneqarnissaannik piumasaqarneq imm. 1-imut ilaasoq pisortanit
ikiorsiissutit tunniunneqarneranniit ukiut marluk qaangiunnerisigut ingerlaannaq
atorunnaassaaq.

Taamaammallu piumasaqarneq nammineerluni akiliisitsiniarnikkut imaluunniit allatut
akiliisitsiniartarnermut tunngavigineqartup pigiinnarneratigut ingerlatiinnarneqassanersoq

pillugu kommunalbestyrelsi pisussaaffeqarpoq. Piumasaqarneq akilernerqarsinnaanngitsutut kommunalbestyrelsip naliliiffigippagu allanik akiliisitsiniartoqassanngilaq.

Pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaat malillugu utertitsinissamut piumasaqarneq qitiusumik Akileraartarnermut Aqutsisoqarfimmiit akilersinniarneqassaaq. Pinngitsaaliissummik naammassinninneq Kalaallit Nunaanni Eqqartuussisarnermik inatsisimmi eqqartuussutinik naammassinnittarneq pillugu malittarisassat malillugit pissaaq.

Akiliisitsiniartarnermut oqartussat akiligassaq ukiut marluk ingerlaneranni akilersinnaasimanngippassuk akiligassaq akilersinniarneqarsinnaassagunannngilaq. Ingerlaannaq atorunnaarsitsineq allaffissornermut oqinnerulersitsissaaq inatsisitigullu digitaliseeriinissamut iluaqutaassalluni.

§ 54-imut

Aalajangersakkap § 30-p atuuttup assigaa.

Imm. 1-imut

Pisortanit ikiorsiissutit pillugit Inatsisartut inatsisaat malillugu kommunit aalajangigaat tamarmik Isumaginninnermi Naammagittaalliuuteqartarfimmut naammagittaalliuutigineqarsinnaapput. Isumaginnittoqarfiup aqunneqarnera aaqqissuussaanelu pillugit Inatsisartut peqqussutaat malillugu Isumaginninnermi Naammagittaalliuuteqartarfimmut naammagittaalliornerit pisarput.

Isumaginnittoqarfiup aqunneqarnera aaqqissuussaanelu pillugit Inatsisartut peqqussutaanni malittarisassat atuuttut malillugit naammagittaalliuut aalajangeereernerup kingorna sapaatip akunnerisa arfinillit iluanni Isumaginninnermi Naammagittaalliuuteqartarfimmut tunniunneqassaaq.

Innuttaasunit kommunit aggornerisa avataani najugaqartunit pisortanit ikiorsiissutitut qinnuteqaatit pillugit aalajangiinerit Naalakkersuisunit aalajangerneqartut Isumaginninnermi Naammagittaalliuuteqartarfimmut naammagittaalliuutigineqarsinnaapput. Killiliussaq imm. 1-imi taaneqartup assigaa.

§ 55-imut

Imm. 1-imut

Pisortanit ikiorsiissutitut aningaasartuutit Kalaallit Nunaanni kommuninit akilernerqartarput. Kommunit akunnerminni akiliiffigeqatigiittarnissamut pisussaaffii pillugit Inatsisartut peqqussutaanni malittarisassat malillugit aningaasartuutit kommunit akornanni agguaanneqassapput.

Imm. 2-mut

Kommunit akunnerminni akiliiffigeqatigiittarnissamut pisussaaffii pillugit Inatsisartut peqqussutaanni malittarisassat malillugit Namminersorlutik Oqartussat kommunitut akiliisussatut isigineqarpata, Naalakkersuisut pisortanit ikiorsiissutinut aningaasartuutit akilissavaat.

Imm. 3-mut

Innuttaasunut nunanit allaneersunut pisortanit ikiorsiissutinut angerlamut angalanissamut imaluunniit tassanngaannartumik ikiorsiissutigineqartunut aningaasartuutit Naalakkersuisut akilissavaat. Tassani aamma ilaapput innuttaasut Danmark-imeersut Savalimmiuneersulluunniit.

§ 56-*imut*

Aalajangersakkap Siusinaartumik pensionisiat pillugit Inatsisartut inatsisaanni § 41 aamma Utoqqalinermi pensionisiat pillugit Inatsisartut inatsisaanni § 29 assigivaa.

Imm. 1-imut

Namminersorlutik Oqartussat kontolersuinermit ilitsersuutaat malillugu pisortanit ikiorsiissutinik tiguisartut pillugit kommunit paasissutissanik kommuniniit Naalakkersuisunut nassiussisoqartarnissaata pisussaaffiunera aalajangersakkatigut erseqqissarneqarpoq. Pisussaaffimmi tassani kisitsisitigut paasissutissat kisimik pineqarput, tassa paasissutissat inunnut tunngatinneqarsinnaanngitsut pineqarput.

Paasissutissat kontolersuinermit ilitsersuut malillugu ukiup sisamararterutikkaarlugit ukiumoortumillu kiisalu aalajangersimasumik piffissalerlugit nalunaarutigineqartussaapput, tassalu ukiup sisamararterutaata naanerata kingorna qaammatip ataatsip qaangiunnerani imaluunniit ukiup naalernerani.

Imm. 2-mut

Nalunaarutigineqartut imarisaat ilusaallu pillugit Naalakkersuisut malittarisassanik sukumiinerusunik aalajangersaanissaminnut piginnaatinneqarput, nalunaarutigineqartullu elektroniskinnorlugit nalunaarutigineqartarnissaannik piunasaqarsinnaallutik, matumani internet aqutugalugu nassiunneqarnissaat ilanngullugu.

Paasissutissat soqutiginaatillit assersuutigalugu tassaasinnaapput aningaasat amerlassusaat, tunniussinermit piffissat, tunniunneqartut pisortanit ikiorsiissutit annertussusilerikkat aamma pisariaqartitsineq malillugu pisortanit ikiorsiissutit agguarneqarnerat kiisalu tiguisartut amerlassusaat.

Assersuutigalugu tiguisartut ukiui, suaassusiat, aningaasarsiaat aamma pisortanit ikiorsiissutit akuerineqarnerannut piffissaq malillugit agguataarisoqarnissaa pillugit paasissutissat erseqqinnerusumik agguataarneqarnissaannut piumasaqartoqarsinnaavoq.

§ 57-imut

Imm. 1-imut

Inatsit ullormi 1. januar 2023 atuutilissasoq siunnersuutigineqarpoq.

Imm. 2-mut

Tamatuma peqatigisaanik Pisortanit ikiorsiissutit pillugit Inatsisartut peqqussutaat nr. 15, 20. november 2006-imeersoq atorunnaarsinneqassaaq.

Imm. 3-mut

Angerlarsimaffimmi ikiorteqarneq pillugu Namminersornerullutik Oqartussat nalunaarutaat nr. 32, 26. juli 1994-imeersoq atorunnaarsinnissaa tikillugu imaluunniit malittarisassanik nutaanik taarserneqarnissaa tikillugu atuutiinnassaaq.

§ 58-imut

Imm. 1-imut

Inuit pilersorneqarnissamut aningaasartuutinullu aalajangersimasunut pisortanit ikiorsiissutinik tunineqartartut iliuusissatut pilersaarummut tunngaviumik akigititaq taperlu aqputigalugit ingerlaannaq pisortanit ikiorsiissutinut annertussusileriikkanut tiguisarnissamut nuussapput.

Ikiorsiissutinik annertussusileriikkanik tiguisartuq taassumaluunniit inooqataa aningaasarsiaqarsimappata, ikiorsiissutit annertussusileriikkat tunniunneranni iliuusissatut pilersaarummut tunngaviumik akigititap tapillu annikillinissaat pillugit aalajangiisoqassaaq.

Ineqarnermut akilersuutinut tapeq pillugu aalajangiisoqassaaq.

Inatsisartut Inatsisaat manna malillugu iliuusissatut pilersaarummik suliaqartoqarnissaa tikillugu tunniussisarnermut peruserineqartoq sapinngisaq malillugu ingerlaannassaaq. Taamaaliornikkut allagartaliussat, nerisassat aningaasalluunniit aqputigalugit tunniussisoqarsinnaassaaq. soorlu Inatsisartut Inatsisaata matuma atuutilernissaa tikillugu taamatut ingerlatsisoqartoq. Taamaaliortoqarpoq aqqiussuussinermiit massakkut atuuttumiit aqqiussuussinermut siunnersuummi pineqartumut nuunnissap iluamik nakkutigisamillu ingerlannissaa qulakkeerniarlugu.

Imm. 2-mut

Inatsisartut inatsisaat manna naapertorlugu iliuusissatut pilersaarusiortoqarnissaa tikillugu tunniussisarnermi periaaseq sapinngisamik ingerlateqqinneqassaaq.

Pisortanit ikiorsiissutit pillugit Inatsisartut inatsisaat massakkut atuuttoq naapertorlugu inunnut pilersornissamut aningaasartuutinullu aalajangersimasunut tiguisartuunermit pisortanit ikiorsiissutinut annertussusileriikkanut nuuttussanut ukiup ataatsip qaangiutinnginnerani iliuusissatut pilersaarutitik iluarsisanik kommunalbestyrelsi suliaqassaaq.

Inunnut pisortanit ikiorsiissutit annertussusileriikkat aqutigalugit pisortanit ikiorsiissutit sulit tigusaqartartussanut iliuusissatut pilersaarutit iluarsisarnissaannut kommunit nutarterisinnaasariaqartut ukiup ataatsip iluani nalilerneqarpoq.

Imm. 3

Pisortanit ikiorsiissutit annertussusileriikkanik tiguisartunut suliat pioreersut pineqartut suliffissarsiornermut ikiorsiissutinut nuussinnaanersut naliliiffiginialugit kommunalbestyrelsi ukioq ataaseq qaangiutsinnagu misissuissaaq.

Inunnut sulilernissamut piareersimanngitsunut ukkatarinninnissaaq pisortanit ikiorsiissutit pillugit aaqquissusseqqinnermi ilaavoq.

§ 59-imut

Imm. 1-imut

Pisortanit ikiorsiissutinut siumut tunniunneqartartunit ikiorsiissutinut annertussusileriikkanut kingumut tunniunneqartartunut nuunnermi pisortanit ikiorsiissutit tiguisartoq qaammammi ataatsimi aningaasassaqaassanngilaq.

Ikiorsiissutinut annertussusileriikkanut qaammatip affaanut tunniunneqartartut assingannik immikkut ittumik siusissukkut tunniussisoqarsinnaanera aalajangersakkatigut aalajangersarneqarpoq.

Imm. 2-mut

Ullormi 15. januar 2023 iliuusissatut pilersaarutitut tunngaviumik akigitaq taperlu aqutigalugit ikiorsiissutinut annertussusileriikkanut immikkut ittumik siumoortumik tunniussisoqassaaq, taakkualu qaammatip affaanut ikiorsiissutinut annertussusileriikkanut naapertuupput.

Imm. 3-mut

Ikiorsiissutit annertussusileriikkat imm. 2 aamma 3 naapertorlugit tunngaviumik akigititamik, takuuk § 22, imm. 1-3, aamma § 24 naapertorlugu tapermillu imaqarput. §§ 25 aamma 26 naapertorlugit aningaasarsiat tunngavigalugit iluarsisuteqartoqarneq ajorpoq.

Inunnut angerlarsimaffiup avataani sivisunerusumik najugaqarsimasunut, tassani pisortat aningaasartuutunik akiliisartillugit, § 27 naapertorlugu iluarsisoqassaaq.

Uunga siunnersuummut tunngatillugu tusarniaanermut akissutitut allakkiaq:

Pisortanit ikiorsiissutit pillugit Inatsisartut Inatsisaat

Siunnersuut piffissami 27. august 2021 - 24. september 2021-mut tusarniutigineqarsimavoq. Tamatuma saniatigut siunnersuut piffissami tassani www.naalakkersuisut.gl -imi tusarniaanermut nittartakkami tamanut saqqummiunneqarsimavoq.

Aallaqqaasiut:

Tusarniaanermi akissutigineqartut teknikimut kiisalu oqaatsini kukkunernut amigaatinullu tunngasunik imallit sukumiinerusumik oqaaseqarfigineqaratik naqqitatut siunnersuummut ilanngunneqarput. Siunnersuummi atortunut tunngatillugu ilanngunneqartunut tunngatillugu tusarniaanermut akissutit oqaaseqaatillu tamakkiisumik ilanngunneqarput aamma naalakkersuisoqarfiup oqaaseqaatai naqinnernik orlingasunik allatat ilanngullugit.

Siunnersuut ukununnga tusarniaassutigalugu nassiunneqarsimavoq:

Avannaata Kommunia, Kommune Qeqertalik, Qeqqata Kommunia, Kommuneqarfik Sermersooq, Kommune Kujalleq, , Isumaginninnermi Naammagittaalliuuteqartarfik, Inuit pisinnaatitaaffii pillugit Kalaallit Nunaanni Siunnersuisoqatigiit, Inuit pisinnaatitaaffiit Ilisimatusarfik , Meeqqat Illersuisuat MIO, Foreningen Grønlandske Børn, MIBB (Bedre Børneliv), Sorlak (Fællesråd for børne- og ungdomsorganisationerne i Grønland), , Tilioq/Handicaptalsmanden , Utoqqaat Illersuisuat / Ældretalsmanden, INOOQAT/Forældreforening for udviklingshæmmede i Grønland, Nunatsinni Inuit Innarluutillit Kattuffiat/ Grønlandske Handicaporganisationer, ISI - Kalaallit Nunaanni tappiitsut isigiarsuttullu peqatigiiffiat/Foreningen for blinde og svagsynede i Grønland, KTK (Kalaallit nunaanni tusilartut kattuffiat)/Døveforeningen i Grønland, Landsforeningen Autisme, kreds Grønland, Kattuffik Utoqqaat Nipaat/ Ældreforeningen, Angajoqqaatigiit (Meeqqanik ADHD-qartunik aamma/imaluunniit autisimeqartunik angajoqqaat, peqatigiiffiat)/Forældreforening til børn med ADHD og/eller autisme, Pissassarfik - Inunnut innarluutilinnut Sullissivik Nunamut Tamarmut Atuuttoq/Det landsdækkende handicapcenter, Neriuffik Kattuffiat/Kræftens Bekæmpelse i Grønland, KNIPK (Kalaallit Nunaanni Innarluutillit Piginnaanikitsut Kattuffiat)/Handicapforeningen i Grønland, Sugisaq (Tarnikkut eqqarsartaatsikkullu napparsimasut ilaqutaasullu peqatigiiffiat)/Foreningen for sindslidende og deres pårørende, , Kalaallit Røde Korsiat/Røde Kors i Grønland, , Sulisitsisut/Grønlands Erhverv, SIK (Sulinermik Inuussutissarsiutillit Kattuffiat), KNAPK (Kalaallit Nunaanni Aalisartut Piniartullu Kattuffiat), Aarhusimi Kalaallit Illuutaat, Odensimi Kalaallit Illuutaat, Aalborgimi Kalaallit Illuutaat, Københavni Kalaallit Illuutaat.

Tusarniaanermi ukua akissuteqarsimapput:

Isumaginninnermi Naammagittaalliuuteqartarfik, Qeqertalik Kommune, Sulisitsisut, SIK, Tilioq, Kalaallit Nunaanni Pinerlussimasunut Isumaginnittoqarfik, Kommune Kujalleq, MIO,

Qeqqata Kommunia, Avaannatta Kommunia, Kommuneqarfik Sermersooq, Inuit pisinnaatitaaffiit Ilisimatusarfik, KNIPK, Inussuk IT.

Ukulu oqaaseqaateqarsimangillat:

Inuit pisinnaatitaaffiit Ilisimatusarfik, KNIPK. Inussuk IT.

Tusarniaanermi akissutit:

1. Isumaginninnermi Naammagittaalliuuteqartarfik

Pisortanit ikiorsiissutit pillugit Inatsisartut Inatsisaannut siunnersuut pillugu Isumaginninnermi Naammagittaalliuuteqartarfiup allattoqarfianit tusarniaanermut akissutit

§ 3, nr. 3 pillugu: Aalangersagaq qanoq ilineratigut aappariittut assingusumik pissutsit pineqartarnersut pillugit apeqqummut nalornisoqalersinnaasoq nalilerneqarpoq. Missingiilluni nalilersuisarnerit kommuninut assut ajornakusoortitsisilersarnerat misilittagaavoq. Taamaammat qanoq ilineratigut aappariittut assingusumik pissutsit pigineqartarnersut pillugit piumsaqaatinik aalajangersimasunik peqartoqalernissaa siunnersuutigineqarpoq.

Akissut: Ilanngunneqarpoq.

Nassuiaatigineqartut aappariittut assingisumik pissutsit nassuiaaffigalugit ilaneqarput.

Pineqartut aningaasatigut tapersiinerit, angerlarsimaffimmi sulinerit imaluunniit allatut illup ingerlannissaanut ataatsimut tapersiinerit aqutigalugit aappariittut assingusumik pissutsit pineqarsimassapput, matumanilu kalaallit inatsiseqartitsinerat malillugu inooqatigiinneq aappariittut imaluunniit inooqatigiittut nalunaarsorneqartutut pineqarsimappat.

§ 8 pillugu: Suliffissarsiortarnermut ikiorsiissutit pillugit inatsisissatut siunnersuummi ikinnerpaamik 20 tiimini pisarneq malillugu suliffigisap isumaginissaanut tiiminik atuisoqartartoq maluginiarneqarpoq. Pisortanit ikiorsiissutit pillugit inatsisissatut siunnersuummi paarlattuanik ikinnerpaamik 20 tiimini pisarneq malillugu suliffigisap isumaginissaanut tiimit atorneqarput, suliffimmilu ajoqusersinnaaneq pillugu inatsimmi ikinnerpaamik 20 tiimini ullormusiat naatsorsornissaanni tiimit atorneqartarlutik. Inatsisit imminnut ataqatigiissuunissaat eqqarsaatigalugu inatsisit assigiinngitsut aqutigalugit tiimit assigiit atorneqarsinnaanerit isummerfigineqarsinnaavoq.

Akissut: Ilanngunneqarpoq.

Nalinginnaasumik sulisinnaassuseqarnerup sapaatip akunneranut 20 tiimiusinnaanera nalilerneqarpoq, tamannalu siunnersuummi iluarsineqassaaq.

§ 10 pillugu: Inunnut inatsisissatut siunnersuummi matumani § 9 malillugu ikiorsiissutinik annertussusileriikkanik tigusinissamat mininneqarsimasunut pisariaqartitsineq malillugu ikiorsiissutinik aamma tunniussisoqarsinnaassanersoq pillugu aalajangersakkami tassani immikkoortumik immikkut ittumik ilanngussisoqarnissaa siunnersuutigineqarpoq.

Akissut: Ilanngunneqarpoq.

Tamanut piumasagaatinut ataasiakkaanut naammassinnittunut pisariaqartitsineq malillugu ikiorsiissutinik tunniussisoqarsinnaanera pillugu nassuiaammik ilanngussisoqarumaarpoq. Taamaaliornikkut inunnut § 9 naapertorlugu ikiorsiissutinut annertussusileriikkanut qinnuteqarsinnaanngitsunut pisariaqartitsineq malillugu ikiorsiissutinut qinnuteqarsinnaaneq periarfissaalissaaq.

§ 11 pillugu: Aalajangersakkami ataatsimut pisortanit ikiorsiissutit pinnagit ikiorsiissutit annertussusileriikkat iluarsiihffiginissaat erseqqissaaffigineqassasut siunnersuutigineqarpoq.

Akissut: Ilanngunneqarpoq.

§ 12 pillugu: Namminersorlutik inuussutissarsiummik ingerlatallit ikiorsiissutinik annertussusileriikkanik tiguisinnaanermi pisinnaatitaaffeqassagunik suliaartorsinnaanissaat aalajangersakkamat matumunnga nassuiaatini oqaatigineqarpoq. Taamaakkaluartoq pisariaqartitsineq malillugu ikiorsiissutit pillugit siunnersuummi § 10-mi oqaatigineqarpoq inuit eqimattakkaat allat suliaortoqqusaangikkaluarlutik ikiorsiissutinik annertussusileriikkanik pisinnaatitaaffeqarsinnaassanut, soorlu utoqqalineri pensionisiallit.

Aalajangersagaq ikiorsiissutinut annertussusileriikkanut tunngassuteqartoq erseqqissaaffigineqassasoq pisariaqartitsinerlu malillugu ikiorsiissutit pillugit nassuiaat atorunnaassasoq siunnersuutigineqarpoq.

Akissut: Ilanngunneqarpoq.

§ 13 pillugu: Aalajangersakkami ataatsimut pisortanit ikiorsiissutit pinnagit ikiorsiissutit annertussusileriikkat iluarsiihffiginissaat erseqqissaaffigineqassasut siunnersuutigineqarpoq.

Akissut: Ilanngunneqarpoq.

Matumani ikiorsiissutit annertussusileriikkat pineqarnerat erseqqissarniarlugu inatsisini allanneqartut nassuiaatillu naleqqussarneqarput.

§ 15 pillugu: Aalajangersakkatigut kommunit sulinerup aqqissuussiffigisarneranut ileqqorisaat iluarsiihffigineqarpoq. Kommunit ataasiakkaat najukkani pissutsit

eqqarsaatigalugit sulinerup tulluarnepaamik piareersaaffigisarnissaanut namminneq aalajangertassagaat siunnersuutigineqarpoq. Taamaammatt aalajangersakkap atorunnaarnissaa isummerfigineqarsinnaavoq.

Akissut: Ilanngunneqanngilaq.

Aalajangersagaq Naalakkersuisut anguniagassaatt naapertorlugit minnerpaatut aalajangersagaavoq, tamannalu aqutigalugu ajornartorsiutit ikiorsiissutinik annertussusileriikkanik tiguisartup pigisaasa isumaginissaannut suliassaqarfiit assigiinngitsut aqutigalugit ilisimasat piginnaasallu atornissaat qulakkeerneqarpoq. Peqatigitillugu pingaartumik inuusuttut 30-t inorlugit ukiullit ingerlariaqqinnissaminut kajumissaarnissaat ikiorneqarnissaallu siunertaavoq.

§ 16 pillugu: § 8-mut nassuiaatit takukkit.

Akissut: Ilanngunneqarpoq.

Nalinginnaasumik sulisinnaassuseqarnerup sapaatip akunneranut 20 tiimiusinnaanera nalilerneqarpoq, tamannalu siunnersuummi iluarsineqassaaq.

§ 20 pillugu: Tamatuma saniatigut aalajangersakkami matumani oqaaseqatigiit siulliit imaalillugit allanngortinneqassasut siunnersuutigineqarpoq: "Iliuusissatut pilersaarummi sammisassat ingerlanneqareerpata."

20 tiiminut piumasaqaammut tunngatillugu § 8-mut nassuiaatit takoqquneqarput.

Akissut: Ilanngunneqarpoq.

§ 20, imm. 1, oqaaseqatigiit siulliit siunnersuutigineqartutut allanngortinneqarpoq.

Nalinginnaasumik sulisinnaassuseqarnerup sapaatip akunneranut 20 tiimiusinnaanera nalilerneqarpoq, tamannalu siunnersuummi iluarsineqassaaq.

§ 23 pillugu: Aaqqissuussinermik kommunit allaffissornikkut sulinerunissaannik kinguneqartussamik anguniagaqartoqartoq maluginiarneqarpoq, tamannalu taamaallaat inatsimmi anguniarneqartunut tunngatillugu suunngitsumik sunniuteqarumaartoq ilimagisariaqarpoq. Allaffissornikkut pissutaasut pissutigalugit aaqqissuussineq pisariinnerusooq siunnersuutigineqarpoq.

Akissut: Ilanngunneqanngilaq.

Allaffissornikkut oqimaatsorsiorneq minnerpaaffianiissasooq naatsorsuutigineqarpoq, ikiorsiissutinillu annertussusileriikkanik tiguisartup pisussaaffilernissaa

pisinnaatitaaffeqarnissaalu pillugit tunngaviliunneqartoq siunnersuummut tunngaviliunneqartumut ilaalluni qitiulluinnarpoq.

§ 23-mut inatsisinut aalajangersakkat nassuiaatillu ilaasut akornanni arlaatigut naapertuuttoqanngitsoq takuneqarsinnaavoq.

Akissut: Ilanngunneqarpoq.

Nassuiaatini innersuussutigineqartut iluarsineqarput, taamaasilluni matumani nassuiarneqartut tassaallutik nassuiaatit eqqortut.

§ 25 pillugu: Matumani aalajangersagaq immikkut suliarisalik pineqartoq maluginiarneqarpoq, tassanilu annerusumik naatsorsuisarnissaq uppersaateqartarnissarlu piumasarineqarput. Aalajangersakkami aningaasaqarnikkut aaqqissuussinernut allanut ataqatigiittoqarnissaa eqqarsaatigineqarsimanngitsoq takuneqarsinnaavoq, soorlu akileraarusiisarnerit, sulisoqarnermut ilanngaas, pensionisiat allallu. Allaffissornikkut pissutaasut pissutigalugit aaqqissuussineq pisariinnerusoq siunnersuutigineqassaaq.

Akissut: Ilanngunneqanngilaq.

Ikiorsiissutini annertussusileriiikkani ilanngaasarneq massakkut aningaasarsiarineqartut tunngavigalugit pisarpoq. Taamaammat ikiorsiissutinik annertussusileriiikkanik tigusinermut peqatigitillugu isertitanut allanut sanilliullugu pisariinnerusoqalernissaa naatsorsuutigineqanngilaq. Ikiorsiissutinik annertussusileriiikkanik naatsorsuisarneq qarasaasiaq atorlugu sulianik suliarinneriaatsimut ilanngunnissaa naatsorsuutaavoq.

§ 26 pillugu: Aalajangersakkami inooqatigisap isertitatigut atugarisai pillugit paasissutissiisoqartassasoq piumasarineqartoq maluginiarneqarpoq, tammanalu immini immikkut uppersaammik piumasaqarfiuvoq eqqortinniassallugu ajornarsinnaasoq, tassami tassani inooqataasup akuersinissaa peqataanissaalu piumasarineqarmat. Tamannalu ingerlaannaq pisortanit ikiorsiissutinut qinnuteqartut ilaasa ikiorsiissutinik pisinnaatitaaffigaluamminnut tunineqarsinnaannginnissaannik kinguneqarsinnaavoq.

Tamatuma saniatigut aalajangersagaq immikkut annertuallaartutut isigineqarsinnaavoq, tassami qinnuteqartumut pisortanit ikiorsiissutigineqartuni pilersornissamut killissarititaasut allat qanoq annikillineqarsinnaatiginerat nassuiarneqarsimanngimmat. Tamatuma kingunerisaanik pisut pilersinnaapput, tassani inooqataasoq katissimanngitsoq pisortanit ikiorsiissutinik pinnaassanngimmat, taamaalillunilu imminnut pilersorsinnaanissaminik tamakkiisumik annaasaqassalluni. Tamatumalu kingunerissavaa tassani inooqatigiit katissimanngitsuni imminnut pilersoqatigiinnissamik pissaaffik pilersinneqassamat, tamannalu § 4-mut aammalu aappariit akornanni peqatigiilluni pilersornissamut pissaaffik

kisiat pillugu tunngaviusumik tunngavigineqartumut akerliusussaavoq, takuuk aappariinnermi inatsisitigut sunniutissat pillugit inatsit.

Tamatuma saniatigut pingaarluinnartuuvoq innuttaasup pisussaaffinnik allanik inatsisini tunngavilerneqartunik peqquneqartannginnissaa. Aalajangersakkap taassuma innuttaasut inooqatigisamut katissimanngisamut pilersuinissamik pisussaaffeqalernissaa kingunerissavaa, tamannalu inatsisini allani tunngavissaqartinneqanngilaq.

Taamaammat aalajangersakkami siunertarineqartup sunniutaasussanut aaqqissuussinermut atassuteqarsinnaasunut naapertuuttuunissaa isummerfigineqarsinnaavoq.

Ilanngullugu maluginiarneqarpoq piffissami qaammatini 12-ni massakut aningaasarsiarineqartut atorineqartarnerat pisut ilaanni aalajangiinerup nalaani isertitatigut atugarisanut eqqortumik takussutissineq ajornerat.

Akissut: Ilanngunneqanngilaq.

Ikiorsiissutini annertussusileriikkani ikiorsiissutinik annertussusileriikkanik tiguisartunut pilersornissamut tunngaviliinissap qulakkeernissaa siunertaavoq.

§ 22 naapertorlugu tiguisartup akigititanut pisinnaatitaaffeqarnissaa pingaarnertut malittarisassaavoq. Tamatuma kingorna inooqatigisap aningaasarsiai pissutigalugit ilanngaassisoqarnissaa aalajangiiffigineqarsinnaavoq, tamanna tunngavissaqarsimappat. Taamaalisoqarnerani pisunik ilanngaassiffiusussanik pilersoqassanngilaq, matumani inooqatigisap aningaasarsiai pillugit paasissutissavinnik peqartoqarsimanngippat.

Matumani imminut pilersoqatigiinnissaq pineqanngilaq, kisiannilu pilersornissamut aningaasartuutit arlaliulluni avinnerisigut annikinnerulernissaannut naliliinerulluni, soorlu inissiap, nerisassanut aningaasartuutit allallu avinnerisigut.

Taamaammallu pilersorsinnaanermut tunngavissaq inuiaqatigiillu tamarmiullutik nukissaat pitsaanerpaamik atorsinnaaniarlugit ilanngaassisarnissamut periarfissaq eqqunneqarpoq.

Siunnersuummi § 43, imm. 2 aqutigalugu paasissutissat akuersineq aqutigalugu tunniunneqarsimanngippata inooqatigisap aningaasaqarnera pillugu paasissutissat piniartarnissaannut tunngavissaqalerpoq.

Massakut aningaasarsiarineqartut Naalakkersuisut sakkussatut atussallugu toqqarsimavaat, matumani ataasiakkaat aningaasaqarnerannut massakut takussutissaq pitsaanerpaaq anguniarlugu.

§ 34, imm. 1 pillugu: Kalaallit Nunaata avataani ikiorsiissutit akilertarnissaat aalajangersakkami ilaanersaq paasiuminaatsoq maluginiarneqarpoq. Aammattaaq aalajangersakkami imm. 1-imut nassuiaatit paasiuminaannerat maluginiarneqarpoq. Taamaammat aalajangersakkap nassuiaatillu erseqqissaaffiginissaat siunnersuutigineqarpoq.

Akissut: Ilanngunneqarpoq.

Inatsimmi allanneqartut nassuiaatillu erseqqissaaffigineqarput, taamaasilluni Kalaallit Nunaanni aningaasartuutinnortut kisimik pineqarmata erseqqissumik takusinnaanngorlugu.

§ 37, imm. 2 pillugu: Illoqarfinni mikinerusuni nunaqarfinnilu nakorsanik sullinneqarneq paarlakaaffiusartoq maluginiarneqarpoq. Taamaammat aalajangersakkami "sapinngisaq malillugu" ilanngunneqassaasoq siunnersuutigineqarpoq. Oqaasertaliunneqartoq suliffissarsiorarneq pillugu inatsisissatut siunnersuummi § 16-imi aamma atorneqarpoq.

Akissut: Ilanngunneqarpoq.

§ 39, imm. 2 pillugu: § 8-mut nassuiaatit takukkit.

Akissut: Ilanngunneqarpoq.

Nalinginnaasumik sulisinnaassuseqarnerup sapaatip akunneranut 20 tiimiusinnaanera nalilerneqarpoq, tamannalu siunnersuummi iluarsineqassaaq.

§ 40, imm. 3 aamma imm. 4 pillugit: Sulisinnaassutsimik annaasaqarnermut taarsiissuteqartarneq sulinermi isertitanut ikiorsiissutinut taartissatut atorneqartartoq maluginiarneqarpoq. Taamaammat siunnersuutigineqarpoq aalajangersagaq imatut oqaasertalerneqassasoq:

”Imm. 3. Imm. 1 naapertorlugu aningaasat tigorianaanaat pigisalluunniit tuniniariaanaat makku malillugit katsorsarneqarsinnaanngitsumik ajoqusernerut ajunngitsorsiaqarnissanut inuup ajoqusernerata kingunerisaanik tunniunneqartunut ilaanngillat:

- 1) Pinerluutinik eqqugaasunut naalagaaffimmit taarsiissuteqartarneq pillugu Inasit.
- 2) Taarsissuteqarnissamut akisussaaneq pillugu Inatsit.
- 3) Kalaallit Nunaanni sulitilluni ajoqusersinnaanermut isumannaarineq pillugu inatsit.

Imm. 4. Imm. 3-mut tunngatillugu ajunngitsorsiaqarnerup inuup taassumaluunniit inooqataata pigisaanit nalilinnit isertitaanillu avissaarteqqanissaa atuuppoq.”

Akissut: Ilanngunneqarpoq.

§ 42, imm. 1 pillugu: Ikiorsiissutitut annertussileriikkanut aamma pisariaqartitsineq malillugu ikiorsiissutitut Sullissivik aqutigalugu qinnuteqaasiorfissanik pilersitsisoqarsinnaanera isummerfigineqarsinnaavoq, taamaaliornikkut qinnuteqaat uppersarneqarsinnaassammat.

Akissut: Tusaatissatut tiguneqarpoq.

Sulianik suliarinnittarnermut IT-mut atortumik ataasimoorussamik suliaqartoqarnissaa siunertaavoq. Tassunga peqatigitillugu Sullissivik aqutigalugu qinnuteqarnissamut periarfissamik suliaqartoqassaaq. taakkunungalu qinnuteqaasiorfissat ilaassapput.

§ 47 pillugu: Aalajangersakkami matuma "...ulloq una aallartiffigalugu tunniussisoqassaaq..." ilanngunneqarnissaa siunnersuutigineqarpoq.

Akissut: Ilanngunneqarpoq.

§ 54 pillugu: Inatsisissatut siunnersuummi matumani aamma suliffissarsiornermi ikiorsiissutitut pillugit inatsisissatut siunnersuummi naammagittaalliorsinnaanermut aalajangersakkat oqaasertalerneqanni assigiinngitsoqarpoq. Naammagittaalliorsinnaaneq pillugu aalajangersagaq imatut oqaasertalerneqassasoq siunnersuutigineqarpoq: "Inatsisartut Inatsisaat manna malillugu kommunalbestyrelsimit Naalakkersuisuniillu aalajangiunneqartut Inunnik Isumaginninnerup aqunneqarnera aqqissuusaaneralu pillugit Peqqussummi aalajangersakkat qaqumulluunniit atuuttut naapertorlugit Isumaginninnermi Naammagittaalliuuteqartarfimmut naammagittaalliuutigineqarsinnaapput."

Akissut: Ilanngunneqarpoq.

2. Qeqertalik Kommune

Kommune Qeqertalik matumuuna Pisortanit ikiorsiissutitut pillugit Inatsisartut Inatsisissaattut siunnersuutaanut nr. xx, xx-meersumut tusarniaanermut oqaaseqaatiminnut uteqqinniarpoq Tusarniaanermut killiliunneqartup iluani inatsisissatut siunnersuummut tusarniaanermut akissutissat ataatsimiititaliani kommunalbestyrimiluunniit suliarissallugit periarfissaqarsimanngilaq, taamaammallu tullinnguuttuniittut allaffissornikkut akissutitut isigineqassapput.

Ataatsimut isigalugu:

Pisortanit ikiorsiissutitut pillugit Inatsisartut Inatsisissaattut siunnersuummut oqaaseqaateqarnissamik periarfissiisoqarmat Kommune Qeqertalik qujaniarpoq. Suliassaqarfimmut tassunga inatsiseqartitsinermi annertunerusumik nutarterisoqarnissaa kommunip pitsaasutut isigivaa.

Inatsisissatut siunnersuut Pisortanit ikiorsiissutit pillugit Inatsisartut inatsisissaattut siunnersuummut arlaatigut attuumassuteqarmat aalajangersakkani taagussersuutit inatsisissatullu siunnersuummi pineqartumi piumasarineqartut assigiissaartariaqarput. Taamaatut pisoqarsimangilaq. Ilaatigut inatsisissatut siunnersuutip aappaani ilaatigut iliuusissatut pilersaarutit suliarisarneranni sulianik suliarinnittarneq pillugu inatsisip eqqortinnissaanut aalajangiinerillu pillugit piumasaqaatip erseqqissaaffigneranni inatsisissatut siunnersuutip aappaani assinganik erseqqissaasoqarsimangilaq.

Angerlarsimaffimmi ikiorteqarneq pillugu aalajangersakkamik amigaateqartoqarnera pillugu.

Pisortanit ikiorsiissutit pillugit Inatsisartut peqqussutaat massakkut atuuttoq angerlarsimaffimmi ikiorteqarneq pillugu aalajangersakkamik imaqarpoq, tassanilu erseqqissarneqarpoq kommunimi angerlarsimaffimmi ikiorteqarnissamut aaqqissuussinermik nassaassaqaassasoq kommunalbestyrelsip pisussaafigissagaa kiisalu angerlarsimaffimmi ikiorteqarnermut aaqqissuussinermut malittarisassanik aalajangersaasoqassasoq, soorlu angerlarsimaffimmi ikiorteqarnermut tunniunneqartumut akiliuteqartarnissaq. Angerlarsimaffimmi ikiorteqarneq pillugu Namminersornerullutik Oqartussat nalunaarutaat nr. 32, 26. juli 1994-imeersoq atuuttoq massakkut Pisortanit ikiorsiissutit pillugit Inatsisartut peqqussutaanni atuuttumi § 29, imm. 3 naapertorlugu atortussangortinneqarpoq.

Angerlarsimaffimmi ikiorteqarneq pillugu aalajangersakkanik assingusunik aalajangersaasoqarsimanersoq Pisortanit ikiorsiissutit pillugit Inatsisartut Inatsisissaattut siunnersuutaanni nr. xx, xx-meersumi takuneqarsinnaangilaq. Taamaattoqarmallu siunissami angerlarsimaffimmi ikiorteqarneq pillugu nalunaarutit atortussangortittarnissaanni inatsisitigut tunngavigineqartussaq sorleq aallaavigalugu sulisoqartassanersoq erseqqissartariaqarpoq.

Akissut: Tusaatissatut tiguneqarpoq.

Angerlarsimaffimmi ikiorteqarneq pillugu Namminersornerullutik Oqartussat nalunaarutaat nr. 32, 26. juli 1994-imeersoq atuutiinnaassasoq siunnersuummi § 57, imm. 3-mi takuneqarsinnaavoq. Nalunaarummut tunngavissiiinissaq taamaasilluni siunnersuummut § 57, imm. 3-mut ilaalerpoq.

Siunnersuut manna tunniussisarnissamut inatsisaavoq. Taamaammallu sullissisarneq pillugu aalajangersakkap siunnersuummut ilanngunnissaa tulluuartuunnigilaq.

Naalackersuisut isumaginninnikkut sullissisarnerit pillugit inatsisissanik nutaanik saqqummiussisarniarlutik anguniagaqarput, tassani ilaatigut angerlarsimaffimmi ikiorteqarneq pillugu nalunaarutit nutaat atortussangortinnissaannut tunngavissaqaassalluni.

Siunnersuummi aalajangersakkanut ataasiakkaanut oqaaseqaatit

§ 6 pillugu

Imm. 1:

Kukkusoqarneratigut aalajangersakkamut 30-mut imminermut innersuussisoqarsimanissaa, paarlattuanillu § 31-mut innersuussisoqassasoq ilimagineqarpoq, tamannalu nassuiaatini takuneqarsinnaavoq.

Akissut: Ilanngunneqarpoq.

Innersuussineq kukkuneruvoq iluarsineqarumaarlunilu.

§ 7-mut

Imm. 1:

Siunnersuummi § 36-imi nunani allani inuiattut innuttaassuseqartunut angerlamut angalanissat akilerneqartarnissaat pillugu aalajangersakkamik aamma nassaassaqqarpoq. Tassani angerlamut angalanissamut "anigaasartuutit" kisimik erseqqissaaffigineqarput, § 7, imm. 1-imilu "angerlamut angalanissamut angalanermut anigaasartuutit" erseqqissaaffigineqarsimallutik. Taamaammalu § 36 aqqutigalugu angalanermut anigaasartuutit saniatigut anigaasartuutit allat akilernissaannut periarfissaqarnersoq paasiuminaalluni.

Akissut: Ilanngunneqarpoq.

Nunani allani inuiattut innuttaassusillit Kalaallit Nunaanniit aallarsinnaajunnaarlutik imminnut pilersornissaminnut periarfissaqanngitsut imaluunniit angerlamut angalanissamut namminneerlutik anigaasaqarnikkut periarfissaqanngitsut pineqarsimatillugit angerlarnissaat aalajangersakkatigut tunngavissinneqarpoq.

Aallaaviatigut angalanissamut ilaassutissaq kisimi matussuserneqartarpoq. Taamaakkaluartoq immikkorluinnaq pisoqarsimatillugu angalanerup nalaani unnueratarsinnaanerit nerisaqarnissarlu akilertarnissaat pisariaqarsinnaavoq.

Tamatuma saniatigut suna pillugu aalajangersakkat marluk nunani allani inuiattut innuttaassusillit angerlamut angalanissaasa akiliunneqarnissaannut periarfissiisut assigiimmik oqaasertallit inatsisissatut siunnersuummi assigiinngitsuni inissinneqarsimanersut paasiuminaappoq. Aalajangersakkat taakku marluk aalajangersakkamut ataasiinnannortillugit allanneqarsinnaasariaqaralarput imaluunniit aalajangersakkani taakkunani marluusuni suna assigiinngissutaanersoq erseqqissaatigalugu. Aalajangersakkat taakku marluusut taamatut isikkoqartillutik pisariaqanngitsumik qinnuteqartumut sulianillu suliarinnittartumut paatsiveerutsitsinnaapput.

Akissut: Ilanngunneqanngilaq.

§ 7-imi nunani allani inuiattut innuttaassusillit siunnersuummi § 5-imi piumasagaatinik naammassinnissimannikkaluarlutik angerlamut angalanissaannut ikiorsiissutinik tunineqarsinnaanerit tunngavissinneqarpoq. § 36 pisariaqartitsineq malillugu ikiorsiinivissamut aalajangersagaavoq.

§ 7 siunnersuutitut immikkoortumi "inuiattut innuttaassuseqanngitsut il.il." ilaanera, kisiannili § 7-imit nassuiaatini taaguutip "nunani allani inuiattut innuttaassusillit" atorineqarnera malugeqquneqarpoq."

§ 36-imi taaguut "nunani allani inuiattut innuttaassusillit" inatsimmi allassimasuni atorineqarpoq.

Aalajangersagaq inunnut taakkunungarpiat attuumassuteqarnissaa siunertarineqarsimappat taaguut assigiimmik atorineqartariaqarpoq. Imaluunniit taaguutit/inunnut eqimattanut marlunnut taakkununga suna assigiinngissutaanersoq erseqqissartariaqarpoq.

Akissut: Ilanngunneqarpoq.

Aalajangersakkami nassuiaatinilu oqaasertaliunneqartut assigiissinneqalissapput.

Imm. 2:

Inunnut nunami allami aalajangersimasumik najugassamut nuunnissat akilernissaannut ikiorsiissutinut Isumaginninnikkut Isumannaarinerit pillugit Nunat Avannarliit Isumaqtigiissutaannut ilaasunut ikiorsiissutit matumani pineqartut nassuiaatini atuarneqarsinnaavoq.

Aalajangersakkamili akerlianik angerlamut angalanissat akilernissaannut ikiorsiissutit allassimapput. Taamaattoqarmallu matumani assersuutigalugu pigisat aqutitigalugit nuunnissat akilernissaannut ikiorsiissutit pineqarnersut imaluunniit timmisartumut ilaassutissanut assigisaannullu aningaasartuutit akilernissat kisimik pineqarnersut paasiminaappoq. Inunnut Isumaginninnikkut Isumannaarinerit pillugit Nunat Avannarliit Isumaqtigiissutaannut aamma Isumaginninnikkut ikiorsiisarneq sullissisarnerlu pillugit Nunat Avannarliit isumaqtigiissutaannut ilaasunut nuunnissanut, taakkununga pigisat ilanngullugit, aningaasartuutit akilernissaannut periarfissiinissaq siunertaasimappat tamanna aalajangersakkami ersarissumik takuneqarsinnaasariaqarpoq.

Akissut: Ilanngunneqanngilaq.

Inummumut pineqartumuinnaq angalanermut aningaasartuutit ikiorsiissutit kisimik tunniunneqarsinnaapput, pigisaqartoqarsimappallu taakkununga tunnganani. Innuttaasut nunani avannarlerni isumaqtigiissutaasunut ilaasut aalajangersakkami nassuiaaffigineqarput, taamaammallu nalornisigineqartariaqanngilaq inuit taakku angerlamut angalanissamut ikiorsiissutinik qinnuteqarnissamut aamma periarfissaqarmata.

Isumaginninnikkut Isumannaarinerit pillugit Nunat Avannarliit Isumaqaatigiissutaat aamma Isumaginninnikkut ikiorsiisarneq sullissisarnerlu pillugit Nunat Avannarliit isumaqaatigiissutaat naalagaaffeqaatigiinnermi nunat akornanni atuutsinneqanngimmata maluginiarneqassaaq. Innuttaasut Savalimmiuni Danmarkimilu najugallit angerlamut angalanissamut ikiorneqarnissamik aamma periarfissaqarnissaat siunertaasimappat aalajangersagaq iluarsisariaqarpoq.

Akissut: Ilanngunneqarpoq.

Aalajangersagaq innuttaasut Danmarkimeersut Savalimmiuneersullu angerlamut angalanissamut ikiorsiissutinik aamma tunineqarsinnaanerannik erseqqissaaffiusoq ilanngunneqassaaq.

§ 17 pillugu:

Iliuusissatut pilersaarutit suliarineqartarnerat pillugu massakkut aalajangersakkami assigiinngissutaasumut tunngatillugu Suliffissarsiornermut ikiorsiissutit pillugit Inatsisartut inatsisissaattut siunnersuummi nr. xx, xx-imeersumi § 10-mi takuneqarsinnaavoq iliuusissatut pilersaarutit pisortanut inatsiseqartitsinermi aalajangiinerusut, tamakkulu kommunalbestyrelsimut aammalu suliffissarsiornermut ikiorsiissutinik tigusisartumut pisinnaatitaaffinnik pisussaaffinnillu kinguneqartussaasut kiisalu tamanna Pisortat ingerlatsineranni sulianik suliarinnittarneq pillugu Inatsisartut Inatsisaanni malittarisassanik naammassinnittassasut, soorlu tunngavilersuutit naammagittaalliorsinnaanermullu ilitersuutit pillugit malittarisassat.

Iliuusissatut pilersaarutip qanoq ittip suliarneqarnera apeqqutaatillugu sulianik suliarinnittartoq malittarisassanik assigiinngitsunik amerlavallaanik suliaqaqqunagu Pisortanit ikiorsiissutit pillugit Inatsisartut inatsisissaattut siunnersuummi nr. xx, xx-meersumi § 17-imi aammalu Suliffissarsiornermut ikiorsiissutit pillugit Inatsisartut inatsisissaattut siunnersuummi nr. xx, xx-meersumi § 10-mi piumasarineqartut assigiissaartariaqarput.

Akissut: Tusaatissatut tiguneqarpoq.

Iliuusissatut pilersaarut ataatsimut isigalugu ingerlatsinermi sulinivittut nassuiarneqarpoq. Taamaasilluni aalajangiineq naammagittaalliuutigineqarsinnaasoq matumani pineqanngilaq.

Iliuusissatut pilersaarut aalajangiinernut ilaasunik naammagittaalliuutigineqarsinnaasunik ilaqassaaq.

Taamaattorli piumasarineqarpoq iliuusissatut pilersaarut tamakkerluni tunngavilersorneqarluarsimassasoq uppernarsarneqarsinnaasasorlu, matumani sulianut naammagittaalliuutaasinnaasunut, siunissami suliat ingerlannissaannut pisariaqarsimappallu suliamik ingerlatsinermut allamut, soorlu siusinaartumik pensionisiat imaluunniit

suliffissarsiortuunermut ikiorsiissutininut qinnuteqaatinut tunngatillugu, nuunnissaq eqqarsaatigalugit.

Imm. 2:

Aalajangersakkami anguniagassanik sammisassanillu ilanngussisoqassasoq takuneqarsinnaavoq. Aalajangersagaq Suliffissarsiortuunermut ikiorsiissutit pillugit Inatsisartut inatsisissaattut siunnersuummi nr. xx, xx-meersumi § 10, imm. 2-mut arlaatigut assingussuteqarpoq. Tassanili takuneqarsinnaavoq anguniagassat sammisassallu "piviusorsiortut" ilanngunneqassasut.

Aalajangersakkat taakku marluusut piumasaqaatinik assigiinnik imaqartariaqarput, taamaammalu oqaaseq "piviusorsiortut" aalajangersakkani marluusuni takuneqarsinnaasariaqarpoq peerneqarluniluunniit, taamaaliornikkut piumasaqaatit iliuusissatut pilersaarutinut ilanngunneqartut assigiinngitsumik pinniffiussanngimmata.

Akissut: Tusaatissatut tiguneqarpoq.

Oqaasertaliunneqartut siunnersuutini marluusuni assigiissinneqalerput. "Piviusorsiortoq" inatsimmi allassimasuni takuneqarsinnaassanngilaq, kisiannili nassuiaatini ilitsersuutinilu nassuiaatit ilanngunneqassalluni.

§ 32 pillugu

Imm. 2.

Angajoqqaanngortussat nammineerlutik inigisaminnik meeqqap inunngornissaa sioqqullugu imaluunniit inunngornerata kingorna annasaqariaannaalersimassappata kinguaattoorutit akilernissaannut ikiorsiiffiginissaannut aamma periarfissaqarnissaa anguniarlugu aalajangersakkap annertusineqarsinnaanera isummerfigisariaqarpoq.

Akissut: Ilanngunneqarpoq.

Aalajangersakkap atuuffiata angajoqqaanngortussanut aamma ilaalernissaa ilanngunneqarpoq.

§ 33 pillugu

Pisortanit ikiorsiissutit pillugit Inatsisartut peqqussutaanni nr. 15, 20. november 2006-imeersumi § 21-mi atuuttumi takuneqarsinnaavoq kommuni nuunnissamut ikiorsiisoq ukiuni marlunni kommunitut akiliteqartuaannassasoq, matumani nuunnissamut ikiorsiissutit tunniutinnginneranni kommunimit nuuffiusussamit akuersinermik piniartoqartinnagu.

Siuliani taaneqartut inatsisissatut siunnersuummi § 33-mut ilanngunneqanngillat.

Taamaattoqarmallu kommunimit nuuffiusussamit akuersinermik piniartoqarsimanngikkaluartoq nuunnissamut ikiorsiissutinik tunniussisoqarnerani suut sunniutaasinnaanersut paasiuminaappoq.

Akissut: Ilanngunneqanngilaq.

Siunnersuummi § 33 malillugu ikiorsiissutinik tunniussisoqarsinnaassappat kommunip nuuffiususaaq akuersisimanissaa piumasarineqarpoq. Kommunit aallaaviatigut akuersisarnissaat ilimagineqarpoq, matumani akuersinissamut arlaatigut akerliusoqarsimassanngippat.

Kommunit akunnerminni akiliiffigeqatigiittarnissamut pisussaaffii pillugit Inatsisartut peqqussutaat nr. 2, 12. juni 1995-imeersumi takuneqarsinnaavoq pisortanit ikiorsiissutinut atatilugu kommuni angerlarsimaffiusoq peqatigitillugu akiliisussatut kommuniusoq. Tunngaviliunneqartoq taanna taamaasilluni unioqqutinneqarunnaarpoq.

§ 34 pillugu

Imm 1.

Toqusup pigisaanik suliaqartut sinnerlugit kikkut qinnuteqarsinnaanermut pisinnaatitaaffeqarnersut aalajangersakkami takuneqarsinnaasariaqarpoq. Inigisami aqutsisoq kisimi imaluunniit qanimut qanigisaasut/kingornussisussat pineqarpat.

Akissut: Ilanngunneqanngilaq.

Toqusup inaa sinnerlugu kina qinnuteqarsinnaanersoq ilitersuummi takuneqarsinnaassaaq. Matumani aallaaviatigut inuk pigisanik agguassisarnermut eqqartuussiviup qimagaasutut qaninnerpaatut isigisaa imaluunniit ilisinissamik akiliisusaaq pineqartussaavoq.

Imm. 2.

Toqukkut qimaguttoq peqqinnissaqarfiup akiligaanik nunagisap avataanut nassiunneqarsimappat kinguneratigullu toqukkut qimagussimappat kikkut illerfiup assartorneranut akiliissanersut erseqqissumik qulaajartariaqarpoq. Pineqartoq piffissap ingerlanerani toqukkut qimagussimanngitsuuppat peqqinnissaqarfik nalinginnaasumik angerlamut angalanissamut akiliisussaagaluarpoq.

Taamatut pisoqarsimatillugu illerfiup assartornissaanut pisortanit ikiorsiissutinik tunniussisoqarsinnaava?

Akissut: Ilanngunneqanngilaq.

Aalajangersakkatigut inuit arsaasa angerlamut assartornissaannut pisariaqartitsineq malillugu ikiorsiissutit tunniunnissaannut periarfissaqalerpoq. Taamaakkaluartoq illerfiit assartornissaannut ikiorsiisoqarsinnaanngilaq.

Naallu toqukkut qimagunnikut napparsimasunut taaguummumut ilaangikkaluartut, taamaammallu peqqinnissaqarfik aningaasartuutit matussusernissaannut

pisussaaffeqanngikkaluartoq, toqukkut qimaguttup angerlamut assartornissaanik qimagaasunut ikiuineranut aningaasanik akiliussisoqartarnera ileqquuvoq.

§ 37 pillugu

Inatsisissatut siunnersuummi § 7-imi aalajangersakkamik nunani allani inuiattut innuttaassusilinnut aningaasartuutit akilernissaannut periarfissiisumik nassaassaqaereerpoq. Taamaammallu tamanna inatsisissatut siunnersuummi § 36-imi taaneqaqqissanersoq paasiuminaappoq.

Tamatuma saniatigut aalajangersakkami taagusersuut "nunani allani inuiattut innuttaassuseqartut" atorneqarpoq, siunnersuummilu § 7-imi immikkoortumi qulequtaq naapertorlugu "Inuiattut innuttaasseqanngitsut il.il." atorneqarluni. Aalajangersakkami inuit taakkorpiat pineqarsimappata taagusersuut assigiittariaqarpoq. Imaluunniit taagusersuutini taakkunani suna assigiinngissutaanersoq qulaajartariaqarpoq.

Aalajangersakkat taakku marluusut aalajangersakkami ataasinngortillugit allanneqarsinnaasariaqaralarput imaluunniit aalajangersakkat taakku marluusut suna assigiinngissutigineraat ersarissartariaqaralarpoq.

Aalajangersakkat taakku marluusut taamatut isikkoqartillugit qinnuteqartumut sulianillu suliarinnittartumut pisariaqanngitsumik paatsiveerutsitsiinnassapput.

Akissut: Ilaatigut ilanngunneqarpoq.

§ 7-imi nunani allani inuiattut innuttaassusillit siunnersuummi § 5-imi piumasaqaatinik naammassinnissimanngikkaluarlutik angerlamut angalanissaannut ikiorsiissutinik tunineqarsinnaanerat tunngavissinneqarpoq. § 36 pisariaqartitsineq malillugu ikiorsiinivissamut aalajangersagaavoq.

Aalajangersakkani nassuiaatinilu oqaatsit atorneqartut assigiissarneqassapput.

§ 41 pillugu

Pisortat ataatsimoorussamik qarasaasianik ingerlatsinerannut, kommuninik akuutitsinani, malittarisassanik Naalakkersuisut aalajangersaasinnaanerat pissusissamisunngitsutut isigineqarpoq. Taamaattumik aalajangersagaq malillugu malittarisassanik aalajangersaanermi Naalakkersuisut kommuninik ilaatitsinissamut pisussaaffeqarnerat ilanngunneqartariaqarpoq.

Inatsisissatut siunnersuut atortup ineriartortinnissaanut, piviusunngortinnissaanut ingerlannissaanullu kommuninut immikkut aningaasartuutininik kinguneqassappat tamakku Det Udvidede Totalbalanceprincip (DUT) malillugu taarsiisoqarnissaa siunertaralugu inatsisissatut siunnersuummut ilannguttariaqarput.

Akissut: Tusaatissatut tiguneqarpoq.

Pisortani ataatsimoorussamik IT-mik atortumik suliaqarneq aallartereersimavoq, kommunalbestyrelsillu suleriaqqinnissami ilanngunneqarsimapput ilanngunneqartussaassallutillu.

Aaqqiissutissat piviusunngortinnerannut atatillugu aningaasaqarnikkut sunniutaasinnaasut kommunit aamma Namminersorlutik Oqartussat isumaqatigiinniarnernannut ilaasumik aamma ilanngunneqassapput.

§ 57 pillugu:

Imm. 3:

Aalajangersakkatigut Angerlarsimaffimmi ikiorteqarneq pillugu Namminersornerullutik Oqartussat nalunaarutaata nr. 32, 26. juli 1994-imeersup atorunnaarnissaa tikillugu imaluunniit malittarisassanik nutaanik taarserneqarnissaa tikillugu atuutiinnassaaq. Taamaakkaluartoq Pisortanit ikiorsiissutit pillugit Inatsisartut inatsisisaattut siunnersuummi nr. xx, xx-imeersumi aalajangersakkamut angerlarsimaffimmi ikiorteqarneq pillugu nalunaarutit nutaat saqqummersinnissaannut tunngavissamik imalimmik takusaqartoqarsinnaanngilaq. Nalinginnaasuni angerlarsimaffimmi ikiorteqarneq pillugu oqaaseqaatigineqartut aamma takukkit.

Akissut: Tusaatissatut tiguneqarpoq.

Angerlarsimaffimmi ikiorteqarneq pillugu Namminersornerullutik Oqartussat nalunaarutaat nr. 32, 26. juli 1994-imeersoq atuutiinnaassasoq siunnersuummi § 57, imm. 3-mi takuneqarsinnaavoq. Tunngavissaq taamaasilluni siunnersuummi § 57, imm. 3-mut ilaalerpoq.

Siunnersuut manna tunniussisarnissamut inatsisaavoq. Taamaammat kiffartuussisarneq pillugu aalajangersakkat siunnersuummut inississallugit tulluartaassaannngilaq.

Naalakkersuisut siunissami isumaginninnikkut kiffartuussisarneq pillugu inatsisinik nutaanik saqqummiinissamik siunertaqarput, tassanilu ilaatigut angerlarsimaffimmi ikiorteqarneq pillugu nalunaarutitik nutaanik atortussaannngortitsinissamut tunngavissaqassaaq.

3. Sulisitsisut

Sulisitsisut ataatsimut isigalugu inatsisissatut siunnersuummut kikkut tamarmik imminnut pilersorsinnaalernissaannut aqqutissiuussisussaq isumalluarfigaat.

Sulisitsisut imaattunik oqaaseqaateqarniarput.

§ 8, imm. 2 naapertorlugu inuusuttoq 18-t inorlugit ukiulik naartunerup sulinngiffeqarnerullu nalaani pisortanit ikiorsiissutitik tunineqassaguni suliffissarsiortuussasoq piumasarineqarpoq.

Tamanna meeqqat atuarfiini atuartut meerartaartut suliffissarsiortuunnginnerannut sutigut tulluurtuuva? Tamakku aamma tunngavissaq tamanna aqutigalugu pisortanit ikiorsiissutinik pisinnaassappat?

Akissut: Ilanngunneqanngilaq.

Inuk 18-t inorlugit ukiulik nammineerluni pilersuinissamut pisussaaffeqalersimappat piumasarineqartut naammassineqarsimappata pisortanit ikiorsiissutinut qinnuteqarnissaa periarfissaassaaq. Tamanna isumaqanngilaq inuit tamarmik 18-iliineqanngitsut pilersuinissamut pisussaaffilerneqartut siunnersuut manna malillugu ikiorserneqarnissamik pisinnaatitaaffeqassasut.

Aapparisaq aningaasarsiaasa annikinnerulernissaat pillugu § 26-mut nassuiaatini assersuutissat arlallit ilannguttariaqaraluarput.

Akissut: Ilanngunneqanngilaq.

Siunnersuummi § 26-imut tunngatillugu annikillisaanissanut assersuutissat ilitsersuutinnngortussami ilanngunneqarumaarput.

Sulisitsisut § 39-mut nassuiaatigineqartunut paatsuungalaarput, tassanimi atuarneqarsinnaavoq "....,qanimut qanigisaasoq assersuutigalugu paarlattuanik suliffissarsiornermut ikiorsiissutinik qinnuteqarniarpat tassunga peqatigitillugu pisortanit ikiorsiissunik tunniussisoqarsinnangilaq."

Sulisitsisut suliffissarsiornermut ikiorsiissutit pillugit malittarisassat imatut paasivai suliffissarsiornermut ikiorsiissutinut qinnuteqartoq suliffinnut suliartoqquneqarnissamut piareersimasassasooq. Angajoqqaq meeqqaminik napparsimasumik paarsissappat taamaaliortoqarsinnaassanngilaq.

Kisitsisitigut paasissutissanut tunngatillugu aammalu suliffissarsiornermut ikiorsiissutit (suliartorsinnaalluni) aamma pisortanit ikiorsiissutit (suliartoqquneqartussaanani) akornanni ersarissumik assigiinngitsoqarnissaa pisortanit ikiorserneqartartunut taakkununga tulluarnepaajussaaq.

Akissut: Ilanngunneqanngilaq.

Pisortanit ikiorsiissutinut qinnuteqarnissami pilersuinissamut tunngavimmik peqartoqannginnissaa piumasaqaataavoq. Aalajangersakkatigut pisortanit ikiorsiissutinik annertussilerikkaniq tigusisinnaasoqassappat piumasaqaatit ilaannik saneqqutsinissamut periarfissiisoqarpoq. Taamaakkaluartoq periarfissamik atuinissaq atorneqassanersoq imaluunniit inuup suliffinnut suliartoqqusaanissaq toqqassaneraa, taamaasillunilu

suliffissarsiormut ikiorsiissutinik qinnuteqarnissamik periarfissaqalerluni, nammineerluni aalajangigassaavoq.

Meeqqap napparsimaneranut tunngatillugu pisortanit ikiorsiissutinik annertussusileriikkanik tiguisartup nammineerluni paaqutaqartarnissaa paarsisarnissaalu aalangersakkami piunasaqaataangilaq. Aalangersagaq pilersuinissamut aningaasatigut tunngavissiinissamik periarfissiivoq, taamaaliornikkut pilersuisussaaneq ernumassutiginnikkaluarlugu meeqqamut paaqutaqarnissamut piffissaqarluartoqassammat.

§ 57, imm. 3-mi allassimavoq; "atorunnaarnissaa tikillugu..", imatut allassimasoqartariaqaraluarpoq "nalunaarutit marluk atuutiinnassappata.

Akissut: Ilanngunneqanngilaq.

Aalangersakkami oqaasertaliunneqartut allanngortinneqarput, taamaasilluni nalunaarut kisimi pineqalerluni.

Sulisitsisut allanik oqaaseqaatissaqanngillat.

4. SIK

SIK Pisortanit ikiorsiissutit pillugit Inatsisartut inatsissaattut siunnersuummut ullormi 1. januar 2023 atuutilersussatut eqqarsaataasumut nassiunneqartumut oqaaseqaateqarnissamut periarfissinneqarnermut qujavoq.

SIK-mit siunnersuummi siunertarineqartut pitsaasutut isigineqarput, tassalu sulineq imminut akilersinnaasariaqartoq, tassungalu peqatigitillugu inunnet arlaatigut pissuteqarluni piffissami aalangersimasumi sulinissamut pisinnaanngitsunut isumaginninnikkut ajutuunngissamut illersuisoqarsinnaassammat.

Missingiilluni isumaginninnikkut ikiorsiissutiniit aalangersimasumik ikiorsiissutinut nuussinnaanermut siunertaqarneq pitsaasutut isigineqarsinnaavoq, tassami periusarineqartoq ilaatigut paasiuminarnelissammat tamanullu assigiilerluni, kommuninullu allaffissornikkut pisariinnerulissammat, tamannalu pisariaqarluinnarpoq isumaginninnikkut ikiorsiissutit aqunneqarnerisa iluamik ingerlannissaannut periarfissat pitsanngortinneqassammata.

Taamatut oqaaseqareerluta aamma paasinarsivoq qaammammut tunngaviusumik akigititaq 4.500 kr.-niusoq siunnersuutigineqartoq ullutsinni inuiaqatigiinni nerissannut il.il. aningaasartuutit iluamik inuuneqarnissamut assut ajornarulersitsisarmata. Tamanna naak siunnersuut naapertorlugu tassangaannartumik ataasiartumik ikiorsiissuteqarnissamut, ataasiartumik aningaasartuutinut tapiissuteqarnissamut, nuunnissamut ikiorsiissuteqarnissamut il.il. periarfissiigaluarpoq, Taamaammat tunngaviusumik akigititap angissususaanut siunnersuuteqartoq nalilersueqqeqqullugu SIK-mit kajumissaarneqarpoq,

taamaaliornikkut tamanna aningaasanut akuerineqarsinnaasunut qaffanneqarsinnaassammat, taamaasillunilu iluamik inuuneqalernissamut iluaqutaasinnaanaaqqullugu!

Akissut: Tusaatissatut tiguneqarpoq.

Pisortanit ikiorsiissutinut VIVE aqutigalugu misissueqqissaarnerit 2018-imeersut tunngavigalugit ajornartuunngikkaluarluni inuuniarnissamut qanoq periarfissaqartigineranik nalililineq tunngavigalugu tunngaviusumik akigititaq aalajangersarneqarsimavoq. Peqatigitillugulu siunnersuut nammineerluni peqataasarnissamut kajumissusiseqalernissamik imaqarpoq, tamannalu immikkut tapiissuteqarnissamik aallartitsisinnaavoq.

Naalackersuisoqarfik tunngaviusumik akigititamut inatsisinullu allanut tunngasunut nalilersuilluni sulinermik ingerlatsiinnassaaq.

Pisortanit ikiorsiissutinik tiguisartut ataasiakkaat suliffittaarnissamut ilinniarnissamulluunniit kajuminnerulernissaannut inuiaqatigiit sapinngisamik iliuseqartarnissaat SIK-mit pingaartorujussuurtut isigineqarpoq, taamaaliornikkut nammineq atugarisaminnik pitsanngortitsisinnaassammata, inatsimmilu anguniarneqartutut inuuniarnikkut minnerpaamik tunngaveqarlutik inuujunnaarsinnaassammata.

Inatsimmut nassuiaatini "Pisortanit ikiorsiissutinik tiguisartut sulinissamut pisinnaasallit suliffissarsiornermut ikiorsiissutinut nuussapput" takuneqarsinnaammat SIK-mit maluginiarneqarpoq." Tamanna ajunngitsumik oqariartorneruvoq, taamaammallu pisortanit ikiorsiissutit pillugit siunnersuut Suliffissarsiornermut ikiorsiissutit pillugit Inatsisartut inatsisissaattut siunnersuuteqarnermut atasutut isigineqartariaqarluni, taannalu aamma tusarniaanermut ullormut 24. september 2021-mut killissalerlugu tusarniutigalugu nassiunneqarsimavoq.

Aalajangersakkanut ataasiakkaanut oqaaseqaatit:

§ 4:

Aalajangersakkap taassuma nassuiaatit pillugit immikkoortumut ilanngunneqarsimanera eqqumiitsutut SIK-mit isumaqarfigineqarpoq.

Akissut: Ilanngunneqarpoq.

Aalajangersagaq kapitali 1-imut nuunneqarpoq, tassanilu siunertat ataasiakkaallu akisussaassuseqarnerat pineqarput.

§ 8:

Suna pillugu sapaatip akunneranut 20 tiimit killissatut toqqarneqarsimanersut tunngavilersuisoqarnissaat SIK-mit piumaneqaraluarpoq. Inuk suliffissaaleqisimappat

ikinnerpaamillu 20 tiimini pisarneq malillugu suliffeqarsinnaasimangippat pisortanit ikiorsiissutit pillugit inatsit naapertorlugu ikiorsiissutinik pisinnaatitaassasoq aalajangersagaq tassungalu inatsisissatut siunnersuummut nassuiaatigineqartut taamatut paasineqarput. Paarlattuanik suliffissaaleqisuugaanni, kisiannili sapaatip akunneranut ikinnerpaamik 20 tiimini sulisinnaasimagaanni suliffissarsiornermut ikiorsiissutinik pisinnaatitaasogarpoq. Taamaammallu ilanngullugu SIK-mit tamanna imatut paasineqarpoq, inuk suliffissaaleqisoq sapaatip akunneranut 20 tiimit sinnerlugit sulisinnaasooq qaammammut tunngaviusumik ikiorsiissutinik 4.500 kr.-niusunik pisinnaassasoq, kisiannili pineqartoq assersuutigalugu sapaatip akunneranut 15 tiimini sulisinnaasutut naliliiffigineqarpat pisortanit ikiorsiissutit pillugit inatsit malillugu allanik ikiorserneqarnissaa periarfissaassanani. Kingullertulli taaneqartoq inatsimmut nassuiaatini erseqqissaaffigissallugu tulluurtuussaaq, taamaaliornikkut qanoq pisortanit ikiorsiissutit ilaneqarsinnaanersut paasinarsissammat, matunai sapaatip akunneranut 20 tiimit ataallugit tiimini aalajangersimasuni sulisinnaasutut naliliiffigineqarsimagaanni.

SIK-mit tamanna imatut paasineqarpoq, sapaatip akunneranut assersuutigalugu 23 tiimit sulisimagaanni inatsit manna malillugu ikiorsiinissamut allanik periarfissanngitsoq. Taamaattoqarsimappat tamanna nassuiaatini erseqqissaaffigissallugu tulluurtuussaaq. Taamatut pisoqarnera saqqummiunneqarpoq, tassami assersuutigalugu sapaatip akunneranut 23 tiimini ilaannakortumik sulisimagaanni taamatut isertitaqarnikkut inuuniarnissaq ajornakusoortussaavoq.

Akissut: Ilanngunneqanngilaq.

Sulisinnaassuseq nalilersuiffigineqartoq innuttaasup ikiorsiissutinik sorlernik tunineqarnissaanut aalajangiisuusarpoq. Sulisinnaassuseq 20 tiimit ataallugit sivisussuseqartutut nalilerneqarpat innuttaasooq 4.500 kr.-ninik tunngaviusumik ikiorsiissutit aqutigalugit pisortanit ikiorsiissutinik annertussusileriikkaniq tigusisassaaq. Tassungalu ikiorsiissutini annertussusileriikkani ilanngaasooqannginnerani qaammammut 1.000 kr.-ninik saniatigut isertitaqarnikkut nammineerlunilu peqataanermut tapiissuteqarsinnaanermut periarfissaq ilaavoq.

Pisortanit ikiorsiissutinik annertussusileriikkaniq tigusisartut suliffinnut attaveqarsinnaanerat anguniarlugu suliffissamik tunniunneqartumik akuersisarnissaannik kajumissaarneqarput. Taamaasineranilu sapaatip akunneranut 20 tiimit sinnerlugit sulisinnaassuseqartoqarsimappat pineqartut suliffissarsiornermut ikiorsiissutinut nuunneqassapput imaluunniit suliffigisartik sapaatip akunneranut 20 tiiminik sinnerlugilluunniit suliffiusartoq tigungmiinnarsinnaassallugu.

Innuttaasut sapaatip akunneranut 20 tiimini sinnerlugilluunniit sulisinnaasut suliffissarsiornermut ikiorsiissutinik pisinnaatitaassapput. Pisortanit ikiorsiissutinik ilasiffiusunik pissarsisinnaaneq periarfissaqanngilaq.

Innuttaasoq assersuutigalugu sapaatip akunneranut 25 tiimit sinnerlugit sulisinnaangitsutut naliliiffigineqarpat innuttaasup siusinaartumik pensionisianut qinnuteqarsinnaanermut periarfissat pillugit ilitersorneqartariaqarpoq. Taamaaliornikkut sulisinnaassutsimut annikillissamut taarsiissuteqartoqarsinnaavoq.

§ 13:

Aalajangersagaq taanna paasiuminaappoq, taamaammallu siunnersuutigineqarpoq paasiuminarnerusunngorlugu allatut oqaasertalerneqassasoq. SIK-miilli aalajangersagaq imatut paasineqarpoq; inuk pisortanit ikiorsiissutinik tiguisartuq pisortanit ikiorsiissutit annikillisaaffiginnikkaluarlugit qaammammut sulinikkut 1000 kr.-ninik isertitaqarsinnaassasoq. § 13-imut nassuiaatit atuarniarneranni aalajangersakkamut tassunga nassuiaatit siunnersuummi aalajangersakkamut allarlunnarmut tunngassuteqartut paasinarsivoq. Taamaammatt nassuiaatit iluarsisariaqarput.

Akissut: Ilaannakortumik ilanngunneqarpoq.

Aalajangersakkatigut pisortanit ikiorsiissutinik tiguisartut suliffimmik qaammammut 10 tiimit missaannik suliffiusinnaasumik isumagisaqarnissaannik periarfissinneqarput, tamannalu aqqutigalugu kommunalbestyrelsimut suliartoqqusaaneq pillugu piunasaqaatinik naammassinninnissat suli naammassisarlugit. 1.000 kr.-ninik isertitaqarnerit tunngaviusumik akigititami ilanngaatigineqarneq ajorput.

Aalajangersagaq allanngortinneqassanngilaq, nassuiaatilli iluarsineqassapput.

§ 17:

Siunnersuut naapertorlugu inunnut ataasiakkaanut immikkut iliuusissatut pilersaarutinik suliaqartoqartassammatt ajunngilluinnarpoq, tassanilu pineqartup ilinniakkanik ingerlatsinissaanut periarfissai pitsanngortinneqassasut imaluunniit suliffittaarnissamut periarfissat pitsanngortinneqassasut siunertaavoq. SIK siunnersuummi siunertarineqartut pitsaasut piviusuni piviusunngortinneqarsinnaassasut neriuppoq.

§ 18:

Iliuusissatut pilersaarutitut ilaasumik sulilersinnaanermut periarfissat pitsaanerulersinniarlugit inuup pineqartup sammisassani assigiinngitsuni peqataasarnissaa pillugu kommunip aalajangiisarsinnaanera SIK-mit tapersersorneqarpoq.

§ 19 :

SIK-mit tamanna imatut paasineqarpoq; siunnersortitut aqqiussinerup eqqunneqarnera inatsisinut atuutereersunut tunngatillugu suliniutaasoq nutaaq. Siunnersortimit tapersersorneqartarnissaq isumassarsiatsialattut isigineqarpoq, SIK-miillu neriutiginneqarpoq

aaqqissuussineq taamaattoq innutaasunut ataasiakkaanut kommunillu allaffissornerannut iluaqutaajumaartoq.

§ 20 aamma § 21:

Kommunit sivikinnerpaamik qaammatit arfinilikkaarlugit iliuusissatut pilersaarummut suliarineqartumut malitseqartitsisarnissaat pitsaasutut SIK-mit isigineqarpoq, tamannalu aqqutigalugu pisortanit ikiorsiissutinik tiguisartoq sulilernissaminut piareersimanersoq naliliiffigeqqinneqartassalluni, soorluttaarlu ikiorsiissutit annertussusilerikkat akuerineqarnerisa kingorna kingusinnerpaamik qaammatit 12-t qaangiunnerisigut tiguisartoq ilumut pilersornissamat ikiorsiissutinut allanut nuussanersoq kommunip nalilersuisarnissaa § 21-mi takuneqarsinnaasoq, tamannalu assersuutigalugu siusinaartumik pensionisianut tunngassuteqartutut paasineqarsinnaalluni.

§ 22:

Qaammammut tunngaviusumik akigitinneqartoq 4.500 kr.-niusooq inuussutigissallugu naammappiannigilaq, tassungali atatillugu pisortanit ikiorsiissutit annertussusiisa aammalu sulinikkut qanoq isertitaqarsinnaanerup akornanni pissutsit ataqatigiinniarnernanni ajornartorsiutaasinnaasut SIK-mit maluginiarneqarput. Tunngaviusumik akigititap siunnersuutigineqartumut sanilliullugu qanoq qaffaaffigineqarsinnaatiginera siunnersuuteqartup nalilersuilluarnissaa SIK-mit kaammattuutigineqassaaq, tassami aningaasat siunnersuutigineqartut innuttaasunut eqqorneqartunut tunngatillugu naammaginatumik inuuneqarnissamat takussutissalimmik periarfiissiinngimmata - matumani atuisunut inuiaqatigiinni ullumikkut akigitinneqartut eqqarsaatigalugit.

Akissut: Tusaatissatut tiguneqarpoq.

2018-imi VIVE-mit misissueqqissaarnerit tunngavigalugit § 22-mi tunngaviusumik akigitinneqartoq atugarliulinngikkaluarluni inuuniarnissamat suut periarfissaanersut nalilersuiffigereernerisigut aalajangersarneqarpoq. Tassunga peqatigitillugu siunnersuut nammineerluni peqataasarnissamat kajumissuseqalersitsiniarnermik imaqarpoq, taannalu immikkut tapiinissamik aallartitsisinnaavoq.

Naalackersuisoqarfik tunngaviusumik akigititamut inatsisinullu allanut tunngasunut nalilersuilluni sulinermik ingerlatsiinnassaaq.

§ 23:

Siunnersuummut nassuiaatini siunnersuummi tassani suna siunertarineqarnerisigut, inunnullu aalajangersakkamik eqqorneqartunut suut sunniutaasinnaanersut erseqqissaaffigineqassasut SIK-mit siunnersuutigineqassaaq. Tunngaviusumik akigititap ullormut 210 kr.-nirik annikillissarnissanut piffissaq qanoq sivisutigisooq atorineqassanersoq pillugu siunnersuuteqartoq eqqarsaatersimassanerluni, matumani tiguisartoq suliniutinut iliuusissatut pilersaarummi aalajangerneqartunut takkutinnngitsoorsimatillugu imaluunniit

nammineerluni peqataasarsimatinnagu? Ulluni amerlasuuni ilanngaasoqartarsimappat innuttaasup inuuniarnissaminut inuussutissaqannginnisaa tamatuma kingunerisinnaavaa.

Oqaatigineqartumi "suliniutissani iliuusissatut pilersaarummi aalajangerneqartuni nammineerluni peqataannginneq suliaqannginnerlu" sunaana pineqartoq, soorlu § 23-mi oqaatigineqartuni takuneqarsinnaasoq.? Tamanna inatsisissatut siunnersuummut nassuiaatini erseqqisarneqartuuppat iluassagaluarpoq.

Akissut: Ilanngunneqanngilaq.

Nammineerluni peqataasarnissamut takkutinnitsoornermullu assersuutissat ilitersuutinnortussami takuneqarsinnaassapput.

§ 24:

Sammissassani iliuusissatut pilersaarummi aalajangerneqartuni nammineerluni peqataasartunut tapernik 500 kr.-nirik tunniussisoqartarnera immi ajunngikkaluarpoq. Soormi tapeq pineqartoq tunngaviumik akigitamut ilanngutiinnarsinnaassanngila, tassami kikkut tamarmik namminneerlutik peqataasarnissaat aallaaviatigut naatsorsuutigisariaqarmat. Peqataarusussimangippatalu tunngaviumik akigititap annikillissarnissaanut § 23 aamma atorpeqarsinnaavoq.

Akissut: Ilanngunneqanngilaq.

Tapeq nammineerluni peqataasarnissamut kajumissuseqalernissamut eqqarsaataavoq, taamaasillunilu inunnut piffissami sivilunerusumi suliffeqarnissamut imaluunniit aalajaatumik suliarortarnissamut ajornartorsiutilinnut kajuminnerulersitsisussaalluni.

Siunnersuummi pingaarnertut tunngaviumut ilagaat pisortanit ikiorsiissutinik tiguisartut ataasiakkaat akisussaassuseqarnerulernissaat. Tassunga atatillugu pineqaatissiisarnermiit akissarsiaqartitsineq pingaarneruvoq.

§ 29:

Inuit sivilunerusumik napparsimanertik pissutigalugu suliffissarsiornermut ikiorsiissutinik pisinnaatitaaffeerullutik pisortanit ikiorsiissutinut nuuttut nuunnermut qaammammut 3.000 kr.-nirik tiguisalersinnaanerat SIK-mit pitsaasutut isumaqarfigineqarpoq.

§§ 31-36:

Tassanngaannartumik ataasiarluni ikiorsiissutinut, ataasiarluni aningaasartuutitut, nuunnermut ikiorsiissutinut, ilisinermut aningaasartuutitut, qanigisaasut napparsimaruloornerannut, toqunerannut ilisaanerannulluunniit kiisalu nunani allani inuiattut innuttaassusillit angerlamut angalanissaannut missingiilluni ikiorsiinissamut periarfissaqarnera SIK-mit pitsaasutut isumaqarfigineqarpoq. Kommunit allaffissornermini

eqqarsaatigilluakkamik naliliisassasut, inatsimmilu inuit tunngaviusumik akigititap saniatigut ikiorneqarnissamik pisariaqartitsisut ikiorneqarnissaat pillugu siunertarineqartut naammassiniarnissaannut naammattumik aningaasatigut periarfissasut SIK-mit neriuutigineqarpoq. Tassunga atatillugu siunertarineqartut malillugit aalajangersakkat tamakku atornissaannut Namminersorlutik Oqartussat qanoq annertutigisumik nakkutilliisanersut SIK-mit apeqqutigineqassaaq.?

Akissut: Tusaatissatut tiguneqarpoq.

Naalackersuisut kommunalbestyrelsit inatsisinik atuuttunik malinninnissaanut tatiginnipput.

Nakkulliinnermut atortutut Naalackersuisut kommunalbestyrelsit isumaginninnikkut inatsisinik aqutsinerannik kiisalu aningaasaqarnerup kukkunersiortarnerannik ingerlaavartumik nakkutilliisarput.

§ 35:

Qanigisaasut napparsimaruloornerannut, toqunerannut ilisaanerannulluunniit atatillugu Kalaallit Nunaanni angalanissanut taamaallaat ikiorsiissutinik tunniussisoqarsinnaasoq aalajangersakkami atuarneqarsinnaavoq. Kisiannili suna pillugu Danmarkimut angalanissamut taamaattumut ikiorsiissutinik tunniussisoqarsinnanngila, matumani assersuutigalugu napparsimasunik toqusimasunilluunniit qanigisaasunik Danmarkimiittoqarsimatillugu.

Akissut: Ilanngunneqanngilaq.

Siunnersuummi Kalaallit Nunaanni innuttaasunut tunniunneqartartut pineqarput. Taamaammat ikiorsiissutit aallaavimmikkut Kalaallit Nunaanni pissutsinut killeqartinneqarput.

Innuttaasup assersuutigalugu Danmarkimut nuunnissani toqqarsimappagu, ilaqutaasullu taamaasillutik napparsimaruloornerit pisimatillugit pineqartumut tikeraarsinnaasimatinnagit tamanna nammineq akisussaaffiussaaq.

SIK inatsisissatut siunnersuummut nassuiaatinut allanik oqaaseqaatissaqanngilaq.

5. Tilioq

Isumaginninnermut Suliffeqarnermullu Naalackersuisoqarfik 'Pisortanit ikiorsiissutit pillugit Inatsisartut inatsissaattut Siunnersuummut' oqaaseqataasinnaasunik Innarluutilinnut Illersuisup saqqummiussinissaanik qinnuiginnissimavoq.

Tilioq massakkut pisortanit ikiorsiissutit pillugit inatsisartut peqqussutaat atuuttoq naapertorlugu innuttaasunit innarluutilinnit pisortanit ikiorsiissutinik tiguisartunit

ukiumoortumik saaffiginnissutinik arlalinnik tigusaqartarpoq. Tamanna tunngavigalugu Tilioq tusarniaanermut imaattumik akissuteqarpoq.

Iliuusissatut pilersaarutit pineqaatissiisinnanermullu periarfissaqarneq

Iliuusissatut pilersaarutitut tassanilu sammisassanut ilanngunneqartunut innuttaasoq malinnissinnaasimatinnagu aningaasatigut pineqaatissiisarnissap missingiummi tassani periarfissinneqarnera immikkut ernumanartoqartoq Tilioq isumaqarpoq. Inuit innarluutillit pineqaatissiisarnernut inatsimmi periarfissinneqartunut tunngatillugu immikkut eqqugaasinnaapput. Inuit innarluutillit tarnikkut innarluutaasinnaasunut qulaajaasarnerit kinguaattoorfusarnerannik misigisaqartartut Tilioq uppersaasimavoq. Kiisalu pingaartumik isorliunerusuni innarluutillit suliniutissallu inuit innarluutillit inuiaqatigiinni peqataasarnissaasa qulakkeernissaanut alloriarnerit pisariaqartinneqartut pillugit sulinikkut ilisimasanik amigaateqartoqarpoq. Tamatumani ilaatigut tassaasinnaavoq sulianik suliarinnittartup inummik bipolarimik nappaatilimmik, inummik tusilartumik imaluunniit inummik paasinnittaatsimigut ajornartorsiutilimmik naapitsinermini sunik maluginiagaaqartassanersoq.

Tamanna tunngavigalugu iliuusissatut pilersaarutit tamatigut inunnut innarluutilinnut naleqquttuuneq ajornerannut Tilioq assut ernumassuteqarpoq, tamatumunngalu inuit ataasiakkaat immikkut pisariaqartitaannut naleqqussaanissap qulakkeernissaanut kommunit suliaticigut naammattumik pisinnaasaqarneq ajornerat pissutaavoq. Inuillu innarluutillit pisortanit ikiorsiissutinik tiguisartut innarluuteqarnertik paasisaqarfiginiarlugu ikiorserneqarnissamik qinnuteqarnissamut tunngatillugu immikkut unammilligassaqartarnerat ernumanermik sakkortusitsiinnarpoq.

Tiliup aningaasaqarnikkut pineqaatissiisarnissamut periarfissat inunnut ataasiakkaanut nalilersuereernikkut pisarmata akuerisinnaavaa., kisiannili pineqaatissiisinnanermut periarfissat immikkut inunnut innarluutilinnut tunngatinneqarsinnaanerannut Tilioq ernumassuteqarpoq, tassami nassuiarneqareersutut iliuusissatut pilersaarutit inunnut innarluutilinnut immikkut pisariaqartitalinnut naleqqussarsimanissaata qulakkeernissaanut suliaticigut pisariaqartinneqartunik piginnaasaqarnissaq amigaataammat. Taamaammat Tilioq-mit siunnersuutigineqarpoq § 23 naapetorlugu tunngaviummik akigititap annikillisinneratigut aningaasaqarnikkut pineqaatissiisinnanernut periarfissaq atorunnaarsinneqassasoq.

Akissut: Ilanngunneqanngilaq.

Iliuusissatut pilersaarutit anguniagassanik piviusorsiortunik immikkullu inunnut ataasiakkaanut isumaqatigiissutaasunik imaqartarnissaat aallaavigineqarpoq. Taamaammat innuttaasut ataasiakkaat atugarisaannut tigussaasunut immikkullu ittunut isiginninniartoqartassaaq. Tamanna aamma innuttaasoq innarluutilik pisortanit ikiorsiissutinik annertussusilerikkannik qinnuteqarnissamik pisariaqartitsisimatillugu pisinnaassaaq.

Ilitsersuummik suliaqartoqarumaarpoq, tassanilu immikkut atugarisat sukumiinerusumik nassuiaaffigineqassapput, pineqaatissiinissamullu periarfissat qanoq atorneqarsinnaatiginerat nassuiaaffigalugu.

Tilioq innarluutillit suliffissarsiortarnermi ingerlariaqqinnissaannut ikiuisarnissaq eqqarsaatigalugu innuttaasunut tamakkiisumik isiginnilluni ikiuisarnissamut aammalu suliaasaqarfiit assigiinngitsut aqutigalugit suleqatigiinnernut qitiutitsisoqarmat ajunngitsumik isumaqarpoq. Tilorli suliaasaqarfiit assigiinngitsut aqutigalugit suleqatigiinnerit aammalu tamanut isiginnilluni suliniuteqartarnerit pivisunngortissallugit ajornarsinnaasarnerannik misilittagaqarpoq. Taamaammat inatsit atortussanngortinneqarpat inatsimmiittunik ilinniartitsisarnissap pisariaqartinneqartup qulakkeernissaa Tiliumit kaammattuutigineqarpoq. Tiliumit pisortanit ikiorsiissutit pillugit inatsimmut tunngatillugu nunap iluani pisortani oqartussaqaarfik sorleq kommuninut ingerlaavartumik ilitsersuisarnissamik pisussaaffeqarnerisq ersarissarneqassasoq aamma kaammattuutigineqarpoq.

Akissut: Tusaatissatut tiguneqarpoq.

Inatsisartut Inatsisaata atortussanngortinnissaanut atatillugu Kalaallit Nunaat tamakkerlugu ilinniartitsisoqarnissaanut siunnersuummi aningaasanik immikkoortitsisoqarpoq.

Kommunit ilitsersuiffiginissaannut Isumaginninnermut Suliffeqarnermullu Naalackersuisoqarfik akisussaasuusaaq.

§ 4 naapertorlugu pilersuinissamut pisussaaffeqarfik

§ 4 naapertorlugu imminut pilersornissamut pisussaaffiliineq atorunnaassasoq Tilioq innersuussuteqarpoq. Inuit innarluutillit innarluutilinnut isumaqatigiissut naapertorlugu inuunikkut toqqissisimanissamik pisinnaatitaaffeqarput (innarluutilinnut isumaqatigiissummi artikel 28). Inuunikkut toqqissisimanissami inuk naammattumik inuussuteqarnissap pigiinnarnissaanut nammineerluni isumaginnissinnaanngippat isumaginninnikkut ikiorsiissutinik pisinnaatitaaffeqarnissaq pineqarpoq. Tamatuma saniatigut innarluutilinnut isumaqatigiissummi artikel 19 naapertorlugu nammineq inuuneqarnissamik inuit pisinnaatitaaffeqarput, tassani ilaatigut nammineq aningaasaqarnerminnut oqartussaassuseqarlutik. § 4-mi pilersuinissamut pisussaaffeqarneq inuunikkut toqqissisimanissamut aammalu nammineerluni inuuneqarnissamut pisinnaatitaaffimmut akerliuvoq, tassami inuk innarluutilik pisortanit ikiorsiissutinik pisinnaatitaasoq aapparissamut suliffilimmut pinngitsuuisinnaajunnaartitaasussaavoq, tassani apparissap isertitai pissutigalugit pisortanit ikiorsiissutit annikillisinneqartussaammata.

Inuit innarluutillit inunnut innarluuteqanngitsunut sanilliullugit annersaasarnernut atonerluisarnernullu eqqugaanissamut qaninnerulersussaapput. Taamatut ilumoortoqarnera

pilersuisussaatitaanermut ilaatinneqalerpat Tiliuimit immikkut ernumanartutut isigineqarpoq, tassami inuit innarluutillit pilersuisussaatitaaneq pissutigalugu aningaasaqarnikkullu pinngitsuuisinnaaneq pissutigalugu aappariinnermi annersaasarfiusumiiginnarsinnaammata.

Akissut: Ilanngunneqanngilaq.

Inuk kinaagaluartoq imminut pilersorsinnaanngitsoq pisortanit ikiorserneqartussaavoq. Pisortat akuliutinnginneranni inuit ataasiakkaat namminneq periarfissaminnik atueqqaarsimasariaqarput. Tamanna sulinikkut imaluunniit pigisanik nalilinnik atuinikkut pisinnaavoq. Imaassinnaavorlu allat aamma pilersuinissamut pisussaaffeqartut.

Imminut pilersuisussaaqatigiinneq Inatsisartut inatsisaanni tunngaveqarluni pilersinneqarpoq, aappariinnermilu inatsisitigut sunniutaasussat pillugit inatsimmi § 2-mi ilaqutariinnut inatsisini tunngavigineqartunik aallaaveqarlutik. Ataatsimut isigissagaanni inooqatigeeriaatsit pioreersut assigiinngitsut akornanni naligiilernissaq pilersinniarneqarpoq, matumani apeqqutaanani aappariinneq, aappariittut nalunaarsorsimaneq imaluunniit aappariittut assingusumik inooqatigiinneq pineqarnerisut.

Inooqatigisap massakkut aningaasarsiarisai pissutigalugit ikiorsiissutinut annertussusileriikkanut akuerineqartunut tunngatillugu tunngaviusumik aningaasat iluarsiiiffigineqartarnerat taamatut isikkoqartillugit pigiinnarneqassapput.

Suliat suliarisarnernut piffissaliussat

§ 42-mi pisortanit ikiorsiissutit suliarineqartarnerannut piffissaliussamik pilersitsisoqassasoq Tiliuimit siunnersuutigineqassaaq, taamaaliornikkut pisortanit ikiorsiissutinut qinnuteqarnermiit innuttaasumut suliap aalajangiiffiginissaata tungaanut piffissaq qanoq sivistutisigoq atorneqassanersoq innuttaasunut kommuninullu takujuminarnerussammat. Tamanna aamma pisariaqartitsineq malillugu ikiorsiissutinut aamma ikiorsiissutinut annertussusileriikkanut tunngatillugu aalajangersaaffigisariaqarpoq.

Akissut: Ilanngunneqanngilaq.

Pisortanit ikiorsiissutit annertussusileriikkat pillugit saaffiginninnermiit innuttaasup siullermik oqaloqatigineqarnissaanut ullunik 14-inik piffissaliisoqarpoq. Pisortanit ikiorsiissutit annertussusileriikkat pillugit qinnuteqaat ullormiit saaffiginniffiusumiit atuutilertarpoq.

Pisariaqartitsineq malillugu ikiorsiissutit pillugit qinnuteqarnermi piaartumik aalajangiisoqartariaqarpoq, tassami qinnuteqartup atugarisai tigussaasut amerlanertigut sukkasuumik imaluunniit piaartumik aalajangiiffigineqarnissaat pisariaqartinneqartussaammat.

6. Kalaallit Nunaanni Pinerluuteqarsimasunut Isumaginnittoqarfik

Isumaginninnermut Suliffeqarnermullu Naalakkersusoqarfiup Naalakkersuisunut suleriaaseq pillugu Namminersorlutik Oqartussat Nalunaarutaanni § 8, imm. 1 naapertorlugu Pisortanit ikiorsiissutit pillugit Inatsisartut Inatsisaat tamanut tusarniutigalugu nassiussimavaa.

Kalaallit Nunaanni Pinerluuteqarsimasunut Isumaginnittoqarfik ukuninnga oqaaseqaateqarniarpoq:

- ▶ Kalaallit Nunaanni Pinerluuteqarsimasunut Isumaginnittoqarfik inatsisissatut siunnersuummut ataatsimut akerliliissutissaqanngilaq. eqqartuussallu pineqaatissinneqartunut inissiisarfimmiittut ingerlatsivinnut attuumassutilinnut piareersimasussaataitanerat inatsimmi piareersimasussaataitanermik piumasarineqartunut attuumassuteqartarnissaat akueralugu.
- ▶ Taamaakkaluartoq Kalaallit Nunaanni Pinerluuteqarsimasunut Isumaginnittoqarfimmiit maluginiarneqarpoq sullitat nakkutigisassat misiligummillu iperagaasut pineqaatissinneqarsimasunut isertitsiviup avataaniittut Kriminalforsorneq i Frihedstilsynimut atassuteqartut ikiorsiissutinut pineqartunut massakkut qinnuteqarsinnaasut akooiaannaammata.

Akissut: Ilanngunneqarpoq.

Inuit eqqartuussaautik inissinneqartut ilaasa pisortanit ikiorsiissutinut annertussusileriikkanut qinnuteqarnissamut pisinnaatitaanissaannut periarfissamik ilanngussisoqarpoq.

Pinerluttulerinermik inatsit malillugu pineqaatissiisarneq naapertorlugu inunnut pinerluuteqarsimasunut isumaginnittoqarfiup imaluunniit inunnik isumaginnittoqarfiup ataanni paaqqinnittarfimmi imaluunniit ulloq unnuarlu neqeroorummi najugalinnut ikiorsiissutinik tunniussisarnissaq siunnersuummi § 9, imm. 3-mi periarfissaanngilaq. Taamaakkaluartoq assersuutigalugu iperagaanissaq qaammammik sioqqullugu ilaatigut ikiorsiissutinut annertussusileriikkanut qinnuteqartoqarsinnaanera akornutissanngilaq, taamaaliornikkut iperagaanerup aallartinnerani ikiorsiissutit tunniunneqarsinnaassamata.

Kalaallit Nunaanni Pinerluuteqarsimasunut Isumaginnittoqarfik taamatut pisoqarsimatillugu iliuusissatut pilersaarut tulluuttoq pillugu kommunimi sulianik suliarinnittartumik suleqateqarsinnaanermik aallartitsisinnaavoq, matumani sullitap nakkutigisassap inatsisissatut siunnersuummut matumunnga ilaanissaa pisariaqarsimappat.

- ▶ Eqqartuussat misiligummik iperagaasussat imaluunniit siusinaartumik misiligummik iperagaasussat iperagaanissap ullua qaammammik sioqqullugu pisortanit ikiorsiissutinut qinnuteqarsinnaanerisa ammaanissaa immikkut tulluuartuussasoq Kalaallit Nunaanni Pinerluuteqarsimasunut Isumaginnittoqarfiup ilanngullugu maluginiarpaq, taamaaliornikkut

sulianik suliarinnittarneq isumagineqarsinnaassammata parnaarusaanermi piffissaq kingulleq atortillugu, taamaalillunilu ikiorsiissutit iperagaanermi atortussanngortinneqarsinnaassammata. Taamaalinerani inuussutissanik amigaateqarneq tunngavigalugu pinerloqqinnginnissaq siunertaralugu innuttaasoq iperagaanerup kinguninngua qularnaaneqarsimassaaq. Tamanna aamma Kalaallit Nunaanni Pinerluuteqarsimasunut Isumaginnittoqarfiup kommunillu akornanni iliuusissatut pilersaarutit suliarinissaannut tunngatillugu tulluurtumik nuunnissap qulakkeernissaanut iluaqutaasinnaavoq. Taamaasilluni innuttaasup sulisinnaassusiata qanoq nassuiaaffigineqarsinnaanera imaluunniit iperagaanerup kinguninngua suliffimmik misiliinissaq ingerlaannaq aallartissinnaanera iliuusissatut pilersaarummut ilaatilersinnaanerat aamma periarfissaalissaaq. (§ 9 imm. 3 takuuk)

Akissut: Ilanngunneqarpoq.

Innuttaasoq allanik periarfissaqarsimatinnagu iperagaanissamut pilersumut atatillugu pisortanit ikiorsiissutinut annertussusileriikkanut qinnuteqarsinnaaneranut periarfissaq ilanngunneqarpoq.

- ▶ Kalaallit Nunaanni Pinerluuteqarsimasunut Isumagittoqarfiup § 43, imm. 2 aamma 3 akulerunnerujussuartut isumaqarfigaa, tassanilu inunnut paasissutissat pillugit inatsimmi malittarisassat aammalu nipangiussisussaatitaanermut tunngatillugu malittarisassat tunngavissami tassani eqqortinneqarnersut ernumassutigisinnaallugu. Kalaallit Nunaanni Pinerluuteqarsimasunut Isumaginnittoqarfiup sullinneqartut aammalu eqqartuussat suliatigut sullinneqartarnannut tunngatillugu suliassaqarfiit assigiinngitsut aqutigalugit suliniutinut akuersiffigisarnissaat piumaneruaa. Taamaakkaluartoq Kalaallit Nunaanni Pinerluuteqarsimasunut Isumaginnittoqarfik pisortani oqartussaasut qanoq ilillutik ikiorsiissutinut tunniunneqartunut nakkuginninnissaminnut kissaateqarnerannut isummerusunngilaq.

Akissut: Ilanngunneqanngilaq.

Siunnersuummi matumani sulianik suliarinnittarnermut suliassaqarfiit assigiinngisut aqutigalugit suliniuteqarnerit aallaaviussapput, kisiannili siunnersuummi piumasarineqartut suliarinissaat periarfissaasimanngippat aalajangersagaq atorneqassaaq. Inunnut paasissutissat suliarineqartarnerannut piunasaqaatit aalajangersakkami naammassineqarput aammalu isumaginninnikkut suliani sulianik suliarinnittarnerit tamarmik nipangiussisussaatitaanermut ilaallutik.

7. Kommune Kujalleq

Kommune Kujalleq Pisortanit ikiorsiissutit pillugit Inatsisartut inatsisissaattut siunnersuutip nutaartaanik tigusaqarsimavoq. Paatsoortoqaqqunagu inatsisisatut siunnersuutip allaaneqartup

nutaartaanut tusarniaanissamut akissuteqarnissaq siullermik ullormi 12-01-2021-mi nassiunneqarsimammat tikkuarneqassaaq.

1). Nalinginnaasumik oqaaseqaatit:

Pisortanit ikiorsiissutit pillugit inatsisissatut siunnersuut maannakkut saqqummiunneqarmat Kommune Kujalliuq iluaraa, pingaartumik ukiuni kingullerni maannakkut inatsimmi atuuttumi suliaasaqarfiit ilaanni itilisiisoqarnissaa/erseqqissaasoqarnissaa pisariaqartinneqartutut paasinarsisimammat, tassalu suliaasaqarfinnut allanut nutarterisoqarnissaa aammalu suliaasaqarfinnut allanut aamma allannguisoqarnissaa pisariaqartinneqarmat.

1.2). Kommunittaaq pitsaasutut isigivaa pisortanit ikiorsiissutit pillugit inatsisip aamma suliffissarsiorneq pillugu inatsisip akornanni ersarinnerusumik ataqatigiissaarisqaaleramat, soorluttaaq suliaasaqarfinnut attuumassutilinnut amerlanerusunik inatsisiliortoqarnissaa naatsorsuutigineqarsinnaasoq. Tamanna tunngavigalugu inatsisip marluusut allaffissornikkut kommunimi sulianut ingerlatsivimmiit ataatsimit aqunneqarnissaat iluaqutaasussatut isigineqarpoq.

1.3). Tassunga peqatigitillugu qinnuteqartup meeraasa mikinerusut pilersornissaannut akigititamik tapermilluunniit inatsisissatut siunnersuutip imaqaannginnera kommunimit tikkuarneqarpoq, tamannalu ilaqutariit arlalinnik meerartallit aningaasaqarnermikkut eqqorteriaannaat akornanni meeqqat akornanni atugarliornerup siammaannerunissaanik kinguneqarsinnaavoq.

Akissut: Ilanngunneqanngilaq.

Meeqqanut tapeqartitsisarnermut periarfissaqarneq isumaginninnikkut ikiorsiissutit pillugit inatsisip allani ilisimaneqartoq siunnersuummut ilanngunneqanngilaq. Oqaaseqaatini nalinginnaasuni immikkoortumut 7.3-mut innersuussisoqarpoq, tassanilu Meeqqanut tapiissutit pillugit Inatsisartut inatsisaata allanngortinnissaanut paarlattanik sulisoqarnissa nassuiarneqarpoq.

Massakkut aaqqissuussinermi tiguneqartartunut sanilliullugu ilaqutariinnut aningaasarsiakinnerusunut meeqqanut tapiissutit aningaasartaqarnerusut ikiorsiissutigineqartalernissaat allannginerup kingunerissavaa. Tassalu isumaginninnikkut ikiorsiissutinut atatillugu immikkut pineqartunut meeqqanut tapiissuteqartarnermi ulloq manna tikillugu periusaasimasoq Meeqqanut tapiissuteqartarneq pillugu Inatsisartut Inatsisaannut nuunneqassaaq.

Inoqutigiit ataatsimut aningaasarsiarisaat tunngavigalugit meeqqanut tapiissutinik tiguisartut assigiimmik pineqartarnissaat siunertaavoq.

1.4). Inatsisissatut siunnersuutip ilusilersorneqarnera ersarinnerusinnaallunilu takujuminarnerusinnaasoq kommunip ilanngullugu tikkuarniarpa, taamaasilluni inatsit ajornannginnerusumik sulianik suliarinnittartunut siunissamilu kommunini IT-qarnermut atortussanut atorineqalersinnaassammat.

1.5). Kommuni inatsisissatut siunnersuummi piginnaatitsisarnermut aalajangersakkanik arlalinnik maluginiagaqarsimavoq, kommuniniillu naatsorsuutigineqarpoq nalunaarutit attuumassutillit tamarmik inatsisip atortuulersinnginnerani piareerlutik suliarineqarsimassasut, taamaasilluni iluarsiiisutissaajunnartut kiisalu sulisunik ilinniartitsinissat nalilersuiffiginissaannut piffissaqarluartoqassammat.

Akissut: Tusaatissatut tiguneqarpoq.

Siunnersuummi aalajagersakkani tunngaveqarluni nalunaarut siunnersuutip akuersissutiginerata kinguninngua suliarineqarumaarpoq, ilinniartitsinissanullu pilersaarutaasunut ilanngunneqarumaarluni.

1.6). IT-qarnermut atortup nutaap piaartumik aallartinneqarnissaanut sulinermi inatsisissatut siunnersuutip atortussanngortinnissaanut tamanna pingaaruteqartorujussuussasoq, atortullu piffissaagallartillugu pilersinnissaa misilittarnissaalu kiisalu suliffissarsiornermut ikiorsiissutit pillugit qinnuteqaatit suliarisarnissaannut IT-qarnermut atortumut assingusumut assigiissarnissaa kommunimit aamma isumaqarfigineqarpoq.

Akissut: Ilangunneqanngilaq.

IT-qarnermut atortup ineriartortinneranut sulineq aallartereerpoq aammalu pisortanit ikiorsiissutit pillugit inatsisissatut siunnersuummut aamma suliffissarsiornermut ikiorsiissutit pillugit inatsisassatut siunnersuummut tunngatillugu sulianik suliarinnittarnerup isumaginissaa siunertaralugu suliarineqarumaarluni.

2). Siunnersuummi aalajangersakkanut ataasiakkaanut oqaaseqaatit

2.1). § 3 pillugu. Aalaangersakkap matuma erseqqissaaffiginissaa pisariaqartinneqarpoq, pingaartumik aappariittut inuunermut assingusumut tunngatillugu. Nassuiaatini atuarneqarsinnaavoq: "Inooqatigiinnerup siviussusissaanut piumasaqartoqanngilaq, taamaallaat pisortanit ikiorsiissutinik tiguisarnerup nalaani inooqatigiinneq atuunnerani. "Inooqatip" utoqqalinermi pensionisiat pillugit inatsimmi nassuiarnera uani takuuk: "Inatsisartut inatsisaanni matumani aapparisaq naatsorsuunneqartoq tassaavoq utoqqalinersiallip katissimallugu aapparisaq, nalunaarsukkamik aapparisaq, imaluunniit katissimanermut assingusumik sivikinnerpaamik ukiumi ataatsimi aapparisimasaa." Kalaallit Nunaanni isumagininnikkut inatsisit assigiinngitsut taaguusersuummut "inooqatigisamut" assigiinngitsunik nassuiaffigineqartassappata inatsisini ataasiakkaani nassuiaat tullinnguuttooq isummerfigisariaqarunarpoq: "Inatsisartut Inatsisaat manna naapertorlugu".

Nassuiaatini aamma takuneqarsinnaavoq: "Taamaakkaluartoq inooqatigisaq inunnik nalunaarsuiffimmi inummik pisortanit ikiorsiissutinut qinnuteqartumik najugaqateqartutut nalunaarsimanersoq pingaaruteqanngilaq. Inuit katissimanermit assingusumik inooqatigiinnersut tassani pingaarnerpaavoq." Tassunga atatillugu najoqqutassat Isumaginninnermut, Ilaqutariinnut Inatsisinullu Naalackersuisoqarfimmiit siusinnerusukkut nassiunneqartut 11-02-2019-imeersut kiisalu suliassaqarfimmut Isumaginninnermi Naammagittaalliuuteqartarfiup periusaa innersuussitigineqassapput, tamatumalu kingorna pisortanit ikiorsiissutit naatsorsuiffigineranni imminut pilersoqatigiinnissaq taamaallaat aappariinnut inunnullu inooqatigiittut nalunaarsorneqartunut, kisiannili inooqatigiinnguunngitsoq, isiginiarneqartassalluni. Oqaatsit issuaqqissaarlugit: "(. " (...)
katissimannngitsut, apparititut assingusumik inooqatigiittut minnerpaamillu ukiumi ataatsimi inuit allattorsimaffiat najoqqutaralugu najugaqarfeqatigiittut, imminnut pilersornissartik pisussaaffiginngilaat".

2.2). § 4 pillugu. Pilersuisussaataaernermit tunngatillugu § 3-mut oqaaseqaatigineqartut innersuussutigineqassapput.

Akissut: Ilangunneqanngilaq.

Inuk kinaagaluartoq imminut pilersorsinnaanngitsoq pisortanit ikiorserneqartussaavoq. Pisortat akuliutinnginneranni inuit ataasiakkaat namminneq periarfissaminnik atueqqaarsimasariaqarput. Tamanna pisinnaavoq sulinikkut imaluunniit pigisanik nalilinnik atuinnikkut. Kisianni aamma allat pilersuisussaataaernerat matumani pineqarsinnaavoq.

Imminut pilersuisussaataaneq Inatsisartut inatsisaanni tunngaveqarluni pilersinneqarpoq aammalu aappariinnerup inatsisitigut sunniutaat pillugit inatsimmi § 2-mi ilaqutariinnut inatsiseqartitsinikkut tunngaviusunik aallaaveqarlutik. Ataatsimut isigissagaanni paarlattuanik inooqatigeriaatsit pioreersut assigiinngitsut akornanni naligiinnissap pilersinnissaa anguniarnreqarpoq, apeqqutaanani apparineq, nalunaarsukkanik aappariinneq imaluunnit aappariittut assingusumik inooqatigiinneq pineqarnersut. Inooqatigisap massakut aningaasarsarisai tunngavigalugit ikiorsiissutinut annertussusileriikkanut akuerineqartunut tunngatillugu tunngaviusumik aningaasat iluarsiiiffigisarnerat atuutiinnassaaq.

Isumaginninnermut, Ilaqutariinnut Inatsisillu Atuutsinnerannut Naalackersuisoqarfik Pisortanit ikiorsiissutit pillugit Inatsisartut Peqqussutaat aamma Isumaginninnermi Naammagittaalliuuteqartarfiup suliassaqarfimmut suleriaasia malillugit malittarisassat qanoq paasineqarnissaannut najoqqutassat 11. februar 2019-imeersut nassiussimavai.

Siunnersuut malittarisassanut atuuttunut tunngatillugu allannguinermik imaqarpoq, taamaasilluni inooqatigiinnerit aappariinnermut assingusut ukiumi ataatsimi inooqatigiinnissamik piunasaqarfijunnaarsimallutik.

2.4.) § 6 pillugu: § 6-imi taaguusersuut "naalagaaffimmi innuttaassuseqanngitsoq" § 36-imi "taaguusersuummut" nunani allani inuiattut innuttaassusillit" naapertuussimappat taaguutit assigiit atornissaat immaqa isummerfigineqarsinnaavoq, pisariaqarpat inuit aamma § 5-imi piunasaqaatinik naammassinninngitsut tassanngaannartumik ikiorsiissutinut pisinnaatitaaffeqalersillugit, soorlu angerlamut angalanissamut ikiorsiissutit.

Akissut: Ilaannakortumik ilanngunneqarpoq.

Taaguusersuutit assigiissarneqarput.

§ 30-mut innersuussuteqarneq kukkuneruvoq. § 31-mut innersuussuteqartariaqarpoq.

Akissut: Ilangunneqarpoq.

Innersuussuteqarneq iluarsineqassaaq.

Qinnuteqartoq taassumaluunniit inooqataa"-mut taarsiullugu immaqa una allassimasariaqaralarpoq "qinnuteqartoq taassumaluunniit inooqataa pisinnaanngippata"? Nunat sorliit isumaqatigiissutinut ilaanersut ilitsersuummi erseqqissaaffigineqartuuppata iluaqutaassagaluarpoq.

Akissut: Ilangunneqanngilaq.

Aalajangersakkap imarisai ersarissumik takuneqarsinnaapput. Allatut oqaasertaliinissaq pisariaqartinneqanngilaq.

Nunat sorliit isumaqatigiissutinut ilaanersut nassuiaaffiginerannik ilitsersuut imaqassaaq.

2.5.). § 7, imm. 1 pillugu: Inatsimmi aalajangersakkap taassuma § 36-imi oqaaseqatigiinnut attuumassuteqalernissaa siunnersuutigineqassaaq - immikkoortumi 2.4-mi oqaaseqatigineqartut takukkit. Unioqqutitsinani najugarnermi takornariat nunanit allaneersut imaluunniit inuit nunanit allaneersut aallariarsinnaanngitsut immaqa aamma ilanngunneqarsinnaapput?

Akissut: Ilangunneqarpoq.

Aalajangersakkami oqaasertaliunneqartut assigiissarneqarput.

Unioqqutitsinnginnermi takornariat nunanit allaneersut aamma ilanngunneqarput.

Unioqqutitsilluni najugaqarnerit amerlanertigut anisitsinermik kinguneqartarput (naalagaaffiup akisussaafigisassaa?)

Akissut: Tusaatissatut tiguneqarpoq.

Unioqqutitsilluni najugaqartoqarsimappat suliaq politiinut tunniunneqassaaq. Tamanna ilitsersuutinnortussami takuneqarsinnaajumaarpoq.

Sulisitsisut aallaaviatigut tikisitat nunanit allaneersut najugaqartut angerlamut angalanissaannut/nassiunnissaannut akisussaasuusariaqaralarput, soorlu mittarfiliortiternernut imaluunniit aatsitassarsiorfinnik sanaartornermut ingerlatsinermullu aammalu aatsitassarsiorput suliasaqarfimmi suliniutissanut ilaasunut tunngatillugu isumaqatigiissutinut atatillugu.

Akissut: Ilanngunneqanngilaq.

Sulisartunut nunanit allaneersunut angerlamut angalanissat pillugit piunnaasaqaatit nalinginnaasumik atorfinitsitaanermut ilaatinneqartarput. Taamaakkaluartoq immikkorluinnaq pisoqarsimatillugu sulisartoq nunanit allaneersoq angerlamut angalanissaminut periarfissaarussinnaavoq. Assersuutigalugu sulisitsisumut isumaqatigiinngittoqarsimatillugu, sulisitsisup akiliisinnaajunnaaneranut atatillugu nunamilu namminermi killilersuutinut atatillugu soraarsitisisoqarsimatillugu.

2.6). § 7, imm. 2 pillugu: Takuneqarneqarsinnaasutut nunani allani inuiattut innuttaassusillit Isumaginninnikkut Isumannaarinninneq pillugu Nunat Avannarliit Isumaqatigiissutaanni (NKSS) aama Isumaginninnikkut Ikiorisarneq Sullissisarnerlu pillugit Nunat Avannarliit Isumaqatigiissutaanni (NKSBT) ilaasut angerlartitaanissaminut illersugaapput. Akerlianik nunani avannarlerni nunami allami aalajangersimasumik najukkaminut angerlamut angalanissaminut pisinnaatitaaffeqarnerisut paasiuminaalaarpoq. Qanoq nunani allani inuiattut innuttaassusillit NKSS-imut aamma NKSBT-mut ilaasut nunani allani inuiattut innuttaassusilinnut nunanit allanneersunut sanilliullugit suliasaqarfimmut tassunga tunngatillugu annerusumik pisinnaatitaaffeqartigenerat paasiuminaatsutut aamma isumaqarfiginarpoq.

Akissut: Tusaatissatut tiguneqarpoq.

Nunani allani inuiattut innuttaassusillit nunani avannarluni isumaqatigiissutaasunut ilaasut sumiiffissaaruttoqarsimatillugu angerlartinneqarnissaminut illersugaapput, angerlamullu angalanissamut tunngatillugu allat assigalugit assinganik pisinnaatitaaffeqarlutik. Nalornissutinik pilersoaqqunagu isumaqatigiissutit aalajangersakkami taaneqarput.

2.7). § 8 pillugu. Sulisinnaassuseqarnermut malittarisassat taamaallaat ikiorsiissutitut annertussusileriiikkanut tunngassuteqassappata § 8-mi aalajangersakkap immikkoortumut "Ikiorsiissutit annertussusileriikkat"-mut inissinnissaa siunnersuutigineqassaaq." Piumasaqaammi pisortanit ikiorsiissutit assigiinngitsut arlallit pineqarsimappata taaguusersuut "ikiorsiissutit annertussusileriikkat" taakkununga nassuiaanikkut taarsertariaqaraluarput.

Akissut: Ilanngunneqarpoq.

Aalajangersagaq nuunneqarpoq, taamaasilluni ikiorsiissutitut annertussusileriiikkanut ilaatinneqalerluni.

2.8). § 10 pillugu. Oqaasertaliunneqartoq "qinnuteqartoq taassumaluunniit inooqataa pisinnaanngippat" erseqqinnerusumik paasinarsititsilerumaartoq ilimagineqarpoq.

Akissut: Ilanngunneqanngilaq.

Aalajangersakkap imarisai ersarissumik takuneqarsinnaapput. Allatut oqaasertaliinissaq pisariaqartinneqanngilaq.

2.9). § 12 pillugu. Kapitalimi tassani oqaaseq "suliartoqquneqarsinnaaneq" atorneqarpoq, § 12-imili inatsimmut aalajangersagaq taaguusersuummut tassunga tunngatillugu immikkoortillugu allassimagunarpoq. Nunalerisut oqaaseqatigiinni "namminersortutut inuussutissarsiummik ingerlatallit"-mut ilaanissaat naatsorsuutigineqarpoq.

Akissut: Ilanngunneqanngilaq.

Namminersorut tamarmik piumasaqaatinik naammassinnittut ikiorsiissutitut annertussusileriiikkanik pisinnaatitaassapput, taakkunungalu nunalerisut ilaapput.

2.10). § 13 pillugu. Tiguisartup kommunalbestyrelsimut piareersimasussaatitaanermut pisussaaffiani 1.000 kr.-nirik isertitaqarsinnaaneq qanoq isumaqarnersoq iluamik paasineqarsinnaanngilaq. 1.000 kr.-nit angullugit isertitaqarsinnaaneq matumani pineqarpa? Inatsimmut aalajangersakkap taassuma qanoq ililluni atorneqarsinnaalernissaa paasiuminaappoq, soorlu suliaassarqimmuut pisortat IT-qarnermut atortuat ikiorsiullugu.

Akissut: Ilanngunneqanngilaq.

Ikiorsiissutitut annertussusileriiikkanik tiguisoqassappat tiguisartup kommunalbestyrelsimut piareersimasussaanera piumasaqaataavoq. Tiguisartup kommunalbestyrelsimut piareersimasussaatitaaneranut peqatigitillugu sulinikkut nalinginnaasumik isertitaqartoqarsinnaanngilaq. Suliffinnut attuumassuteqarnerit suugaluartut

siuarsaaffiginiarlugit minnerpaamik suliffeqarsinnaanerup isumaginissaanut kajuminnerulernissaq periarfissarlu tunniunneqarput, tamannalu aqputigalugu piareersimasussaataaernerup piumasaqaatit suli naammassillugit.

Nalunaartarnerit, naatsorsuisarnerit allatullu allaffissornikkut pissutsit pisortat IT-qarnermut atortuanni ataatsimoorussami iluarsiiqqineqarput.

2.11). "Kapiteli 5. Innersuussisarneq, iliuusissatut pilersaarutit, siunnersortit il.il." Kapitalimi qulequtsiunneqartoq allanngortinneqassasoq siunnersuutigineqarpoq, taamaasilluni paragraffini pineqartuni qulequttanut imaritinneqartunullu allanut naapertuuttunngussamat. Qulequtassatut siunnersuutigineqassaaq: "Kapiteli 5. Ilitsersuisarneq, innersuussisarnermut, iliuusissatut pilersaarutinut aammalu siunnersortimik tapersorteqarnermut suliassaqarfiit assigiinngitsut aqputigalugu suleqatigiit." Immikkoortut 2.12, 2.13 aamma 2.16 takukkit.

2.12). Immikkoortumi 2.11-mi oqaaseqaatigineqartut takukkit. § 14-imi inatsimmut aalajangersakkani innersuussisarnerit pineqarnatik ilitsersuisarneq pineqarpoq.

2.13). Immikkoortumi 2.11-mi oqaaseqaatigineqartut takukkit. § 15-imi inatsimmut aalajangersakkani innersuussisarnermut suliassaqarfiit assigiinngitsut aqputigalugit suleqatigiit pineqarput.

Akissut: Ilaannakortumik ilanngunneqarpoq.

Kapitali 5-imut qulequtaq aalajangersakkanullu ataasiakkaanut qulequttat ilaasut iluarsineqarput, taamaasillutik aalajangersakkami imaritinneqartunut tamakkiisumik takutitsisinnaanngortillugit.

2.14). **§ 15 pillugu.** Suliassaqarfiit assigiinngitsut aqputigalugit suleqatigiit pillugit paasissutissat sukumiinerusut amigaatigineqarput, soorlu suleqatigiit katitigaanerat, suliassaqarfii akissarsiaqartinnerallu. Suleqatigiisartut pioreersut nukittorsaaffiginissaat eqqarsaatigineqarsinnaanerluni?

Akissut: Tusaatissatut tiguneqarpoq.

Suliassaqarfiit assigiinngitsut aqputigalugit suleqatigiit pillugit malittarisassat sukumiinerusut nalunaarutinngortussani takuneqarsinnaassapput.

2.15). **§ 17 pillugu.** Aalajangersakkami takuneqarsinnaavoq: "Kommunalbestyrelsi ikiorsiissutinut annertussusilerikkanut qinnuteqartumik suleqateqassaaq, qinnuteqartullu pisarneq malillugu suliffimmik sapaatip akunneranut 20 tiimini qanoq isumagisaqartigisinnaaneranut tamakkiisumik nalilersuissalluni imaluunniit... "Qinneqartup qanoq pisinnaasaqartigineranut kommunalbestyrelsi qinnuteqartorlu assigiinngitsunik

isumaqarsimappata sunniutaasussat suussanersut paasiuminaappoq. Siusissukkut siusinaartumik pensinisiat akunnattut annikinnerpaalluunnii tunniunneqartut naapertorlugit peqqissutsimut uppersarsaat pissarsiarineqarsimasoq tunngavigalugu tamakkiisumik nalilersuineq qanoq pisassanersoq aamma eqqarsaatigineqarsimanngilaq, matumani qinnuteqartoq siunissami sulisinnaassutsiminik atuisinnaasutut ineriartortitsisinnaasutullu naliliiffigineqarsimappat. Siusinaartumik pensionisiat pillugit Inatsisartut inatsisaanni nr. 40, 9. december 2015-imeersumi § 9, imm. 2-mi aamma § 19-imi sulisinnaassuseq pillugu nalilersuinerup aalajangersakkamut attuumassuteqarsinnaanera eqqarsaatigisariaqarpoq, soorlu suliassa qarfinni assigiinngitsuni sulisinnaassutsip pisariaqanngitsumik arlalinnik nalilersuiffigisarnissaanut tunngatillugu.

Tamanna immikkoortoq 5-imi oqaaseqaatini nalinginnaasuni taaneqarpoq: "Iliuusissatut pilersaarut innuttaasut ataasiakkaat suleqatigalugit suliarineqassaaq, kommuninilu suliassa qarfiit assigiinngitsut aqutigalugit suleqatigiissitat iliuusissatut pilersaarutit tamakkiisumik isiginnittut ukkatarineqarnissaat isumagissavaat." Suleqatigiiffiusartut pioreersut qanoq ilillugit nukittorsarniarneqarpat. Siusinaartumik pensionisialinnut suliat kigaattarnerat innersuussutigineqarpoq. Piumassutsiminnik siunnersortit taaneqartut nassaariuminaassinnaanissaat ernumanartoqarpoq.

Akissut: Ilanngunneqanngilaq.

Innersuussisarnerup aallartinnerani ilumut innuttaasoq sulilernissaminut piareersimanersoq nalilersorneqartassaaq, tassalu innuttaasoq sapaatip akunneranut 20 tiimini sulisinnaanersoq naliliiffigalugu. Kikkut tamarmik sapaatip akunneranut 20 tiimini sulisinnaasasut, taamaalillutillu suliffissarsiornermut ikiorsiissutinut innersuunneqarsinnaanissaat aallaavigineqarpoq, matumani assersuutigalugu nakorsap allagarsiussaa aqutigalugu tamatumunnga akerliunngippat imaluunniit atornerluisoqarnera ilisimaneqarsimappat.

Innuttaasoq sulilernissamut piareeqqinngitsutut nalilerneqarsimappat tamanna naammagittaalliutigineqarsinnaavoq.

Siunnersuummi § 43-mi paasissutissanik pisortani oqartussaasunit piniartarnissaaq periarfissaavoq, soorlu paasissutissat siusinaartumik pensionisiat suliarineqarnerannut atatillugu tunniunneqarsimasut. Innuttaasoq siusinaartumik pensionisianut itigartinneqarsimappat innuttaasup 75 %-i qaangerlugu sulisinnaassuseqarnera pillugu naliliiffigineqartussaammat taaneqassaaq, taamaammallu aallaavimmigut suliffissarsiornermut ikiorsiissutinut innersuunneqartussaalluni. Innuttaasoq siusinaartumik pensionisianut akuerineqarsimappat tassunga peqatigitillugu pisortanit ikiorsiissutinut annertussusileriikkanut qinnuteqartoqarsinnaanngilaq.

Suliassa qarfiit assigiinngitsut aqutigalugit suleqatigiinnut tunngatillugu malittarisassat sukumiinerusut nalunaarutinngortussami takuneqarsinnaajumaarput.

Immikkoortoq 6.2-mi oqaaseqaatini nalinginnaasuni taaneqarpoq: "Innuttaasup neqeroorummik naammaginatutimik tigusinissaa pisortanit ikiorsiissutinik tigusaqarsinnaanermut piumasqaataalissaaq." Neqeroorummut naammaginatutimut suna nassuiaataava?

Akissut: Tusaatissatut tiguneqarpoq.

Naammaginatutimik neqeroornermi innuttaasup inuttut atugarisai apeqqutaassapput. Neqeroorut innuttaasumut naammaginatoq allanut naammaginarsinnaassannqilaq. Suut naammaginatutimut naatsorsuutigiginissaanni inunnut ataasiakkaanut iliuusissatut pilersaarutit apeqqutaassapput. Ilitersuutinngortussaq naammaginatutimik neqeroorutinut ataatsimut najoqqutassanik arlalinnik imaqassaaq.

2.16). Immikkoortumi 2.11-mi oqaaseqaatigineqartut takukkit. **Inatsimmi § 19-mut aalajangersakkamut qulequtsiunneqartoq tassaavoq "Siunnersortimit tapersorsorneqarneq.**

Akissut: Ilanngunneqanngilaq.

Qulequtaq aalajangiusimaneqarpoq.

2.17). § **19 pillugu.** Kommuni inatsisip atuutilernissaa sioqqutingaatsiarlugu siunnersortimit tapersorsorneqartarneq pillugu inatsisunik/malittarisassanik malinnittoqarnissaanik qinnuiginnippoq, tamatumunnga aamma ilumut kommuni piumasutsimik siunnersortinut pinerluuteqarsimanermut uppersaatinik piniartarnissaa pillugu malittarisassaqaassanersoq. Nassuiaatini nalinginnaasuni taaguusersuut "allaffissornikkut siunnersorti" atorneqarpoq ("allaffissornikkut siunnersortit siunnersortinut attaveqassapput"), tassanilu siunnersortit assigiinngitsunut agguarneqassanersut pilersaarusiortigineqarsimanersoq iluamik erseqqissaaffigineqanngilaq.

Aamma Kalaallit Nunaanni kajumissutsimik siunnersorteqarneq sunniuteqarluartumik aaqqissuussinerusinnaanersoq nalornissutigineqarsinnaavoq, pingaartumik Nuup avataani. Innuttaasut ikippallaarujussuarnerannut tunngatillugu inuuniarnermi aningaasaqarnikkut ajornartorsiutit amerlassutsimikkut annertuallaartutut nalilerneqarput, soorlu piumasutsimik sulinissamut inuit sullissisussat naammattumik piffissallit aningaasaqartullu amerlassusaat. Illoqarfinni mikinerusuni nunaqarfinnilu inuit sullissisussat tamaluinnangajammik suliassanik allanik ulapputeqartarnerat atorneqartorujussuovoq, soorluttaarlu assersuutigalugu ilaqutariinnik paarsisartunik, illersuisunik nakkutilliisunillu pissarsiniartarneq ajornartorujussuusoq. Soorlu takuneqarsinnaasoq Danmarkimi siunnersortinik tapersorsorteqartarnerit tamarmiunngitsut piumasutsimik tunngaveqarneq ajorput.

Siunnersortit akissarsiaqartinneqannginnerat sulisussarsiortarnermut aamma ajornarnerulersitsisussaamat ilumoortuuvoq.

Akissut: Tusaatissatut tiguneqarpoq.

Nalunaarut piumassutsimik siunnersortinut sukumiinerusunik malittarisassartalik suliarineqarumaarpoq.

Piumassutsimik siunnersorteqarnermut aaqqissuussineq neqeroorutaavoq. Piumassutsimik siunnersortinut isumaqatigiissusiortoqarsinnaasimatinnagu neqeroorut ikiorsiissutinik annertussusilerikkaniq tiguisartumut tunniunneqarsinnaanngilaq.

2.18). § 20 pillugu. Taaguusersuut "sulilernissamut piareeqqaneq" inatsisissatut siunnersuummik allatut nassuiffigineqaaqqinngilaq, taamaallaallu paragraffimi tassaniinnaq allassimalluni aammalu sapaatip akunneranut ikinnerpaamik 20 tiimini pisarneq malillugu suliffimmik suliffeqarsinnaanermut atatillugu allassimagunaruni. Sapaatip akunneranut 20 tiiminut minnerpaaffilerlugu killiliineq siusinnerusukku § 8-mi taaneqarpoq, tassanilu taaguusersuummut "sulisinnaassuseqarnermut" attuumassuteqartinneqarluni, tamannalu aamma inatsimmi allassimasuni arlalinni atorneqarpoq. Qanoq taaguusersuutip "sulilernissamut piareeqqaneq" pisariaqartitsiginera paasiuminaappoq, kisiannili tamanna pisariaqartinneqartutut isigineqarpat sukumiinerusumik nassuiaaffigisariaqarpoq.

Akissut: Ilanngunneqarpoq.

Sulilernissamut piareeqqaneq sapaatip akunneranut ikinnerpaamik 20 tiimini sulisinnaassuseqarnissamut tunngassuteqarpoq. Tamanna sukumiinnerusumik nassuiaaffigineqarumaarpoq.

2.19). § 20, imm. 2 pillugu. Uani danskisoortani Obs. fejl "skal udarbejde"; der bør stå "skal udarbejde" kukkusooqarsimavoq.

2.20). Kapitali 6 pillugu. Qinnuteqartup meeraasa mikinerusut najugaqatigisai pilersornissai pillugit akigititamik/tapermik siunnersuut imaqaanngilaq. Tamanna ilaqutariit meerarpassuallit aningaasaqarnikkut eqqorteriaannaasut akornanni meeqqani piitsuunerup siammaannerulernissaanik kinguneqarsinnaavoq.

Nassuiaatini nalinginnaasuni immikkoortoq 6.3/6.4-mi imatut allassimasooqarpoq: "Akiligassat akilernerqarnissaat qulakkeerniarlugu, kommunit arlallit pisortanit ikiorsiissutinik tiguisartuutimik amerlanerpaartaannut aningaasartuutinut aalajangersimasunut ullumikkut akiliussisarput." Pisortanit ikiorsiissutit aaqqissuusseqqiffiginerisigut, tassani akigititanut aalajangersimasunut nuuttoqarluni, suleriaaseq taanna ajornarnerulissaq.

Inigisamini pisariaqartinneqartunut innuttaasooq nammineq akisussaalissaaq, tassalu akiligassanut nammineq akiliisassaaq, pisortaniillu ikiorsiissutit tunniunneqartut qaammammut aningaasartuutit matussusernissaannut naammattusarnissaat nammineq isumagissallugu. Innuttaasut namminneerlutik aningaasaqarnermikkut aqutsinissaannut, tamanna ilaannut ajornarsinnaasartooq, tamanna annertuumik piumasaqarfiuvoq. Pisortanit ikiorsiissut annertussusilerikkat katitigaapput, taamaalillutik nerisassanut, ineqarnermut akiliutinut ineqarnermut tapiissutit ilanngullugit, aningaasartuutinut aalajangersimasunut, innaallagissamut, imermut, kiassarnermut kiisalu atisanut atorneqartussaallutik. Taamaammat anisitsisarnerit amerlanerulernissaat kissaataasimangippat akiliisarnissamut aqqissuussinerit pisussaaffiliisut amerlanertigut pinngitsoorneqarsinnaassanngillat.

Akissut: Ilangunneqanngilaq.

Innuttaasut sapinngisamik imminut pilersornissaminnut akisussaasuusariaqartut Naalackersuisut isumaqarput, soorlu nammineq aningaasaqarnermik aqutsinissamik. Taamaaliornikkut imminut pilersorsinnaalernissamut alloriarnissaaq siulleeq periarfissaalissaaq. Taamaammat pisariaqartitsineq malillugu ikiorsiissutinut taarsiullugu ikiorsiissutinik annertussusilerikkat tunniussisarneq eqqunneqassaaq, tamannalu malittarisassat massakkut atorneqartut malillugit suliarineqassaaq.

Iliusissatut pilersaarummut ilaasumik aningaasarivik aqutigalugu akiliisitsisarnermut sullissiviup pilersinnissaa pillugu isumaqatigiisuteqartoqassasooq kaammattuutigineqassaaq, taamaasillutik ikiorsiissutinik annertussusilerikkat tigusisartut aningaasartuutiminnik akiliisarnissaminnut sapinngisamik ikiorluarneqarsinnaassammata.

Ikiorsiissutit annertussusilerikkat tigusissamut tunniuttarnissaat, nammineerlunilu ikiorsiissutinik aqutsinissaa, aallaaviuvoq. Pisuni innuttaasup nammineq aningaasaqarnermik aqutsinissaminnut nalilersuilluareernikkut periutsumik allamik atuisoqarsinnaanera siunnersuummi § 46-mi periarfissinneqarpoq.

2.21). § 24-mut qulequtaq "Tapeq" pillugu. Tapeq § 24-mi nassuiarneqartoq inatsimmi allassimasuni kisimiilluni tapiunngimmat, tapinullu assigiinngitsunut arlalinnut ilaammat, taakkunungalu ikiorsiissutinik annertussusilerikkat qinnuteqartoq pisinnaatitaaffeqarsinnaammat, tamanna sukumiinerusumik, soorlu "Sammissassanut tapeq" assigisaanilluunniit, erseqqissaaffiginarlugu, takujuminarsartariaqartut nalilerneqarpoq.

2.22). § 24, imm. 2, § 25 aamma § 26 pillugit. "Iliusissatut pilersaarutinut tapeqartitsineq" inatsissatut siunnersuutip nutaartaani kapitali 6-imi immikkoortumut tassunga qulequtaajunnaarsinneqarpoq. Aamma tamanna iliusissatut pilersaarutinut tapiunngilaq, kisiannilu iliusissatut pilersaarummi sammissassat ingerlannissaannut tapiulluni. Immikkoortoq 2.21-mi oqaaseqaatigineqartut aamma takukkit).

Akissut: Ilanngunneqarpoq.

Oqaaseqatigiinni "tapeq" "iliuusissatut pilersaarutit pillugit tapeq"-mut allanngortinneqarpoq.

2.23). § 26 pillugu. Najoqutassat Isumaginninnermut, Ilaquariinnut Inatsisinillu Atuutsitsinnermut Naalackersuisoqarfimmeersut kiisalu Isumaginninnermi Naammagittaalliuuteqartarfiup periaasianeersut pillugit immikkoortoq 2.1-imi oqaaseqaatigineqartut innersuussutigineqarput.

Akissut: Ilanngunneqanngilaq.

Inuk kinaagaluortoq imminut pilersorsinnaanngitsoq pisortanit ikiorserneqartussaavoq. Pisortat akuliutinnginneranni inuit ataasiakkaat namminneq periarfissaminnik atueqqaarsimasariaqarput. Tamanna pisinnaavoq sulinikkut imaluunniit pigisanik nalilinnik atuinnikkut. Kisianni aamma allat pilersuisussaatitaanerat matumani pineqarsinnaavoq.

Imminut pilersuisussaatitaaneq Inatsisartut inatsisaanni tunngaveqarluni pilersinneqarpoq aammalu aappariinnerup inatsisitigut sunniutaat pillugit inatsimmi § 2-mi ilaqutariinnut inatsiseqartitsinikkut tunngaviusunik aallaaveqarlutik. Ataatsimut isigissagaanni paarlattuanik inooqatigeriaatsit pioreersut assigiinngitsut akornanni naligiinnissap pilersinnissaa anguniarnreqarpoq, apeqqutaanani aappariineq, nalunaarsukkanik aappariinneq imaluunnit aappariittut assingusumik inooqatigiinneq pineqarnersut. Inooqatigisap massakkut aningaasarsiarisai tunngavigalugit ikiorsiissutinut annertussusileriikkanut akuerineqartunut tunngatillugu tunngaviusumik aningaasat iluarsiiiffigisarnerat atuutiinnassaaq.

Isumaginninnermut, Ilaqutariinnut Inatsisillu Atuutsinnerannut Naalackersuisoqarfik Pisortanit ikiorsiissutit pillugit Inatsisartut Peqqussutaat aamma Isumaginninnermi Naammagittaalliuuteqartarfiup suliassaqarfimmu suleriaasia malillugit malittarisassat qanoq paasineqarnissaannut najoqutassat 11. februar 2019-imeersut nassiussimavai.

Siunnersuut malittarisassanut atuuttunut tunngatillugu allannguineramik imaqarpoq, taamaasilluni inooqatigiinnerit aappariinnermut assingusut ukiumi ataatsimi inooqatigiinnissamik piumasaqarfijunnaarsimallutik.

2.24). § 28 pillugu. Qulequtaq "Namminerisamik inigisaq" paasiuminaappoq, tamatumanimi nammineq inigisami akilersuutinut ernianullu aningaasartuutinut tapit pineqarput. "Namminerisamik inigisamut tapeq" tamakkiisuunerussagaluarpoq. Taamatuttaaq taaguusersuummi "akilersuutit" "piginnittup aningaasartuutai" (inissiaq nammineq pigisaq) imaluunniit "inissiamut ikiorsiissutit" (piginneqatigiilluni inissiaq) pineqarnersut paasiuminaappoq. Taaguusersuut "pisortanit ikiorsiissutit annertussusileriikkat" inatsimmut

aalajangersakkami tassani taamaallaat atornerqarpoq, paasiuminaapporlu taaguusersuummiit "ikiorsiissutit annertussusileriikkat"-mit suna assigiinngissutaanersoq. § 28, imm. 1-imi oqaaseqatigiit kingulliit kingornagut naggat amigaataagunarpoq. Inatsimmut nalinginnaasumik oqaaseqaatit najoqqutaralugit pisortanit tunniuttakkanut aamma allaffissornikkut artukkiinerup annikillisinneqarnissaanut tunngatillugu kommunimi assigiissaarinerunissaq qulakkeerneqassaaq. Aalajangersagaq tamanna inatsisitigut piumasaqarfiunani akerlianut oqariartuutaassasoq nalilerneqarpoq. Tamanna kommunit aningaasartuutaasa amerlanerulernerannik kinguneqassanersoq ilisimaneqanngilaq. tassami ineqarnermut aningaasartuutit amerlanertigut qaffasisussusarput tamatigullu ineqarnermut tapiissutinik ilaneqarneq ajorlutik.

Akissut: Ilaannakortumik ilanngunneqarpoq.

Aalajangersakkatigut inunnut ikiorsiissutinik annertussusileriikkanik tiguisartunut nammineerlutillu ineqartunut, soorlu inissiami nammineq pigisami imaluunniit piginneqatigiilluni inissiami, tapiissuteqarnissaq periarfissinneqarpoq. Tapeq annerpaamik 2.500 kr.-niusinnaavoq, taamaallaallu akilersuutit tunniunneqartut ernianullu aningaasartuutit matussusernissaannut atornerqarsinnaallutik. Inissiamut taarsigassarsiat ikilisarnissaannut atornerqarsinnaanngillat.

Qanoq annertutigisumik tunniussisoqassanersoq kommunalbestyrelsip aalajangigassaraa. Piumasaqaatit kinaassusersiunngikkunik ajunngilaq, taamaasilluni inatsimmi naligiissitsisoqassammat.

2.25). Qulequtaq "Suliffissarsiornermut ikiorsiissutinit nuunnissaq". Immaqa erseqqinnerusumik qulequtarineqarsinnaassagaluarput: "Suliffissarsiornermut ikiorsiissutinit nuunnermut atatillugu tapeq" imaluunniit "Nuunnermi tapeq".

Akissut: Ilanngunneqanngilaq.

Qulequtaq taamatut isikkoqartillugu aalajangiusimaannarneqarpoq.

2.26). § 30 pillugu. Aningaasat nutaat atunnginnerini iluarsiissutit tamakku piffissaagallartillugu tamanut saqqummiuttarnissaat kissaatiginaraluarpoq. Isumaginninnikkut ikiorsiissutit akigititanut kaajallaasitap saqqummersinneranut atatillugu ukiumoortumik 1. januar iluarsiiiffiqineqartarmata erseqqqissarneqassaaq - 1. septembarimi pinnani.

Akissut: Ilanngunneqarpoq.

Iluarsiisarnerit ullormi 1. januar pisartussanngorlugit aammalu inunnik isumaginninnerup iluani akigititanik tunniussisarneq pillugu naalakkersuisut kaajallaasitaanni tamanut saqqummiunneqartartunngorlugit aalangersagaq allanngortinneqarpoq.

2.27). § 31 pillugu. Tassanngaannartumik ataasiarluni ikiorsiissutitut qinnuteqartussat amerlassasut ilimagisariaqarpoq, pingaartumik matumani piffissami sivisunerusumi ikiorsiissutinik taamaattunik tiguisarnissamik periarfissaqarmat, tassalu iliuusissatut pilersaaruteqarnani qaammatit 3-t tikillugit immaqalu iliuusissatut pilersaarummik suliaqartoqarsimappat sivisunerusinnaalluni. Ataasiartumik ikiorsiissutit qaammatit 3-t sinnerlugit tuniunneqartut tassanngaannartumik ataasiarluni ikiorsiissutitut taaneqarsinnaanerat eqqartorneqarsinnaavoq. Suliassaqarfimmut malittarisassat sukumiinerusut assut kissaatiginaraluarput.

Akissut: Tusaatissatut tiguneqarpoq.

Tassanngaannartumik ataasiarluni ikiorsiissutitut atuuffik ilitersuutinnortussami sukumiinerusumik nassuiarneqarumaarpoq.

2.28). § 31, imm. 1 pillugu. Oqaaseqatigiit "qinnuteqartoq taassumalu inooqataa pisinnaangippata" ersarinnerusumik paasinniffiulerumaartoq ilimagineqarpoq.

Akissut: Ilanngunneqanngilaq.

Aalajangersakkap imarisai ersarissumik takuneqarsinnaapput. Allatut oqaasertaliinissaq pisariaqartinneqanngilaq.

2.29). § 31, imm. 2 pillugu. Allaffissornikkut pisariaqanngitsumik aningaasartuuteqartarnissat pinngitsoortinniarlugit nalilersuilluareernikkut pilersornissamut akigititaq aalajangersimasoq atorneqarsinnaassagalarpoq.

Akissut: Ilanngunneqanngilaq.

Ikiorsiissutinik qanoq annertutigisunik tunniussisoqassanersoq nalilersuilluarnersaaq.

2.30). § 32, imm. 1 pillugu. Ataasisartumik aningaasartuutit matussusernissaannut ikiorsiissutitut amerlasuut qinnuteqassasut ilimagisariaqarpoq, pingaartumik Inatsisartut Inatsisaanni nutaami inatsimmut atuuttumut tunngatillugu ikiorsiissutinik tigusinissamut piumasagaatit sakkukinnerulissappata (Pisortanit ikiorsiissutit pillugit Inatsisartut Peqqussutaanni nr. 15m 20. november 2006-imeersumi § 20, imm. 1.).

Akissut: Ilanngunneqarpoq.

Pisariaqartitsineq malillugu ikiorsiissutinik tunniussisoqassappat tassanngaannartumik siumullu oqaatigineqarsinnaanngitsumik pisoqarsimanera pillugu aalajangersakkamik ilanngussisoqassaaq. Tamanna malittarisassanik pioreersunik ingerlatitseqqinneruvoq.

2.31). § 32, imm. 2 pillugu. Inatsimmi aalajangersagaq tamanna tunngavigalugu Meeqqat tapersorsorneqarnissaannut Inatsisartut inatsisaanni nr 20, 26. juni 2017-imeersumi § 21, imm. 4, nr. 4 naapertorlugu tapiissuteqartarnernut iliuusissanut assingutillugu atorneqarnissaa sunniueqarumaartorlu ilimagisariaqarpoq. Taamaammallu kinguaattoorutit pinngitsoortinniarlugit akiliuteqartarnissamut aaqqissuussineq pisussaaffiulluni piunasaqaataasariaqarpoq.

Akissut: Ilanngunneqanngilaq.

Aalajangersakkap atorneqarnera Meeqqat tapersorsorneqarnissaannut Inatsisartut inatsisaanni nr. 20, 26. juni 2017-imeersumi § 21, imm. 4, nr. 4-mut assinguvoq. Akiliuteqartarnissamut aaqqissuussineq pillugu piunasaqartoqanngilaq, kisianni kommunalbestyrelsip assersuutigalugu akiliuteqartarnermut sullissivik pillugu isumaqatigiissusiornissaq siunertaralugu pisariaqartitsineq malillugu ikiorsiissutinik tiguisussamik oqaloqatigiinnernik aallartitsinissaa kaammattuutigineqarpoq. Taamaaliornikkut pisut assingusut siunissami pinngitsoortinneqarsinnaapput.

2.32). § 33 pillugu. Qanoq ilineratigut kommunimut allamut imaluunniit aamma Danmarkimut nuunissamut ikiorsiissutinut qinnuteqartoqarsinnaanersoq, qanoq ilineratigut kommunip qimanneqartup nuunnissamut ikiorsiissutit tunniutinnginnerini kommunimit nuuffiusumit akuersissummik piniartoqassanersoq kiisalu kommunip qimanneqartup Kalaallit Nunaanni kommunimit imaluunniit Danmarkimi kommunimit nuuffiusumit akuersissummik piniaqqaanngikkaluarluni ikiorsiissutinik kommunip qimanneqartup akuersissuteqarneranut sunniutaasinnaasut erseqqissaaffigineqassasut siunnersuutigineqassaaq.

Akissut: Ilanngunneqarpoq.

Kalaallit Nunaanni nuunnermut atatillugu nuunissamut ikiorsiissutit kisimik qinnutigineqarsinnaapput, Danmarkimiit Danmarkimullu nuunnerit pinnagit.

Siunnersuummi § 33 malillugu ikiorsiissutinik tunniussisoqassappat kommunip nuuffiusup akuersisimanissaa piunasaataavoq. Akuersinissamut aatsaat arlaatigut akerliusoqarsimmappat kommunip aallaaviatigut akuersinissaa ilimagisariaqarpoq.

2.33). § 34 pillugu. Toqusup pigisaanik suliaqartut sinnerlugit kikkut ikiorsiissutinik qinnuterqarsinnaatitaanersut aalajangersakkami ersittariaqarpoq.

Akissut: Ilanngunneqanngilaq.

Toqusup inaa sinnerlugu kikkut qinnuteqarsinnaanersut ilitersuummi takuneqarsinnaassaaq. Tassani inuk eqqartuussiviup qimagaasutut qaninnerpaatut isigisaa imaluunniit ilisinissamut akiliinissamik isumaginnikkusuttoq aallaaviussapput.

2.34). Qulequtaq: "Qanigisaasut napparsimaruloorneranni, toquneranni imaluunniit ilisaaneranni". Oqaatsini akunnermiliuttoq "imaluunniit" "toquneranni imaluunniit ilisaaneranni" ittoq "aamma"-mik taarserneqassasoq siunnersuutigineqarpoq, taamaasilluni ingasattumik paasinninnissaq pinngitsoortinneqassammat (qanigisaasumik toqusimanngitsumik ilisineq). Inatsisartut Peqqussutaanni atuuttumi oqaatsit uku atornerqarput: "napparsimaruloortoqartillugu aamma/imaluunniit ilisisoqartillugu".

Akissut: Ilanngunneqarpoq.

2.35). § 36. Immikkoortuni 2.4-mi aamma 2.5-imi oqaaseqaatit takukkit. Nunami namminerimi oqartussaangitsut aningaasartuutinik kingornussisarnissaat isummerfigineqarsinnaavoq.

Akissut: Ilanngunneqarpoq.

Pisortanit ikiorsiissutit kommunalbestyrelsimit aqutaapput, tassanilu kommunit aggornerisa avataanni innuttaasunit qinnuteqartoqarnerani pisut qaqutigoortut kisimik suliarineqarneq ajorput. Inunnut kommunit aggornerisa avataani najugalinnut pisortanit ikiorsiissutinut aningaasartuutit Nunatta Karsianit akilerneqartarmata siunnersuummi § 55-imi erseqqissaaffigalugu annertusineqarpoq.

2.36). § 36, imm. 2. Immikkoortumi 2.8)-mi oqaaseqaatigineqartut takukkit.

Akissut: Ilanngunneqanngilaq.

Aalajangersakkap imarisai ersarissumik takuneqarsinnaapput. Allatut oqaasertaliinissaq pisariaqartinneqanngilaq.

2.37). § 37, Imm. 1, nr. 6. Immikkoortoq 2.34-mi oqaaseqaatit takukkit.

2.38). 38, imm. 1, nr. 6. Immikkoortoq 2.34-mi oqaaseqaatit takukkit.

2.39). § 39, imm. 1, nr. 6. Immikkoortoq 2.34-mi oqaaseqaatit takukkit.

Akissut: Ilanngunneqarpoq.

2.40). § 39, imm. 1. Aalajangersakkamut nassuiaatini erseqqissarneqarpoq: "Qanigisat tassaapput meeqqamut napparsimasumut angajoqqaajusut meeqqallu napparsimasup

angajoqqaavata aapparisaat” Aalajangersagaq taamatut ilusilersorsimatillugu uagut isumarput malillugu nassuiaatigineqartumi inuit sisamat angullugit ilaasinnaassariaqarput (angajoqqaajusut aappaa taassumalu inooqataa aammalu angajoqqaq alla taassumalu inooqataa), tamannalu naammaginangitsutut isigineqarsinnaavoq.

Akissut: Ilanngunneqarpoq.

Angajoqqaat ulluinnarni meeqqamut isumassiuisut sapaatip akunneranut 20 tiimini sulisinnaanissamut piunasaqaatinik naammassinnikkaluarlutik aammalu kommunalbestyrelsimut suliartoqqaasusaanngikkaluarlutik meeqqap paaqqutarineqarnissaanut ukkataqarnissaannut periarfissaqarnissaat, taamaammallu ikiorsiissutinik annertussusilerikkaniq tigusinissamut periarfissaqarnissaat aalajangersakkami isumarineqarpoq.

Aalajangersakkap qaqutiguinnaq atorneqartarnissaa ilimagineqarpoq.

Aalajangersagaq nassuiaatillu naleqqussarneqarput, taamaasilluni tamarmik sisamaallutik aalajangersakkamik atuisinnaassanatik.

2.41). § 40, imm. 1. Suna pineqarnersoq paasisinnaanerujumallugu pisariaqartitsineq malillugu ikiorsiisoqarnerani aningaasat tigorianaanaat imaluunniit pigisat tuniniariaanaat isiginngitsuusaarneqarsinnaassanngimmata aalajangersakkami immiini takuneqarsinnaasariaqarpoq.

Akissut: Ilanngunneqanngilaq.

Pisariaqartitsineq malillugu ikiorsiissutit tigusisartoq taassumaluunniit inooqataa nammineerlutik aningaasaqarsimannngippata aatsaat tunniunneqarsinnaapput. Aningaasartuutit akilernissaannut nammineerlutik aningaasaateqarsimappata pisariaqartitsineq malillugu ikiorsiissutinik tunniussisoqarsinnaanngilaq.

2.42). § 42, imm. 1. § 7 aamma § 36 naapertorlugit qinnuteqaatit tassanngaannartumik ikiorsiissutit pineqanngikkaluarlutik aammalu inatsimmi immikkut allassimannngikkaluartoq kommunimut najugaqarfiusumut aamma tunniunneqarsinnaapput. Tamanna iluamik paasineqarpa?

Akissut: Ilanngunneqarpoq.

Aalajangersagaq iluarsineqarpoq, taamaasilluni angerlamut angalanissamut ikiorsiissutit pillugit sumut qinneqartoqassanersoq erseqqissarneqassammat.

2.43). § 43, imm. 2. Qanoq ilineratigut kommunip qinnuteqartup aningaasaqarnikkut atugarisaanut/feeriarnissamut atugarisaanut paasissutissanik pisortani oqartussaasut saniatigut peqataasunit allanit, soorlu sulisitsisunit namminersortunit, piumasaqarsinnaanera nassuiarneqassasoq kommunimit siunnersuutigineqarpoq. Taakkua aningaasaqarnikkut atugarisaannut/feeriarnissamu atugarisaannut paasissutissanik piniartoqassappat inoqutigiinniittut allat ilisimatinneqartassanersut nassuiaaffigineqassasoq kommunimit aamma kissaatigineqarpoq. Taamaalisooqassappat qinnuteqartoq eqqarsaatigalugu nipangiussisussaataaneq unioqqutinngikkaluarlugu tamatuma qanoq pisinnaaneranut assersuusiortoqassasoq kissaatigineqarpoq.

Akissut: Ilanngunneqanngilaq.

Aalalangersakkami oqaatigineqartumi pisortani oqartussaasut matumani pineqarnerat erseqqissumik taaneqarpoq. Tassalu namminersortunit paasissutissanik piniartoqarsinnaanngilaq, takuuk aalajangersagaq. Pisortanit ikiorsiissutit pillugit suliat nakkutigineqarnerannut atatillugu siunnersuummi § 43, imm. 3 naapertorlugu akissarsiat pillugit paasissutissanik sulisitsisuniit piniartoqarsinnaavoq.

Inunnut paasissutissanut Kalaallit Nunaannut Inatsimmi malittarisassani sulianik suliarinninnermi innutaasunut paasissutissat atorneqarsimappata innuttaasut ilisimatinneqartussaasut malittarisassani takuneqarsinnaavoq.

Pissutsit ilitersuutinngortussami sukumiinerusumik nassuiaaffigineqarumaarput.

2.45). § 54, imm. 2. § 2, imm. 1-imut innersuussisoqarnera kukkunerusimassaaq. § 42, imm. 1, oqaaseqatigiinnut nr. 3-mut innersuussisoqartariaqarpoq.

Akissut: Ilanngunneqarpoq.

2.46). § 55. Inunnut aalajangersimasumik najugalinnut imaluunniit kommunit aggornerisa avataanni najugalinnut pisortanit ikiorsiissutinut aningaasartuutit Naalakkersuisunit akilerneqartarnerput?

Akissut: Ilanngunneqarpoq.

Inunnut aalajangersimasumik najugalinnut imaluunniit kommunit aggornerisa avataanni najugalinnut pisortanit ikiorsiissutinut aningaasartuutit Naalakkersuisunit akilerneqartarput. Tamanna nassuiaatini erseqqissaaffigineqarpoq.

2.47). § 56. IT-qarnikkut atortut nutaat ulluinnarni suliassalerinermi paasissutissanik pilersunik tunngaveqarluni kisitsisitigut paasissutissiorsinnaanissaat kissaatigineqarpoq, ilaatigut tamatumuunakkut nunarput tamakkerlugu paasissutissat tunngavigisat assigiiat

pilersinneqassapput kiisalu Naalackersuisut pisariaqartitsinertik naapertorlugu paasissutissanik aallersinnaangussallutik.

Akissut: Tusaatissatut tiguneqarpoq.

IT-qarnikkut atortoq nutaaq sulianik suliarinnittarnerup pitsaanerulernissaa pisariinnerulernissaalu siunertaralugu suliarineqassaaq. Tassunga kisitsisitigut paasissutissanik piniarsinnaanermut periarfissaq aamma ilanngullugu.

2.48). § 57, imm. 3. Naak taamatut malittarisassaqaraluartoq angerlarsimaffimmi ikiorteqarneq pillugu inatsisinik nutaanik suliaqartoqarnissaa sakkortuumik inassutigisariaqarpoq.

Akissut: Tusaatissatut tiguneqarpoq.

Naalackersuisut siunissami isumaginninnikkut kiffartuussisarneq pillugu inatsisinik nutaanik saqqummiinissamik siunertaqarput, tassanilu ilaatigut angerlarsimaffimmi ikiorteqarneq pillugu nalunaarutinik nutaanik atortussanngortitsinissamut tunngavissaqassaaq.

2.49). § 59, imm. 3. Taaguummot "Iliuusissatut pilersaarummut tapeqartitsineq" (massakkut ataasersiutaagunartoq) tunngatillugu immikkoortoq 2.22) takoqquneqarpoq.

Akissut: Ilanngunneqarpoq.

Oqaaseqatigiinni "tapeq" "iliuusissatut pilersaarutit pillugit tapeq"-mut allanngortinneqarpoq.

8. MIO

Meeqqat illersuisuat ”Pisortanit ikiorsiissutit pillugit Inatsisartut Inatsisissaattut Siunnersuut” pillugu tusarniaanermik ullormi 27. august 2021 tigusaqarpoq.”

Meeqqat Illersuisuata tusarniaanermut oqaaseqaateqarnissamut taamatut periarfissinneqarnerminut qujavoq.

Meeqqat inuusuttullu tungaanniit isigalugu Meeqqat Pisinnaatitaaffii pillugit Naalagaaffiit Peqatigiit (NP) isumaqatigiissutaat tunngavigalugu Meeqqat Illersuisuat naliliivoq, pingaartumik Naalagaaffiit Peqatigiinni artikilinu 3, 26 aamma 27-mut tunngatillugu:

Artikel 3

Meeqqat pillugit sulissuteqarnerni tamani, taakku inunnik isumaginninnerup, eqqartuussiveqarnerup, pisortatut ingerlatsinerup imaluunniit inatsisiliornerup iluani pisortanit

namminersortunilluunniit ingerlassaaneri apequtaatinnagit, meeqqamut pitsaanerusussaq salliutinneqartassaaq.

Artikel 18

Naalagaaffiit peqataasut anguniassavaat meeqqap perorsarneqarneranut ineriartorneranullu angajoqqaat marluullutik akisussaaqatigiinnerat pillugu isummat tunngaviusut akuersarneqarnissaat. Angajoqqaat, imaluunniit taakku sinnerlugit perorsaasuusooq meeqqap perorsarnissaanut ineriartortinnissaanullu pingaarnerusumik akisussaassuseqarput. Meeqqamut pitsaanerpaasorisat salliutinneqartassapput. Meeqqap pisariaqartitaa taakkununga salliutinneqassaaq. 2. Piginnaatitaaffiit isumaqatigiissummi matumani pineqartut qularnaarneqarlutillu siuarsarneqarnissaat siunertaralugu naalagaaffiit peqataasut angajoqqaat taakkualu sinnerlugit perorsaasunut meeqqanik perorsaasuusutut pisussaaffimminnik naammassinninniarini naleqquttumik ikiuutissapput aammalu meeqqanut isumaginninnissaq siunertaralugu suliffeqarfiit, aqqissuussinerit sullissinerillu ineriartortinneqarnerat isumannaallisassavaat. 3. Naalagaaffiit peqataasut iliuusissatut maleruagassanik naleqquttunik tamanik aalajangiissapput tamatumuuna qularnaarniarlugu meeqqat suliffilinnik angajoqqaallit isumaginninnikkut iliuutsinik, piginnaatitaaffigisaminnik atorluaasinnaanissaat.

Artikel 26

Naalagaaffiit peqataasut meeqqat kikkuugaluartut isumaginninnikkut pitsaasumik isumannaariffiginissaannik iluaqusernissaat akuerissavaat, soorlu isumaginninnikkut ilisimatusarnermut tunngatillugu, tassanilu nunami namminermi inatsiseqartitsinerit naapertorlugit pisinnaatitaaffiup taassuma anguniarnissaanut killeqanngitsumik anguniarnissaanut iliuusissat pisariaqartinneqartut tigussallugit.

1. Meeqqamut inunnullu meeqqap aningaasaqartinnissaannut akisussaasunut aningaasat pigineqareersut pisullu eqqarsaatigalugit aamma qaqugukkulluunniit pisoq alla ikiorserneqarnissamut qinnuteqaammut meeqqamit taannalunniit sinnerlugu tunniunneqartumut pingaaruteqarsinnaasooq eqqarsaatigalugu tulluarfiatigut ikiorsiissutit tunniuttariaqarput.

Artikel 27

1. Meeqqat kikkuugaluartut inuulluarnissamut pisinnaatitaaffiitut meeqqap timikkut, tarnikkut, anersaakkut, ileqqutigut inuunikkullu ineriartornissaanut piumsarineqartunut naalagaaffiit peqataasut akuersissapput.
2. Angajoqqaat allalluunniit meeqqamut akisussaassuseqartut piginnaasatik malillugit aammalu aningaasatigut atugassaqartitaanertik tunngavigalugu pingaarnertut akisussaaffigaat inuuniarnikkut atugassarititat meeqqap peroriartornerani pinngitsoorneqarsinnaanngitsut isumannaallisarneqarnissaat.
3. Naalagaaffiit peqataasut nunami namminermi pissutsit naapertorlugit aammalu pisinnaasamik aningaasaqarnikkullu periarfissaasut iluanni pisinnaatitaaffiup taassuma ingerlannissaanut iliuusissanut naleqquttunut angajoqqaanut allanullu meeqqamut akisussaasunut

ikiutissapput, taamaammallu pisariaqartitsisoqarsimappat atortutigut ikiorsiissapput programinillu tapersersuiffiusussanik suliaqassallutik, pingaartumik nerisaqarnissaq, atisaqarnissaq inissaqarnissarlu eqqarsaatigalugit.

Oqaaseqaatit nalinginnaasut

Meeqqat Illersuisuat ataatsimut isigalugu pisortanit ikiorsiissutit pillugit aaqjissuusseqqinnermi suliffissat amerlinissaat qitiutinneqarmat aammalu isumaginninnermut, suliffeqarnermut, ilinniartitaanermut peqqinnissaqarfimmullu suliassaqarfinni suliniutinut allanut naammangitsumik sunniutaasartunut suliaqartoqarnialermat qiimmallappoq. Taamatuttaaq inunnut ilaqtariinnullu pissakillutik inuulernissamat ulorianartorsiortunut nukittorsaasoqarniarpoq. Inuusuttunuttaaq meeqqat atuarfiata kingorna ingerlariaqqissimanngitsunut qitiutitsinerulersoqalermat aamma nuannaarutissaavoq. Meeqqat Illersuisuisuattut aamma pingaaruteqarpoq ilaqtariinnut atugarliortunut tamakkiisumik ataqatigiissaarinermik ingerlatsisoqalenera. Matumani suliassaqarfiit assigiinngitsut aqutigalugit suliniutinut qitiutitsisoqarmat pitsaalluinnarpoq, tassami tamanna illoqarfinni nunaqarfinnilu assigiinngitsuni assut pisariaqartinneqarpoq.

Naalackersuisooqatigiinnissamik Isumaqaatigiissummi oqaasertaliunneqartut innersuussutigalugit: ”*Meeqqanut inuusuttunullu tunngatillugu suliniuteqarnissaq annertoq pisariaqartinneqarmat naalackersuisooqaatigiit isumatigiissutigaat. Naalackersuisooqatigiit isumaqarput meeqqanik sullissinnermut atatillugu angajoqqaat ilannguttarnissaat pisariaqartinneqarpoq (...), taamaammallu Meeqqat Illersuisuat isumaqarpoq pisortanit ikiorsiissutit pillugit inatsimmi innuttaasut ilanngunneqartarnissaat pingaartissallugu tulluartaasooq.* Meeqqat Illersuisuata pingaartumik innuttaasorpasut - aamma immikkut ajornartorsiuteqanngitsut - suliatigut sularinninnermi oqartussanit ataqqineqannginnermik paasineqannginnermillu naapitsisartut taamatut misigisiqannginnissaat erseqqissaaffiginiarpaa. Ilaqtariinni taakkunani meeqqat ikiorneqarnissamik pisinnaatitaaffigisaminnik ikiorneqanngitsoornissaat tamatuma kingunerisinnaavaa.

Akissut: Tusaatissatut tiguneqarpoq.

Innuttaasut ataasiakkaat massakkut atugarisaannik aallaaveqartarnissaq siunnersuummi anguniarneqartut ilagaat. Tamanna pissaaq inunnut ataasiakkaanut iliiusissatut pilersaarutit piareersakkat aqutigalugit. Taamaammat innuttaasut ataasiakkaat tusaaniarneqartalerussasut ilimagineqarsinnaavoq.

Qupperneq 3, Oqaaseqaatit nalinginnaasut

Meeqqat sumiginnarneqartarnerannut Nuna tamakkerlugu Iliuusissatut Pilersaarummik kiisalu FN-ip Meeqqat pillugit Isumaqaatigiissutaata atortussanngortinnissaanut Nuna tamakkerlugu Iliuusissatut Pilersaarummik Inatsisartut akuersissuteqarsimapput. Tamakku aamma takuneqarsinnaasariaqarput.

Akissut: Ilanngunneqanngilaq.

Siunnersuummi inersimasunut meeqqanullu namminneerlutik pilersuinissamat pisussaaffeqartunut isumaginninnikkut tunniunneqartartut pineqarput. Inuit pisortanit ikiorsiissutinik tiguisartut akuttunngitsunik imaannaangitsunik ajornartorsiuteqarsinnaasarmata Naalackersuisut isumaqatigivaat. Taakkununngalu ilaatigut ilaqutariittut inuunermi ajornartorsiutit, ilaatigullugu meeqqanik sumiginnaasarnerit ilaapput. Innuttaasup ajornartorsiuteqarneranut sulianik suliarinnittarnerup tamakkiisumillu nalilersueqqissaartarnerup kingunerissavaa isumaginninnikkut inatsisit pisariaqarfiatigut atorneqartarnissaat.

Meeqqat sumiginnagaanissaannut ulorianartorsiortoqarsimappat imaluunniit ilimanartoqarsimappat Meeqqat tapersorsorneqarnissaat pillugu Inatsisartut Inatsisaat malillugu ikiorsiissutinik tunniussisoqartussaavoq.

Qupperneq 4, oqaaseqaatit nalinginnaasut

Meeqqat inuusuttullu tapersorsorneqarnissaannut inatsimi meeqqanut iliuusissatut pilersaarusiortarneq kommunini amerlanertigut amigaateqartarpoq imaluunniit kukkunersiorneqarneq ajorluni, pisariaqartitsinerillu allanngorsimagaangata sulianik suliarinnittarneq sulisut ilinniarsimasut taarseraannerat amigaataaneralluunniit pissutaallutik malinnaasinnaaneq ajorpoq. Ilaqutariinni inuuniarnikkut immikkut ajornartorfiusuni nalilersuinissaq annertoq pisariaqartinneqalertussaavoq, tassanilu suliat sulianik suliarinnittartunit isumaginninnikkut peqqinnissakkullu suliatigut tunuliaqutalinnit, minnerunngitsumillu sulisunit meeqqanut suliatigut ilisimasalinnit, nalilersortarnissaat pingaaruteqarpoq. Suliat sulisartunik ataqatigiissaarisinnaasunik amigaateqartoqarmat kiisalu katsorsaasarfiit tamanut isiginnittut amigaataammata suliat amerlanertigut imminnut atajunnaartarput.

Meeqqat inissinneqarsimasut § 42, imm. 2 naapertorlugu malitseqartitsinissamik periarfissaqarput. Misissuisimanagerit naapertorlugit meeqqat siusinnerusukkat inissinneqarsimasut inuuniarnikkut ajortunik atugassaqartarput. Taamaammallu meeqqat taakku Meeqqanut Isumaqatigiissuummi artikel 25 naapertorlugu immikkut illersorneqassapput. Taamaammat sullitanut taakkununnga immikkut qitiutitsisoqartariaqarpoq.

Akissut: Ilanngunneqanngilaq.

Siunnersuummi suliassaqarfiit assigiinngitsut aqutugalugit suleqatigiissitamik ikinnerpaamik ataatsiminit inuusuttunut 30-t ataallugit ukiulinnut qitiutisisussanik kommunalbestyrelsip pilersitsinissaa pillugu piumasaqaat ilanngunneqarpoq. Inuusuttut angerlarsimaffiup avataanut siusinnerusukkat inissinneqarsimasut aamma ilaatinneqassapput.

§ Qupperneq 5, oqaaseqaatit nalinginnaasut

Innuttaasut nukissaasa ukkatarinerannut tunngatillugu sumiiffiit ilaanni innuttaasut pisariaqartitaat aallaavigalugit suliniuteqarnissamik neqeroorsinnaanermut tunngatillugu unammineqartoqartaqimmat maluginiartariaqarpoq. Kalaallit Nunaanni meeqqat sumiginnagaanermik/kinguaassiuutitigut atornerlugaanermik misigisaqarsimasut akornanni PTSD-mik nappaatillit aammalu inersimasut meeraanermi sumiginnagaanikkut/kinguaassiuutitigut atornerlugaanikkut kingunerlutsisisut akornanni pisoqartarnera aamma isiginiartariaqarpoq.

Akissut: Tusaatissatut tiguneqarpoq.

Naalackersuisut Kalaallit Nunaat tamakkerlugu sapinngisamik amerlasuunik neqeroortoqartarnissaanik sulissuteqarput. Innuttaasoq sumiginnarneqarsimaneq il.il. pissutigalugit sapaatip akunneranut ikinnerpaamik 20 tiimini sulisinnaassuseqarsimassanngippat tamanna sapinngisamik inummut iliuusissatut pilersaarummut piareersaaffigalugu ilanngunneqassaaq.

Qupperneq 6, oqaaseqaatit nalinginnaasut

Meeqqat tapersorneqarnissaannut inatsimmi ilaqutariit inigisaminniit anisitaannginnissaat pinaveersaartitsiffiussaag aammalu Meeqqat pillugit Isumaqatigiisummi artikel 18-imi oqariartuutigineqarpoq angajoqqaat tamatuminnga pisariaqartitsisimappata tapersorneqarnissaat qulakkeerneqassasoq. Aaqqissuusseqqinnermi iliuusissatut pilersaarutit suliassaqarfinnut assigiinngitsunut iserfiusinnaasut sularineqassasut anguniarneqarpoq. Aaqqissuusseqqinnermi suliniummik ataqatigiisumik suliartoqartussaammat aaqqissuusseqqinneq ilaqutariinnut atugarliortunut assut iluaqutaasussaassaaq. Taamaakkaluartoq Oqartussaasoqarfiit assigiinngitsunik suliallit isumaginninnermi suliassat pillugit suleqatigiinnissaannut inatsisartut peqqussutaat nr. 14, 1. november 1982-meersoq pisoqalisimassasoq ernumanartoqarpoq. Taamaammat peqqussutip kukkunerisiorneqarnissnut MIO kaammattuiniarpoq, taamaasilluni tunngavigineqartut suliassaqarfiit assigiinngitsut aqutigalugit sulinerlut qulakkeerinissammata.

Inuusuttut pisortanit ikiorsiissutinik tiguisusalertussat iliuusissatut pilersaarummik suliaraqfigineqartalissammata Meeqqat Illersuisuannut nuannaarnarpoq, tassani sukkasuumik sulilernissamut piareeqqanissaat imaluunniit ilinnialernissaat sulilernissaalluunniit qitiutinneqassalluni. Inuusuttut taakkua oqartussanut tatiginninnerussimapput inuunikkullu ajortumik atugassarititanik misigisaqarsimallutik. Taamaammat meeqqat atuarfianniit aniniariartut iliuusissatut pilersaarutit immikkut piareersakkat aqutigalugit piaartumik isumagineqarnissaat pingaaruteqartorujussuuvoq.

Akissut: Tusaatissatut tiguneqarpoq.

Kajumissaarineq Meeqqanut, Inuusuttunut Ilaqutariinnullu Naalackersuisoqarfimmut ingerlateqqinneqarpoq, taannaavorlu Oqartussaasoqarfiit assigiinngitsunik suliallit isumagininnermi suliasat pillugit suleqatigiinnissaannut inatsisartut peqqussutaat nr. 14, 1. november 1982-meersumut oqartussaaffittut akisussaasoq.

Qupperneq 13, Oqaaseqaatit nalinginnaasut

Meeqqat sumiginnagaasut pillugit Nuna tamakkerlugu Iliuusissatut Pilersaarummut aammalu FN-ip Meeqqat pillugit Isumaqatigiissutaata atortussanngortinnissaanut tunngatillugu immikkoortortat assigiinngitsut aqutugalugit suleqatigiinnissap pilersinnissaanut Inatsisartut akuersissuteqarsimapput, tamannalu pisortanit ikiorsiissutit aqqissuusseqqiffiginerannut ilaasussaavoq pingaarutilik aammalu isumagininnermut, meeqqat atuarfiannut peqqinnissaqarfimmullu suliasaqarfinniit avissaartinneqarsinnaanani.

Taakku saniatigut Meeqqat Illersuisuat oqaaseqaatissaqanngilaq.

9. Qeqqata Kommunia

Qeqqata Kommunia ikiorsiissutit ilusaannut atatillugu suleqatigiinniarnermi ajornartorsiutinngortunik sumiissusersiuniarmat, ikiorsiissutinillu tiguisartuni suliffeqarnissamat kajuminnerulersitsiniarmat Naalackersuisut ataqqiniarpaat.

Taamaakkaluortoq ikiorsiissutinik tiguisartut amerlanerpaat ima timikkut, tarnikut imaluunniit inuuniarnikkut unammilligassaqaartigippat ilaannakuusumik suliffimmik isumagisaqarsinnaaneq ajornerat kommunimi milittagaalersimalluni. Massakkorpiaq kommunimi sulianik suliarinnittartut Allorfimmi atonerluisuunermut katsorsartinnissamik, ilaqutariinnut sullissivimmi siunnersorneqartarnissamik (ilaqutariit meerartallit kisimik eqqarsaataallutik) aammalu Pissarsarfimmut innersuussisarnissamik (innuttaasunut innarluutilinnut inatsisinut ilaasunuinnaq eqqarsaataasoq) neqeroortarnissamik periarfissaqarput. Kommuni ikiorsiissutinik tiguisartut amerlanertigut, amerlasuutigullu qaleriaattunik unammilligassaqaartarnerat piareersimaffiginarlugu neqeroorutitik amerlanernik pisariaqartitsivoq.

Taamaammat ikiorsiissutinik tiguisartut nammineq inuunikkut atugarisanik pitsanngorsaannissaminut kajumissuseqalernissaannut aqqissuusseqqinnermi anguniarneqartut kommunimi piviusunngortinnissaat siunertarlugu neqeroorutitik amerlanernik kommunip pilersitsinissaanut Naalackersuisut aningaasatigut tapersiinissaat pillugu Qeqqata Kommunia kaammattuiniarpoq.

Akissut: Tusaatissatut tiguneqarpoq.

Naalackersuisut neqeroorutit assigiinngitsut ineriartortinnissaannut kiisalu aningaasaqarnikkut aningaasartuutaaneruleriaannanut isummernissat alloriarfiunissaannut sulinertik nanginniarpaat.

Kommuni tamatuma saniatigut paragrafinut ataasiakkaanut imaattunik oqaaseqaateqarniarput:

§ 15 pillugu. Kommuni massakkorpiaq pisortani oqartussaasoqarfinnik assigiinngitsunik suliassa qarfiit assigiinngitsut aqputigalugit pitsaasumik suleqateqarpoq, soorlu Ilaqutariinnut Sullissivimmik, Majoriamik, Peqqinnissaqarfimmik allanillu, taamaammallu pitsaasumik suleqateqarnerup ingerlaannarnissaa qilanaaralugu, kisiannili suliassa qarfiit assigiinngitsut aqputigalugut suleqatigiinnik siunnersuummi ilanngussisoqarnissaa pisariaqanngitsutut isumaqarfigalugu.

Akissut: Ilanngunneqanngilaq.

Innuttasup ataatsimut atugarisai isiginiarneqartassasut pingaarnertut tunngaviuvoq. Taamaammatt innuttaasup ikiornissaanut anguniagaqanermi suliassa qarfiit assigiinngitsut aqputigalugit ilisimasanik atuisarnissaa pingaaruteqarpoq. Isumaginninnermi suliat suliarisarnissaannut suliassa qarfiit assigiinngitsut aqputigalugit suleqatigiinnik ingerlalluartunik kommunalbestyrelsi peqareersimappat Inatsisartut inatsisaanni pisussaaffiit naammassineqarsimassapput, matumani peqatigitillugu inuusuttut 30-t inorlugit ukiullit immikkut ukkatarineqarsimappata.

§ 17 pillugu: Massakkut inatsiserineqartuni iliuusissatut pilersaarutit sunik imaqaassanersut erseqqilluinnartumik allaaserineqarput, akerlianilli massakkut inatsisissatut siunnersuummi tassungalu nassuiaatigineqartuni iliuusissatut pilersaarutit sunik imaqarnissaannut allattuiffissamik soqarnani. Pisortanit ikiorsiissuti pillugit suliani tamani sulianik suliarinnittarneq assigiissoq ataqatigiissaagarlu qulakkeerniarlugu iliuusissatut pilersaarut sunik imaqaassanersoq pillugu malittarisassanik sukumiinerusunik suliaqaqqullugit Naalakkersuisut kommunimit kaammattorneqarput.

Akissut: Tusaatissatut tiguneqarpoq.

Iliuusissatut pilersaarutit imassaannut nalunaarut malittarisassanik sukumiinerusunik ilasaq suliarineqarumaarpoq.

§ 19 pillugu: Kommuni innuttaasut siusinaartumik pensionisianut suliassa qarfimiittut piginnaangorsaqqittarnissaannut tunngatillugu Majoriamik massakkut suleqateqarpoq, tassani innuttaasup suliffimmik misiliinissaa siunertaralugu innuttaasup suliffeqarfinnut attaveqartarnissaannut Majoriaq akisussaatinneqarluni.

Suliassa qarfinnut sorlernut pisortani oqartussat assigiinngitsut akisussa anersut takusinnaajuarmallugu suliassa qarfinni tamani suliassat agguataartarnerat atuinnaartariaqartoq kommuni isumaqarpoq. Taamaammatt kommuni isumaqarpoq piumassutsimik siunnersortimik ikiorsiissutinik tigusiartup isumaqatigiissusiornerani Majoriaq oqartussatut ikiuuttussatut eqqortuusooq, Majoriarmi taannaavoq najukkani suliffeqarfinnik attaveqareertartoq.

Akissut: Tusaatissatut tiguneqarpoq.

Piumassutsimik siunnersorteqarnermut aaqqissuussineq ikiorsiissutinut annertussusileriikkanut tunngassuteqarpoq. Taamaammatt siunnersuummi matumani malittarisassat iluarsiiiffigineqarput. Aaqqiissutissaq tulluarnerpaaq pillugu kommunalbestyrelsip Majoriamik suleqateqalernissaa akornutissaqanngilaq.

Ad §22: Nunatsinni akit ullutsinni taamaatsillugit tunngaviusumik akigititaq qaammammut 4.500 kr.-niusoq aningaasartuutit aalajangersimasut tamakkerlugit aningaasartuutillu allanngorartut qanoq akilerneqartassanersut kommunip takujuminaatsippaa. Qeqqata Kommunian tassunga atatillugu tunngaviusumik akigititap naatsorsornerani piumasaqaatit sorliit Naalakkersuisuat atorsimaneraat paasisaqarusuppoq.

Akissut: Ilanngunneqanngilaq.

Pisortanit ikiorsiissutinut VIVE aqutigalugu misissueqqissaarnerit 2018-imeersut tunngavigalugit ajornartuunngikkaluarluni inuuniarnissamut qanoq periarfissaqartigineranik naliliineq tunngavigalugu tunngaviusumik akigititaq aalajangersarneqarsimavoq. Peqatigitillugulu siunnersuut nammineerluni peqataasarnissamut kajumissuseqalernissamik imaqarpoq, tamannalu immikkut tapiissuteqarnissamik aallartitsisinnaavoq.

Tamanna siunnersuummut nalinginnaasumik nassuiaatini nassuiarneqarpoq.

§§24-26 pillugit: Ikiorsiissutinik tiguisartut inatsisinik aaqqissuusseqqinnerit kingornagut tapinut tunniunneqartartussanut qilanaarsinnaapput, matumani namminneerlutik sammisassanut iliussissatut pilersaarummi aalajangerneqartunut peqataappata ingerlatseqataappatalu. Taamaaliornikkut sulianik suliarinninnermi nammineerluni peqataasarnissamut kajumissuseqalersitsiarneq annertusarniarneqarmat, tassungalu peqatigitillugu suliffinnut attuumassuteqarnerulernissamut kajumissuseqalersitsiniartoqarmat kommunip sutigut tamatigut nuannaarutigivaa. Kommunilli ikiorsiissutinik tiguisartuq tapinik tunineqartarnissaa pillugu siunnersuut tapersersunngilaa, taannami pineqartoq nammineerluni taassumaluunniit inooqataa piffissami pineqartumi aningaasarsiaqarsimappata annikillisinneqartussaammatt. Tamanna ikiorsiissutit annertussusaanut assersuullugu allaffissornikkut sulinerulernissamik kinguneqartussaavoq.

Akissut: Ilanngunneqanngilaq.

Inuk kinaagaluartoq imminut pilersorsinnaanngitsoq pisortanit ikiorserneqartussaavoq. Pisortat akuliutinnginneranni inuit ataasiakkaat namminneq periarfissaminnik atueqqaarsimasariaqarput. Tamanna pisinnaavoq sulinikkut imaluunniit pigisanik nalilinnik atuinikkut. Imaassinnaavorlu allat aamma pilersuinissamut pisussaaffeqartut.

§ 53, imm. 3 pillugu: Kommunalbestyrelsip pisortanit ikiorsiissutit tunniunneranniit ukiup ataatsip qaangiunneratigut taamaallaat immikkorluinnaq pisoqarsimatillugu utertitsoqarnissaa pillugu piumasaqaat atorunnaarsinnissaanut aalajangiisinnaanera inatsimmi atuuttumi taaneqarpoq. Akerlianilli siunnersuummi matumani pisortanit ikiorsiissutit utertinnissaannut piumasaqaat tunniussaqaarnerup kingorna ukiut marluk qaangiunnerisigut ingerlaannaq atorunnaassasoq siunnersuutigineqarpoq.

Utertitsisoqarnissaanut piumasaqaat ukiut marluinnaat qaangiunnerisigut atorunnaartussaammat innuttaasut ilaasa pisortanit ikiorsiissutinik atornerluisinnaanerakommunimit annilaangtagineqarpoq. Taamaammat paragrafimi 48-mi atuuttumi imm. 3-p aalajangiusimaannarneqarnissaa kommunip Naalackersuisunut kaammattuutigissavaa, tassanilu utertitsisoqarnissaanut piumasaqaatip unitsinnissaanut kommunalbestyrelsi aatsaat immikkorluinnaq pisoqarsimatillugu aalajangiisinnaanera taaneqarpoq.

Akissut: Ilaanakortumik ilanngunneqarpoq.

Akiligassat kommunalbestyrelsip akileqqusimanngisai ukiut marluk qaangiunnerisigut pisoqalisarsimassasut ilanngunneqarpoq. Tamanna pisoqalisoornerit pillugit malittarisassanut atuuttunut tunngatillugu pisoqalisoornissamut killiliussanut nalinginnaasunut sakkortusaaneruvoq. Akiliisitsiniartarnerit iluatsissinnaanngitsutut nalilerneqarsimatillugit kiisalu akiliisitsiniartarnernut kommunalbestyrelsip nakkutiginninnissaata qulakkeernissaa eqqarsaatigalugu akiitsut pigiinnarneqartannginnissaat aalajangersakkami siunertaavoq.

Suliassaqarfimmut inatsisip nutaap atuutilinnginnerani ilitsersuiffiusumik pikkorissartitsisoqartassasoq Qeqqata Kommunianit Naalackersuisunut kaammattuutigineqassaaq, matumani inatsit aqqissuusseqqiffigineqartoq pillugu kommunini sulianik suliarinnittartuni ataatsimut paasinnittoqarnissaata qulakkeernissaa siunertaralugu.

Akissut: Tusaatissatut tiguneqarpoq.

Siunnersuummi malittarisassat nutaat pillugit Kalaallit Nunaat tamakkerlugu ilinniartitsinissat ingerlannissaannut aningaasanik immikkoortitsisoqarsimavoq.

Tusarniaanermut akissut allaffissornikkut suliarineqarpoq.

10. Avannaata Kommunia

Nalinginnaasumik oqaaseqaatit:

Inatsisissatut siunnersuutit marluusut: ilaatigut pisortanit ikiorsiissutinut tunngasut ilaatigullu suliffissarsiornermut ikiorsiissutinut tunngasut aqutugalugit inuit kikkut suliffissarsiornermut

ikiorsiissutinik pisinnaatitaaffeqarnersut, inuillu kikkut pisortanit ikiorsiissutinik pisinnaatitaaffeqarnersut aammalu piumasaqaatit sorliit atorreqassanersut massakkut erseqqinnerulermat Avannaata Kommuniata nuannaarutigivaa.

Avannaata Kommunia ikiorsiissutinut annertussusileriikkanut nuunnermi allaffissornikkut tunngaviliunneqartutut oqinnerulersitsisoqarnissaa pillugu Inatsisissatut Siunnersuummut nassuiaatinut, Oqaaseqaatinut nalinginnaasunut, nalornileqqavoq. Tamanna tunngavigalugu nalilerneqarpoq massakkut pisortanit ikiorsiissutinik tiguisartut ilarpassui pisortanit ikiorsiissutinik sivisunerusumik tiguisarsimasut assersuutigalugu ineqarnermut akiliutitut kiassarnermullu akiliutaagallartunut taamaattunik aningaasartuuteqartuarmata, taamaalineranilu aningaasat allanngorneqanngitsunut tigusinissaminnut pisinnaatitaaffeqartarmata.

Akissut: Ilanngunneqanngilaq.

Pisortanit ikiorsiissutit missingerlugu uuttortaaffiginerannut atatillugu malunnartumik allaffissornikkut sulisunik atuisoqartartoq nalilerneqarpoq. Tamanna pivoq ilaatigut Kalaallit Nunaanni pisortanit ikiorsiissutit VIVE-mit misissueqqissaartoqarsimanera tunngavigalugu.

Peqatigitillugu pisortanit ikiorsiissutinik tiguisartut ilarpassui suliffissarsiornermut ikiorsiissutinut nuunnissaat, taamaalillutillu pisortanit ikiorsiissutit aqunneqarneranni oqilisaataassasut, naatsorsuutigineqarpoq.

Oqaaseq "kommunalbestyrelsimut piareersimasussaatitaaneq" "attavigineqarsinnaanermut piareeqqasarneq"-mik assigisaanilluunniit taarserneqassasoq siunnersuutigineqarpoq.

Akissut: Ilanngunneqanngilaq.

Oqaaseq "piareersimasussaatitaaneq" isumaginnikkut ikiorsiissutit pillugit sulianik suliarinninnermi nalinginnaasumik atorreqartarpoq. Tamanna aamma ilaatigut attavigineqarsinnaanermut tunngatillugu piareersimanissamut tunngavoq.

Inatsimmut nassuiaatini oqaaseq "najugaqarfik" arlaleriarlugu atorreqarpoq. Tamanna "najukkamut" imaluunniit "illoqarfimmut"nunaqarfimmut" allanngortinneqassasoq siunnersuutigineqarpoq.

Akissut: Ilanngunneqarpoq.

Najugaqarfik najukkamik taarserneqarpoq.

Allannerlutat(naqinnerlutat/oqaatsitigut kukkunerit inatsisissatut siunnersuummiittut nassuiaatiniittullu suliap ingerlaqqinnginnerani iluarsineqassasut kommunimit naatsorsuutigineqarpoq.

Oqaaseqaatit ersarissut:

§ 1 pillugu: Oqaaseqaateqanngilaq.

§ 2 pillugu: Oqaaseqaateqanngilaq.

§ 3 pillugu: Aalajangersakkami matumani siunertarineqartup erseqqissarneqarnissaanik kommuni kissaateqarpoq, soorlu § 3-p aamma § 4-p akornanni assigiinngissutaasoq erseqqissinnerulersillugu aamma aalajangersakkami nr. 3 inooqatigisanut pilersuinissamut pisussaaffimmik kinguneqarnersoq (inooqatigiinnerup ulloq aallartiffia aallartiffigalugu) erseqqissumik takuneqarsinnaanngortillugu imaluunniit taamaaliornikkut inooqatigisat immikkut aningaasartuutit ataatsimoorussat assigiinngitsut, soorlu ineqarnermut akiliutit innaallagiarlu, affaannik akiliuteqartassanissaat siunertaanersoq. Tamatuma kapitali 7 malillugu aalajangiisarnernut siullertut sunniuteqarnissaa kommunimit eqqumaffigineqarpoq. Kommuni aamma isumaqarpoq qanoq ilineratigut matumani "aappariinnut assingusumik pissutsit" pineqartarnerannut nalilersuinissami § 3-mut nassuiaatit ikiorsiinissamut naammannersut." Misissuinerit nalilersuinerillu tamakku nukissanik piumasaqarfiungaatsiartarmata oqaatigineqassaaq. Tamanna assersuutigalugu pisinnaavoq "inooqatigisinnaasaq" illoqarfimmi tassani inuit allattorsimaffiannut aalajangersimasumik najugaqarnani allatsinnikuutillugu.

Akissut: Ilanngunneqarpoq.

Nassuiaatigineqartut aappariittut assingusumik pissutsit nassuiaaffigalugit ilaneqarput.

Pineqartut aningaasatigut tapersiinerit, angerlarsimaffimmi sulinerit imaluunniit allatut illup ingerlannissaanut ataatsimut tapersiinerit aqqutigalugit aappariittut assingusumik pissutsit pineqarsimassapput, matumanilu kalaallit inatsiseqartitsinerat malillugu inooqatigiinneq aappariittut imaluunniit inooqatigiittut nalunaarsorneqartutut pineqarsimappat.

"§ 4 pillugu: Oqaaseqaateqanngilaq.

§ 5 imm. 1, nr. 3 pillugu: Isumaqatigiissutinut matumani pineqartunut allattuiiffeqarnissaa kissaatiginissagaluarpoq."

Akissut: Tusaatissatut tiguneqarpoq.

Isumaqatigiissutiit attuumassutillit ilitersuutinngortussami takuneqarsinnaassapput.

§ 5, imm. 2 pillugu: oqaatsit "kalaallit inuiaqatigiit" kingorna "§ 22, imm. 2 naapertorlugu" ilannguttariaqarpoq.

Nalunaarut ilitersuulluunniit aqqutigalugit inuup kalaallinut inuiaqatigiinnut aalajangersimasumik atassuteqarnerata naliliiffiginissaanut ikiorsiisutinik suliaqartoqartarnissaa kissaatiginarpoq.

Akissut: Tusaatissatut tiguneqarpoq.

Kalaallinut inuiaqatigiinnut aalajangersimasumik atassuteqarneq ilitsersuutinnngortussami sukumiinerusumik nassuiarneqarumaarpoq.

§ 6, imm. 1 pillugu: § 30-mut innersuussineq § 31-mut innersuussininnngortillugu allannngortittariaqarpoq."

Akissut: Ilanngunneqarpoq.

§ 6, imm. 2 pillugu: Pisuni taamaattuni tassanngaannartumik ikiorsiissutinut aningaasartuutit Namminersorlutik Oqartussanit matussuserneqarput.

Akissut: Ilanngunneqanngilaq.

Pisortanit ikiorsiissutit tassungalu atatillugu aningaasartuutit aqunneqarnerat kommuninut tunniunneqarnikuvoq aammalu kommunit Namminersorlutillu Oqartussat akornanni aningaasaqarnermut isumaqatigiissummut ilaatinneqarluni.

§ 6-imut nassuiaatini oqaaseq "kommunini siulersuisut" "kommunalbestyrelsimut" allannngortittariaqarpoq.

Akissut: Ilanngunneqarpoq.

Oqaatsit "§ 40 pisariaqartitsineq malillugu ikiorsiissutinut atorneqarneq ajorpoq" inatsimmi toqqaannartumik aamma takuneqarsinnaasariaqarpoq, § 6-imi § 31-miluunniit.

Akissut: Ilanngunneqanngilaq.

Qinnuteqartup taassumaluunniit inooqataata aningaasartuutininut pineqartunut namminneerlutik akiliisinnissaminnut periarfissaqarsimannnginnissaat aalajangersakkap oqaasertaani takuneqarsinnaavoq. Tamanna ilaatigut pigisanik aningaasanik nalilinnik allanik tunisisariaqarnermik kinguneqarsinnaavoq.

§ 7, imm. 1 pillugu: Nunap assingatigut killeqartitsisoqarnersoq imaluunniit aalajangersagaq nunarsuaq tamakkerlugu atuunnersoq erseqqissumik takuneqarsinnaasariaqarpoq.

Akissut: Ilanngunneqanngilaq.

Aalajangersakkami tassungalu § 36-imi atasumi matumani nunani allani inuiattut innuttaassusillit pineqarmata takuneqarsinnaavoq. Taamaasilluni nunap assingatigut killeqartitsisoqanngilaq.

§ 7, imm. 2 pillugu: Inatsimmi oqaatsit "angerlamut angalanissap akilerneqarnera" atorneqarput. Nassuiaatini "nuunnissamut pisortanit ikiorsiissutit" erseqqissaatigineqarpoq. Oqaatsini taakkunani marlunni aningaasartuutinilu malunnartumik assigiinngisoqarmat aalajangersakkami oqaatsit allanngortittariaqarput, taamaalillutik inatsimmut naapertuutilissammata.

Akissut: Ilanngunneqarpoq.

Nunani allani inuiattut innuttaassusillit imminnut pilersorsinnaanatik imaluunniit angerlamut angalanissap akilernissaanut aningaasassaqaarnatik Kalaallit Nunaanniit aallarsinnaajunnaarsimatillugit angerlarnissamut ikiorserneqarsinnaanerit aalajangersakkatigut tunngavissinneqarpoq.

Aallaaviatigut angalanissamut ilaassutissaq kisimi matussuserneqartussaavoq. Taamaakkaluartoq immikkorluinnaq pisoqarsimatillugu angalanerup nalaani unnueratarsinnaanerit nerisaqarnissarlu akilertarnissaat pisariaqarsinnaavoq.

§ 8, imm. 1 pillugu: Aalajangersakkami "20 tiimit" erseqqissaatigineqarpoq, paarlattuanillu Suliffissarsiornermut ikiorsiissutit pillugit Inatsisartut Inatsisaannut Inatsisissatut Siunnersuummi § 1-imi "20 tiimit" erseqqissaatigineqarlutik. Inatsisit arlaanni taamatut assigiinngitsoqarneranut nassuiaatissaqarnerasoq takuneqarsinnaanngilaq. Taamaammat assigiinngissutaasoq nassuiarneqassasoq imaluunniit tiimit amerlassusaat inatsisini marlunni assigiilissasut siunnersuutigineqarpoq.

Akissut: Ilanngunneqarpoq.

Nalinginnaasumik sulisinnaassuseqarnerup sapaatip akunneranut 20 tiimiusinnaanera nalilerneqarpoq, tamannalu siunnersuummi iluarsineqassaaq.

§ 9, imm. 1 pillugu: Inatsimmi oqaatsit "pilersuinissamut tunngavissamik allamik pigisaqarpoq" atorneqarpoq. Nassuiaatini "ikiorsiissutit allat aqqutigalugit matussuserneqarpoq" atorneqarpoq. Oqariartaatsini taakkunani marlunni assigiinngitsoqarmat naapertuutitsisoqartariaqarpoq. Inuk assersuutigalugu Naartunermi, erninermi meeravissiartaarnermilu sulinngiffeqartarnej pillugu Inatsisartut inatsisaanni nr. 5, 19. november 2020-meersumi § 41 malillugu 14 tiiminut naapertuuttumik erninermi ullormusianik tigusaqarsimappat inuk taanna "pilersuinissamut tunngavissamik allamik pigisaqartussaavoq", kisiannili pineqartup pilersuinissamik pisariaqartitsinera imaanngilaq "matussuserneqarsimassasoq". Tamaammallu inuk taamatut pisumi imaluunniit pisumi assingusumi brøki assinga atorlugu, soorlu 26/40, ikiorsiissutinik annertussusilerikkaniq tiguisinnaanersoq inatsimmi ersarissumik takuneqarsinnaasariaqarpoq. Pisoq § 38 aqqutigalugu matussuserneqarsimassasoq takuneqarsinnaanngilaq.

§ 10-mut nassuiaatigineqartunut kommuni eqqumaffiginnippoq.

Akissut: Ilanngunneqanngilaq.

Pisortanit ikiorsiissutit pillugit malittarisassat pilersuinissanut ikiorsiissutinulluunniit allanut sanilliullugit immikkoortitsiffiunngillat. Taamaammallu assersuutigalugu ernereerermi erninermut ullormusianik akissarsianilluunniit tigusaqartoqartarsimappat ikiorsiissutinut annertussusilerikkanut qinnuteqartoqarsinnaassanngilaq, tamannalu § 38-imut nassuiaatini nassuiarneqarpoq. Brøkinngorlugu ikiorsiissutinik annertussusilerikkantik tigusinissamut periarfissaqanngilaq.

Piumasaqaatit naammassineqarsimappata kikkut tamarmik pisariaqartitsineq malillugu ikiorsiissutinut qinnuteqarsinnaapput ikiorsiissutillu tunniunneqarlutik.

§ 9, imm. 2 pillugu: § 37-mut innersuussummik ersittoqartariarpoq. Oqaatsit "paaqqinnittarfimmi imaluunniit ulloq unnuarlu neqeroorummi" paaqqinnittarfimmut, ulloq unnuarlu neqeroorummut assigisaannulluunniit allanngortinneqassasut siunnersuutigineqassaaq.

Akissut: Ilanngunneqarpoq.

Aalajangersakkanut nassuiaatit pillugit: Inuk qanoq ilineratigut inissiamik attartortittakkamik atuiunnaarsimanersoq naammaginartutut isigineqassanersoq, taamaassipallu toqqortaqaarnissamut ikiorsiissutinik tunniussisoqassanersoq erseqqissumik takuneqarsinnaasariaqarpoq, ajornanngippat nalunaarut aqqutigalugu: Najugaqarneq sivisinerusimatillugu, kisiannili utaqqiisaasimatillugu, pisoq matumani immikkut eqqarsaatigineqarpoq.

Akissut: Tusaatissatut tiguneqarpoq.

Qaammatit pingasut sinnerlugit najugaqarsimaneq utaqqiisaagallartutut isigineqarsinnaajunnaarmat nassuiaatini takuneqarsinnaavoq. Tassani angerlarsimaffiup avataani utaqqiisaagallartumik najugaqarnermi ikiorsiissutit allanngorneqanngitsut pillugit Siusinaartumik pensinisiat pillugit Inatsisartut Inatsisaanni § 22-mi nassuiarneqartut pillugit assigiimmik pinnittoqartarnissaa malinneqarpoq.

§ 9, imm. 3 pillugu: Oqaatsit "paaqqinnittarfimmi imaluunniit ulloq unnuarlu neqeroorummi" "paaqqinnittarfimmut, ulloq unnuarlu neqeroorummut assigisaannulluunniit" allanngortinneqassasut siunnersuutigineqassaaq.

Akissut: Ilanngunneqarpoq.

§ 10 pillugu: Oqariartaatsimi "anigaasartuutitut nammineq akiliinissamut periarfissaqarneq" suna pineqarnerseq, soorlu anigaaserivimmi namminersortumiluunniit taarsigassarsiat, erseqqissarneqassasoo kissaatiginarpoq.

Akissut: Tusaatissatut tiguneqarpoq.

Qinnuteqartoq piunasaqaatit nalinginnaasut atorlugit anigaasarivinni qanoq piviusorsiorumik taarsigassarsisinnaanersooq, soorlu qularnaveeqqusiinikkut, "anigaasartuutitut nammineq akiliinissamut periarfissaqarneq" pillugu piunasaqaat naammassineqarsimassanngilaq. Nammineerluni taarsigassarsisoqarsinnaanersooq pillugu piunsaqartoqarsinnaanngilaq.

Aalajangersakkami pisariaqartitsineq malillugu ikiorsiissutitut qinnuteqarsinnaanermut periarfissap killeqartinnissaa siunertaavoq, taamaasilluni pisariaqartitsineq malillugu ikiorsiissutit ikorsiinissamut periarfissanut allanut kinaassusersiunngitsutut ersersinneqassammata.

Suna atorineqassanersooq ilitsersuutinnortussami itisilerneqarumaarpoq.

§ 11, imm. 1 pillugu: oqaatsit "kommunalbestyrelsimut piareersimasussaataaneq" pillugit nassuiaatit nalinginnaasut takukkit.

Allaanngilaq aalajangersagaq tamanna, pingaartumik aalajangersakkamut nassuiaatit, massakkut inatsiserineqartunut annerusumik tunngassuteqartoq, inuillu amerlanerpaat suliffeqalersinnaasut tassaassasut inatsimmi matumani ilaanatik suliffissarsiornermut ikiorsiissutit pillugit inatsisinut ilaassasut, taakkulu immikkut isiginiarneqarsimanngitsut. Taamaammatt piunasaqaatit inuit ataasiakkaat "piareersimasussaataanerannut" tunniunneqartut inunnut ataasiakkaartinnerullugit suliarineqassasut, soorlu inummut iliuusissatut pilersaarummut, siunnersuutigineqassaaq.

Akissut: Ilanngunneqanngilaq.

Oqaaseq "piareersimasussaataaneq" isumaginnikkut ikiorsiissutit pillugit sulianik suliarinninnermi nalinginnaasumik atorineqartarpoq.

Pisortanit ikiorsiissutinik tigusinissamut tunngatillugu kommunalbestyrelsimut piareersimasussaataanermi iliuusissatut pilersaarut inunnut ataasiakkaannut piareersagaq apeqqutaasussaavoq. Taanna suliniutinik sammisassanillu tigussaasunik pisortanit ikiorsiissutinik tiguisartup peqataaffigissallugit pisussaaffigisaanik imaqartariaqarpoq.

§ 11, imm. 1-mut nassuiaatini immikkoortumut kingullermut tunngatillugu tamanna § 12-imi nassuiaatitut nuunneqassasoo aammalu "allatut ajornartumik suliffeqarfiup unitsikkallarnissaa" erseqqissaatigineqartoq inatsimmi ersarilluni takuneqarsinnaalissasooq,

taamatuttaarlu tamatuma sunik kinguneqarnissaa nassuiaatigineqassasoq siunnersuutigineqassaaq.

§ 11, imm. 2-mut nassuiaatini immikkoortumut kingullermut tunngatillugu tamatuma § 12-imut nassuiaatinut nuunneqarnissaa siunnersuutigineqassaaq.

Akissut: Ilanngunneqanngilaq.

Nassuiaatit aalajangersakkanut ataasiakkaanut tunngassuteqarput, siunnersuummilu § 12 namminersorlutik inuussutissarsiummik ingerlatallit siunnersuummi malittarisassat malillugit ikiorsiissutinut annertussusileriikkanut qinnuteqarnissamut aamma pisinnaatitaaffeqarnerat erseqqissaaffigineqarluni.

Siunnersuummi § 12 malittarisassat atuuttut malillugit namminersorlutik inuussutissarsiummik ingerlatallit pisortanit ikiorsiissutinik qinnuteqarnissamut periarfissaat pillugit saaffiginnissuterpasuit naalakkersuisoqarfiup tigusartagaasa piareersimaffiginiarlugit ikkunneqarpoq.

§ 13 pillugu: Aalajangersakkami aamma 10 tiimit missaat angullugit piumassutsimik akissarsiaqarnanilu sulinermut attuumassuteqarnersoq paasiuminaappoq.

Akissut: Ilanngunneqarpoq.

Aalajangersagaq ikiorsiissutinik annertussusileriikkanik tigusisartup immikkut isertitaqalersinnaaneranut, kommunalbestyrelsimullu piareersimasussaataasutut isigineqartuarnissaanut kajuminnerulersitsisussaavoq.

Piumassutsimik sulisarneq suliffinnut attaveqalersitsisinnaavoq, tamannalu kaammattuutigineqartariaqarpoq, kisiannili aalajangersakkami tiimit amerlassusissaannut ilaatinneqarnani. Piumassutsimik sulisarneq paarlattuanik iliuusissatut pilersaarutip ilaanut ilanngunneqarsinnaavoq.

Aalalangersakkap oqaasertai ikiorsiissutinut annertussusileriikkanut tunngasunnngortillugit iluarsineqarput. Piumassutsimik sulisarneq pillugu isiginninnerit nassuiaatini ilanngunneqarput.

§ 14, imm. 1 pillugu: Oqaatsit "ikiorsiissutit pillugit qinnuteqarneq" "pisortanit ikiorsiissutit pillugit qinnuteqarneq"-mut imaluunniit "aningaasatigut ikiorneqarnissaq pillugu qinnuteqarneq"-mut allannngortittariaqarput.

Akissut: Ilanngunneqarpoq.

Oqaatsit pisortanit ikiorsiissutinut allannngortinneqarput.

Imm. 3-mik ilanngussisoqassasoq siunnersuutigineqassaaq: Inuk qaammatit 6-t kingulliit iluanni ilitersuinemik taamaattumik pissarsisimappat tamanna pisariaqassanngilaq, matumani inuk ilitorsorneqarnissamik nammineerluni kissaateqarsimappat.

Akissut: Ilangunneqanngilaq.

Taamatut periarfissiineq nassuiaatit oqaasertaannut ilangunneqarpoq.

Kommunalbestyrelsip ilitersuinissamik pisariaqartitsisoqarnersoq nalilersussavaa.

§ 15 pillugu: Suliani ataasiakkaani suliaq suliassa qarfiit assigiinngitsut aqqutigalugit suleqatigiissitanit tulleriaariffigineqassanersoq imaluunniit tamanna pisariaqartinneqanngitsoq inummut sulianik suliarinnittartumit naliliiffigisarnissaa periarfissaasariaqarpoq.

Akissut: Ilangunneqanngilaq.

Innuttaasut sapaatip akunneranut 20 tiimini sulisinnaanngitsut ikiorsiissutinik annertussusilerikkaniq tigusinissaminnut pisinnaatitaaffeqarput. Innuttaasut tamakku aallaaviatigut immikkuullarissunik unammilligassaqartarput, tamannalu aqqutigalugu sulilernissamat piareeqqasutut isigineqarsinnaaneq ajornerat naalackersuisoqarfik naliliivoq. Unammilligassat tamakku suliassa qarfinnut arlalinnut assigiinngitsunut qaleriiaarisitilertarput. Taamaammatt suliap suliassa qarfiit assigiinngitsut aqqutigalugit suliarisarnissaa pisariaqartinneqarpoq.

§ 16 pillugu: "qinnuteqartup sapaatip akunneranut ikinnerpaamik 20 tiimini pisarneq malillugu qanoq sulisinnaatiginera tamanut isiginnilluni nalilersorneqartassasoq....." erseqqissaatigineqarpoq. Assinganillu nassuiaatini erseqqissarneqarpoq: "Suliffissaaleqisup..... piumsarineqarpoq" (Tamanna imatut paasisariaqarunarpoq "ikiorsiissutinik annertussusilerikkaniq tigusinissamat piumasarineqarpoq".) Naliliinermi tassani inuk pisortanit ikiorsiissutinik imaluunniit suliffissarsiornermut ikiorsiissutinik tigusaqassanersoq tunngavigineqarmat tamanna aalajangiinertut isigineqassasoq ilimagisariaqarpoq. Oqaaseq "aalajangiineq" atorneqassasoq siunnersuutigineqassaaq, taamaasilluni Pisortat ingerlatsineranni suliat suliarineqartarnerat pillugu Inatsisartut inatsisaanni nr. 8, 13. juni 1994-imeersumi kingornagullu allanngortinneqartumi aalajangersakkat atorneqartussaanerat nalornisigineqassanngimmat. Tamanna imm. 2-mik ima oqaasertalimmik ilanngussinikkut pisinnaavoq: "Naliliineq tamanna tunngavigalugu kommunalbestyrelsi aalajangiissaaq qanoq iliorluni..."

Akissut: Ilangunneqarpoq.

Sulilernissamut piareeqqaneq pillugu aalajangiisoqartarnera erseqqissaaffigineqassaaq, tassalu innuttaasup sapaatip akunneranut sivikinnerpaamik 20 tiimini qanoq sulisinnaatiginera pillugu. Aalajangiineq taanna naammagittaalliuutigineqarsinnaavoq.

§ 17, imm. 1 pillugu: § 17, imm. 1-imut nassuiaatini erseqqissarneqarpoq: "Tamakkiisumik isiginnittumik suliniummik suliaassarfiit assigiinngisut aqutigalugit suleqatigiinnit aalajangiiffigineqarsimasumik kommunalbestyrelsip neqerooruteqartarnissaa inatsisitigut pisussaaffiussaaq." Taamatuttaaq kingusinnerusukut erseqqissarneqarpoq: "Iliuusissatut pilersaarummi anguniagassat suliniutissallu pillugit kommunalbestyrelsi kingulliulluni aalajangiisussaavoq. Aalajangiineq Isumaginninnermi Naammagittaalliuuteqartarfimmut naammagittaalliuutigineqarsinnaavoq." Taamaasilluni § 17 naapertorlugu aalajangiisoqartarnissaa nassuiaatini naatsorsuutaavoq. Tamanna aalajangersakkami immini aamma kommunip § 16-imut oqaaseqaataani ersarissumik takuneqarsinnaasariaqarpoq. Aalajangiineq § 18-imi pineqartumiittoq pineqarsimappat tamanna erseqqissumik takuneqarsinnaasariaqarpoq. § 17, imm. 2 pillugu:

§ 17, imm. 2-mut nassuiaatini imatut nassuiaasoqarpoq: "Suliniutit iliuusissatut pilersaarummi allaaserineqartut suliarineqareerpata pisortanit ikiorsiissutinik tiguisartooq suliffissarsiornermut ikiorsiissutinut nuussanersoq isummerfigineqassaaq." Naliliinermi tassani inuk pisortanit ikiorsiissutinik imaluunniit suliffissarsiornermut ikiorsiissutinik tigusaqassanersoq tunngavigineqarmat tamanna aalajangiinertut isigineqassasoq ilimagisariaqarpoq. Taamaammat (§ 16-imut siulianiittumi nassuiaatit assigalugit(oqaaseq "aalajangiineq" atorineqassasoq siunnersuutigineqarpoq, ilaatigut Pisortat ingerlatsineranni suliut suliarineqartarnerat pillugu Inatsisartut inatsisaanni nr. 8, 13. juni 1994-imeersumi kingornagullu allanngortinneqartumi aalajangersakkat atorineqartarnerat nalornissutigineqassanngimmat."

Akissut: Ilanngunneqanngilaq.

Iliuusissatut pilersaarut ataatsimut isigalugu ingerlatsinermi sulivittut nassuiarneqarpoq. Taamaasilluni aalajangiineq naammagittaalliuutigineqarsinnaasoq matumani pineqanngilaq.

Iliuusissatut pilersaarut aalajangiinernut ilaasunik naammagittaalliuutigineqarsinnaasunik ilaqassaaq.

Taamaattorli piumasarineqarpoq iliuusissatut pilersaarut tamakkerluni tunngavilersorneqarluarsimassasoq uppersarneqarsinnaasasorlu, matumani sulianut naammagittaalliuutaasinnaasunut, siunissami suliut ingerlannissaannut pisariaqarsimappallu suliut ingerlatsinermut allamut, soorlu siusinaartumik pensionisiat imaluunniit suliffissarsiortuunermut ikiorsiissutinut qinnuteqaatinut tunngatillugu, nuunnissaq eqqarsaatigalugit.

Nassuiaatigineqartut iluarsineqassapput, taamaasilluni iliuusissatut pilersaarut ingerlatsinermi sulinivittut nassuiarneqarnera nalornissutigineqassanngimmat.

§ 17, imm. 5 pillugu: Inatsimmi allassimasumi Naalakkersuisut nappaatip katsorsarnissaa pillugu malittarisassanik sukumiinerusunik aalajangersaasinnaanerat erseqqissarneqarpoq. § 17, imm. 5-imut nassuiaatini erseqqissarneqarpoq: ".....tassunga ilanngullugit malittarisassat pisortanit ikiorsiissutinik tiguisartup nappaatip katsorsarnissaanut qinnuteqartarnissaanik peqquneqarneranut tunngasut". Avannaata Kommuniata paasinninnera malillugu nappaammik katsorsaasarneq neqeroorutaasariaqarpoq peqqinnissaqarfimmiit saqqummiunneqartussaq, kommunillu aalajangiiffigisariaqanngisaa. Aalajangiineq pillugu oqaaseqatigineqartut siulianiittut aamma innersuussutigineqarput, tassami oqaaseq "peqqusineq" "aalajangiinertut" isumaqartutut ilimagisariaqarmat.

Akissut: Tusaatissatut tiguneqarpoq.

Katsorsartinnissaq pillugu peqqinnissaqarfik neqeroortartuuvoq. Peqqinnissaqarfiup paasinninnera malillugu ikiorsiissutinut qinnuteqartoqarsimanisaa nammineerluni sammisassani peqataasoqartarnissaa iliuusissatut pilersaarummi piumasaqaataasinnaavoq, matumani tamanna innuttaasup kommunalbestyrillu akornanni suleqatigiinnissami isumaqatigiissutigineqarsimappat.

Napparsimanernut atornersuunermullu atatillugu peqqusisarneq pillugu malittarisassat sukumiinerusunut nalunaarutinngortussami suliarineqarumaarput.

§ 18 pillugu: Kommunip §§ 16 aamma 17-imut siulianiittunut oqaaseqaatai innersuussutigineqarput.

Akissut: Tusaatissatut tiguneqarpoq.

Iliuusissatut pilersaarut tamaat isigalugu ingerlatsinermut sulinivittut isigineqarpoq, taamaammallu naammagittaaliutigineqarsinnaani. Iliuusissatut pilersaaruttip ilaanniittut nalilersuilluareernikkut Pisortat ingerlatsinerni suliat suliarineqartarnerat pillugu Inatsisartut inatsisaat nr. 8, 13. juni 1994-imeersoq kingornagullu allannngortinneqartoq naapertorlugu aalajangiinertut isigineqassapput.

Ilitsersuutinngortussamut aammalu Inatsisartut Inatsisaata atortussanngortinnissaanut ilinniartitsinermut atortunut atatillugu assersuutissanik ilitsersuiffiusunik suliaqartoqarumaarpoq.

§ 19, imm. 1 pillugu: § 19, imm. 1-imut nassuiaatini siunnersortitut sulineq akissarsiffiussanngitsoq erseqqissarneqarpoq. Siunnersortimut aaqqissuussineq suliniutitut nutaajummat tamanna inatsimmi immini takuneqarsinnaasariaqaralarpoq.

Akissut: Ilanngunneqanngilaq.

Piumassutsimik siunnersortit pillugit malittarisassat sukumiinerusut nalunaarutinngortussami suliarineqarumaarput.

§ 20, imm. 2 pillugu: Kommunalbestyrelsi Suliffissarsiornermut ikiorsiissutit pillugit Inatsisartut Inatsisaat naapertorlugu qanoq inuup sulilernissamut piareeqqatiginera pillugu aalajangiisussaasoq erseqqissarneqarpoq. Aalajangersagaq inatsimmi matumani ilanngunneqarsimammat § 8, imm. 1 naapertorlugu § 20, imm. 2-miittoq naapertorlugu aalajangiineq pisariaqarpoq, tassanilu siunertarineqarpoq inuup pisortanit ikiorsiissutit tigusissaannut piumasaqaatinik naammassinikkunnaarsimassanera, paarlattuanillu suliffissarsiornermut ikiorsiissutinut qinnuteqarnissaanik innersuunneqartussanngornera. Siunertarineqartoq nassuiaatini erseqqissarneqartutut ima issimappat: "Inassutigineqartoq Majoriami suliarineqarlunilu aalajangiiffigineqartarpoq", aalajangersagaq inatsimmi matumani atorunnaartariaqarpoq.

Akissut: Ilanngunneqarpoq.

Aalajangersagaq iluarsineqarpoq, taamaalilluni naggatip aappaa atorunnaassalluni. Taamaaliornikkut Suliffissarsiornermut ikiorsiissutit pillugit Inatsisartut inatsissaattut siunnersuummi malittarisassat malillugit nassuiaat qinnuteqarnissamik kinguneqarsinnaavoq.

§ 21 pillugu: oqaaseqaateqarfigineqanngilaq. § 22 pillugu: oqaaseqaateqarfigineqanngilaq. § 23 pillugu: Aningaasat 210 kr.-niusut § 22, imm. 1-imi, § 22, imm. 2-mi aamma § 22, imm. 3-mi tunngaviusumik akigititanut ilaatilerlugit allanngortinneqassasut siunnersuutigineqarpoq, matumani assersuutigalugu aningaasat pineqartut 1/21-iinut, tamatumunngalu ilaatigut iluarsiiinerit § 30-mi pineqartut saniatigut ajornannginnerusumik iluarsiiiffigineqartalissammata, ilaatigullu aningaasat tunngaviusumik akigititamut tunngatillugu qaninnerulissammata, taamaaliornermilu siunertarineqartoq ataqatigiinnerlu ersarinnerulersillugit.

Akissut: Ilanngunneqanngilaq.

Aningaasat inatsimmi allassimasut takkutinngitsoortoqarsimatillugu kingunerisassat ajornannginnerusumik paasineqarnissaannut ikiuutissatut taaneqarput.

§ 24, imm. 1 pillugu: Aningaasat 500 kr.-niusut kommunip § 23-mut siulianiittumut oqaaseqaataanut assingutillugit tunngaviusumik akigititamut ilaatillugit allanngortinneqassasut siunnersuutigineqassaaq.

Akissut: Ilanngunneqanngilaq.

Tapeq nammineerluni peqataasarnissamut kajumissuseqalernissamut eqqarsaataavoq, taamaasillunilu inunnut piffissami sivisunerusumi suliffeqarnissamut imaluunniit aalajaatsumik suliartortarnissamut ajornartorsiutilinnut kajuminnerulersitsisussaalluni.

Siunnersuummi pingaarnertut tunngaviusut ilagaat pisortanit ikiorsiissutinik tiguisartut ataasiakkaat akisussaassuseqarnerulernissaat. Tassunga atatillugu pineqaatissiisarnermiit akissarsiaqartitsineq pingaarnervoq.

§ 25 pillugu: 62,2 %-imik annikillisaaneq (1000 kr.-nit siulliit kingornagut) aningaasarsianut ima ilaatigaaq tamanna inatsimmi siunertarineqartunut akerliusussaalluni, pingaartumik inuup suliffeqqami sulilernissamut kajuminneranut tunngatillugu.

Akissut: Tusaatissatut tiguneqarpoq.

62,2 %-imik annikillisaaneq aningaasaqarnikkut misissueqqissaarnerit malillugit sularineqarpoq. Procentsatsi allanngortinneqassanersoq ingerlaavartumik nalilersorneqartassaaq.

§ 26 pillugu: Inooqataasoq taamaaliornikkut toqqaannanngitsumik pilersuinissamut pisussaaffeqarnissamik peqquneqarpoq, tamannalu § 4-mut naapertuutinnigilaq. Aappariit akornanni, soorlu aappariittut nalunaarsorsimasuni, imminut pilersuisussaaqatigiineq, suliassa qarfirmi tassani inatsisinik malinnittoq, inersimasup kinaagaluartup sapinngissamik imminut pilersorsinnaanissaanut pingaarnertut malittarisassaniit mininneqarsimasutut isigineqassaaq.

Akissut: Ilanngunneqanngilaq.

Inuk kinaagaluartoq imminut pilersorsinnaanngitsoq pisortanit ikiorserneqartussaavoq. Pisortat akuliutinnginneranni inuit ataasiakkaat namminneq periarfissaminnik atueqqaarsimasariaqarput. Tamanna pisinnaavoq sulinikkut imaluunniit pigisanik nalilinnik atuinikkut.

§ 27 pillugu: Aningaasat tiguneqarsinnaasut amerlanerpaamik 2.000 kr.-niusinnaappata tamanna tapinik pissarsiniarnissamut kajuminnginnerulernermik kinguneqariaannaavoq.

Akissut: Ilanngunneqarpoq.

Aalajangersagaq iluarsineqarpoq, taamasilluni tunngaviusumik akigititaq annerpaamik 2.000 kr.-niusinnaassalluni. Taamaaliornikkut iliuusissatut pilersaarummut nammineerluni peqataasarnissamut suli kajumittoqartassaaq.

§ 28, imm. 1 pillugu: Inatsimmi allassimasuni oqaatsit "nammineq inigisaq" atorneqarput." Aalajangersakkamut nassuiaatini tassani inissiaq nammineq pigisaq pineqartoq takuneqarsinnaavoq. Taamaammat inatsimmi allassimasut tassunga tunngasunnngortillugit allannngortittariaqarput.

Aalajangersakkamut nassuiaatini oqaatsit "inissiamut ikiorsiissutit" atorneqarput. Inatsimmi allassimasuni immi oqaatsit taakkua atornissaat isummerfigisariaqarpoq.

Akissut: Ilaannakortumik ilanngunneqarpoq.

Aalajangersakkami oqaatsit atorneqartut erseqqissaaffigineqarput inissiaq nammineq pigisaq piginneqatigiullunilu inissiaq ilaatinneqartussanngorlugit. Nassuiaatit naqqissorneqarput.

Nassuiaatit naapertorlugit aalajangersagaq ineqarnermut tapiissutit pillugit malittarisassanut assingusussaammat aalajangersagaq ilaatigut ikiorsiissutinut inuit ataasiakkaat piunasaqarnerannut ilaatilerlugu ilusilertariaqarpoq, ilaatigullu ikiorsiissutit qanoq annertutiginnissaat pillugu nunarput tamakkerlugu malittarisassanik assigiinnik peqartussaavoq, taamaasilluni inuit ataasiakkaat qanoq piunasaqarsinnaanerit erseqqissumik takuneqarsinnaanngortillugu. Tamanna aqutigalugu inuup inatsisitigut illersorneqarsinnaanera ajornannginnerulissaaq, peqatigitillugulu kommunip allaffissornikkut sulinerat annikillisaaffigineqassalluni.

Akissut: Ilanngunneqanngilaq.

Aalajangersagaq kommunalbestyrelsi tapinik tunniussisinnaanerannik periarfissiivoq, kisianni kommunalbestyrelsi tamatumunnga pisussaaffeqanngilaq. Taamaakkaluartoq periarfissap atortarnissaanik naalakkersuisoqarfik kaammattuissaaq.

Ilitsersuutinngortussami tapimut akigititanik atorneqartussanik suliaqartoqarumaarpoq.

§ 29 pillugu: Aalajangersakkami imatut erseqqissaasoqarpoq: "Ikaarsaariarnermi tapeq qaammatit arfinillit angullugit tunniunneqartarpoq". Qanoq ilineratigut qaammatini 6-ni tapeq tunniunneqartassanersoq, qanoq ilineratigut piffissamut sivikinnerusumut tunniunneqarnerasoq qanorlu piffissaliunneqartoq nalilerneqartarnerasoq aalajangersakkami takuneqarsinnaasariaqarpoq. Piffissaq pillugu kommuni aalajangiissasoq kiisalu aalajangiinnermi piunasaqaatit sorliit aallaavigalugit aalajangiissasoq aalajangersakkami takuneqarsinnaasariaqarpoq.

Akissut: Ilanngunneqanngilaq.

Tamatumunnga piunasaqaatit naammassineqarunaarsimappata (sulilernissamut piareeqqajunnaarnermi) innuttaasup pisortanit ikiorsiissutinut nuunnissaa

Suliffissarsiornermut ikiorsiissutit pillugit Inatsisartut inatsisissaattut siunnersuummi aalajangersakkani takuneqarsinnaavoq. Taamaammalu innuttaasup napparsimajunnaartut nalunaarutiginnissaa tikillugu imaluunniit ataavartumik pilersuineranut nuunnissaa tikillugu, soorlu siusinaartumik pensionisianut, nuunnernut tapit qaammatini 6-ni tulluittuni tunniunneqarsinnaapput.

§ 30 pillugu: oqaaseqaateqartoqanngilaq.

§ 31, imm. 1 pillugu: Inummut siunertarpiarnut aningaasartuutit, soorlu atisanut eqqiluisaarnermullu atortunut, inooqatigisamut peqqussutaasariaqanngillat. Taamaammat aningaasartuuni suna siunertaanersoq agguataariffigisariaqarpoq.

§ 17, imm. 4-mut tunngatillugu Siusinaartumik pensionisiat pillugit Inatsisartut Inatsisaata allanngortinnissaa pillugu Inatsisartut inatsisaannut nr. 40, 23. november 2017-imeersumut nassuiaatigineqartunut assinganik innersuussisoqarpoq.

Akissut: Ilanngunneqanngilaq.

Inuk kinaagaluartoq imminut pilersorsinnaanngitsoq pisortanit ikiorserneqartussaavoq. Pisortat akuliutinnginneranni inuit ataasiakkaat namminneq periarfissaminnik atueqqaarsimasariaqarput. Tamanna pisinnaavoq sulinikkut imaluunniit pigisanik nalilinnik atuinikkut. Kisianni aamma allat pilersuisussaatitaanerit matumani pineqarsinnaavoq.

Assersuutigalugu angerlarsimaffimmu tunngatillugu aningaasartuutini aalajangersimasunik tamanik inooqatigisap akiliisarnera pissutigalugu inooqatigisap atisanik, eqqiluisaarnermut atortunik allanillu pisinermut ikiuunissamut periarfissaqarsimatinnagu ikiorsiittunik tunniussinissaq tulluurtuussaaq.

§ 31, imm. 2: pillugu: Ikiorsiissutit aallaviatigut qaammatikkaarlugit tunniunneqartaraluarpataluunniit qaammatip taassuma iluani pisunik tassanngaannartunik marlunnik amerlanerusunilluunniit pisoqariataarsinnaanera eqqarsaatigisariaqarpoq.

Akissut: Ilanngunneqanngilaq.

Tassanngaannartumik ikiorsiissutit pillugit qinnuteqaatit immikkoortillugit aalajangiiffigineqartassapput. Aalajangiinnerit ataasiakkaat qaammat ataaseq sinnerlugu sivilissuseqarsinnaangillat.

Piffissap sivikitsuinnaap iluani tassanngaannartumik ikiorsiissutiniq pisariaqartitsisoqalersimappat ikiorsiissutit allat pisariaqartinneqarnersut naliliiffigineqassaaq, soorlu ikiorsiissutit annertussusilerikkat.

§ 32, imm. 2 pillugu: Akiitsunut sorlernut, soorlu ineqarnermut akiliutinut, sarfamut, imermut kiassarnermullu, kisianni assersuutigalugu internetimuunngitsoq, ikiorsiissutinik tunniussisoqarsinnaanersoq erseqqissartariaqarpoq.

Akissut: Ilanngunneqarpoq.

Ineqarnermut akiitsuinuinnaq ikiorsiissutinik tunniussisoqarsinnaanera erseqqissaaffigineqarpoq, taamaasilluni ilaqutariit najugaqaannarsinnaassammata. Tamanna nassuiaatini itisilerneqarpoq.

§ 33 pillugu: oqaaseqaatissaqanngilaq.

§ 34 pillugu: Inuk § 5-imi piumasaqaatinik naammassinnittoq Danmarkimi imaluunniit assersuutigalugu Islandimi napparsimmavimmi uninngatilluni toqukkut qimagussimatillugu illerfiup angerlaannissaanut periarfissaqartariaqarpoq - pisariaqarpat Peqqinnissamut Naalackersuisoqarfik suleqatigalugu - , tassami toqukkut qimaguttumut ilaquataasunut toqusup angerlaannissaanut periarfissaqarsimangitsunut assersuutissanik ilisimasaqartoqarpoq, soorluttaarlu inuit ilaat Kalaallit Nunaanni ilisaanngitsoornissartik annilaangassutigalugu Kalaallit Nunaata avataani suliaritinnissartik piumaneq ajormassuk, matumani Kalaallit Nunaata avataani toqukkut qimaguteriataassagaluarunik. § 37, imm. 1, nr. 5-ip taamatut pisoqarnera matussusersinnaaneraa paasiuminaappoq.

Akissut: Ilanngunneqanngilaq.

Siunnersuummi § 34 Kalaallit Nunaanni assartuinermit aningaasartuutinulluunniit taamaallaat atuutussanngortillugu erseqqissaaffigineqarpoq.

Pineqartup peqqinnissaqarfimmiit suliaritinnissaa piumasarineqarsimatillugu illerfiup inuulluunniit arsaasa angerlaannissaannut timmisartumik siumuinnaq ilaassutissamut naapertuuttumik peqqinnissaqarfik ikiorsiissutinik tunniussaqaassaaq.

Siunnersuummi § 37, imm. 1, nr. 5 toqukkut qimaguttup Danmarkimmiit Islandimilluunniit angerlaannissaanut pisariaqartitsineq malillugu ikiorsiinissamik periarfissaqatitsinngilaq.

§ 35 pillugu: Pisortanit ikiorsiissutinut qinnuteqartumut qanigisaasup qinnuteqarnerani pisortanit ikiorsiissutit akuerinissaannut § 5-imi piumasaqaatit naammassinissaannut tunngavissaqarpasinngilaq. Assersuutigalugu inuk arnaminut napparsimaruloortumut Dronning Ingridip Napparsimavissuani uninngasumut tikeraarnissamininut pisortanit ikiorsiissutinik akuerineqartariaqarpoq, apeqqutaanai arnaasoq danskisut nunaniluunniit allani inuiattut innuttaassuseqarnersoq.

Aalajangersagaq manna malillugu qanoq akulikitsigisumik ikiorsiissutit tunniuttarnissaannut piffatigut killiliisoqarsimangimmat ilitsersuutinngortussami ersarissumik takuneqarsinnaasariaqarpoq.

Akissut: Ilaannakortumik ilanngunneqarpoq.

Qanigisaasut siunnersuummi § 5-imi piumasarineqartunik naammasinnittarnissaannut piunasaqaat siunnersuummit peerneqarpoq. Qinneqartoq taannaavoq piunasaqaatinik naammasinnittartussa.

Napparsimanermut ataatsimut angalanissamut ikiorsiisarnissaq aammalu kinguneratigut ilisinissamut atatillugu angalanissamut ikiorsiisarnissaq aallaaviatigut periarfissaasussaavoq.

Taamaakkaluartoq nalilersueqqissaarneq apeqqutaassaaq. Napparsimaneq sivisuumik atorneqarsimappat napparsimanermut tassunga atatillugu angalanissat arlallit periarfissaasinnaapput.

Napparsimanerit sorliit aallaaviatigut napparsimaruloornertut isigineqassanersut pillugit allattuiffimmik ilitsersuutinnigortussa imaqassaaq, takuuk nassuiaatini isumaqatigiissut innersuussutigineqartoq.

§ 36 pillugu: oqaaseqaatissaqanngilaq.

§ 37, imm. 1 pillugu: § 34-mut oqaaseqaatigineqartut takukkit.

Akissut: Ilanngunneqanngilaq.

Pineqartup peqqinnissaqarfimmiit suliaritinnissaa piumasarineqarsimatillugu illerfiup inuulluunniit arsaasa angerlaannissaannut timmisartumik siumuinnaq ilaassutissamut naapertuuttumik peqqinnissaqarfik ikiorsiissutinik tunniussaqaassaaq.

Siunnersuummi § 37, imm. 1, nr. 5 toqukket qimaguttup Danmarkimmiit Islandimilluunniit angerlaannissaanut pisariaqartitsineq malillugu ikiorsiinissamik periarfissaqatitsinnigilaq.

§ 37, imm. 2 pillugu: Oqaaseq "pisussaaffeeruppoq" "napparsimanerup nalaani pisussaaffeeruppoq"-mik taarserneqassasoq siunnersuutigineqassaaq, taamaasiluni tamanna pillugu aalajangiisoqarnissaa piumasarineqanngimmat ersarissumik takuneqarsinnaanngortillugu.

Akissut: Ilanngunneqanngilaq.

Uani oqaatsit atorneqartut qanoq pingaaruteqartiginerat aalajangiisuussaaq. Aalajangersakkami aalajangiisoqarneq ajorpoq.

§ 38, imm. 1 pillugu: § 9, imm. 1-imut oqaaseqaatigineqartut takukkit.

Akissut: Ilanngunneqanngilaq.

Pisortanit ikiorsiissutit pillugit malittarisassat pilersuinissanut ikiorsiissutinullu allanut immikkoortitsiffiunngillat. Taamaammat assersuutigalugu erninermi erninermi ullormusianik akissarsianilluunniit tigusisoqartarsimappat ikiorsiissutinut annertussusileriikkanut qinnuteqartoqarsinnaanngilaq, soorlu tamanna § 38-mut nassuiaatini nassuiarneqartoq. Brøkkikkaarlugu ikiorsiissutinik annertussusileriikkanik tigusinissamut periarfissaqanngilaq.

Piumasagaatit naammassineqarsimappata kikkut tamarmik pisariaqartitsineq malillugu ikiorsiissutinut qinnuteqarsinnaapput ikiorsiissutillu tunniunneqarlutik.

§ 38, imm. 2 pillugu: § 37, imm. 2-mut oqaaseqaatigineqartut takukkit.

Akissut: Ilanngunneqanngilaq.

Oqaatsini atorineqartuni inatsisitigut suna pingaartinneqassanersoq apeqqutaasussaavoq. Aalajangersakkami aalajangiisoqarneq ajorpoq.

§ 39, imm. 1 pillugu: Aalajangersagaq manna malillugu meeqqat ataasiakkaat napparsimanerannut inuit qassit pisortanik ikiorsiissutinik tunineqarsinnaassanertut killeqartittariaqarpoq. Killeqartitsisoqanngippat inuit 4-t ikiorsiissutinik ataatsikkut tuninissaat periarfissaasussaavoq. Tamanna tulluurtutut isigineqanngilaq.

Akissut: Ilanngunneqarpoq.

Aalajangersakkami angajoqqaat ulluinnarni meeqqamut isumassuisussat meeqqap isumassorneqarnissaanik ukkataqarnissaannut periarfissinnissaat siunertaavoq. Naallu sapaatip akunneranut sivikinnerpaamik 20 tiimini sulisinnaannginnermut piumasarineqartumik naammassinninngikkaluarlutik aammalu kommunalbestyrelsimut piareersimasussaataanngikkaluarlutik ikiorsiissutinik annertussusileriikkanik tigusinissaminnut periarfissaqassapput.

Aalajangersagaq nassuiaatillu naleqqussarneqarput, taamassilluni sisamaallutik periarfissamik atuisinnaajunnaarsillugit.

§ 40 pillugu: § 40, imm. 1-imut nassuiaatini uku erseqqissaaffigineqarput: "Pisariaqartitsineq malillugu ikiorsiissutit pineqartillugit aningaasat tigorianaanaat aamma pigisat tuneriaanaat isiginngitsoorneqarsinnaanngillat." Paasinninniarnaq ajornannginnerulissagaluarpoq uku ilanngunneqartuuppata: "taakkua annertussusaat naliiluunniit apeqqutaatinnagit." § 30-mut innersuussusisoqartariaqarpoq.

Akissut: Ilanngunneqanngilaq.

Ilitsersuutinnigortussami sukumiinerusumik itisiliineq takuneqarsinnaajumaarpoq.

§ 41 pillugu: oqaaseqaateqartoqanngilaq.

§ 42, imm. 1 pillugu: Paatsoortoqannginnissaa siunertaralugu piumasaqaatit assingusut Kommunit akunnerminni akiliisarnermut pisussaaffii pillugit Inatsisartut peqqussutaanni nr. 2. 12. juni 1995-imeersumiittut atorneqartassasut siunnersuutigineqassaaq.

Akissut: Ilaannakortumik ilanngunneqarpoq.

Aalajangersagaq ersarinnerulersinniarlugu allatut oqaasertalerneqarpoq.

§ 43, imm. 2 pillugu: "Inoqutigiinniittut allat pillugit paasissutissat assingusut piniarneqarsinnaapput" erseqqissaatigineqarpoq." Tamanna Inunnut paasissutissat suliarineqartarnerat pillugu Inatsimmut naapertuunnersoq nalorninarpoq. Tamanna pisumi pisariaqassanersoq eqqarsaatigiuminaappoq.

Akissut: Ilanngunneqanngilaq.

Pisortanit ikiorsiissutinik tiguisartup taassumalu inooqataata saniatigut inoqutigiinniittut allat tassaasinnaapput ilaqariinniittut inersimasut allat.

Paasissutissanik piniarsinnaaneq aalajangersakkatigut tunngavissinneqarpoq, kisianni Inunnut paasissutissat suliarineqartarnera pillugu Inatsimmi piumasaqaatit allat eqqortinneqartuassapput, ilaatigut paasissutissat pisortani oqartussanut allanut tunniunneqarsimanerat pillugu paasissutissiisarnissamik pisussaaffeqarpoq.

§ 44 pillugu: Oqaaseqaateqanngilaq.

§ 45 pillugu: Oqaaseqaateqanngilaq.

§ 46 pillugu. Ikiorsiissutit annertussusilerikkat kingumoortumik tunniuttarnissaat aallaaviussappat qinnuteqarnermiit tunniussisoqarnissaata tungaanut sivisusinnaassaaq. Inuppasuit aningaasaataarukkaangamik aatsaat saaffiginnittarmata pisariaqartitsineq malillugu ikiorsiisoqarnissaa pisariaqarsinnaavoq. Taamaammat ikiorsiissutinik annertussusilerikkani tunniussisoqassatillugu pisariaqartitsineq malillugu aningaasanik tunniussinissamut periarfissaqassanersoq isummerfigisariaqarpoq.

Akissut: Tusaatissatut tiguneqarpoq.

Innuttaasoq sulilernissamut piareeqqasutut naliliiffigineqarpat ikiorsiissutit annertussusilerikkat pilersornissamut tunniunneqassapput. Taamatut ikiorsiissutit kingumut tunniunneqarput, aatsaallu tamanna atorneqarsinnaavoq pilersuinissamut ikiorsiissutit

pisariaqartinneqarsimappata, allatullu ikiorsiisoqarsinnaasimatinnagu. Imaluunniit apeqqutaassaaq innuttaasup atugarisai qulaajarneqarnissaat tikillugu tassanggaannartumik ikiorsiissutinik tunniussisoqassanersoq.

Pisortanit ikiorsiissutinut utertitsisoqarnissaanut pisussaaffeqannginnissaa aallaaviuvoq, matumani aningaasaqarnikkut akisussaassuseqannginnerujussuaq tunngavigalugu tunniussinissaq pisimappat.

§ 47 pillugu: Oqaaseqaateqanngilaq.

§ 48 pillugu. Pisariaqartitsineq malillugu ikiorsiissutit amerlanertigut pisimasumut ataatsimut atatillugu tunniunneqartarmata, tamannalu pissutigalugu ingerlaavartumik tunniunneqarneq ajormata suna tassani pineqarnersoq inatsimmi allassimasuni nassuiaatinilu erseqqissarneqassasoq siunnersuutigineqassaaq.

Akissut: Ilanngunneqanngilaq.

Pisariaqartitsineq malillugu ikiorsiissutit pisunut ineqartitsinerit nerisassallu aqqutigalugit tunniussiffiusunut, soorlu ajunaarnersuarnut atatillugu, atatillugu tunniunneqartarnerat taaneqarpoq. Ikiorsiissutit tunniunnissaat pisariaqartinneqarunnaarpat unitsinneqassapput, soorlu tiguisartup nammineq inigisaminut uternernissaani.

§ 49 pillugu: Oqaaseqaateqanngilaq.

§ 50, imm. 1 pillugu: Oqaaseq "akilersuisussaatitaasoq" "akilersuinissamut pisussaaffilik"-mut allanngortinneqassasoq siunnersuutigineqarpoq, tassami taaguusersuut taanna suliassaqarfimmut inatsisini allani atorneqarpoq, soorlu Meeqqanut akilersuutit il.il. kiisalu meeravissiarternermut tapiissutit tunniunneqartarnerat pillugu Inatsisartut peqqussutaanni nr. 2. 3. marts 1994-imeersumi kingusinneruskullu allanngortinneqartumi.

Akissut: Ilanngunneqanngilaq.

Piomasagaat aatsaat akilersuinissamut pisussaaffilik pisussaaffimminik sumiginnaappat, taamaasillunilu unioqqutitsinerminut nassuerpat, atuutilissaaq. Taamaammat akilersuinissamut pisussaaffilik akilersuisussaatitaasutut nassuiarneqarpoq.

§ 51 pillugu: Oqaaseq "aalajangerneq" "aalajangiineq"-mut allanngortinneqassasoq siunnersuutigineqarpoq, taamaaliornikkut aalajangersakkap Pisortat ingerlatsineranni suliassat sularineqartarnerat pillugu Inatsisartut inatsisaanni nr. 8, 13. juni 1994-imeersumi atorneqarsinnaanera erseqqissarneqassammat.

"Nammineq nalunngikkaluarlugu" aqqutigalugu arlaannik pisoqarsimanera uppernassassallugu uagut kommunitisinni misilittakkatigut ajornartorujussuuvoq.

Taamaattoqarmat aalajangersakkap taassuma atornissaa aamma ajornartorujussuussaavoq.

Akissut: Ilaanakortumik ilanngunneqarpoq.

Aalajangersakkami oqaaseq atorineqartoq aalajangiinermut allanngortinneqarpoq.

Kommunip aningaasataanik illersorneqarsinnaasumik aqutsinissaanut pisortat pisussaaffeqarput. Taamaammat utertitsisoqarnissaa pillugu piunasaqarnissamut iliuuseqartoqassanersoq malitseqartitsiffigissallugu kommunalbestyrelsi pisussaaffeqarpoq. Matumani innuttaasooq pisariaqartitsineq malillugu ikiorsiissutinik pisumut ataatsimut arlalerliarluni tiguisimatillugu imaluunniit piffissami tassani pilersuinissamut ikiorsiissutinik assigiinnigitsunik tiguisimatillugu pilersartut amerlanertigut pineqartarput.

§ 52, imm. 2 pillugu: Illuutip nalinga pillugu illuutinik tuniniaasartumit naliliiffigisarnera akisungaatsiarsinnaavoq, taamaamallu qinnuteqartup taassuminnga pissarsiniarnissaa ajornavissuusussaavoq, taamalillunilu illuummi aningaasanngorlugu killeqanngitsumik nalilinnik peqartoqannginnera uppersarsinnaassallugu.

Akissut: Ilangunneqanngilaq.

Suliami pineqartumi inissat tungaasigut qanoq pisoqarnera pillugu nalinginnaasumik paasinnittaneq aallaaviatigut atorineqartussaavoq. Illuutip aningaasanngorlugu killeqanngitsumik naleqarnera pillugu paasiuminaatsoqarsimatillugu imaluunniit nalornisoqarsimatillugu illuutinik tuniniaasartup naliliinera atortariaqarpoq.

§ 53 pillugu: Oqaaseqaateqanngilaq.

§ 54 pillugu. Oqaaseqaateqanngilaq.

§ 55 pillugu: Kommunip § 6, imm. 2-mut oqaaseqaatai innersuussutigineqarput.

Akissut: Ilangunneqanngilaq.

Pisortanit ikiorsiissutit tassungalu aningaasartuutit ilaasut aqunneqarnerat kommuninut tunniunneqarnikuuvoq aammalu kommunit aamma Namminersorlutik Oqartussat akornanni aningaasaqarnermut isumaqatigiissummut ilaalluni.

§ 42, imm. 1 malillugu aalajangiinernut Naalakkersuisunit aalajangerneqartunut aningaasartuutit Namminersorlutik Oqartussanit akilerneqartarmata aalajangersakkami aamma takuneqarsinnaasariaqarpoq.

Akissut: Ilangunneqarpoq.

§ 56, imm. 1 pillugu: Aalajangersakkatigut kommuni suliaassanik annertusinnaasunik suliaqaqqullugu peqquneqarpoq. Taamaammat kvartalikkaarlugu nalunaartarnerup peerneqarnissaa siunnersuutigineqassaaq.

Akissut: Ilanngunneqanngilaq.

Pisortanit ikiorsiissutit suliatigut suliarineqartarnerannut IT-qarnermut atortumik nutaamik ataatsimoorussamik ineriartortitsisoqarpoq. Taamaammat kisitsisitigut paasisutissat tunngavigalugit nalunaarnernik suliaqartarneq ajornannginnerulissasoq naatsorsuutaavoq.

§ 57, imm. 3 pillugu: Pisortanit ikiorsiissutit tunniunneqartarnerat pillugu Namminersornerullutik Oqartussat nalunaarutaat nr. 4, 15. marts 2007-meersoq inatsisip atortussanngortinnerani, tassungalu peqatigitillugu nalunaarummik tassunga naleqquttumik taarsiisoqarnerani, atorunnaassasoq siunnersuutigineqarpoq, tamatumunngalu Pisortanit ikiorsiissutit tunniunneqartarnerat pillugu Namminersornerullutik Oqartussat nalunaarutaat nr. 4, 15. marts 2007-meersoq arlalitsigut inatsisissatut siunnersuummu matumunnga tulluunneq ajornera pissutaavoq.

Akissut: Ilanngunneqanngilaq.

Pisortanit ikiorsiissutit tunniunneqartarnerat pillugu Namminersornerullutik Oqartussat nalunaarutaannut nr. 4, 15. marts 2007-meersumut tunngaviliineq Pisortanit ikiorsiissutit pillugit Inatsisartut peqqussutaanni nr. 15, 20. november 2006-imeersumi tunngaveqartinneqarpoq. Nalunaarut aalajangersakkamut tunngaveqarnerup atorunnaarneranut peqatigitillugu atorunnaassaaq.

§ 58 pillugu. Oqaaseqaateqanngilaq.

§ 59 pillugu: Oqaaseqaateqanngilaq.

11. Kommuneqarfik Sermersooq

Kommuneqarfik Sermersooq Pisortanit ikiorsiissutit pillugit Inatsisartut inatsissaattut siunnersuummut tusarniaanermut akissuteqarnissamut periarfissinneqarnerminut qujaniarpoq. Kommuneqarfik Sermersuumiit inatsisissatut siunnersuut sapaatip akunneri sisamangaajat tusarniaanissamut piffissalerlugu nassiunneqarsimammat isornartutut isigineqarpoq.

Akissut: Ilanngunneqanngilaq.

Sapaatip akunnerini sisamani tusarniaanermut piffissaliineq pillugu Namminersorlutik Oqartussat najoqqutaat naapertorlugit siunnersuut piffissami 27. august 2021 - 24. september 2021 tusarniutigineqarsimavoq.

Pisortanit ikiorsiissutit aaqquissuussiffigeqqinneranni innuttaasut pilersorsinnaannginnermiit inuiaqatigiinni inuussutissarsiortunilu nammineerlutik peqataalernissaat ukkatarineqarnerulermat kommunimit pitsaasutut isumaqarfigineqarpoq.

Kommuneqarfik Sermersooq aamma arlalinnik oqaaseqaatissaqarpoq siunnersuutissaqarlunilu pingaarnermik ukununga tunngasunik:

- iliussissatut pilersaarutip aalajangiinertut isigineqarnissaata pingaaruteqassusaa
- innuttaasunut inigisaminniit anisitaariaannaasunut kinguaattoorutit akilernissaannut tapiissutinik tunniussinissamut periarfissaqarnera
- innuttaasunut nammineq aningaasaqarnermik aqutsisinnaanngitsunut pisariaqartitsineq malillugu ikiorsiissutit tunniunnerannut aqutsinissamut periarfissaqarnera.

Aalajangersakkanut ataasiakkaanut nassuiaatit

§ 1. Inatsisartut inatsisaanni uani inunnut imminnut ilaquttaminnullu arlaatigut pisariaqartinneqartunik pissarsisinnaanngitsunut aningaasaqarnikkut ajutuuinnginnissap pilersinnissaa siunertarineqarpoq.

Kommuneqarfik Sermersooq isumaqarpoq pisortanit ikiorsiissutinik tigusinissamut piunnaasaqat inatsisissatut siunnersuummi imatut allannikkut "...inunnut Kalaallit Nunaanni najugaqarsimasunut..." immikkut erseqqissaanikkut § 1 taamatut erseqqissaaffigisariaqartoq.

Akissut: Ilanngunneqarpoq.

Aalajangersagaq erseqqissaaffigineqarpoq.

§ 3. Inuk pisortanit ikiorsiissutinik tiguisartup katissimasaa, nalunaarsukkamik inooqatigilersimasaa imaluunniit aappariittut assingusumik inooqataa aappatut isigineqarpoq.

§ 4. Kinaluunniit pisortanut tunngatillugu imminut, aapparisaanut meeqanullu 18-it inorlugit ukiulinnut pilersuinissamik pisussaaffeqarpoq.

Imm. 2. Aapparmut katissimasamut pilersuisussaataaneq atuukkunnaartarpoq averusernikkut imaluunniit avinnikkut.

Kommuneqarfik Sermersuup § 4-mi aapparisaq katissimasaq § 3-milu inooqatigisaq atorineqarmata eqqumiigivaa. Oqaaseq inooqatigisaq § 3-mi nassuiarneqartutut inatsisissatut siunnersuummi paragrafini allani atorineqarpoq, aamma aningaasaqarnermut tunngasunut atatillugu, soorlu § 22 aamma 26-imi. Siunnersuut taamatut isikkoqartillugu innuttaasoq pisortanit ikiorsiissutinik tigusaqartillugu inooqataasup aningaasarsiaanik ilanngaaffigineqartussaavoq, inooqatigisarlu innuttaasumut pilersuinissamik pisussaaffeqartinneqarluni, matumani aappariittut katissimaneq pineqarsimanngippat.

Taamaammat Kommuneqarfik Sermersuup siunnersuutigissavaa aappatut katissimasaq inooqatimut § 4-mi nassuiaatinilu allanngortinneqassasoq.

Akissut: Ilanngunneqanngilaq.

Siunnersuut naapertorlugu kina inooqatitut isigineqassanersoq siunnersuummi § 3-mi nassuiarneqarpoq, siunnersuullu naapertorlugu siunnersuummi § 4-mi pilersuinissamut pisussaaffeqarneq tamatumalu uninnissaa nassuiarneqarlutik.

§ 5. Pisortanit ikiorsiissutinik tigusinissamut pisinnaatitaaffeqarnermi pineqartup Kalaallit Nunaanni aalajangersimasumik najugaqartuunissaa inuillu allattorsimaffiannut ilaanissaa piumasarineqarpoq, aamma:

- 1) danskit naalagaaffianni innutaanissuseqarnissaa,
- 2) danskit maalagaaffianni innutaasumut katissimanissaa imaluunniit kingullermik katikkami danskit nalagaaffianni innuttaasumut katissimanissaa, imaluunniit
- 3) nunat tamalaat akornanni kattuffinni isumaqatigiissutit malillugit inunnut danskisut inuttaassuseqanngitsunut pisortanilli ikiorsiissutinik pilersuinermit aningaasartuutinullu aalajangersimasunut Kalaallit Nunaanniinnerminni ikiorserneqarsinnaatitaanissaa.

Kommuneqarfik Semmersuumit siunnersuutigineqassaaq 3)-mi "nunanik allanik isumaqatigiissuteqarneq"-mi suna pineqarnersoq erseqqissarneqassasoq." Tamanna inatsimmi allassimasuni toqqaannartumik erseqqissaaffigineqanngippat isumaqatigiissutit sorliit matumani atuunnersut nassuiaatinut ilannguttariaqarput.

Akissut: Tusaatissatut tiguneqarpoq.

Isumaqatigiissutit attuumassutillit ilitsersuutinnagortussami takuneqarsinnaassapput.

§ 7. Imm. 2. Kommunalbestyrelsi inunnut Isumaginninnikkut Isumannaarinerit pillugit Nunat Avannarliit Isumaqatigiissutaannut aammalu Isumaginninnikkut Isumannaarinerit Sullissinerillu pillugit Nunat Avannarliit Isumaqatigiissutaannut ilaasunut Kalaallit Nunaata avataani najukkamut aalajangersimasumut angerlartussat akiliunnissaannut ikiorsiissutinik tunniussisinnaavoq, matumani qinnuteqartoq imaluunniit taassuma inooqataa aningaasartuutit akilernissaannut aningaasaqarnikkut periarfissaqanngippata.

Kommuneqarfik Sermersuumit § 7, imm. 2-p aamma aalajangersakkamut nassuiaatini paasiuminaatsoqarnera erseqqissarneqassaaq.

§ 7, imm. 2-mi "angerlamut angalanissaq" allassimavoq, nassuiaatinilu "nuunnissaq" allassimalluni." Oqaatsini taakkunani malunnartumik assigiinngitsoqarpoq, pingaartumik angalanermut aningaasartuutitut atatillugu, tassami angerlamut angalanermi inuit assartornissaat kisimi pineqarpoq, nuunnermilu inummik assartuineq pigisanillu nuussineq pineqarlutik. Taamaammat oqaatsinik toqqaanissami iluamik isiginninniartoqartassasoq, tassanilu angerlamut angalanek nuunnerluunniit kisiisa atortarnissaat Kommuneqarfik Sermersuumit kaammattuutigineqarpoq.

Akissut: Ilanngunneqarpoq.

Nunani allani inuiattut innuttaassusillit Kalaallit Nunaanni imminnut pilersoriarsinnaanatik imaluunniit angerlamut angalanissamut namminneerlutik aningaasaqarnikkut periarfissaqarnatik uniinnarsimatillugit ikiorserneqarsinnaanerit aalajangersakktatigut tunngavissinneqarpoq.

Aallaaviatigut angalanissamut ilaassutissaq kisimi matussuserneqartarpoq. Taamaakkaluartoq immikkorluinnaq pisoqarsimatillugu angalanerup nalaani unnueratarsinnaanerit nerisaqarnissarluk akilertarnissaat pisariaqarsinnaavoq.

Kapitali 5. Innersuussisarneq, iliuusissatut pilersaarutit, siunnersortit il.il.

Innersuussisarneq

§ 14-imi innersuussisarneq pineqanngimmat, kisiannili ilitsersuinissamik pisussaaffeqarneq pineqarmat, qulequttani oqaaseq innersuussisarneq atorneqartussatut toqqarneqarsimammat Kommuneqarfik Sernersuumiit paatsuunganartutut isineqarpoq. Taamaammatt qulequttat "ilitsersuisarneq"-mut allanngortinneqassasut siunnersuutigineqarpoq.

Akissut: Ilaannakortumik ilanngunneqarpoq.

Kapitali 5-imut aalajangersakkanullu ataasiakkaanut qulequttat ilaasut aalajangersakkami imaritinneqartunut tamakkiisumik assersuunneqarsinnasunngortillugit iluarsineqarput.

§ 15. Kommunalbestyrelsi Inatsisartut inatsisaat manna malillugu ikiorneqarnissaq pillugu qinnuteqartut innersuuttarnissaannut suliassa qarfiit assigiinngitsut aqutugalugit sulisussanik pilersitsissaaq. Sulisussat inuusuttut 30-t inorlugit ukiullit innersuuttarnissaannut immikkut toqqarneqarsimassapput.

Imm. 2. Inassutigineqartut suliassa qarfiit assigiinngitsut aqutugalugit suleqatigiinneersut iliuusissatut pilersaarutit suliarineranni ilaassapput.

Kommuneqarfik Sermersooq Naalakkersuisut kommunit namminneerlutik aqutsisarnerat ataqqissagaat ataatsimut isumaqarpoq, taamaammallu kommunini aaqqissuussaannermut suliassallu suliarisarnerannut tunngatillugu inatsisiliortarnissaat pinngitsoortittariaqarluni. Taamaammatt § 15 atorunnaassasoq siunnersuutigineqarpoq. Immikkut oqaaseqatigiit "Taakkunanga suleqatigiissitat inuusuttunut 30-t inorlugit ukiulinnut innersuussisarmissamut immikkut toqqarneqarsimassapput" atorunnaartariaqarpoq. "

Kommuneqarfik Sermersooq suliassa qarfiit assigiinngitsut aqutugalugit suleqatigiinnik suleqateqareerpoq, soorlu inuusuttut 30-t inorlugit ukiullit innersuuttarnissaannut immikkut suleqatigiit.

Akissut: Ilanngunneqanngilaq.

Aalajangersagaq Naalackersuisut anguniagaat naapertorlugit minnerpaaffiliinissamut aalajangersagaavoq, tamannalu aqutigalugu ajornartorsiutit ikiorsiissutinik annertussileriikkanik tiguisartut pigisinnaasaasa suliarinissaannut suliassa qarfiit assigiinngitsut ilisimasaat piginnaasaasalu atorneqarnissaat qulakkeerneqassaaq. Peqatigitillugu pingaartumik inuusuttut 30-t inorlugit ukiullit ingerlariaqqinnissaminut kajumissaarnissaat ikiorneqarnissaallu siunertaavoq.

§ 16. Kommunalbestyrelsi annertussileriikkanik ikiorneqarnissaq pillugu qinnuteqartoq suleqatigalugu qinnuteqartup qanoq nalinginnaasumik suliffimmi sapaatip akunneranut sivikinnerpaamik 20 tiimini sulisinnaatiginera imaluunniit ilinniarnermik aallartitsisinaanera aamma tamanna pillugu immikkut suliniuteqaqqaartoqarnissaanik pisariaqartitsiffiussanersoq pillugit tamanut isiginnittumik nalilersuineramik suliaqassaaq.

Kommuneqarfik Sermersooq § 16-imi sapaatip akunneranut pisarneq malillugu ikinnerpaamik 20 tiimini sulisarnissaq killeqartinneqarmat, suliffissarsiornermullu ikiorsiissutinut tunngatillugu inatsisissatut siunnersuummi sapaatip akunneranut pisarneq malillugu ikinnerpaamik 20 tiimini sulisarnissaq killeqartinneqarmat eqqumii gisaqarpoq."

Akissut: Ilanngunneqarpoq.

Nalinginnaasumik sulisinnaassuseqarnerup sapaatip akunneranut 20 tiimiusinaanera nalilerneqarpoq, tamannalu siunnersuummi iluarsineqassaaq.

§ 17. Kommunalbestyrelsi ikiorsiissutinut annertussileriikkanut qinnuteqartoq suleqatigalugu inummut aalajangersimasunut piareersakkamik iliuusissatut pilersaarummik suliaqassaaq, taamaattoq kapitali 8 takuuk.

Imm. 2. Iliuusissatut pilersaarummi anguniagassat sammisassallu ilanngunneqassapput, tassanilu qinnuteqartup ilinniarnermik ingerlataqarnissaanut imaluunniit suliatigut piginnaasaqalerfiusumik ingerlatsinissaanut periarfissaasa pitsanngorsaaffiginissaat, qinnuteqartup sulilernissamut periarfissaasa suliarinissaat kiisalu qinnuteqartup suliffinnut attuumassuteqarnerulernissaa siunertarineqarput.

Imm. 3. Iliuusissatut pilersaarummi qinnuteqartup ataatsimut atugarisai ilanngunneqassapput, taakkunungalu ilaqutariitsigut atugarisat, ineqarnikkut atugarisat, nappaatit, atonerluisuuneq, inuunikkut piginnaasat il.il. ilaapput.

Imm.4. Kommunalbestyrelsi inuusuttunut 30-t inorlugit ukiulinnut iliuusissatut pilersaarutininik suliaqarnermini anguniagassanut sammisassanullu suliaqarnissamik pingaartitsissaaq, taakkualu sapinngisaaq malillugu qinnuteqartup ilinnialernissaanut tapeeqataassapput.

Imm. 5. Naalackersuisut iliuusissatut pilersaarutit imarisassai suliarisarnissaallu pillugit malittarisassanik sukumiinerusunik aalajangersaasinnaapput, taakkunungalu tiguisartup

sammisassani, ilinniarnerni, sulifimmi sungiusarnissamut neqeroorutini, ilinniartitaaqqinnermi allatulluunniit qaffaassaanerni nappaatillu katsorsarnerani peqataasarnissat ilaapput.

§ 18. Kommunalbestyrelsi iliuusissatut pilersaarummut ilaasumik qinnuteqartup sammisassanut peqataasarnissaanut aalajangiisinnaavoq, soorlu oqaloqatigiinnernut, suliniutinut, sulinermut sungiusarnermut, inuttut ineriartornissamut pikkorissartitsinernut, suliatigut pikkorissartitsinermut, suliffissanullu neqeroorutaasunut sulilernissamut. Kommunalbestyrelsi aamma qinnuteqartup sammisassanut inatsisini allani malittarisassiorneqartunut peqataanissaanik aalajangiisinnaavoq.

§ 17-imi iliuusissatut pilersaarut toqqaannangitsumik aalajangiinertut isigineqarmat aammalu nassuiaatini aalajangersakkanilu aalajangiinertut immikkut ersersinneqarmat Kommuneqarfik Sernersuumiit maluginiarneqarpoq. Tassungalu atatillugu iliuusissatut pilersaarummut ilaasumik aalajangiisoqarsinnaasoq § 18-imi taaneqarpoq. Tamanna paasiuminaatumik nassuiarneqarpoq, inatsisillu malillugit aqutsisoqassappat paatsoornerit kukkunerillu pileratarsinnaapput. Taamaammat Kommuneqarfik Sernersuumiit inassutigineqassaaq matumani aalajangiineq imaluunniit aalajangiinerunngitsoq pineqarnerisooq erseqqissarneqassasoq.

Ilanngullugu Kommuneqarfik Sermersooq isumaqarpoq iliuusissatut pilersaarut aalajangiinertut isigineqartarmat tulluartuunngitsoq. Iliuusissatut pilersaarut innuttaasup kommunillu akornanni suleqatigiinnissamik isumaqatigiissutaavoq, tassanilu nukissat, suliniutissat piunasaqaatillu pineqarput.

Iliuusissatut pilersaarut ikiorsiissutinik tiguisusaaq suleqatigalugu atsiorneqartorlu suliarineqassaaq, tamannalu nassuiaatini erseqqissarneqartutut naammagittaalliornissamut ilitersuummi malittarisassanik pisariaarutitsisussaavoq. Aammattaaq ikiorsiissutinik tiguisartooq iliuusissatut pilersaarummi taaneqartunik arlalinnik ukiumoortumik Isumaginninnermi Naammagittaalliuuteqartarfimmut naammagittaaliorsinnaatitaassappata sulisussanut kommunip sulilersinniagaannut Kommuneqarfik Sermersooq ernumassuteqarpoq.

Akissut: Ilanngunneqarpoq.

Iliuusissatut pilersaarut ataatsimut isigalugu ingerlatsinermi sulinivittut nassuiarneqarpoq. Taamaasilluni aalajangiineq naammagittaalliuutigineqarsinnaasoq matumani pineqanngilaq.

Iliuusissatut pilersaarut aalajangiinernut ilaasunik naammagittaalliuutigineqarsinnaasunik ilaqassaaq.

Taamaattorli piumasarineqarpoq iliuusissatut pilersaarut tamakkerluni tunngavilersorneqarluarsimassasoq uppernarsarneqarsinnaassasorlu, matumani sulianut naammagittaaliuutaasinnaasunut, siunissami suliat ingerlannissaannut pisariaqarsimappallu suliamik ingerlatsinermut allamut, soorlu siusinaartumik pensionisiat imaluunniit suliffissarsiortuunermit ikiorsiissutinut qinnuteqaatinut tunngatillugu, nuunnissaq eqqarsaatigalugit.

Nassuiaatigineqartut iluarsineqassapput, taamaasilluni iliuusissatut pilersaarut ingerlatsinermi sulinivittut nassuiarneqarnera nalornissutigineqassanngimmat.

Kommuneqarfik Sermersooq tamatuma saniatigut erseqqissaaniarpoq § 18-imi sammisassat allattorneqartut sulilernissamut neqeroorutini ilaammata, tamannalu neqeroorutaavoq sullitassanut 1-imut saaffiginnittoq. Kommuneqarfik Sermersuumiit siunnersuutigineqassaaq sulilernissamut neqeroortarneq allattuiffimmiit peerneqassasoq, tassami pisortanit ikiorsiissutit pillugit inatsiseqartitsinermi sullitassat 2 aamma 3-miittut pineqarmata. Paarlattuanik assersuutigalugu qulaajaasarnissat ilanngunneqarsinnaapput.

Akissut: Ilanngunneqarpoq.

Pisariaqanngitsumik paatsiveeruttoqarnissaa pinngitsoortinniarlugu sulilernissamut neqeroorneq sammisassatut atorunnaassaaq, qulaajaasarnernillu taarserlugu.

§ 22. Tunngaviusumik akigititaq qaammammut 4.500 kr.-niuvoq, taamaattoq imm. 2 aamma 3 takukkit.

Imm. 2. Ikiorsiissutinik annertussusileriikkani tiguisartuq inuit allattorsimaffianni ineqanngitsutut nalunaarsorneqarsimappat tunngaviusumik akigititaq qaammammut 4.300 kr.-niussaaq, taamaattoq imm. 3 takuuk.

Imm. 3. Ikiorsiissutinik annertussusileriikkaniq tiguisartuq taassumalu inooqataa marluullutik ikiorsiissutinik annertussusileriikkaniq tiguisarsimappata tunngaviusumik akigititaq qaammammut 4.000 kr.-niussaaq.

Kommuneqarfik Sermersuup kommunit akimorlugit akigititanik assigiaartunik aalajangersaasoqarmat pitsaasutut isigivaa.

§ 23. Ikiorsiissutinik annertussusileriikkaniq tiguisartuq inatsisitigut pissutissaqarnani iliuusissatut pilersaarummi aalajangerneqartutut suliniutini peqataanngitsoorpat imaluunniit sammisassani peqataanngitsoorpat tunngaviusumik akigititap ullormut 210 kr.-ninet naapertuuttumik appartinnissaanut kommunalbestyrelsi aalajangiisinnaavoq.

Kommuneqarfik Sermersuumiit innuttaasoq iliuusissatut pilersaarummi suliniutissanut nammineerluni peqataasimanngippat akigititanik apparsaasoqarnissaanut tunngavissamik peqalermat pitsaasutut isigineqarpoq.

Kommuneqarfik Sermersuumiit Majoriami internet aqutigalugu suliffissarsiornermut nalunaarsuisarneq pillugu taasaqartoqarsimannngimmat eqqumiigineqarpoq, soorlu tamanna suliffissarsiornermut ikiorsiisarneq pillugu siunnersuummi taaneqartoq.

Akissut: Ilanngunneqanngilaq.

Suliffissarsiornermut ikiorsiissutit pillugit siunnersuut naapertorlugu suliffissarsiortunut nalunaarsuisarnermi sulilernissamut piareeqqasut pineqarput. Taamaammat piareersimasussaataanerup nalunaarsuiffiiguarnissaa pillugu piumasaqartoqarsinnaavoq. Pisortanit ikiorsiissutinik tiguisartut siunnersuummi matumani malittarisassat malillugit sulilernissaminnut piareeqqaanngillat, ilaallu ima ajornartorsiuteqartigisimassapput suliffissarsiornermut ikiorsiissutit assigalugit nalunaarsortinnissamut piumasaqaatinik massakkut malinnissinnaajunnaarsimassallutik.

Iliuusissatut pilersaarummi arlaatigut nalunaarsuisarnermut pisussaaffik ilanngunneqarsinnaavoq, digitalikkut imaluunniit nammineerluni takkunnikkut.

§ 31. Kommunalbestyrelsi pisut immikkut ittut siumullu oqaatigineqarsinnaanngitsut kingunerisaannik tassanngaannartumik pisariaqartitsisoqarneratigut ikiorsiissutinik tunniussisinnaavoq. Tassanngaannartumik pisariaqartitsinermi ikiorsiissutit inuunerup ingerlannissaanut aningaasartuutit pisariaqartinneqartut matussusernissaanut utaqqiisaasumik tunniunneqarsinnaapput, soorlu makkununga ineqartitsigallarnermut, nerisassanut, kiassarnermut, sarfamut atisanullu, matumani qinnuteqartoq taassumaluunniit inooqataa aningaasartuutininut akiliinissaminnut aningaasaqarnikkut periarfissaqarsimanngippata.

Imm. 2. Imm. 1 malillugu ikiorsiissutigineqartut nalilersuilluareernikkut qaammammut ataasiartumik tunniunneqartarput. Imm. 1 malillugu qaammatit pingasut sinnerlugit ikiorsiisoqassappat iliuusissatut pilersaarummik suliaqartoqarnissaa piumasarineqarpoq.

Kommuneqarfik Sermersuumit eqqumiiginarpoq qaammatit pingasut saniatigut qaammatini pingasuni tassanngaannartumik pisariaqartitsisoqarsinnaammat. Siumut oqaatigineqarsinnaanngitsumik tassanngaannartumik pisoq aaqqiissutaagallartumik pisariaqartitsiffiusimasoq piffissap ingerlanerani qaammatit pingasut ingerlaneranni siumut pisariaqartitsinerulersinnaavoq, tamannalu aaqqiissutaagallarsinnaavoq, taamaasilluni qinnuteqartoq iluatsillugu ikiorsiissutinut annertussusileriikkanut nuussinnaassammat."

Akissut: Tusaatissatut tiguneqarpoq.

Tassanngaannartumik pisariaqartitsilerneq aallaaviatigut tassanngaannartumik utaqqiisaasumillu pisariaqartitsineruvoq, taamaammallu qaqutiguinnaq qaammammik ataatsimik sivilisunerusartussaalluni, tamatumalu kingorna pisariaqarsimappat

sivisunerusumik tapiisarnissaq pillugu suliniuteqartussaalluni. Taamaakkaluartoq pisut, soorlu pinngortitami ajunaarnersuarmut atatillugu, pilersinnaapput, tassanilu innuttaasup ikiorsiissutininut annertussusileriikkanut innersuunnissaanut taarsiullugu tassangaannartumik pisariaqartitsineq pillugu malittarisassat malillugit tapiissuteqarallarnissaq tulluarnepaajussalluni.

Tamatuma atuuffissaa ilitersuutinngortussami sukumiinerusumik nassuiarneqarumaarpoq.

§ 32. Kommunalbestyrelsi ataasiartumik aningaasartuutit pisut immikkut ittut siumullu oqaatigereerneqarsinnaanngitsut kingunerisaannik pilersunut matussusernissaanut ikiorsiissutinik tunniussisinnaapput, namminerlu aningaasartuutininik akiliinissaq qinnuteqartup ilaquataasalu siunissami imminnut isumaginissaminnut periarfissaannik malunnartumik ajornassappat.

Imm. 2. Akiitsut akilernissaanut ikiorsiissutit taamaallaat ilaqutariinnut meeqqanik ukiukinnerusunik angerlarsimaffimmiititaqartunut tunniunneqarsinnaapput.

Kommuneqarfik Sermersuumit eqqumiiginarpoq innuttaasunut meeqqanik ukiukinnerusunik angerlarsimaffimmiititaqanngitsunut akiitsunut ikiorsiissutinik tunniussisoqarsinnaannginera Naalakkersuisut tulluurtutut isigimmassuk. Akiitsut akilernissaanut ikiorsiissutinik tunniussinissamut periarfissaqartitsineq innuttaasunuinnaq meeqqanik ukiukinnerusunik angerlarsimaffimmiititaqartunut taamaallat tunngatinneqarpat tamanna kommunini angerlarsimaffeqanngitsuunermut suliasat malunnartumik amerlinissaannik kinguneqassasoq Kommuneqarfik Sermersuumiit ilimagineqarpoq. Angerlarsimaffeqanngitsuuneq inuttut inuuniarnikkullu kisimiilluni alianartuunngilaq, kisiannili innuttaasup suliffissamik anguniagaqarnissaanut tigumminniinnarnissaanullu ajornartorsiutinngortussanik allanik pilersitsinnaavoq. Tamanna taamaasilluni inatsisissatut siunnersuummi siunertarineqartunut akerliulissaaq.

Kommuneqarfik Sermersuumiit tamanna isornartorujussuurtut isumaqartigineqarpoq.

Akissut: Tusaatissatut tiguneqarpoq.

Akiitsunut ikiorsiinissamut periarfissaqartitsineq taamaallaat inigisamut atatillugu, tassalu ineqarnermut akiliutinut, sarfamut, kiassarnermut il.il., akiitsunuinnaq tunngassuteqarpoq. Tamanna nassuiaatini erseqqissaaffigineqassaaq.

Meeqqat inuuniniarnikkut paatsiveerutivinnginnissaat illersuiffiginiarlugu aalajangersagaq ilanngunneqarpoq, tamakkulu angerlarsimaffiup avataanut inissinneqariaannaanerup kinguneranik pilersinnaapput. Tassunga peqatigitillugu aalajangersagaq Meeqqat tapersorsorneqarnissaat pillugu Inatsisartut inatsisaanni nr. 20, 26. juni 2017-imeersumi § 21, imm. 4, nr. 4 malillugu ilaqutariinnut meerartalinnut tapersorsuinissaq pillugu periarfissaq nangitsineruvoq.

Kommuneqarfik Sermersooq tassunga tunngatillugu aamma isumaqarpoq qanoq iliorluni ikiorsiissutit tunniunniissaannut aqutsinissamut tungavissaqannginnera tulluurtuunngitsoq, - akiitsunut ikiorsiissutit arlaleriarluni tunniunneqartartut paasineqaraluarpataluunniit. Aningaasannorlugu tunniussisarnerup atonerlunnissaata pinngitsoortinnissaa siunertaralugu innuttaasup nammineerluni akiitsoqarfinnut, soorlu attartortitsisumut pilersuisumullu, akiliisinnaannginnissaa uppernarsarneqarsinnaappat ikiorsiissutigineqartut aqunnissaannut tunngavissamik ilanngussisoqassasoq kommunimit sakkortunerpaamik inassutigineqassaaq.

Akissut: Ilangunneqanngilaq.

Innuttaasut sapinngisamik imminnut pilersornissaminnut akisussaasuusariaqartut Naalackersuisut isumaqarput. Taamaaliornikkut immiinnut pilersorsinnaalernissamut alloriarnissaq siulleq periarfissaalissaaq. Taamaammat ikiorsiissutinut missingikkanut taarsiullugu ikiorsiissutinik annertussusilerikkannik eqqussisoqarpoq, taakkulu pisortanit ikiorsiissutit pillugit malittarisassat atuuttut atorlugit suliarineqarput.

Iliusissatut pilersaarummut ilaasumik aningaaserivik aqputigalugu akilersuisarnissap pilersinnissaa pillugu isumaqatigiissusiortoqassasoq kaammattuutigineqassaaq, taamaaliornikkut ikiorsiissutinik annertussusilerikkannik tiguisartut immiinnut ikiulernissamut periarfissaqarluarniassammata.

Ikiorsiissutit annertussusilerikkat tiguisussamut tunniuttarnissaat, nammineerlunilu ikiorsiissutinik aqutsinissaa, aallaaviuvoq. Pisuni innuttaasup nammineq aningaasaqarnermik aqutsisinnasimatinnagu nalilersuilluareernikkut periutsimik allamik atuisoqarsinnaanera siunnersuummi § 46-mi periarfissinneqarpoq.

Ilaqutariit meeqqanik ukiukinnerusunik angerlarsimaffimmiititaqartut akiitsunut ikiorsiissutinik tunineqassappata oqartussanut attuumassutilinnut nalunaartoqartarnissaa erseqqinnerusariaqarpoq.

Kommuneqarfik Sermersuumiittaaq kaammattuutigineqassaaq inatsisissatut siunnersuummi § 32-p aamma Meeqqat tapersersorneqarnissaat pillugu Inatsisartut inatsisaanni nr. 20, 26. juni 2017-imeersumi § 21, imm. 4-p akornanni ataqatigiittoqarsinnaanera isummerfigineqassasoq.

Akissut: Ilangunneqanngilaq.

Kommunabestyrelsi meeqqap kialuunniit peqqissuulluni, paaqqutarineqarluni toqqissillunilu peroriartornissaanut nammineerluni ujartuiffiusumillu peqataasarnissamik tamatigut pisussaaffeqarpoq.

Nalunaartussaataaneq pisuni tamani meeqqap tapersersorneqarnissamik pisariaqartitsineranik isumaqarfigineqartuni atuuppoq. Aningaasatigut ikiorneqarnissaaq

*pillugu qinnuteqaat imaanngilaq meeqqanik tapersorsorneqarnissamik
pisariaqartitsisoqarneranut oqariartuutaassasoq.*

§ 33. Kommunalbestyrelsi qinnuteqartup ilaqutaasalu ineqarnikkut atugarisaannut pitsanngoriaataasinnaasumik nuunnissap akilernissaanut ikiorsiissutinik tunniussisinnaapput, matumani qinnuteqartoq imaluunniit taassuma inooqataa aningaasartuutit akilernissaannut periarfissaqanngippata. Nuunnissamat ikiorsiissuteqarnissami kommunip nuuffiusup akuersisimanissaa piumasaqaataavoq.

Kommuneqarfik Sermersuumiit inassutigineqassaaq akuersinissaq pillugu qinnuteqarnermut atatillugu kommunip nuuffiusup saaffiginnissummut akissuteqarnissaanut naammaginarumik piffissaliisoqarsimanissaa ilanngunneqassasoq. Akissuteqarnissamat piffissaliussaq eqqortinneqanngippat akuersineq tunniunneqarsimasutut isigineqassaaq. Tassuuna apeqqutigineqartut akineqanngitsut amerlinissaat pinaveersaartinneqassaaq, tassungalu peqatigitillugu isumaqatigiinngitsoqarsimatillugu suliat Naalakkersuisoqarfimmut sukkanerusumik annguttarnissaat periarfissaalissaaq. Ulluni 14-ini akissuteqarnissamat piffissaliisoqassasoq kommunip siunnersuutigissavaa.

Akissut: Ilanngunneqanngilaq.

Pisortani oqartussat saaffiginnissutinik sivusuallaanngitsumik akissuteqartarnerat ingerlatsinermi pitsaasumik ileqqoqarnissamat malinnippoq. Saaffiginnissutit ullut suliffiusut 10-t imaluunniit 14-it iluanni akineqartarnerat nalinginnaasumik naatsorsuutigineqartarpoq.

Tamanna ilitsersuutinngortussami sukumiinerusumik erseqqissarneqarumaarpoq.

§ 34, imm. 3. Ilisinermut ikiorsiissutit aamma illerfiup angerlaannissaanut ikiorsiissutit tunniunnissaannut aningaasaqarnikkut piumasaqaatit qanoq annertutiginissaat siumut aalajangiiffigineqarsinnaanngippata kommunalbestyrelsi ikiorsiissutinik siumoortumik tunniussisinnaavoq. Tunniussisoqarnerani ikiorsiissutit uterteqqullugit piumasaqartoqarsinnaasoq tigusaqartup ilisimagaa tiguisumit atsiorneqassaaq. Toqusup pigisai naammassillugit naatsorsuiffigineqareerpata kinguneratigut iluarsisoqassaaq.

Kommuneqarfik Sermersuumiit tiguisusaaq tunniussinermi atsiortusaaq kinaassanersoq paasiminaamat tikkuarneqarpoq. Taamaamat tamanna aalajangersakkamat nassuiaatini ilitsersuummiluunniit erseqqissarneqassasoq siunnersuutigineqassaaq; soorlu toqukkut qimaguttumut qanigisaasoq imaluunniit toqusup inaanut isumaginnittoq tiguisuussaannersoq.

Akissut: Ilanngunneqanngilaq.

Toqusup inaa sinnerlugu kikkut qinnuteqarsinnaanersut ilitsersummi takuneqarsinnaassaaq. Tassani inuk eqqartuussiviup qimagaasutut qaninnerpaatut isigisaa imaluunniit ilisinissamut akiliinissamik isumaginnikkusuttoq aallaaviussapput.

§ 35. Kommunalbestyrelsi aningaasartuutit nammineerluni akilernissaat qinnuteqartup ilaqutaasullu siunissami imminnut pilersornissaannut periarfissaat ajornarnerulersissappagit, qanigisaasorlu § 5-imi piumasarineqartunik naammassinnissimassappat, qanigisaasut napparsimaruloornerannut toquneranulluunniit ilisaaneranullu atatillugu angalanermut aningaasartuutit akilernissaannut ikiorsiissutinik tunniussaqaassaaq. Nakorsap allagarsiussaa pillugu kommunalbestyrelsi piunasaqarpat taassuma piniarnissaanut kommunalstyrelsi akiliissaaq. Kalaallit Nunaannut angalanissamut taamaallaat ikiorsiisoqarsinnaavoq.

Kommuneqarfik Sermersuumiit maluginiarneqarpoq kina ikiorsiissutinik tiguisuunersoq § 35-imi paasiuminaatsoq, § 5-imilu piunasaqaatinik naammassinnissanersoq inatsimmi allanneqartuni paasiuminaalluni allassimammat. Tassani qanigisaasut, napparsimasoq toqoreersorluunniit arlaat pineqarpat? Kina tiguisuussanersoq inullu angalanissamut ikiorsiissutinik tigusaqartoq innuttaanersoq pisortanit ikiorsiissutinik massakut pisinnaatitaanersoq erseqqissarneqassasoq kommunimit inassutigineqarpoq."

Akissut: Ilaannakortumik ilanngunneqarpoq.

Qanigisaasut siunnersuummi § 5-imi piumasarineqartunik naammassinnittarnissaannut piunasaqaat siunnersuummit peerneqarpoq. Qinneqartoq taannaavoq piunasaqaatinik naammassinnittartussaaq.

§ 36. Kommunalbestyrelsi qinnuteqartup angerlarsimaffigisatut kommunimiittoq nunani allani inuiattut innuttaassusillit angerlamut angalanissaannut aningaasartuutit akilernissaannut ikiorsiissutinik tunniussisinnaavoq.

Imm. 2 Ikiorsiinissami piumasarineqarpoq:

- 1) qinnuteqartoq Kalaallit Nunaanni inatsisitigut akuerineqarluni najugaqartuussasoq, aamma
- 2) qinnuteqartoq taassumaluunniit inooqataa angalanermut aningaasartuutit akilernissaannut namminneerlutik aningaasaqarnikkut periarfissaqarsimannginnissaat.

Kommuneqarfik Sermersuumiit pisut siumut takorloorneqarsinnaanngitsut, soorlu napparsimavinni uninnganerit, matumani pineqarnerat ilanngunneqassasoq siunnersuutigineqassaaq.

Akissut: Ilaannakortumik ilanngunneqarpoq.

Ikiorsiissutinik annertussusileriikkanik pisariaqartitsinermi pisut siumut takorloorneqarsinnaanngitsut imaluunniit tassanngaannartumik pisut tunngavigineqassasut ataatsimut piunasaqaataanerat ilanngunneqarpoq.

§ 39. Meeqqamut 15-it inorlugit ukiulimmut qanigisaasut sivilunerusumik napparsimaneq pissutigalugu napparsimavimmi uninngasut ukununga aalajangersakkat malillugit pisortanit ikiorsiissutinik pisinnaatitaapput:

- 1) kapitali 6 naapertorlugu ikiorsiissiissutit annertussusileriikkat,
- 2) § 31 naapertorlugu tassanngaannartumik ataasiartumik ikiorsiissutit,
- 3) § 32 naapertorlugu ataasiaannartumik aningaasartuutit,
- 4) § 33 naapertorlugu nuunnermut ikiorsiissutit,
- 5) § 34 naapertorlugu ilisinermut aningaasartuutit, aamma
- 6) § 35 naapertorlugu qanigisaasut napparsimaruloorneranni, toqukkut qimagunneranni ilisaaneranniluunniit.

Imm. 2. Nappaat najugaqarneq tunngavilersornagu kommunalbestyrelsimut nalunaarutigineqassaaq, nakorsallu allagarsiussaaticup uppersarsaqquneqarsinnaalluni. Meeqqap angerlartinnissaa tikillugu iliuusissatut pilersaarummik suliaqartoqassanngilaq. Qanigisaasoq iliuusissatut pilersaarummi aalajangerneqartutut suliniutit ingerlannissaannut kiisalu takkunnissamut nammineerlunilu peqataanissamut pisussaaffeerutissaaq. § 10, imm. 1 naapertorlugu suliffeqanngitsuunissamut aammalu sapaatip akunneranut ikinnerpaamik 20 tiimini pisarneq malillugu sulisinnaannginnermut piumasaqaat aalajangersakkami uani atorneqanngilaq.

Kommuneqarfik Sermersuumiit siunnersuutigineqassaaq § 39 taamaallaat qanigisaasumut meeqqamut napparsimavimmi uninngasumut uninngaqataasumut aalajangersakkap atuunnissaa aalajangersakkami immikkut erseqqissaaffigineqassasoq.

Akissut: Ilaannakuusumik ilanngunneqarpoq.

Aalajangersakkami angajoqqaat ulluinnarni meeqqamut isumassuisussat meeqqap isumassorneqarnissaanik ukkataqarnissaannut periarfissinnissaat siunertaavoq. Taakkulu sapaatip akunneranut sivikinnerpaamik 20 tiimini sulisinnaannginnermut piumasaqaatinik naammassinninngikkaluarlutik aammalu kommunalbestyrelsimut piareersimasussaataanngikkaluarlutik ikiorsiissutinik annertussusileriikkanik tigusinissamut periarfissaqalissapput.

Kommuneqarfik Sermersuumiit maluginiarneqarpoq § 39, imm. 2-mi § 10, imm. 1-imut innersuussisoqarsimasoq, tassanilu § 8, imm. 1-imut innersuussuteqartoqartussaagaluarpoq.

Akissut: Ilanngunneqarpoq.

§ 43. Kommunalebestyrelsi ikiorsiissutinik qinnuteqartumiit imaluunniit tunineqartartumiit akuersissuteqartoqareerneraticup pisortanit ikiorsiissutit pillugit suliat suliarinissaannut pineqartoq pillugu paasissutissanik pisariaqartinneqartunik pisortani oqartussat allat tunniussinissaannik piumasaqarsinnaavoq. Tamanna aamma ilinniartoqarfinnut,

napparsimavinnut, nakorsanut, tarnip pissusaanik ilisimasalinnut, peqqinnissaqarfimmi sulisunut akuerisaasunut allanut aammalu taakku sinnerlugit akisussaasunut, aningaaserivinnut, sulisitsisunut namminersortunullu pisortat sinnerlugit suliaqartunut atuuppoq. Tamatumani aamma inuup namminerpiaq atugarisaanut paasissutissat paasissutissallu isertuussassat allat pineqarput, soorluttaarlu oqartussaq nakorsap journaliinik, napparsimavimmi journalinik imaluunniit taakkua assilinerinik piniarsinnaassasoq.

Imm. 2. Kommunalbestyrelsi akuersissummik piniaqqaarnani suliap ataatsip suliarinissaanut atugassanik imaluunniit ataatsimut nakkutiginninnissamut atugassanik inuup taassumalu inooqataata qinnuteqartut ikiornrneqartulluunniit aningaasaqarnikkut atugarisaat feeriarnissaanullu atugarisaat pillugit paasissutissanik pisortani oqartussaasunit allaneersunik piunasaqarsinnaavoq. Paasissutissat taamaattut inoqutigiinniittunut allanut tunngasut piniarneqarsinnaassapput.

Imm. 3. Kommunalbestyrelsi innuttaasumit akuersissummik piniaqqaarnani pisortanit ikiorsiissutit pillugit suliat nakkutiginnissaannut atugassanik aningaaserivinniit sulisitsisuniillu paasissutissanik pisariaqartinneqartunik aningaasaqarnikkut atugarisanut tunngasunik piunasaqarsinnaavoq.

Imm. 4. Qinnuteqartoq imm. 1 naapertorlugu kommunalbestyrelsip paasissutissanik piniarnissaanut akuersinggippat suliaq paasissutissat pigineqartut tunngavigalugit suliarineqassaaq, imm. 2 naapertorlugu paasissutissat akuersissummik piniaqqaarnani pissarsiarineqarsinnaasimangippata.

Kommuneqarfik Sermersuumiit akuersinertaqanngitsumik suliap ataatsip suliarinerani paasissutissanik piniartoqartarnissaanut § 43, imm. 2-mi inatsisitigut tunngavissamik ilanngussusisoqarmat pitsaasutut isigineqarpoq. Tamanna sulianik suliarinnittarnermik oqinnerulersitsissaaq, uppernarsaatissallu eqqortut piniartarnissaannut iluaqutaassalluni.

Taamaakkaluartoq Kommuneqarfik Sermersuumiit malugeqquneqarpoq § 43 pisariaqanngitsumik uteqqiiffiusarsimammat, tamannalu inatsimmi allassimasunik pisariaqanngitsumik ajornarnerulersitsivoq. § 43, imm. 2-mi assersuutigalugu nassuiarneqarpoq suliap ataasiinnaap suliarinissaanut akuersissuteqaqqaarnani paasissutissanik aatsaat piniartoqarsinnaasoq, kisiannili suliat suliarineqartut suliaammata suliarineqarluartussaasut aningaaserivinniit sulisitsisuniillu aammalu namminersortunit pisortanut sullissusunit akuersissuteqaqqaarnani paasissutissanik piniartarnissaq imm. 1-imi taassallugu pisariaaruttussaavoq.

Akissut: Ilanngunneqanngilaq.

Aalajangersakkat tamarmik pissutsinut immikkorluinnaq ittunut attuumassuteqartarput, taamaammallu pisariaqartutut isigineqarlutik.

Imm. 2 taamaallaat atorreqassaaq imm. 1 malillugu akuersissuteqarnikkut angusassaq taanna anguneqarsinnaassanngippat.

§ 43-mi peqqissutsimut paasissutissat akuersissummik piniappaarnani piniarneqarsinnaanngillat.

Kommunimiit erseqqissarneqassaaq sulisinnaassutsip naliliiffiginiarnerani peqqissutsimut paasissutissat piniartarnissaat pisariaqartoq.

Akissut: Tusaatissatut tiguneqarpoq.

Peqqissutsimut paasissutissat akuersinikkut aatsaat piniarneqarsinnaapput. Paasissutissat pissarsiarineqarsinnaassanngippata paasissutissat pigineqartut tunngavigalugit aalajangiisoqartariaqarpoq.

Innuttaasut tamarmik sapaatip akunneranut sivikinnerpaamik 20 tiimi sulisinaanissaat, taamaasillutillu sulilernissamut piareeqqanissaat aallaaviusussaavoq. Innuttaasoq sulilernissamut piareeqqappat suliffissarsiornermut ikiorsiissutit pillugit siunnersuut malillugu ikiorsiissutinik tunniussisoqassaaq. Taamaalisoqarnerani pisortanit ikiorsiissutit pillugit siunnersuut malillugu ikiorsiissutinut qinnuteqartoqarsinnaanngilaq.

Massakkut sulisinnaassuseq aammalu uppernarsaatissat allat innuttaasup sulilernissamut piareeqqasutut naliliffiginissaanut tigussaasumik nalilersuisoqartuartaassaavoq.

§ 46. Inatsisartut Inatsisaat manna malillugu ikiorsiissutit annertussusileriikkat qaammatip naalernerani qaammatit tamaasa kingumut tunniunneqartarput. Ikiorsiissutit annertussusileriikkat aningaasarivimmuut nuunneqassapput, taamaattoq imm. 3 takuuk.

Imm. 2. Kommunalbestyrelsi immikkut pisoqarsimatillugu qaammammumut ataasiartumik tunniussisarnerit avataatigut tunniussisoqartarnera pillugu aalajangiisinnaavoq.

Imm. 3. Kommunalbestyrelsi immikkut pisut pisariaqartissimappassuk ikiorsiissutit annertussusileriikkat nerisassarsiuutissatut, akiligassanik sulialimmuut toqqaanartutut aningaasanngorluguluunniit tunniunnissaannut aalajangiisinnaavoq.

Imm. 4. Kommunalbestyrelsi pisariaqartitsineq malilugu ikiorsiissutit tunniunnissaat pillugu aalajangiisinnaavoq, soorlu immikkut pisut pisariaqartissimappassuk ikiorsiissutit nerisassarsiuutissatut, akiligassanik sulialimmuut toqqaannartutut aningaasanngorlugilluunniit tunniunneqassanersut.

Imm. 5. §§ 32 aamma 36 malillugit angerlamut angalanissamut angalanermut aningaasartuutitut pisariaqartitsineq malillugu ikiorsiissutit Kalaallit Nunaanni angalatitsivimmuut tunniunneqarsinnaapput, taassumalu angerlamut angalanissamut ilaassutissap inniminnerneqarnissaa isumagissavaa.

Kommuneqarfik Sermersuumiit akiligassiisumut toqqaannartumik tunniussisoqarsinnaaneranut inatsisitigut tunngavissaq qulakkeerneqarsimammatt pitsaasutut

isigineqarpoq, taamaaliornikkut kommunalbestyrelsip ikiorsiissutit siunertarineqartumut tunniuttarnissaat qulakkeeneqassamat. Taamaakkaluartoq pisariaqartitsineq malillugu ikiorsiissutit nerisassatut aningaasannorgorlugilluunniit akiligassiisumut toqqaannartumik tunniunneqartarnissaannut tunngavissamik taamaattumik ilanngussisoqarniarmat Kommuneqarfit Sermersuumiit pisariaqartutut isigineqarpoq, matumani pisut immikkorluinnaq ittut pisariaqartissimappassuk. Pingaartumik pisariaqartitsineq malillugu ikiorsiissutinut inatsimmi sullitassat ikiorsiissutinik aqutsinissaminnut ikiorneqarnissamik pisariaqartitsissasut Kommuneqarfik Sermersooq isumaqarpoq, taamatullu ikiorsiineq angerlarsimannigitsuunerup, atornerluisuunerup meeqqallu pissakilliornerisa pinaveersaartinnissaannut iluaqutaajumaartoq isumaqarluni.

Kommuneqarfik Sermersuumiit siunnersuutigineqassaaq § 46, imm. 3 aamma § 46, imm. 4 paarlaanneqassasut, taamaasilluni imm. 3 imm. 4-raalerluni aammalu imm. 4 imm. 3-iulerluni.

Akissut: Ilaannakortumik ilanngunneqarpoq.

Aalajangersakkami imm. 4 pisariaqartitsineq malillugu ikiorsiissutit akiligassiisumut toqqaannartumik tunniuttarnissaannut tunngavissiivoq. Tamanna imm. 2 aamma 3 naapertorlugit tunniussinissamut innersuussisarnissami erseqqinnerulissaaq.

Kommuneqarfik Sermersuumiit maluginiarneqarpoq § 46, imm. 5-imi § 32-imut innersuussuteqartoqartoq, tassani § 7-imut innersuussuteqartussaagalarpoq.

§ 50. Katissimanermut inatsisit imaluunniit meeqqat inatsisitigut inissisimanerannut inatsit malillugit inuk inummut pisortanit ikiorsiissutinik tiguisartumut akilersuinissamik pisussaaffilerneqarsimappat akilersuisussaataasumut aningaasat ikiorsiissutaasut assigisaannik akilersuisussaataasumut pisortat piumasaqarsinnaassaapput, § 4, imm. 3 malillugu pilersuisussaataaneq unissimagaluarpalluunniit.

Kommuneqarfik Sermersuumiit § 50 paasiminaatsumik oqaasertalerneqarsimanera tikkuarneqarpoq, tamannalu inatsimmik atuinermi kukkusoqarnissaanik qaninnerulersitsivoq.

Akissut: Tusaatissatut tiguneqarpoq.

Oqaasertaliineq imarisanut tunngatillugu aalajangersimasuuvoq. Aalajangersakkamik atuisarneq ilitsersuutinngortussami sukumiinerusumik nassuiarneqarumaarpoq.

Naggasiutigalugu kukkunerisuisarnermi iluamik atuartoqartassasoq kommunimiit ataatsimut inassutigineqassaaq, tassami ataatsimut isigissagaanni oqaatsitigut arlalinni kukkuneqartoq aammalu oqaaseqatigiinnik paasiuminaatsunik nassaasaqartoq maluginiarneqarsimavoq, tamannalu allanneqartut ilaannikkut atuaruminaannerannik kinguneqartarmat.

Naggasiutigalugu allanneqartuni arlalinni taaguisoqartarsimavoq kisitsisinik taarserlugit takutinneqarsinnaasunik.

Akissut: Tusaatissatut tiguneqarpoq.

Siunnersuut Naalackersuisuni Inatsisartunilu suliarineqartussanngorlugu nassiutinnginnerani kukkunerioqqissaarneqarlunilu naleqqussarneqarumaarpoq.